

Аҳмад Лутфий

САОДАТ АСРИ ҚИССАЛАРИ

Ойдинликлар сари

2-китоб

БУЮК МҮЖИЗА

Макка ахли орасида мишиш тарқатилди: гўё Расулуллоҳ Куръонни ўзлари ўйлаб чиқарган эмишлар, сўнгра Оллоҳ каломи деб одамларни йўлдан оздираётган эмишлар.

Бу ғирт тухмат эди. У кишининг ёлғон гапирмаётганларини мушриклар жуда яхши билишарди. Болаликларидан ҳамманинг кўзи ўнгидаги тўғрисўз, дуруст бир инсон бўлиб ўсан Расулуллоҳнинг ўта андишали эканликларини кўп бор синашган эди. Куръон уйдирма бўлса, ўша заҳоти иссиғида бу ишнинг тагига етиш мумкин эди. Чунончи, Оллоҳ таоло навбатдаги бир оятни тушириб бу масалани буткул ойдинлаштириди:

«Айтинг (Эй Муҳаммад): «Қасамки, агар бор инсу жин мана шу Куръоннинг ўхшашини келтириш йўлида бирлашиб, бир-бирларига ёрдамчи бўлсаларда, унинг ўхшашини келтира олмаслар» (Ал-Исрӯ сураси, 88.).

Набийи акрам (с.а.в.) инсонларга етказган илоҳий, муқаддас бир китоб бўлмиш Куръонни «уйдирма, инсон каломи» деганларга ҳақ ва адолат билан фурсат берилди. Унга ўхшаш бир каломни айтишнинг уддасидан чиқсалар, тамом, шу билан Муҳаммаднинг даъвоси ниҳоясига етар, мағлубиятга учрар эди.

«Оллоҳ каломидир», дея тақдим этилаётган Куръон араб тилида, мушриклар эса, арабчанинг энг мукаммал жиҳатларини ҳам чуқур биладиган, адабиётга зўр ҳавас билан қарайдиган қавмлардан эдилар. Шеър ўқишар, ўқигандаги ҳам жуда мукаммал, турганни югуртирадиган, юрганни тўхтатадиган, жанжал чиқаришга ёки жанжални тўхтатишга қодир шеърларни ўқир, ҳам наср йўлида, ҳам назм йўлида истаган адабий ифодани танқид қила олишар эди. Уларнинг орасида Дамашқдан то Ямангача донги кетган шоирлар бор эди. Уларга бир неча оғиз ширин сўз ва мақтов айтилса ёки бир нечта қизил тую ваъда қилинса, кифоя, бу улкан муаммо тез ҳал бўлардикўяди.

Абу Жаҳлга хушхабар жўнатилди. Агар Куръоннинг каломига ўхшаш бир сўз ё бир хитоб айтилса, бу масалага барҳам берилади, дейилди. Аммо бу хушхабар уни хурсанд қилиш ўрнига дамини ичига юттириди. Абу Суфён ҳам жим бўлиб қолди. Ахнас ибн Шариқ ҳам бош эгди. «Мен сизларга Муҳаммад ҳикоя қилаётган афсоналардан ҳам қизикроқ масаллар айтиб беришим мумкин», деган Надр ибн Ҳорис ҳам гўёки оғзига талқон солди.

«Инсу жинлар бирлашиб, бир-бирларига ёрдамчи бўлсалар ҳам, бу Куръонга ўхшаш каломни келтира олмаслар», дейилибдими, ажабо?! Ўхў, шуям иш бўптими, қани, кўрайликчи», дея енг шимариб, Куръондан ҳам гўзал насрий ё назмий асарни ўртага қўйган кишига ким нима ҳам дея олар эди?

Аммо бунга ҳеч ким журъат қилмади. Тоғни ўрнидан қўзғатиш, уммонларни сузуб ўтиш балки мумкиндири, аммо бу илоҳий каломга ўхшашини яратиш кимсанинг қўлидан келмасди.

Шу тариқа бундай мусобақага чорлов жавобсиз қолди. «Мана, Куръонга тенг келадиган

каломни мен баён этаман!» дейдиган бир мард топилмади.

Бу орада Фил сураси туширилди:

«(Эй Мұхаммад,) Парвардигорингиз фил әгаларини қандай (ҳалок) қилганини күрмадингизми? У зот уларнинг (Каъбатуллоҳни вайрон қилиш учун қўллаган барча) ҳийланайрангларини барбод қилмадими? У зот уларнинг устига сополдан бўлган тошларни отадиган тўптўп қушларни юбориб, уларни (қуртқумурсқалар томонидан) чайнаб ташланган сомон каби (илматешик) қилиб юборди!»

Бу оятларни эшитганларнинг хаёлида бундан қирқ еттиқирқ саккиз йил муқаддам бўлиб ўтган фожиали воқеа қайта жонлангандай бўлди. Олтмиш минг кишилик жуда катта бир кўшиннинг бир неча дақиқадаёқ осмондан ёмғирдек ёққан майда тошлар билан маҳв этилиши, олдиларига солиб ҳайдаб келган филнинг Каъба томонга юришдан чекиниши ва шунга ўхшаш гаройиб ҳодисалар...

Кубас ибн Ашайам ўша замонга оид хотирасини бундай баён этган эди:

«Онам мени орқасига опичиб олди. Абраха лашкари ер билан яксон бўлган жойга бордик. Филнинг сасиб кетган кўқимтири жасади мени шу қадар қўрқувга солдики, ўшанда биз кўрган манзарани эсласам, ҳанузгача кўз олдимдан кетмайди».

Расууллоҳдан аччиқ бир мағлубиятга учраган мушриклар бунинг аламини қандай олиш ҳақида тинимсиз бош қотирдилар.

— Ибн Абу Кабша умр бўйи уринсак ҳам қўлимиздан келмайдиган бир ишга таклиф этиб, бизни шарманда-ю шармисор қилди. Энди биз ҳам унга қиёмат кунигача уриниб уддасидан чиқа олмайдиган бир ишни таклиф этайлик, шундагина уни мағлуб этамиз, — деган фикр ўртага ташланди. Ўша заҳоти турлитуман мулоҳазалар ёғила бошлади.

— Шошманглар, биродарлар. У шундай бир иш бўлиши керакки, ундан мушкулроқ бир ишни топиш мумкин бўлмасин. Ўрнига мана бундай қилсак бўларкан, дейилмасин.

Бу ҳам тўғри фикр эди. Бошлар эгилди. Зехнлар буткул шу муаммо билан банд бўлди.

— Дараҳтни юргизсин...

— Сувни тескари томонга оқизсин...

Лекин бу таклифлар маъқул кўрилмади. Ниҳоят, Абу Жаҳл фикр билдириди:

— Ойни иккига бўлсин: бир бўлаги бир тепаликнинг, иккинчи бўлаги бошқа тепаликнинг устида чараклаб турсин, сўнгра яна бирлаштириб, асл ҳолига қайтарсин, деди.

Бу гап ҳаммага маъқул бўлди, юзларда табассум балқди. Ҳеч ким бундан зўрроқ таклифни кирита олмас эди. Кўкда чараклаб турган, етишиш мумкин бўлмаган ойга ким ҳам хукмини ўтказа олади? Бу ҳатто тасаввур қилиб бўлмайдиган бир иш эди. Валид Абу Жаҳлга миннатдорона боқди:

— Офарин, ё Амр, ҳеч ким бундан мушкул, бундан қийинроқ бир ишни ўйлаб топа олмас эди, — деди.

— Бугунданоқ Ибн Абу Кабшанинг мағлубиятини кўриб тургандайман, — деди Умайя.

Утба эса:

— Агар бу сафар ҳам бизни мағлуб этса... — деяётган эди, Валид унинг сўзини бўлди:

— Йўғэ, эй Утба, бу сафар унинг мағлуб бўлишига ишонавер, — деди.

Сўнгра нигоҳларини Абу Жаҳлга қадади:

— Оббо чўчқаей! — деди, кейин бошқаларга қараб давом этди: — Нақадар муғамбир одам эканини билсангиз эди.

Абу Жаҳл бу илтифотдан мамнун бўлиб кетди:

— Раҳмат сенга, амакижон, — деди.

Абу Лаҳаб ҳам Абу Жаҳлни қутлади:

— Унинг бемаъни, беҳуда дъявоси мана энди барбодбўладиган бўлди. Ва сен ҳошимийларга иснод келтирган бу пайғамбарлик сафсатасига барҳам берасан. Мен бошлиқ

барча хошимийлар бунинг учун сендан жуда миннатдор бўламиз, эй Амр! — деди.

Бу мажлис Маккадан саккиз чақиримча наридаги Мино деган жойда ўтказилди. Рисолат тахтининг охирги ва энг улуғ султони жаноби пайғамбаримиз ҳам ўша куни Минода эдилар.

У зотни ўzlари тўпланган жойга таклиф этишлари қолди, холос. Хабар жўнатилди, кўришмоқчи бўлганлари билдирилди.

Оллоҳнинг севиклиси (с.а.в.) таклифни қабул қилиб, уларнинг ёнига келдилар.

— Бизга пайғамбарлигинга доир очиқравшан далил керак, — дейишди.

— Нима хоҳлайсизлар?

— Ойни иккига бўл, деди Абу Жаҳл. Бир парчаси Абу Кубайс (Сафо) тепалиги, иккинчи бўллаги Қайқаон тепалиги устига келсин. Буни ҳамма кўрганидан сўнг бу икки парча яна бирбирига ёпишсин. Агар ҳақиқатан пайғамбар бўлсанг, шуни қиласан, эплай олмасанг, ҳикоянг бу ерда тугайди.

Набийи акрам (с.а.в.):

—Майли, — дедилар.

—Оллоҳ таоло сизлар айтаётган ишни рўёбга чиқарса, нима бўлади? Менинг ҳақиқатан пайғамбар эканимга ишонасизларми?

— Албатта, — деди Амр ибн Хишом.

— Бўлмасам, парвардигоримдан шундай бўлишини тилайман.

Абу Жаҳл кўшиб қўйди: Шарти бор, бу таклифимиз бугун кечаси амалга ошиши керак, бошқа кун эмас...

Йиғилиш тугади. Расулуллоҳ бу ердан кетганларидан кейин Уқба ибн Абу Муойт андишаланди:

—Биз талаб қилган мўъжизани агар кўрсатса, имон келтирамиз, деб сўз бердинга, эй Амр!

—Агар ойни иккига бўлса, ҳақиқатан унга пайғамбар деб ишонамизми? — дея Умайя ҳам тараддудини изхор этди.

—Ҳеч қачон, ҳеч қачон! У биз талаб қилган нарсани бажара олмай адойи тамом бўлади ва бу масала шу ерда ёпилади! — деб Абу Жаҳл ер тепинди ва сўзида давом этди: — Мино тупроқлари абадийян ғалабамизнинг куйини ижро этгай. Биз унинг пайғамбарлигига асло ишонмаймиз!

Ҳар икки тарафни ҳам сабрсизлик, ҳаяжон қоплади. Мўмиилар Расулуллоҳга қилинган бу таклифни эшитгач, Оллоҳга сифина ва илтижо кила бошладилар:

—Оллоҳим, севикли пайғамбаримизга ёрдам бер!..

Ҳар бир нафасда шу дуо, ҳар одимда шу илтижо такрорланарди гўё. Тиллар сўзламас, дудоқлар қимирламас, қалблар риёдан йироқ бир самимият ва ҳаяжонга йўғрилган бу илтижоларни тилга чиқармай турибоқ Роббул Оламийнга — юраклардаги жамики сиру асрордан хабардор Буюк Мавлога ҳавола этар эди.

Мушриклар байрамона кайфиятда. Бошлари ҳар вактдагидан ҳам тик ва мағур. Бир неча соат кейин қозонилажак буюк ғалабани ҳозирданоқ нишонлашаётган эди. Уларнинг назарида, тунда охирги ва оғир зарба берилиб, Ибн Абу Кабшанинг ҳам, унинг йўлига кирганларнинг ҳам ҳисоб дафтарлари шу кеча ёпилгуси эди.

Мушриклар бир-бирларини табриклишарди:

— Бу гал Амр ибн Хишом жон жойидан ушлади лекин!..

— Бурчакка шундай сиқиб қўйдики, энди қўлдан қутулолмаслиги аниқ!..

Ва ҳоказо гапсўзлар...

* * *

Шошқалоқлик нималигишг билмайдиган қуёш ҳар кунгидай ўз вақтида ботди. Кунғирашира қорая бошлаганида шарқдан ҳафиғ бир ойдинлик пайдо бўлди, сал ўтмай эндиэнди ўн тўрт кунни ошатган ой астасекин кўрина бошлади.

Одамларнинг қалбини сўнгсиз ҳаяжон қамраб олган, бу ҳаяжон тобора шиддатланиб борар эди. Нафас олишлар қийинлашди, юраклар бўғизларга тиқилгудай бўлди.

—Мана, ой ҳам туғди.

—Туғиш ҳам гапми, одам баравар баландлади.

—Қараб тур, ҳозир қавмдошинг қўлига бир қилич оладида, ойни ўртасидан бўлиб ташлайди.

—Сўнгра иккала бўлагини икки томонга тепиб юборади. Қарабсанки, бири бу тарафга, иккинчиси анави томонга қараб думалайди. Сўнгра бир ҳуштак чалиб, келинглар, арслонларим, деса, яна чопқиллаб келишади...

Кесатиклар кетидан қаҳқаҳалар...

Абу Жаҳл, Абу Суфён, Абу Лаҳаб, Валид, Надр каби ашаддий кофирлар бир жойда туришолмас, у ёқданбу ёққа бориб келишар, атрофдаги гапсўзларга пинҳона қулоқ тутишар эди.

Кўкда битта ҳам булут парчаси кўринмайди. Қуёш ботиши билан юлдузлар биринсирин кўрина бошлаб, беҳисоб даражага етди. Гўёки улар ҳам имон билан қуфр ўртасидаги бу курашни томоша қилишга чиққандай эди.

Ой ҳар доимгидай сокин. Бир оздан сўнг устида қилинажак мислсиз беллашувдан бехабар. Мухташам, аммо ёрқин сиймоси билан дунёни зимистон қоронғилигидан кутқараётганидан бахтиёр. Неча мингминг йиллардан буён Оллоҳнинг амрига бўйинсуниб, яхшиёмон милёнлаб инсонга замон ўтаётганидан дарак бериб келар, баъзан нозик бир ҳилол, баъзан юмалоқ баркаш шаклида кўриниб, қуёш ботгач зимистон қоронғуликка мубтало бўлган кишиларга йўл кўрсатар эди.

Илк инсон яратилганидан буён давом этаётган имон ва қуфр мужодаласини, юлдузлар каби у ҳам кўқдан томоша қилиб келган, исёнчи, зулмкор, ҳақсиз, инсонийлик чегарасидан ошиб, буюк Оллоҳга қарши гумроҳлик қилган кўплаб қавмларнинг ер билан яксон этилишига шоҳид бўлган эди. Сувга чўқтирилди, тўфонда ҳалок қилинди, шиддатли зилзилалар вужудга келтирилиб, ерга юттирилди — буларнинг хаммасини кўрди. У қавмларнинг хар бири пайғамбарларидан мўъжиза кўрсатишни талаб этган, шунда ҳам ишонмаган, оқибатда бошларига балони сотиб олган эдилар.

Аммо... ойни иккига бўлишни талаб қилиш ўтган умматлардан ҳеч бирининг хаёлига ҳам келмаган эди.

* * *

Расулуллоҳ (с.а.в.) Роббул Оламийннинг чексиз раҳмат ва марҳаматига, бенихоя карам ва эҳсонига суюн

дилар. Сўнгра мислсиз бир итоатгўйлик ила натижани кута бошладилар. Ўзларини пайғамбар қилиб жўнатган буюк Оллоҳ, албатта, ёрдамсиз қолдирмайди; албатта, мушриклар олдида суюкли расулини уялтириб қўймайди.

Атрофда анчамунча чоратадбирлар кўриб қўйилган, мушриклар ғалаба қозонгандарига юз фоиз ишониб қолган эдилар. Гўё бир оздан сўнг Мухаммад ибн Абдуллоҳ «Мен таслим бўлдим, пайғамбарлик даъвоимдан воз кечдим», дейдию улар мусулмонларга қарши ҳаракатга ўтишади, уларга аччиқ сабоқ беришади...

Бу орада ой анчагина юксалиб қолди. Шу вақт... кўриб турган кўзлар ҳам ишонмайдиган ҳодиса рўй берди: ой ҳақиқатан иккига бўлинди. Орасига пичоқ кирадиган даражада ёриқ пайдо бўлди. Абу Жаҳл шошиб қолди:

—Надр!.. Надр!.. — дея бақирди.

—Нима дейсан, Худо ургур!

—Кўряисанми шуни?

Надр жони азоб ичиди, зўрға жавоб берди:

— Кўр эмасман, кўриб турибман.

Қайтақайта тикилиб, ҳеч ишонгилари келмайди. Ойнинг икки парчаси борган сайин бир-биридан узоқлашаётганинг гувоҳи бўлдилар. Энди инкор этишнинг ҳеч иложи йўқ эди. Мушрикларнинг юраклари қинидан чиқиб кетганидан нима қилишларини билмай қолишиди.

Нихоят, ойнинг бир парчаси Абу Қубайс, иккинчи парчаси қарши томондаги Қайқаон тепаликларининг устига бориб турди. Шунда Пайғамбар алайҳиссалом ёnlари дагиларга:

— Шоҳид бўлинглар, — дедилар. Кейин икки кишига алоҳида хитоб қилдилар: — Эй Абу Салама ибн Абул Асад, эй Арқам ибн Абул Арқам, шоҳид бўлинглар!

Кейин ойнинг икки парчаси бир-бирига яқинлаша бошлади. Нихоят, бир одимлик, бир қаричлик масофа қолди. Орасига зўрға бир пичноқ сиғадиган даражада ёриқ хиёл миқдор турди, сўнг у ҳам йўқ бўлди.

Ой бир муддат бемисл жанг майдонига айланган, энди асл ҳолига қайтиб, яна аввалгидаи сокинлик ва салобат касб этган эди.

Расулуллоҳ (с.а.в.) уларга ваъдаларини эслатиб, имон келтиришни таклиф қилдилар, бирок фойдаси бўлмади.

* * *

Зўр бир ғалабани кутган эдилар, узилкесил мағлубиятга учрадилар, бу ҳол мушрикларни саросимага солиб кўйди. Саросимадан биринчи бўлиб Абу Жаҳл кутулгандай бўлди:

— Мухаммаднинг сеҳрини кўрдинглар, мукаммал сеҳр қилди, бу енгиб бўлмайдиган сеҳрdir!.. — У овози борича бақирар, шаллақилиқдан бошқа йўл тутишнинг иложи қолмаган эди унга. — Ой ёрилди деган гап беҳуда, у кўзларингизни бўяди, сеҳрлаб кўйди, бўлмаган ишни бўлгандай қилиб кўрсатди.

Натижа қандай бўларкан, дея таҳликада турган мўминлар ҳам рўй берган ҳодисадан дабдуруст ўзларига келолмадилар. Ҳеч ким: «Сен имон келтираман деб сўз берган эдинг, дарров имон келтир, аксинча...» дейдиган ҳолда эмасди.

Абу Жаҳл пайғамбаримизнинг қаршиларига чиқиб:

— Сен зўр сеҳргар экансан. Фавқулодда сеҳр қилдинг. Кўзларимизни боғладинг. Бўлмаган нарсани бўлгандек кўрсатдинг. Лот ва Уззога минг бора қасам ичаманки, дунёда сендан ҳам зўрроқ кўзбўямачи йўқ. Аммо бир кечакун ўтсин, бизни лаққилатганинг ва ёлғончилигинг ўшанда фош бўлади. Бизни сеҳрлагандирсан, лекин олисдагиларнинг кўзларини бўяй олмайсан. Шаҳар таш қарисидан келадиган одамлардан суриштирамиз, сиринг очилади кўяди.

* * *

Нихоят бир карvon келди. Ҳолаҳвол сўрашилгач, ойнинг ёрилгани ҳақида гап очилди. Абу Жаҳл:

— Муҳаммад ибн Абдуллоҳ бизнинг кўзларимизни шамғалат қилди, шунинг учун сизларни пойлаб турган эдик. Йўлда бирон антиқа ҳодисани кўрган-кўрмаганларингизни билмоқчимиз, — деди.

Сўрашга сўрадилару... сўраганларига пушаймон бўлдилар. Чунки карвондагилар ҳам йўлда худда шундай бир ҳодисанинг шоҳиди бўлган эдилар. Бирлари олиб бирлари кўйиб ойнинг иккига бўлингани воқеасини бутун тафсилоти билан ҳикоя қилиб бердилар. Абу Жаҳлни гўё пичноқсиз сўйдилар. У шўрлик руҳан эзилди, паришон бўлди. Бир тоғни бир жойдан иккинчи жойга кўчирса ҳам, бунчалик ҳолдан тоймас эди балки. У бошқача жавобни кутган, мусофирилар у ҳодисани кўрмадик

десалар, бориб Расулуллоҳни армони чиққунча сўқмоқчи эди. Ночорноилож:

— Бир сеҳр бу, мислсиз сеҳрдан бўлак нарса эмас! — дейишдан нарига ўтолмади.

* * *

Бу орада фаришта Жаброил Расулуллоҳга (с.а.в.) Жаноби Ҳақнинг саломини келтириди, ушбу ҳодисаларга алоқадор қуйидаги оятларни у зотнинг қалбларига муҳрлади:

«(Киёмат) соати яқинлашиб қолди ва ой ҳам иккига бўлинди. У (мушрик)лар бир мўъжиза кўрсалар, ундан юз ўгирадилар ва: «Бу ҳар доимги сехр-ку!» дейдилар. Улар (пайғамбарни) ёлғончи қилдилар ва ҳавоий нафсларига эргашдилар. Ҳар бир иш жойини топгусидир (яъни, гарчи коғирлар юз ўгирсаларда, бу ҳақ дин ер юзида қарор топади). Ҳолбуки, уларга (илгари ўтган коғирларнинг) хабарларидан иборат бир нарса — етуқ ҳикмат келдики, унда (куфру залолатдан) тийилиш (лозим эканини уқтирувчи иборатлар) бор эди. (Лекин улар ўзларининг куфрларидан тийилмадилар). Бас, (уларга ҳеч қандай) огохлантириш фойда бермас. (Эй Мұхаммад,) энди сиз улардан юз ўгириң!» (Қамар сураси 1-6 оятлар.)

ҒАРАЗЛИ ИСТАКЛАР

Орадан кунлар ўтди. Расулуллоҳга (с.а.в.) мушриклардан яна бир таклиф келди. «Кел, бир масала юзасидан сухбатлашиб олайлик», дейишган эди улар.

Борсалар, мушрикларнинг машхур бошликлари кутиб олишди.

Расулуллоҳ (с.а.в.) ойнинг иккига бўлиниши ҳодисасининг нечоғлик ҳақ эканини аниқлаш учун бу мушриклар ёнатрофдан шу хусусда сўрабсуриштирганларини билардилар ва энди ҳақиқатни тан олишган бўлса керак, деб ўйладилар. Аммо мутлақо бошқача вазиятнинг устидан чиқдилар.

— Сени бу ерга чақиришимизнинг боиси, энди сен биздан узр сўрашинг керак, эй Мұхаммад. Тўғри, сени туғилганингдан бери таниймиз. Покиза, ҳалол яшаганингни биламиз. Шунинг учун ҳам сенга «Амин» (ишончли) лақабини бердик. Аммо охироқибатда сен ҳеч ким бил майдиган бир динни ўртага чиқардинг. Бизнинг динимизни ва бутларимизни айбладинг. Ақли жойида бўлган қанчақанча кишиларимизни аҳмоққа чиқардинг. Жамоаларни тарқатдинг, отани боладан ажратдинг. Орамизда юзага келган зиддиятларга биз эмас, сен айбдорсан...

Шундан кейин бир пайтлар Утба қилган таклиф ва ваъдаларни эслатиши. Буниси энди ўтакетган юзсизлик эди. Ўзларини шундай тутишардики, ой ҳодисасида худди Расулуллоҳ эмас, улар ғолиб келгандай; гап оҳангларида ҳам дағдаға, дўқ-пўписа...

— Сизлар ваъда қилаётган нарсаларнинг биронтаси менда йўқ, лекин мол-мулкингизга эгалик қилиш, шараф соҳиби бўлиш, салтанат суриш каби ниятим ҳам йўқ. Оллоҳ таоло мени сизларга пайғамбар қилиб жўнатди, муқаддас китобини туширди. Сизларга неъмат ва мағфиратдан, азобдан хабар етказувчи бўлишимни буюрди. Мен сизларга Раббимизнинг рисолатини етказдим, сизларга самимий муносабатда бўлдим... Мен Раббимнинг рисолатини таблиғ этаётирман ва сизларга яхшиликни рано кўряпман. Агар мен олиб келган бу динни қабул этсангизлар, дунё ва охиратда энг улуғ шарафни, насибани қўлга киритган бўласизлар. Агар мақбул кўрмасангиз, сизлар билан менинг орамизда Оллоҳ ҳукм бергунга қадар сабр қиласман.

Расулуллоҳ (с.а.в.) сўзларини тинглаб ўтирганлардан бири:

— Ё Мұхаммад! Сен айтган нарсаларни қабул эта олмаймиз. Ўзингга ҳам маълумки, юртимиз тор. Тириклигимиз танг аҳволда. Парвардигорингдан сўра, шу тоғларни ўртадан олиб, юртимизни кенгайтирсин. Шому Ироқдаги сойлар каби ариқлар оқизиб қўйсин, тўқлик фаровонликка эришайлик. Ўтган боболаримизни тирилтириб берсин, хусусан, Қусайй ибн Килобни. Яхши чол эди. Ундан сенинг дининг ҳақида ҳақми ё ботилми эканини сўрашимиз керак. Агар истакларимизни бажарсанг, Қусайй ҳам динингни ҳақ деса, барчамиз сени тасдиқлайлик, агар ботил деса, сени ёлғончи деб билайлик.

Бу сўзларнинг бари бемаъни ва беҳуда эди. Ҳақиқатни изловчи инсонга ярашмайдиган сўзлар.

Уларнинг талаблари қондирилган тақдирда ҳам имон келтирадиларми ?

Пайғамбар инсонларга мўъжиза қўрсатиш учун юборилмайди. Аммо инсонлар улардан пайғамбар эканлигига ҳужжат талаб қилсалар, албатта бажаришлари керак

ва пайғамбарликларини исботлашлари лозим. Бундай мўъжиза мукаммал шаклда, ҳамманинг кўзи ўнгида, ҳеч ким эътиroz билдира олмайдиган тарзда кўрсатилди. Шундай экан, қайтақайта мўъжиза исташ мазах қилиш эмасми? Бундан мақсадлари нима?

—Менинг вазифам бу эмас, — дедилар Жанобимиз. — Менинг вазифам инсонларга ҳақ динни таблиғ этишdir. Қабул қилсангизлар, дунё ва охиратда энг буюк насибани қўлга киритган бўласизлар. Қабул этмасаларингиз, сизлар билан орамда Оллоҳ ўз хукмини бергунча сабр этаман, унинг шарафли буйругини бажаришга ғайрат қиласман.

—Бу талабимизни бажаришдан бош тортдинг, у ҳолда парвардигорингдан сўра, пайғамбарлигингни тасдиқлайдиган бир фаришта юборсин. У фаришта сени биздан қўриқласин. Бу фаришта бизга олтиндан, кумушдан саройлар, боғлар қуриб берсин, биз ҳам сенга бу ишингда ёрдам берайлик.

— Сизлар сўраётган ишлар менинг зиммамда эмас. Парвардигорим мендан буларни сўрамайди, мени бундай ишларга вазифадор қилмаган. Мен сизларга Оллоҳнинг неъматлари ҳақида мужда етказувчи, азобидан огоҳ этувчи бир элчиман.

— Хўп, парвардигорим истаса, қиласи, деяпсан, қани, осмонни устимизга парчапарча қилиб тушир, агар бу ишни адо этмасанг, асло пайғамбарлигингга ишонмаймиз.

—Бу Оллоҳнинг иши, хоҳласа қиласи. Гап чўзилиб, мазах тусини олди.

—Оллоҳни ва фаришталарни чакир, кўрайлик!..

—Осмонга чик!..

—Юлдузлардан бир қаср қурдир!.. — каби куракда турмайдиган талабларни қўя бошлишди. Иш жиддийлик чегарасидан чиқиб кетгач, Расулуллоҳ уларнинг олдидан кетдилар. Аммалари Отиканинг ўғли Абдуллоҳ ибн Абу Умайя ул зотнинг орқаларидан эргашди.

Ё Мухаммад, қавминг сенга шунча таклиф этди, Қабул этмадинг. Сўнгра токи Оллоҳ хузуридаги даражангни билиш учун ўзларига айрим нарсаларни сўрадилар, уларни ҳам қила олмадинг. Ваъда қилган азобингни Ҳозироқ келтиришингни сўрадилар, қўлингдан келмади. Қасамлар бўлсинки, сенга мутлақо ишонмаймиз. Ҳатто кўк тоқига бир нарвон қўйиб, кўз ўнгимизда у ерга чиқсанг ва ёзув ёзилган бир саҳифа олиб келсанг, сен билан бирга тўртта фаришта ҳам сенинг пайғамбар эканлигинга шоҳидлик қилиш учун келсалар, онт ичамизки, шунда ҳам сенга ишонмаймиз, сени тасдиқ этмаймиз!

Расулуллоҳ (с.а.в.) ҳеч нарса демадилар. Дейишларига ҳожат ҳам йўқ эди. «Шунча ишларни қилсанг ҳам, барибир ишонмайман», деб турган одамларга нимани ҳам уқтириб бўларди?! Булар шунчалик ифлос, ғаразгўй эдиларки...

Расулуллоҳ (с.а.в.) уйга ғамгин қайтдилар. Халқини жаҳолатдан саодатга даъват этган, аммо эвазига фақат душманона муомала кўрган, ноҳақ ҳақоратга учраган, мазах қилинган инсон, албатта, хафа бўладида.

Аммо ваҳий фариштаси Жаброил (а.с.) набийлар мақомининг Султонини кутаётган, мушриклар билан бўлган учрашув маънавият оламидан кузатилиб турганини билдирувчи ва таскинбахш оятларни бу зоти шарифнинг покиза қалбларига ёзиш учун келган эди:

«Ва дедилар: «Токи бизлар учун мана шу ерни ёриб, бир чашма чиқариб бермасанг, биз сенга ҳаргиз имон келтирмаймиз. Ё сенинг хурмозор, узумзор боғинг бўлиб, унинг ўртасидан ёриб дарёлар пайдо қилмасанг; ёки ўзинг даъво қилганингдек, осмонни устимизга парчапарча қилиб туширмагунигача; ёки Оллоҳ ва фаришталарни олдимизга келтирмагунингча; ёки сенинг олтиндан бир уйинг бўлмагунича; ёхуд ўзинг (кўз олдимизда) осмонга кўтарилимагунингча, (ҳаргиз сенга имон келтирмаймиз). Токи бизларга ўқийдиган бирон китоб туширмас экансан, бу (осмонга) кўтарилишингга ҳам ҳаргиз ишонмаймиз». Айтинг: «Эй пок Парвардигорим, мен фақат элчипайғамбар бир одам эдимку!» Одамларга ҳидоят келган пайтида, фақат: «Оллоҳ (фаришталарни эмас, балки) одамзотни пайғамбар қилиб юборибдими?!» деган сўзларигина уларни имон келтиришларидан тўсди. Айтинг: «Агар бу Ерда (одамлар эмас, балки)

фаришталар маскан тутиб юрганларида эди, албатта, биз (яни, Оллоҳ) уларга осмондан фаришта пайғамбарни туширган бўлур эдик». Айтинг: «Мен билан сизларнинг ўртамиизда Оллоҳнинг ўзи етарли гувоҳдир. Албатта, у бандаларидан огоҳ ва (уларни) кўриб тургувчи зотдир». (Ал-Исро, 90-96.)

Ҳар келишида алоҳида бир жозиба ва алоҳида бир бадеъ услубда келувчи Қуръон оятлари одамларни ҳар

гал янги бир таъсирчанлик ила ларзага солар, ўхшашини келтира олмасликларини ҳар гал уларнинг онгига янада мустаҳкам қилиб муҳрлар эди.

Мушриклар енгилишини билатуриб қайтақайта майдонга тушаверадиган ва ботбот мағлубиятга учрайдиган аянчли «полвон»га ўхшашарди. Мағлубият аламини бирор юз марта тортган бўлишса ҳам, лекин ҳануз тавба қилишмаган эди. Кошки Қуръон бир тушишда ҳаммаси бирдан туширилсайди, дейишарди.

Абу Лаҳабнинг ўғилларидан Утайба бир куни Расулуллоҳнинг (с.а.в.) Қуръон ўқиб ўтирганлари устидан чиқиб қолди. Юзга тупургандек бир бадбахтлик қилиб ўтди. Кетидан «Оллоҳим, жоноварларингдан бирини унинг бошига бало қил», дуоси Жаноби Ҳаққа йўналди. Утайба жигаридан тутилганини ҳис қила, узоқлашди.

Бир куни Тулайб уйига ажиб бир ҳолатда кириб келди.

— Нима бўлди, ўғлим?

— Тоғамнинг ўғли келтирган динга кирдим, онажон! — деди Тулайб севинчи ичига сифмай.

— Яхши қилибсан, болам. Уни доим қўллабқувватяаш сенинг вазифангдир, — деди она.

У пайғамбаримизнинг аммалари Арво эди.

Мухтарам ўқувчиларимизнинг ёдида бўлса, Тулайб илгари пайғамбаримизнинг эшиклари остонасига нажосат тўқмоқчи бўлган Уқба ибн Абу Муйтнинг таъзирини берган эди...

— Сиз нега жиянингизни қўллабқувватламаяпсиз, онажон, нега унинг динига кирмаяпсиз? Акангиз Ҳамза ҳам мусулмон бўлибди, — деди Тулайб.

Бу хусусда кўп гапиришга эҳтиёж қолмади. Она шаҳодат калимасини айтиб, жиянининг пайғамбарлигини тасдиқлади. Кетидан синглиси, яни, пайғамбаримизнинг яна бир аммалари Софийа ҳам Ислом динини қабул қилди.

ДУО ҚАБУЛ ЭТИЛДИ (Ҳазрати Умар)

— Абу Толибга килган мурожаатлар жавобсиз қолди, дўстлар! — деди Валид ибн Муғийра. Абу Жаҳл уни кўллабқувватлади:

— Жавобсиз қолмади, бизни яхшигина авради, — деди. — «Уни менга қўйиб беринглар», деб жиянининг бошини силади.

Валид ибн Муғийра сўзида давом этди:

— Бу ишнинг нақадар жиддийлигини унутмайлик. Ўз вақтида чорасини кўрмаганимиз учун, мана, пушаймон бўлиб ўтирибмиз. Кўриб турибсизларки, у кундан кун кучайиб бормоқда, кўлида мудҳиш яроғи бор... Шоирларимизни, энг зўр нотиқхатибларимизни ҳам доғда қолдирди. Бунинг устига, у жуда кучли сеҳргар бўлса. Кўрдингиз, осмондаги ойга ҳам ҳукмини ўтказди: уни иккига бўлди. Хуллас, бу иш қанча чўзилса, шунча зарар.

Абу Жаҳлга қолса, масалани шартта-шуртта ҳал қилиб қўяқолса.

— Бу ишни ким тез ва усталик билан уddaласа, юз тужа ҳадя этилади, — дея эълон қилди. Мажлис аҳлига бирмабир нигоҳ ташлаб чикдида: — Яни, ўлдирган кишига, демоқчиман, —

деб кўшиб қўйди.

Аммо негадир ҳеч ким бирданига юзта туюлик бўлиб қолишини истамади. Чунки бу ишнинг оқибатини ҳамма биларди. Ахир, ҳошимийлар: «Нима ҳам қиласардик, тақдир эканда...» деб индамай кетавермайдилар.

— Хўш, юз туюга дъявогар йўқми ораларингда?!

— Шунчалар осон бўлса, марҳамат, ўзинг уддалаб қўяқол! Юзта туюнг бегона ҳам бўлмайди, — дейишди.

Абу Жаҳл бу мантиқий эътиroz ва таклифга жавоб бермаслини афзал кўрди. Лекин пешонасида совуқ тер томчилари пайдо бўлди.

Яна бир муддат орада жимлик ҳукм сурди.

— Бу ишни Хаттобнинг ўғлидан бошқа ҳеч ким эплай олмайди!

Нигоҳлар момақалдироқдек туйкус янграган бу овоз эгасига томон ўгирилди. Қаршиларида мардонавор чеҳрали, кўзлари жасурона бокувчи бир йигит турарди. Жасорат ва матонат, кучқудрат тимсоли, қўркув нималигини билмайдиган йигит... Агар шамолдек тез, бўрондек шиддатли руҳият соҳибига ёдгорлик ўрнатиш лозим бўлса, том маънода энг муносиб инсон Умар ибн Хаттоб эди.

Бирдан ҳамма тилга кирди:

— Ҳа, жуда тўғри, бу иш фақат Умар ибн Хаттобнинг қўлидан келади, — деб бидирлаб кетишиди.

Дарҳақиқат, бу гапларда жон бор эди. Чунки уни йиллар давомида синайсинай, жуда яхши билиб олган эдилар. Умар деганда, хаёлларда «тутган жойидан кесадиган довюрак ва мард йигит» жонланар эди.

Сўзларида риёкорлик йўқ, аммо уни гижгижлаш учун яна бир нималар дейишлари ҳам мумкин эди.

Умар ўрнидан турди, шаҳдам қадамлар билан уйига қараб йўл олди.

Ҳаббоб ибн Аратт Расулуллоҳ (с.а.в.) ҳузурларида шахсан у зотнинг муборак тилларидан эшитиб ёд олган Қуръон оятларини атрофдагиларга етказиб ўргата бошлади.

Ўша кунларда Тоҳа сураси тушган бўлиб, бир неча оятини тери парчасига ёзиб олган, самимий оиласи дўсти бўлмиш Сайд ибн Зайднинг уйига бориб, уларга ўргатишга киришган эди.

* * *

Нуайм ибн Абдуллоҳ йўлда Умар ибн Хаттобни учратди. У рўпарадан келарди. Қўллари қиличининг қинида, қадамлари шаҳдам. Титраб кетди.

— Йўл бўлсин, ё Умар?! — деди бир шумликни сезиб.

Умар кўзларидан учқун сачратиб, Нуаймга боқди ва мағурур бир оҳангда:

— Муҳаммадни ўлдиришга кетяпман! — деди.

Нуайм бошидан кайноқ сув қуйилганда сесканди.

Қалбига кирган титроқ тиззаларинида қалтиратা бошлади.

— Муҳаммад ибн Абдуллоҳни айтяпсанми?..

— Худди шундай.

— Нега энди?

— Нега бўларди? У отабоболарининг динидан юз ўгириди, маъбудларимизга тил теккизди, ақлли биродаларимизни аҳмоқликда айблади, Қурайшлар жамоасини тўзитиб юборди.

— Сен бу ишнинг уддасидан чиқолмайсан, ё Умар!

— Нега эплай олмас эканман?

— Нега деганда, агар бу ишни қилсанг, Бани Абдуманноф сени соғ қўймайди.

Умарнинг кўзларидан яна учқунлар сачрай бошлади. Дабдуруст қиличининг дастасига ёпишди ва:

— Тағин сен ҳам унинг йўлига кирганлардан бўлмагин?! — деди дағдаға билан.

Нуайм қўрқиб кетди. Беихтиёр:

— Сен олдин ўзингнинг оиласидагиларни тийиб ол, кейин менга дағдаға қиласан, — деб юборди.

Умар эсанкиради:

— Менинг оиласига нима қилибди?

— Синглинг Фотима билан куёвинг Сайд...

— Ийй, демак?..

— Ҳа, улар ҳам мусулмон бўлишган.

Умар бир зум лом-мим деёлмай қолди, сўнгра қатъий қарорга келгандай:

— Дастреб уларнинг таъзирини бераман! — деди.

Умар Сайднинг уйига яқинлашганида, ичкаридан аллақандай оҳангли овозларни эшилди.

Яқинроқ келиб, қулоғини динг килди.

Бу бир бегона овоз эди.

Эшикни зарб билан тақиллатди.

Үйдагилар саросимага тушдилар. Фотима эшик томонга югурди. Очганида, акаси Умарга рўбарў келди.

— Хуш келибсан, акажон...

Умар ичкарига кирди, ёнатрофига алланглади.

— Ташқаридан эшилганим овозлар қанақа овоз эди?

— Ўзаро гаплашиб ўтирувдик. Бошқа нима ҳам бўларди...

— Иккалангиз ҳам Муҳаммаднинг динига кирган эмишсиз. Агар шу гап рост бўлса, мендан хафа бўлманглар.

Сайд Умарнинг сўзларини кесди:

— Ё Умар, ҳақ диннинг нима эканини билиш пайти келмадимикан?.. Бутларга топиниш нодонлик эканини наҳотки тушунмасант?

Бемаънилиқ... Умарга бундай дейишга Сайднинг қандай ҳадди сиғди экан?! Дарҳол унга ўтирилди, қулоқкашлаб бир мушт урдида, ерга қулатди. Устига миниб олди. Фотима эрига ёрдам учун Умарни орқага тортган эди, у ҳам бир тарсаки еди. Бу тарсаки унинг юзларидан қон тиркиратди. Довдираб қолган Фотима бир мунча муддат жим қолди. Сўнгра Умарнинг қаршисига кўндаланг бўлди. Унинг томирларида ҳам Хаттобнинг қони оқар эди. Бир эмас, бир неча аёлга етиб ортадиган даражада жасоратли эди.

— Ҳа, ҳа, ё Умар, шуни яхши билгинки, биз ҳам мусулмон бўлдик. Ҳақ йўлга, саодат йўлига кирдик. Бутларга қул бўлишдан қутулдик. Ашҳаду алла илаҳа иллаллоҳ ва ашҳаду анна Муҳаммадан ъабдуҳу ва росулуҳ, — деди.

Фотиманинг юзидан оқиб кўксигача тушаётган қон... тарсаки зарбидан таниб бўлмайдиган аҳволга келган чехра... устигаустак, она арслон каби ҳайқирган овоз — булар Умарга қаттиқ таъсир қилди, уни ларзага солди. Бир аёлни, колаверса, жондан азиз синглисини аямай уриши тўғримиди?..

Сайднинг устидан турди. Чайқалиб бориб, бир бурчака ўтирди.

— Ҳалиги ўқиётган нарсаларингни бер, бир кўрайин, — деди. Овози ўзгарган, шашти анча пасайган эди.

— Йўқ, — деди Фотима, — бунинг ҳеч ҳам иложи йўқ.

— Нега?

— Чунки уни йиртиб ташлайсан.

— Қайтариб бераман.

— Ишонмайман.

Умар бирдан туриб кетди.

—Умарнинг сўзи сўздир, эй Фотима! Макка атрофларида хали ҳеч ким Умар сўзидан қайтганини кўрган эмас. Отамнинг бошини ўртага қўйиб қасам ичаманки, Умар сўзидан қайтмас! Қани, энди бу ёққа олиб келчи, ўша ўқиганларингни бир кўрай.

—Лекин у Оллоҳнинг каломи ёзилган топтоза сахифадир. Сен эса мушриксан. Ҳеч бўлмаса, бир дафъа ювиниб кел.

Умар бу таклифга рози бўлди. Юз-қўлини ювди, қайтиб келиб ўтиреди. Фотима беркитган тери парчасини олиб, Умарга узатди.

«То, ҳа. (Эй Муҳаммад,) Биз сенга бу Куръонни қийналиб жафо чекишинг учун эмас, балки (Оллоҳдан) қўрқадиган кишиларга панднасиҳат бўлсин учун нозил қилдик. (У) ерни ва юксак осмонларни яратган зот томонидан нозил қилингандир. (У зот) Ўз аршини эгаллаган Раҳмондир. Осмонлардаги, ердаги ва уларнинг орасидаги ҳамда тупроқ остидаги бор нарса Унингдир» (Тоҳа, 1-16.)

Умар шу ергача ўкиди, бошини кўтармай, минғирлади:

— Жуда ғаройибку... Демак, бизнинг бу тангриларимизнинг ҳеч қанақа қадри йўқ эканда?..

Бир муддат хаёлга чўмиб қолди, сўнгра яна ўқишда давом этди:

«Агар сен ошкора гапирсанг ҳам (ва ёки хуфёна гапирсанг ҳам, У зотга баробардир). Зоро, У сирни ҳам, энг маҳфий нарсаларни ҳам билур. Оллоҳдан ўзга (ҳеч қандай) тангри йўқ. Фақат Унинг Ўзи бордир. Унинг учун энг гўзал исмлар бордир» (Тоҳа, 1-16.)

Умар яна тўхтади, яна фикрга толди. Оллоҳдан ўзга илоҳ йўқ бўлса, у ҳолда Лот ким, Уззо ким, Хубал кимдир?.. Улар илоҳ эмасми?..

Бу фикр унинг миясидан яшин тезлигига ўтди. Аммо етук бир нотиқ, мукаммал бир адаб бўлган Умар энди ўзи ўқиётган илоҳий каломга бутунлай берилган эди:

«Сенга Мусо ҳақидаги хабар келдими? Эсла, у (узоқдан) бир оловни кўриб, аҳли оиласига: «(Шу ерда) туринглар, мен бир олов кўриб қолдим, шоядки сизларга ундан бирон чўғ олиб келсам ёки шу ўт олдидан бирон йўл (кўрсатувчи) топсам», деди. Бас, қачонки у (оловнинг яқинига) келгач, «Эй Мусо», деган нидо эшитилди: «Мен сенинг Парвардигорингман. Энди кавушларингни ечгин. Чунки сен муқаддас Туво водийсидасан. Мен сени (пайғамбарликка) танладим. Бас, (ўзингга) юбориладиган ваҳийга қулоқ тут! Дарҳақиқат, Мен Оллоҳдирман. (Ҳеч қандай) илоҳ йўқ, фақат Мен бордирман. Бас, сен Менгагина қуллик қил ва Мени зикр этиш учун намозни тўқис адо эт! Токи ҳар бир жон қиладиган сайъҳаракати сабабли жазоланиши учун (қиёмат) соати албатта келгувчидир. (Лекин) Мен (қиёмат қачон қойим бўлишини) яширишни истайман. Бас, сени (қиёматга) ишонмайдиган ва ҳавои нафсига эргашган кимсалар ундан тўスマсинларки, у ҳолда ҳалок бўлурсан...» (Тоҳа, 1-16.)

Фотима билан Сайд қўрқув ичиди Умарни кузатиб турардилар. Орасира унинг зўр ҳайрат илиа бошини сараксарак қилаётганини кўрдилар.

Бу орада Ҳаббоб ҳам бир жойга беркиниб олганича, нафасини ютиб, натижани кутар, «Оллоҳим, Ҳабиби акрамингнинг дуосини қабул эт», дея тинмай ёлворар эди. Ҳозир бир жиҳатдан унинг ҳаётмамот масаласи ҳал бўлаётган эди. Чунки агар иш чаппасига кетгудай бўлса, Умар уни ҳам соғ қўймаслиги аниқ эди... Ниҳоят Умар бошини кўтарди:

— Ўта жозибали, таъсирчан калом экан бу, — деди.

Шу биргина жумла такапука бўлиб турган юраклар

га ором бағишлиди. Кўнгиллар тинчланди. Эркин нафас ола бошлашди.

Ҳаббоб яшириниб турган жойидан чиқди.

— Ё Умар, фикримча, Расулуллоҳ (с.а.в.) жанобларининг дуолари қабул бўлганга ўхшайди. Чунки у зотни: «Оллоҳим, бу динга Умар ёхуд Амр билан қувват бер!» дея дуо қилаётган ҳолатларида кўрган пайтларим бўлган, — деди.

— Оллоҳнинг расули ҳозир қаерда? Фотима жавоб берди:

— Агар бирон ишкан чиқармасликка сўз берсанг, айтамиз.

— Қасам ичаман, унга ҳеч қандай ёмонлик қилмайман!

— Жуда соз, улар ҳозир Арқамнинг уйидалар. Умар Ҳаббобга ўгирилди:

— Олдимга тушда, мени ўша ёқقا бошла, — деди. Ҳабоб ўрнидан турди. Умар яна қиличини қинига солди, биргаликда йўлга тушишди.

* * *

Арқамнинг уйида ташқарини кузатиб турган киши шошапиша ичкарига кирди. Умарни белида қиличи билан келаётганини кўрдим, деди. Юз ифодалар бир зум жиддий тус олди. Юракларни ҳаяжон тўлқини қоплади. Нигоҳлар саросимали эди.

— Умар яхши бир ният билан келаётган бўлса, марҳамат, кирсин. Акс ҳолда, уни ўзининг қиличи билан ўлдирамиз!

Жиддий овоз эди бу. Бошлар бу сўзларни айтган кишига томон ўгирилди: Расулуллоҳ (с.а.в.) жанобимизнинг амакилари Ҳамза ибн Абдулмутталиб эди гапирган. Набийи акрам (с.а.в.):

— Ичкарига таклиф қилинг, кирсин, — дедилар ва ўринларидан туриб кута бошладилар.

Умар кириб, ҳузури Набавийда тўхтади. Расулуллоҳ (с.а.в.) унинг ёқасидан тутдилар:

— Эй Хаттобнинг ўғли, сен умрингнинг охиригача шунақа бўлиб қолаверасанми?! — дедилар.

Сўнгра муборак юзларини кўкларга каратиб, раҳмат илтижо қилувчи бир овоз билан:

— Оллоҳим, бу Хаттобнинг ўғли Умардир! Оллоҳим, Ислом динини Умар ибн Хаттоб билан қувватлантир! — деб ёлвордилар.

Ушбу воқеа гувоҳлари миқ этишмас, лекин энг самими тилаклар билан ичларида чин юракдан «комин» дер эдилар.

Умар тиз чўқди. Шундай ҳолатда ҳам ўртacha бир одам бўйи келадиган гавдали Умарнинг боягина учқун сачраб турган кўзлари энди Расулуллоҳга (с.а.в.) қарашдан уялгандек ер чизар эди. Дағал овози ўта даражада юмшоқ оҳангга ўралиб чиқди:

— Мен бу ерга мусулмонликни қабул қилиш учун келдим. Оллоҳга ва Расулига имон келтираман.

Рисолат шоҳи Жанобимизнинг (с.а.в.) қалблари бир онда нашъага тўлди. Буюк Оллоҳ дуоларини қабул қилган, Умардек бир шахсиятни имон келтириш учун оёқлари тагига бошлаб келган эди. Баланд овозла: «Оллоҳу акбар!» деб ҳайқирдилар.

Фахрул Мурсалиннинг (с.а.в.) хурсандликларига бошқа мўминлар ҳам қўшилишди. Улар ҳам «Оллоҳу акбар!» деб қичқиришди. Макка кўчалари бу такбир овозларидан титрагудай бўлди. Буюк Умарнинг Исломга киришини Сарвари анбиё (с.а.в.) ва саҳобалар гўёки тўп отиш билан қаршилагандай бўлдилар.

Умарнинг юраги қаттиқликда тошларга ҳам дарс берар, ўткирликда гавҳарни ҳам йўнишга қодир эди. Шундай одам Фахри Олам пайғамбаримизнинг дуолари ва раҳмат сувлари билан покланиб шаштидан қайтди. Йўлга буюк Пайғамбарни ўлдириш учун чиққан Умар шу онда Расулуллоҳ (с.а.в.) қошларида имон келтириш учун тиз чўқди. Комил ишонч ила калимаи шаҳодатни сўзлади.

Бу ҳодиса мўминларга том маънода бир байрам бўлди. Ахир, шу қунгача номиёқ кўпларни зир титратиб келган ашаддий душмандан қутулиб, бутун борлиғи билан мактаса арзигулик бир дўст қозонилган эди.

Дин у билан азиз бўлажак, қувват ва шараф топажак эди. Расулуллоҳ (с.а.в.) унинг мусулмон бўлиши учун даргоҳи аҳадийатга ёлвориб неча бор дуо қилган улуғ инсон эди у. Кишилик тарихида унинг бу шарафига шериклаша оладиган иккинчи бир шахс бўлмаган ва бўлмас ҳам.

Ўша кунларда Умар ўттиз тўрт ёшлар чамаси бир паҳлавон йигит эди.

* * *

Умар кетгач, жонини ховучлаб қолган Фотима бир неча соат ташвишга кўмилиб ўтирди. Ажабо, Расулуллоҳ (с.а.в.) қаерда эканликларини айтиб хато қилмадиммикан, деб ўйлар, сўнгра акасининг бир сўзли мард йигит эканини эслаб, кўнглига таскин берар эди. Шу пайт қулоғи олисдан такбир овозларини эшилди. Яқинлашган сари овозлар баландлашарди. Бир тўда одамлар «Оллоҳу акбар!» деб бақиришар, кўчалар ларзага келган эди.

Нималар бўлаётганини билиш учун ташқарига чиққанлар яқин атрофда эътиборга лойик ҳеч нимани кўрмай, уйларига қайтиб кириб кетдилар.

Кечга яқин Фотима акасининг мусулмон бўлганини эшишиб, севинчидан телба бўлиб қолаёзди.

Арқам ибн Абул Арқамнинг уйи ўша куни катта бир байрам севинчига тўлди. Буюк бир мўъжиза, хушхабар эди бу. Энди мусулмонлар забардаст Умар воситасида Оллоҳнинг ёрдамига сазовор бўлажак, хузурхаловат топажаклар. Мусулмон бўлганидан бери жабрситамлар ичра чиғнанганд мўминларга, албатта, катта севинч бағишлаган эди бу ҳодиса.

Умар у ерда Расулуллоҳ (с.а.в.) тилларидан Ислом динининг ҳукмларини тинглади. Пайғамбар (с.а.в.) донадона қилиб гапирав, ҳақдан ва ҳақиқатдан сўзлар, инсоннинг ақлига не дараҷа бўлса, рухиятига ва қалбига ҳам шу даража хитоб этар эдилар. Ҳар бир сўзлари Умарнинг ички дунёсини поклади, куфр ва ширкка тўла қалби имон ва Ислом нури ила йўғрилди.

— Ё Набийаллоҳ, биз ҳар жиҳатдан ҳақ ва чиндинга кирдик, шундай эмасми?

—Шундай.

—У ҳолда нима учун бу ерга яшириниб ўтирибмиз? Сизни ҳақ дин билан жўнатган Оллоҳга қасамлар бўлсинки, мени ҳамон мушрик деб билувчи ҳар мажлисга бориб мусулмонликка кирганимни очиқ айтаман!

Умар Расулуллоҳ (с.а.в.) билан хайрлашиб, чиқиб кетди.

* * *

Эртаси куни тонг сахарда Абу Жаҳлнинг эшиги тақиллади.

Умар ибн Хаттоб келди, деб хабар бердилар Абу Жаҳл ўрнидан сапчиб турди. Қизиқарли билан хабар эшитишига ишончи комил эди.

Марҳамат қил, ё Умар, хуш келибсан, жиян дея қаршилади.

Мени ичкарига таклиф қиласан деб ўйламайман, ё Нимага энди, ё Умар? Эшигим сен учун ҳар доим Мен Оллоҳдан ўзга ҳеч бир илоҳ ва маъбуднинг иуқлигига ҳамда Мұҳаммад ибн Абдуллоҳ Оллоҳнинг бандаси ва расули эканига имон келтирдим. Сенга ушбу хушхабарни маълум қилиш учун келдим. Абу Жаҳлнинг тўсатдан авзойи ўзгарди

Гапларинг жиддийми, ё Умар?! деб дудуқланди. Миясига бир нарса каттиқ урилгандай бўлган эди Умар унга жавобан:

Ашҳаду алла ла илаҳа иллаллоҳ ва ашҳаду анна Мұҳаммадан ъабдуҳу ва росулуҳ, дейиш билан чекланди.

Абу Жаҳлнинг бир зумда қовоқтумшуғи осилиб кетди.

Оллоҳ сенинг жазоингни берсин, келтирган хушхабаринг бошингдан қолсин! дедида, зарб билан эшикни унинг юзига ёпди.

Шу тариқа орада мавжуд бўлган қариндошлиқ ва дустлик алоқалари ҳам узилди. Йўллар ажралди. Абу Жаҳл ғазаб ва кин ҳирси билан уйига кириб кетди Умар хузур ва завқ ҳисси билан йўлида давом этди

Кули қиличиинииг дастасида, ҳар он жанжал чиқиб қолса, отилишга ҳозир, кўзлари, ўткир нигоҳлари унга караганларнинг юракларини тилкапора қиладиган бу мард инсон, мўминларга зулм қилинаётир, деб эшилган ҳар бир куча, ҳар бир бурчакни заррача ҳам қўрқмай аиланиб чивди. Қайси мажлисга борса, қаерда бир тўп мушрикни учратса, ўша ерда тўхтади ва шаҳодат калималарини баланд овозларда айтди, сўнгра уларнинг бунга жавооан муносабатларини кутиб

турди

Умар кечаки уни ўлдиришга қасд килган эдингку, ё Умар! деди бирори.

—Тўғри. Бироқ у хақ динни келтирганига ишондим ва мусулмон бўлдим.

—У ҳолда бундан буён биздан узоқ юр.

—Узоқ юрмасам нима бўлади?..

Бошқа киши бўлганида, бу саволига жавоб тайёр эди, аммо уни Умарга қарпш айтиш мушкул. Бундай пайтлари мушриклар жим бўлиб қолар, бошлари эгилар эди.

Хабар яшин тезлигида бутун Маккага тарқалди. У қаерга отланса, хали ўзи бормасидан унинг мусулмон бўлгани ҳақидаги хабар етиб бораради.

Нихоят гавжум бир жамоа каршисида яна шаҳодат калималарини келтирас экан, олдиндан тайёргарлик кўриб қўйганлар унинг устига ташландилар. Шиддатли бир тўполон, урсур бошланди. Умар қаршисига ким келса, бир уришда йикитар, бир зарба билан сафдан чиқарар эди. Аммо бунча одамга қарши узоқ вақт бас келиши маҳол эди. Секинсекин мағлубияти яқинлаша бошлади. Шунда бирдан:

— Нима гап, нима тўполон?! — деган бир овоз эшишилди.

Бу Ос ибп Воилнииг овози эди.

— Умар динини ўзгартирибди, — дейишди унга.

— Ўзгартирса, сизнинг ишингиз нима? Одам чинюрақдан истаб бошқа динга кирибди, хўш, нима бўпти?

Қани, тез тарқалингларчи?

Бу сўзлар таъсирини кўрсатиб, жанжал тугади. Йигилганлар биринсирин тарқалишди.

Орадан бир неча кун ўтди.

— Ё Расулуллоҳ, ташқарига чиқайлик, мушрикларга Исломнинг қудратини намойиш этайлик. Каъба ёнида намоз ўқийлик.

Пайғамбаримиз бу таклифга рози бўлдилар. Мусулмонлар икки қатор бўлиб тизилдилар. Бир сафнинг бошида Умар ибн Хаттоб, иккинчисининг бошида Хdmza ибн Абдулмутталиб, шаҳдам одимлар билан Каъба томон йўл олдилар.

Бундай вазиятга мушриклар илк бор рўбарў бўлаётган эдилар, шу боис уларни ҳайрат ичида, ҳаяжон ила кузата бошлишди. Эшиклиридан мўралаб қараганлар шу кунгача эгик ҳолатда кўришга одатланган бошларпи эди типпатик ҳолда кўрди. Қўрқув тўла боқишилар ўрнини завқли, хотиржам нигоҳлар эгаллаган эди.

Масжиди Ҳарамда тўхтадилар. Умар ўзларини қизиқиши ва адоват ила кузатаётганларга ўтирилиб, баланд овозда ҳайқири:

— Шу ерда ибодат қиласиз, намоз ўқиймиз. Жони ширин бўлганлар биздан узоқ турсин. Болаларини етим, хотинларини бева қолдирмоқчи бўлганлар эса, бизга қарши чиқаверсин!..

Афзали анбиё (с.а.в.) имомликларида шу ерда намоз ўқилди. Ҳеч ким яқинлашишга журъат қилмади. Намоз тугагач, тарқалишди.

Мўминларнинг кўнглида байрам сурори. Шундай натижани неча йиллардан бери орзиқиб кутдилар. Яқин кунларда Ҳазрати Абу Бакрнинг қистови билан кўчага чиққанларида мағлуб бўлган эдилар. Аммо бугун... Ҳеч қандай корхол юз бермади, бир кимса лом-мим ҳам дея олмади.

Утба дейсизми, Валидми, Абу Суфёнми — ҳаммаҳаммалари бу саҳнанинг томошабини бўлишдан нарига ўтолмадилар. Умарнинг нигоҳидан олов чақнатиб қилган таҳдидига жавобан: «Бекорларни айтибсан», дея олмадилар. Расулуллоҳ (с.а.в.) «Ё Раб, бу динни Умар ибн Хаттоб ёки Амр ибн Хишом билан азиз қил», деб ўқиган дуоларининг илк меваси шу зайлда олинган эди. Мушриклар устидан қозонилган илк зафар эди бу.

Бир пайтлар Абу Зарр мусулмон бўлгани ҳақида майа шу масжидда жар солган, аммо бунинг эвазига роса дўппосланиб, Аббоснинг ёрдами билангина ўлимдан зўрга қутулган эди.

Абдуллоҳ ибн Масъуд ушбу масжидда мушрикларни Қуръонни эшишишга мажбур этган, сўнгра у ҳам роса калтакланган эди.

Ҳазрати Абу Бакр хушидан кетгунча, бурни юзидан ажралмайдиган ҳолга келгунча мазкур масжидда дўппосланган эди.

Аммо Умарга қарши ҳеч ким лом-мим дея олмади. Буюк Пайғамбаримизнинг дуою илтижолари мана шу зайлда ўрнини топди, мусулмонлар илк бор эркин нафас олишга муваффақ бўлдилар. Бундан буён Умар Маккада яшар экан, қўлларини у ёқданбу ёққа соллаб bemalol юражак, бозорўчарга боражак, очиқчасига намоз ўқиб, Қуръон тиловат қиласжак эди, аммо Абу Жаҳл унга «ортиқ ҳаддингдан ошма» дейишта журъат қилолмасди.

ЯККАМА-ЯККА ОЛИШУВ

Рукона ибн Язид бир куни Маккадан ташқарида айланиб юрганида Расулуллоҳни (с.а.в.) кўриб қолди.

«Бу қулай бир тасодифми ёки фожиаларнинг бошланишиими?» деб ўйлади. Елғиз эди. Ёнида унга ёрдам берадиган ҳеч кими йўқ эди. Яккамаякка олишиши ёки индамасдан ўз йўлида давом этиши мумкин эди. Аслида, бир неча кишини бирдан йиқитишига Рукона нинг ишончи комил эди. Аммо... кўқдаги ойни ҳам ҳукмига юргизган «сехргар»га бир нима қилиб бўлармида?

—Эй Рукона, Оллоҳдан қўрқмайсанми? Сени даъват қилаётганим ушбу динга кирмайсанми?

—Сенинг пайғамбар бўлганинг билсам, сўзлаётгандаринг рост эканига ишонсан, ҳеч иккиланмай қабул қиласхадим.

—Жуда соз, сен билан кураш тушиб, елкангни ерга ишқаласам, пайғамбар эканинга ишонасанми?

Рукона муштумини тугди. Энди бундай таклифни рад этиб бўлмасди.

—Мен розиман.

—Хўп, у ҳолда курашамиз.

Рукона фақат мана шу йўл билан ниятига эришиши мумкин эди. Ушбу қулай фурсатдан оқилона фойдаланса, мислсиз бир ишнинг уддасидан чиқсан бўларди.

Бир-бирларининг елкаларидан тутдилар. Расули акрам (с.а.в.) уни бир силтагандаёқ йиқитдилар, елкасини ерга ишқаладилар.

Рукона қаршилик қўрсатишга ҳам улгурмай қолди. Нима бўлганини ҳали англаш етмасдан, зўрға ўрнидан турди:

—Ё Муҳаммад, яна бир марта курашайлик, — деди. Бекорга бундай демаган эди у. Чунки рақибининг осонгина бундай бир натижага эришганини ҳатто тушида кўрса ҳам ишонмасди. Назарига илмади, аҳамият бермади ва шу бепарволигининг жазосини аччиқ мағлубият билан тотди.

Расулуллоҳ (с.а.в.) бу таклифни қабул қилдилар. Рукона жуда ҳам суюниб кетди. Бу дафъа Расулуллоҳнинг елкаларидан қаттиқ ушлади ва албатта ғолиб бўлиш иштиёқида аёвсиз сиқди. Аммо кўз очибюмгунча бўлмай, яна ерга йиқилди. Ҳеч нарсани тушунмай қолди, қандай енгилганини ҳам фарқлай олмади. Шарманда бўлган эди. У ёқбу ёқларда кўпчиликнинг орасида: «Рукона билан кураш тушдим, бир эмас, кетмакет икки марта мағлуб этдим», дейиши мумкин эдида. Энди Қурайш орасида кўкрак кериб юриш унга ҳаром бўлдими?

— Яна бир курашсак, дейман, розимисан, эй амакимнинг ўғли?

Бу таклиф ҳам кабул қилинди. Учинчи марта елкалар туташди. Рукона курашга бўрондек отилди. Қарори қатъий эди. Аммо бу ҳам ёрдам бермади, бир зумда яна ерга қулади. Ҳеч эътиrozга ўрин йўқ бир ҳақиқат шундан иборат эдики, баҳайбат бир полвон кичкина бир болани

қандай қилиб тўпдек ирғитса, худди шундай бўлган, Рукона нафасини ростлагунча ерга ағанаб тушган эди...

Тўртингич марта яна курашни таклиф этишга андиша қилди. Уни енга олмаслигига юз эмас, беш юз карра ишонган эди. Ўрнидан турди.

—Мен гувоҳлик бераманки, эй Мухаммад, сен тенги йўқ бир жодугар экансан. Худо ҳакқи, ушбу ўртамиизда бўлиб ўтган кураш ҳам ақл бовар қилмайдиган ишдир,— деди.

—Хоҳласанг, бундан ҳам гаройиб ҳодисани кўрсатаман сенга.

— Кўрсат! — деди Рукона.

Пайғамбар (с.а.в.) олдинда турган бир дараҳтга қаратоб қилдилар:

— Оллоҳнинг изни билан ёнимга кел!

Рукона кўзларига ишонмай қолди. Ер ёрилган, дараҳт худди тупроқ остидан юриб келаётгандай илгарилар эди. Дараҳт ўтиб бўлган жой ўша заҳотиёқ яна асл ҳолатига қайтарди. Келди, Расулуллоҳнинг (с.а.в.) қаршиларида тўхтади.

Рукона тушиммиўнгимми дегандек бармоқларини тез тишлаб қўрди. Уйғоқ экани бешак, аммо ҳозир қаршиларида турган дараҳт бир неча дақиқа олдин юз қадамча нарида тургани ҳам ҳақ эди. Сарвари Оламга (с.а.в.) ўгирилди:

— Чин қалбимдан ишонч билан айтаманки умримда бундай сехрни кўрмаганман. Энди бу дараҳт ўз жойига қайтсинчи.

Рукона кўрган бу мўъжизасининг қадрини билмасди, яхшиликка йўймади, Оллоҳнинг қудрати ҳақида ўйлашни ҳам истамади. Расулуллоҳ (с.а.в.) унга ачиниб қарадилар. Сўнг дараҳтга ўгирилиб: — Оллоҳнинг изни билан ўз жойингга қайт, — дедилар. Дараҳт келган ерига кета бошлади. Бориб, аввалги жойига ўрнашди.

Рукона у ердан том маънода мағлуб ва паришон бўлиб қайтди. Мушрикларнинг ёнига бориб, бундай деди:

—Сизлар Мухаммаднинг ёрдами билан бутун дунёни қошларингизда тиз чўқтирсаларингиз бўлади. Мен ундан кўра нафаси ўткирроқ жодугарни умрим бино бўлиб кўрган эмасман.

—Нима бўлди, эй Рукона?! — деб сўрашди мушриклар.

Рукона бўлиб ўтган воқеани бир бошдан сўзлаб берди.

Бир куни сахобалардан бири:

— Ё Оллоҳнинг расули, жоҳилия даврида қилган хатоларимиз, гуноҳларимиз учун ҳам жавобгар бўламиزم? — деб сўраб қолди.

Даврада ўтирганларнинг кўнглидаги савол эди бу. Ҳар бирларининг ўша даврда озми-кўпми хатолари, гуноҳлари бор эди. Бу хотираларнинг аксариси аламли, одамни уялтирадиган эди.

Айниқса, Умар ибн Хаттобнинг бутун вужуди титраб кетди. У қилган гуноҳларнинг сонсаноғи йўқ. Бир неча йилдан бери мўмин-мусулмонларга етказган азиятларининг ўзиёқ бошқа хисобга эҳтиёж қолдирмайдиган даражада эди.

Ҳамма Расулуллоҳнинг (с.а.в.) жавобларини таҳлика ичра кута бошлади. Нихоят, жавоб янгради.

— Исломга кирганидан кейинги ҳаётини соғлом тарзда кечирган киши жоҳилия давридаги ҳаёти учун жавобгар бўлмайди. Аммо мусулмон бўлганидан кейин ҳам гуноҳда давом этса, олдингилари учун ҳам жавобгар бўлади.

Иродасини яхшилик йўлида қўллай олган мўминлар учун ажойиб бир хушхабар эди бу. Оллоҳнинг чексиз раҳмат ва марҳамати имон келтирган ва имонига содик қолиб солиҳ амалларни бажарувчиларни шу зайлда мукофотлар эди.

Аммо бу муждани эшитса ҳам, Умар астойдил: «Энди ҳамма нарса бошидан бошланар экан, хотиржам бўлсам ҳам бўлаверар экан», дея олмас эди. Масалан, додфарёд ичиди

тириклийин тупроққа кўмилган қизи ва ҳолдан тойгунча калтакланган кишилар нима бўлади? Бу ишлари бекёс бир зулм эди. Бу зулмининг асорати Оллоҳга сажда қўйувчи инсонларнинг юзларида, қўксига, юрагида ҳануз армон бўлиб, доғ бўлиб туради. Уларни рози қилган бўлса ҳам, ўртада ўртанаётган виждан бор. Бу виждан азобидан қутулиш осон эмас...

Мўминлар унинг Исломга киришини улкан неъмат ва давлат деб баҳоладилар. Унинг ҳимоясида ўзларини бемалол ҳис этиб, борадиган жойларига унинг ёнида хотиржам, ҳеч нарсадан қўрқмай борадиган бўлишди. Ўзининг уларга фойдаси тегаётганини кўрган Умар ҳам бундан фахрланар, Раббига ҳамду санолар, шукроналар келтирас эди.

Баъзан кечмиш қунларини хотирлашиб, сафар чоғида лой ё шунга ўхшаш нарсалардан бут ясаб сифинганларини гапиришса, у ҳам қўшилиб кулар, ақл бовар қилмайдиган бемаъниликларга қандай йўл қўйишганини ўйлаб ҳайрон қолар эди.

* * *

Маккалик мушриклар юзага келган жиддий вазиятдан асло мамнун эмасдилар. Иш тобора чаппасига кетаётган эди.

«Юлдузлар келсин, уйларимизнинг томларига қўнсин, сенинг пайғамбар эканингни тасдиқлашсин...» дейишга ортиқ журъат этолмасдилар. Чунки бу талабни ҳам бажара олишига энди шубҳа қолмаган эди.

Ҳанузгача Рукона Оллоҳнинг қудратини тан олмас, бўлиб ўтган воқеаларни эса, бошқача талқин қилас эди.

— Уч марта кетмакет елкамни ерга ишқалади. Манот ҳаққи, қандай йиқитганини ҳам илғамай қолдим. Дарахтни олдимизга чорлаганида: «Қани, Руконанинг устига юр», деб юборсая, деб жоним халқумимга тиқилди. Азбаройи қўрқиб кетганимдан дарахтни ўз жойига қайтаришини илтимос қилдим. Отамнинг боши билан қасам ичаман, юлдузларни ерга тушир десангиз, бунинг ҳам уддасидан чиқади, — дер эди.

Утба ибн Робиа сўз олди:

— У бизнинг кучимиз етмайдиган бир калокга суюнгали. Дархақиқат, ўша каломга ўхшаш бир каломни ҳеч бир адаб ё шоирдан эшитмадик. Бизга муносиб бўладиган иш шундан иборатки, биз ҳам унга илмий бир устиворлик билан жавоб берайлик, шу йўл билан уни мағлуб этайлик. Унга ҳеч қачон жавобини топа олмайдиган саволлар билан мурожаат қиласли.

— Жуда соз, зўр гапларни гапирдинг, аммо бизда илм нима қиласин?

Утба ўйланиб қолди.

— Бунинг осон йўли бор, — деди. — Ясирига борамиз, у ерда яхудий олимлари бор. Улар билан учрашиб, ёрдам сўраймиз. Улар чуқур билимга эгадирлар. Менимча, энг маъқул йўл мана шудир.

Бу фикрга эътиroz билдирувчилар бўлмади. Надр ибн Хорис билан Уқба ибн Абу Муойт мана шу вазифага тайинландилар. Қисқа вақт ичида йўлга ҳозирлик кўргач, туяларига миндилар.

— Аммо қаттиқ ҳушёр бўлинглар, — деди Абу Жаҳл.

— Улардан саволларни ва жавобларини эшитаётганингизда, ёнингизда зинҳор кимса бўлмасин. Акс ҳолда, жавоблар сизлардан олдин Муҳаммаднинг қулоғига етиб келиши мумкин. Бундан ташқари, у ерни тарқ этгач, тилингизга маҳкам бўлинглар. Оғзибўшлиқ қилиб, сир бой бериб қўйманглар тағин. Маккага иложи борча тез етиб келишга ҳаракат қилинглар.

—Хўп, хуш қолинглар.

Бир неча одим юрилгач, Надр тусини тўхтатди:

— Сизлар ҳам бу ерда тилларингизга маҳкам бўлинглар. Оғзиларингиздан гуллаб қўйманглар ниятимизни.

Шундан сўнг Надр яна тусига қамчи урди. Неча кунлар давом этадиган бу сафар кимнинг ғалабаси билан тугар экан, ажабо?..

* * *

Давс қабиласининг машхур шоири Туфайл ибн Амр бир иш билан Маккага келди. Маккада анчамунча танишлари, дўстбиродарлари бор эди.

Машхур шоир иззатикром билан кутиб олинди. Ҳолаҳволи сўралди. Зиёфат чоғида: «Муҳаммад ибн Абдуллоҳ исмли бир жодугар пайдо бўлди, дуч келган одамни жин ургандай ўзига сеҳржоду қилиб олаётиди», деб уқтирилди. Бир қатор мисоллар келтирилди. Унга ким қулоқ солса, тузогига илинишлари муқаррар эканлиги, шу боис қадамни ўйлаб босиш, хушёр бўлиш кераклиги таъкидланди.

Бу мавзуда Туфайл жуда кўп гап эшилди. Бошқа бир мажлисда ҳам шу хусусдаги сухбатга дуч келди.

Оқибатда Туфайл ибн Амр, яна тўсатдан дуч келиб қолсан, билмасдан биронта гапини эшишиб тузогига тушиб қолмайин тағин, деб қулоқларига пахта тиқиб олди. Макка кўчаларида шу тахлитда айланиб юрди.

Ишларини битирди. Танишлари билан кўришиб сухбатлашди, эртаси кун тонг сахарда Масжиди Ҳарамга борди. Бу даргоҳ мақаликларнинг ҳам ибодат қиласидиган, ҳам у ёқбу ёқдан сухбатлашиб ўтирадиган жойи эди.

— Ана, келяпти, — дейишиди.

Туфайл қаради. Баравста бир киши виқор билан юриб келарди. Чехрасидан нур ёғилар, кишига ишонч бағишлийдиган бир кўринишдаги одам эди. «Бундай ёқимли одамнинг жодугар бўлиши бир оз ғалатироқ эмасмикан?» деб хаёлидан кечирди.

Туфайл қараса, ўзидан бошқа ҳеч кимнинг қулоғига пахта тиқилмаган. «Дунёдаги энг аҳмоқ одам эмасман, нега энди бошқалар қўрқмаган кишидан мен қўрқишим керак? Улар ўзини олиб қочмаётган кишидан мен чекинишим керакми? Ақлҳушим жойида, ироди қўлимда, қани, бир эшишиб кўрайчи, нималар дер экан. Ёқса қабул қиласан, ёқмаса, ҳеч ким мени қабул этишга зўрламайди...»

Туфайл қулоқларидан пахтани олиб улоқтириди, Муҳаммаднинг сўзларини диққат билан тинглай бошлади.

Хали ҳеч ким эшилмаган, эшитолмайдиган ғаройиб эди бу сўзлар! Муҳаммад ибн Абдуллоҳнинг чехраси нақадар нуроний ва гўзал бўлса, бу калом ҳам шундай гўзал, мукаммал ва жозибали эди.

Бу сўзлар сеҳржоду эмасди. Туфайл машхур шоир сифатида Арабистонни кезиб чиқкан, тажрибаси етарли. Сафар чоғида жодугарлар билан ҳам учрашган, уларнинг бемаъни, тутруқсиз гапларини эшилган. Аммо бу Сўзлар зимнига ўзига хос бир мукаммаллик яширинган эди. Ҳар қандай зўр адаб, оташин шоир ҳам бу калом қаршисида довдираб қоларди. Туфайл шу кунга қадар ўқиган энг таъсирчан байтларни эслашга уринди. ТТТундан кейин зеҳнидан Имраул Қайс, Торофа, Зуҳайр, Амр, Онтара, Лабид, Ҳорис, Хонса, Оъша, Набига каби донғи кетган шоирларнинг энг зўр шеърларини бир-бир ўтказди. Улар шеърият чўққисини забт этган энг олди шоирлар эди, аммо уларнинг шеърлари, нутклари ҳозир тинглаётгани бу калом қаршисида жўн бир нарса бўлиб қоларди.

Бир муддатдан кейин Расулуллоҳ (с.а.в.) масжиддан чиқиб кетдилар. Туфайл ҳам изларидан йўлга тушди.

Набийи акрам уйларига етиб келганларида, Туфайл у зотни тўхтатди. Аввал ўзини танитди, сўнgra бундай давом этди:

— Ё Муҳаммад, қавминг сени менга бошқача қилиб танитди. Сеҳржодусига мубтало бўлмагин тағин, деб огоҳлантиришиди. Шундай ёмонлашдикӣ, натижада қулоқла римга пахта тиқиб олишдан ўзга чора топмадим. Бироқ барибири қизиқувчанлигим тутиб, каломингни тинглашга қарор бердим. Мукаммаллигига қойил қолдим. Шунинг учун изингдан эргашиб, шу ергача келдим. Энди менга келтирган динингни тушунтири.

Расулуллоҳ (с.а.в.) Туфайлни ичкарига таклиф қилдилар. Ислом динининг асосларини тушунтиридилар, Оллоҳнинг каломидан ўқиб бердилар. Туфайл ҳидоят имоми бўлмиш Расулуллоҳнинг сўзларини тинглаганидан сўнг фикрини шу тарзда баён этди:

— Худо ҳаққи, ушбу диндан кўра ҳақ дин, ўқиганингдан кўра устун бир калом бўлмаса керак. Мен сенинг динингта кираман.

Туфайл шу тариқа неча йиллардан бери бутун ўзлигини асоратда саклаб келган бутпарастлик кишанларини узди, қалбини Оллоҳ ва расулига нисбатан бўлган меҳр-муҳаббатдан бошқасига ўрин қолдирмайдиган тарзда поклади, калимаи шаҳодат келтириб, мусулмон бўлди.

—Ё Расулуллоҳ, мен қавмим орасида баобрў, эътиборли кишиман. Ҳозироқ юртимга қайтиб, уларга Ислом динини тушунтираман. Фақат, сиздан Оллоҳга дуо қилиб туришингизни ва менга қавмимни ишонтиришга қодир бир ояталомат беришини сўрашингизни ўтинаман.

Расулуллоҳ (с.а.в.):

— Оллоҳим, унга далил бўлажак бир ояталомат бер, — деб дуо қилдилар.

Туфайл саодат йўлининг улуғ йўлбошчиси билан хайрлашди ва юртига жўнади. Маккада хеч ким, энг яқин мушрик биродарлари ҳам унииг мусулмон бўлганини билмай қолаверишди.

* * *

Надр билан Уқба бир неча кунлик йўл азобидан сўнг Ясриб хурмозорларига етиб келдилар.

Шаҳарда бир муддат сайр қилдилар, ўнгчапни кездилар. Қайнуқъоъ, Назир, Курайза қабилаларининг яхудийлари билан учрашдилар. Ниҳоят, яхудийлар орасида билимдонлиги билан танилган энг зукко бирикки кишига дардларини очдилар, мақсадларини тушунтиридилар.

Бу одамлар чиндан ҳам ўқимишли, кўпни кўрган кишилар экан. Улардан бири бундай деди:

— Сизларга учта саволни жавоблари билан баён қиласиз. Бу саволларга пайғамбардан бўлак ҳеч ким тўғри жавоб қила олмайди. Агар бу саволларга тўғри жавоб қилса, ҳеч шубҳаланмангки, у асл пайғамбардир, унинг йўлига киринг ва унга итоат қилинг. Жавоб бермаса, сохта пайғамбарлиги аён бўлади. У ҳолда бунга қарши қандай иш тутиш ўзларингизга ҳавола.

Надр билан Уқба бу учрашув ва сухбат ораларида сир бўлиб қолишини плтимос қилдилар. «Чунки у шундай чапдаст жодугарки, шивиршивирдан ҳам бир зумда хабар топади», дедилар. Шундан кейин туюларига миндилар, «Қайдасан, Макка?» деб йўлга тушдилар.

* * *

Бу орада Ос ибн Воил Расулуллоҳнинг (с.а.в.) ўғил фарзандлари йўқлигини улкан бир иллат сифатида оламга ёя бошлаган эди. Бир мажлисда сўз олар экан, шу фикрни ўртага ташлади:

— У абтардир, — деди.

«Абтар» дегани насли давом этмайдиган, зурриётсиз бир киши маъносини билдиради. Қиз фарзандга зигирча ҳам ахамият бермайдиган, авлод фақат эркак фарзанд воситасида давом этади, дегандек бемаъни ишончга мубтало бўлганлар учун бу воқелик катта бир қусур ҳисобланиши табиий эди, Аммо ўзидан кейин инсонлар орасида раҳмат билан эслашга арзигулик ҳеч нарса қолдирмаган, ўлганидан кейин ҳам лаънатланадиган бадбахтлар ўзи асл абтарлар эмасмикан?

Оллоҳ пайғамбар қилиб жўнатган шарафли бир инсонга тап тортмай лой чаплаш ғирт абтарлик эмасми?..

Бу фикр мушрикларга жуда хуш ёқди. Қаерда мусулмонларни кўриб қолсалар, «Пайғамбaringиз абтардир», дея шилқимлик қиладиган бўлдилар. Мўминларнинг қалблари

қаттиқ озорланди.

— Нега энди? Гулғунчадек қизлари бор, ўшалар билан давом этади насллари. Қолаверса, у збт хотираларда мангу яшайдилар, — деб жавоб берардилар.

Тез орада Жаброили Амин Расууллоҳга (с.а.в.) Роббул Оламийндан салом келтирди. Ғамқайғуга берилмасликни, ғамгин бўлишга бошқалар лойиқ эканини ёдларига солди.

«Албатта, Биз сизга Кавсарни ато этдик. Бас, Сиз Парвардигорингиз учун намоз ўқинг ва (жонлик) сўйиб қурбонлик килинг! Албатта, сизни ёмон кўргувчи кимсанинг думи қирқилгандир (яъни, беному нишон йўқ бўлибкетгувчидир)!» (Ал-Кавсар сураси.)

Мўминлар бу сураии ўқиганларида мушриклар ўзларини қўярга жой топодмай қолдилар. «Яхшиямки бу фикр мендан чиқмабди», тарзидаги ўй-хаёллар билан овунишга уриндилар. Нима бўлса ҳам, кўп йиллик тажрибалари бор: айтган гаплари ҳар доим айни тарзда рўй беришига шу қадар одатланишган эдики...

Бироқ «абтар» лақабини ўртага ташлаган кимса бор. Бир мажлисда ушбу оятлар тўғрисида баҳс очилдио:

— Муҳаммад ҳам сени абтарликда айблади, — дейилди.

Ос ибн Воид сир бой бермаган киши бўлиб, елкаларини қисиб қўяқолди. Аммо нақ нишонга отилган ўқ каби, қалбига муҳрланган бу сўзларнинг таъсиридан қутулиш осон эмасди. Буниси хамир учидан патир эди, холос. Дунёда абтарлик сари ташланган илк одим эди унинг учун. Асрлар ўтиб ҳам у кишилар томонидан лаънатланажак, нихоят, буюк Ҳисоб Кунида илохий даргоҳга туртинасуртина, юзига чапланган шу тамға билан боражак.

* * *

Туфайл манзилига яқинлашиб келганида, бирдан сесканиб кетди. Одди бирдан ярақлаб кетди. Аввалига юз берган ҳодисани ҳеч тушуна олмади, сўнgra бу нарса пешонасида ярқириб турган бир нур эканини пайқади. Султони Анбиё ҳазратларини эслади.

— Оллоҳим, қавмим мени бу ҳолатда кўрса, балки ёқтирмас, уни бошқа бир жойимга муҳрла, — дея илтижо қилди.

Бу дафъа ёғду қўлидаги ҳассасига тушди. Оддини бемалол қўриб турап, ҳассани қайси томонга ўгирса, ўша томон ёришиб кетар эди.

Туфайл шу зайлда қабиласига кириб борди. У келар экан, йўл давомида унга ҳамроҳ бўлиб келаётган зиёни қабила аҳли ҳам кўрди.

Туфайл ўша кеча отаси билан хотинига Ислом дини ҳақида сўзлаб берди. Иккаласи ҳам ҳеч тараддулланмай имон келтирдилар.

Шундан кейин Туфайл қавмини даъват этишга чиқди, аммо ҳеч бир натижага эришолмади. Ҳақ ва энг тўғри дин шу диндир, бутлар сизларни ҳеч қандай азобдан қутқара олмайди, деса ҳам, унга қулоқ солгувчилар бўлмади. Жаҳли чиққан Туфайл қавмининг устидан шикоят қилиш учун яна Маккага йўл олди.

Ясрибга кетган Уқба билан Надр Маккага қайтдилар.

Абу Жаҳл, Утба, Валид сингари учтўрт киши йиғилган мажлисда бор гапни сўзлаб бердилар. Яҳудийлар ўргатган саволларни қайтардилар. Шундан кейин Расууллоҳга (с.а.в.) хабар жўннатишди. Набийи акрам (с.а.в.) келганларида:

— Сендан баъзи нарсаларни сўрамоқчимиз, — дейишиди.

— Марҳамат, эй Надр, сўрайвер, — деган жавоб бўлди.

— Бизга ғордан паноҳ топган йигитларнинг ажойиб ҳоллари ҳақида сўзлаб бер. Шарқдан Фарбгача дунёни кезиб саёҳат қилган улуғ ҳукмдор ҳақида хабар бер ва руҳнинг моҳиятини тушунтириш.

Расууллоҳ (с.а.в.):

— Сизларга бу нарсалар ҳақида эртага маълумот бераман, — дедилар ва у ердан чиқиб кетдилар.

Жаброили Амин ушбу саволларнинг жавобларини албатта келтиради, деб умид қилардилар. Аммо оқшом тушди ҳамки, Жаброил келмади. Иккинчи, учинчи кун ҳам Жаброилни кутиш билан ўтди.

Мушриклар севинчдан териларига сиғмас эдилар. Эртага деган эди, аммо, мана, бир ҳафтадирки, ҳануз жавоб бера олмаяпти, деб маломат қила бошлидилар.

—Ха, нима бўлди «пайғамбаримиз»га?..

—Хали ҳам жавобларини тартибга солиш билан бандмилар?..

—Энди ёлғонлар ниҳоясига етди. Бу сафар енгилдингиз.

Мўминлар бу истеҳзою киноялар тўла мазахларга жавобан:

— У бир пайғамбардир. Оллоҳ нима деса, шуни қиласди, — дейиш билан кифояланардилар. Аммо одобахлоқ ва тарбиянинг кўчасидан ўтмаган, қўпол, шартаки мушриклар гап уқмас эдилар.

— Энди Мухаммаднинг хийланайранглари ўтмайди, —деб завқланардилар.

Надр ибн Ҳорис билан Уқба ибн Абу Муойт чинакам қаҳрамонларга айланишди. Улар олис сафарлардан яхши бир натижа билан қайтишган, музaffer зарбани мўлжалига уришган эди гўё. Айниқса, Надр ибн Ҳорис кўкрак кериб, мағуруланиб юаркан:

— Келинглар, сизларга Мухаммаднинг найрангларидан ҳам зўроқлари ҳакида ҳикоя қилиб бераман, —дер, атрофига йиғилганларга сафарлари чоғида эшитган эртакларини сўзлаб берар эди.

Ниҳоят ўн беш йил сингари узоқ ўтган ўн беш кундан сўнг хушхабар келди.

Жаброили амин Расули аминга Оллоҳ таолонинг ваҳийини етказди.

— Нега бизни бунчалик интизор қилиб қўйдинг, ё Жаброил?

Жаброил бу саволга ўзи жавоб қиласди. Чунки Жаноби Ҳақ бу саволга ҳам Куръоннинг бир ояти билан жавоб берган эди:

«Биз ёлғиз парвардигорингизнинг амрифармони билангина нозил бўлурмиз. Олдимииздаги охират ҳам, ортимиздаги дунё ҳам, дунё ва охират ўртасидаги барча ишамаллар ҳам ёлғиз Унингдир. Парвардигорингиз унутгувчи эмасдир» (Марям, 64.)

АСҲОБИ ҚАҲФ

«Қаҳф (ғор) саҳобалари» деб аталувчи довюрак йигитлар ўз даврларида бутга сиғинишни рад этиб, бу йўлда бутпарст бир подшоҳга қарши фидойиларча бош қўтарганлар. Улар еттисаккиз нафар бўлиб, ўзларига етказилган зулмларга қарамай, имонларида мустаҳкам қолган эдилар. Бир иложини топиб, золим подшоҳнинг зиндонидан қочишига муваффақ бўлдилар. Охирида бир ғорга этиб келдилар. Таъқибдан қутулишларига ва жонларини сақлаб қолишлишларига боис бўлган бу ғор ичидан Жаноби Ҳаққа ёлвордилар: «Эй Раббимиз, бизга ўз томонингдан бир раҳмат эҳсон қил, оғиримизни енгил этиб, ишларимизни ўнгидан келтир», деб дуо ўқидилар. Жуда ҳам ҳолдан тойган эдилар, бир зумда ғорнинг бир деворига суюниб, уйқуга кетдилар. Ортдан қолмай этиб келган кучуклари ҳам ғорнинг оғзига чўзилиб, оёқларини узатди.

Қаттиқ уйқуга толдилар. Кунлар, ҳафталар... ойлар... йиллар... Кетмакет асрлар ўтди. Куёш нурлари эрталаб ғорнинг бир томонига, пешиндан кейин нариги томонига тушар, ухлаётганлар баъзан чапга, баъзан ўнгга ўгирилиб ётар эдилар. Юзларидан ҳеч ким уларни узоқ замонлардан бери ухлаб ётибди демасди. Асрлар бўйи давом этган бу уйқу уларнинг ташқи қиёфаларини заррача ўзгартирмади. На сочсоқоллари ўси, на вужудларида бир чириш, айниш ҳодисаси рўй берди. Ҳатто тирноқлари ҳам ўсмади.

Орадан уч юз йил ўтди. Йигитлар уйғондилар. Уйқуга тўйған, тоза мириқиб дамларини олган эдилар.

— Биродарлар, роса ухлабмиза? Назаримда, бир неча кун ухлагандайман.

— Йўғэ, атиги бир кечаю бир кундуз ухлаган бўлсак керак.

Баъзилари бу фикрга ҳам қўшилмади.

— Менимча, ундан ҳам камроқ ухладик.

— Қанча ухлаганимиз ёлғиз Оллоҳга аён. Дарҳақиқат, Оллоҳдан ўзга ҳеч ким улар қанча вақт ухлаганларини билмас эди. Била олмас ҳам эди. Уларга аён ва аниқ бўлган нарса мириқиб ухлаганларию энди роса очиқканлари эди.

— Биттамиз бориб нон ва озиқовқат олиб келайлик, — дейишди.

Борадиган киши ҳеч ким билан ортиқча гаплашмайди, ниҳоятда нозик муомала қиласди, пинҳона борибинҳона келади, дея маслаҳат қилинди. Ва ораларидан биттаси йўлга тушди. Шаҳарни айланди, ёнатрофни кузатди. Ғалати бир ўзгариш юз бергандек. Икки кеча олдинги шаҳарга сира ҳам ўхшамасди. Бундан ташқари, шаҳар аҳли ҳам бутунлай бегона, биронта таниш киши учрамади. Аммо бу нарсаларга у ортиқча қизиқмаслиги, булар билан машғул бўлмаслиги керак эди. Подшоҳнинг одамлари кўриб қолса борми, оқибати яхши бўлмасди.

Нон сотиб олиш учун бир нонвойхонага кирди. Кўл узатиб, нон беришини сўради. Бироқ сотовучи нон бериш ўрнига тикилиб қолди.

— Каердан олдинг бу пулни? — деб сўради қизиқсиниб.

— Каердан олардим, ўзимнинг пулим.

— Аммо, ўғлим, бу пуллар неча юз йиллардан бери ишлатилмайдику? Бу бир неча юз йил олдин яшаган аждодларимизнинг пули. Ҳатто бобом ҳам бу пулни ишлатган эмас.

— Отажон, мени мазах қилманг.

— Мазах қилаётганим йўқ, болам. Бироқ бу пул бугун бу шаҳарда ўтмайди.

— Жуда ғаройибку? Ахир, биз куни кеча ҳам шу пулларни ишлатиб юрувдик.

Гапсўз қўпайиши мумкин эди. Пулинин қайтариб олдида, бошқа нонвойхонага борди. У ерда ҳам айни шу муомалани қўрди. Лекин масала шу билан ҳал бўлмади. Бир зумда одамлар тўпланиб, унинг атрофини ўраб олдилар, тушунарсиз саволлар бера бошладилар:

— Мана, бизнинг пулнимиз! — деб кўрсатдилар чиндан ҳам улар бошқача пул эди.

Ниҳоят, улардан бири:

— Бу пул уч юз йил олдин яшаб ўтган Дақйонус исмли бир подшоҳнинг даврида муомалада бўлган, —деб қолди.

Йигит қулоқларига ишонмас, унинг кўз ўнгига бир-биридан ғаройиб ҳодисалар устмауст қатланар эди.

«Кимсиз? Каердан кеддингиз, қайси подшоҳнинг ўлкасидансиз? Касбингиз нима?» каби саволлар қалашиб кетди. Энг яхиси — тезроқ шаҳардан чиқиб кетиш эди. Улардан қутулиб, форга томон йўл олди. Изидан шаҳарликлар таъқиб қилиб кела бошладилар. Йигит улардан бурунроқ дўйстларининг қошига этиб борди. Ғаройиб ҳодисаларни ҳикоя қилиб берди.

Орқадан таъқиб қилиб келган кишилар ўша ғорни топғанларида, ичкарида еттисаккиз нафар чўзилиб ётган жасадни топдилар. Текшириб кўрдилар: ҳаммасининг ўлгани аниқ эди. Бу ғарибларнинг кимлар эканини аниклай олмадилар. Шу боис «Асҳоби Каҳф» — «Фор дўйстлари» деб ном бердилар.

Кейинроқ устларига қабр ясадилар.

* * *

Туширилган оятларда мана шу инсонлар ҳақида баҳс юритилган эди. «Улар Раббilarига имон келтирган йигитлар эди. Биз ҳам уларнинг ҳидоятини орттиридик, имонларига қувват бердик», дейилар эди. «Бизшг Раббимиз коинот ва ернинг Раббидир», деганлари зикр қилинарди. Ва ниҳоят, уларнинг форда уйғоқ кишилардек ухлаганлари, даҳшатли бир манзара ҳосил қилганлари ҳикоя этилар ва Расулуллоҳга (с.а.в.) бундай хитоб қилинарди: «Агар уларни бир кўрсангиз, орқага қарамай қочардингиз ва ичингиз қўрқувга тўлар эди».

Неча киши эканлари ва форда қанча вақт ухлаб қолганлари ҳақида Оллоҳдан ўзга ҳеч ким

аниқ билмаслиги таъкидланган оятлардан кейин Расулуллоҳга (с.а.в.) бундай амр берилган эди:

«Ва бирон нарса ҳақида: «Мен албатта әртага қилгувчиман», дея кўрманг, магар, «Иншаоллоҳ» — Оллоҳ хоҳласа, дeng. Бу сўзни айтишни унутиб қолдирган вақтингизда (ёдингизга тушиши билан) Парвардигорингизни зикр қилинг (яъни, «иншаоллоҳ» дeng) ва: «Шояд Парвардигорим мени бундан ҳам яқинроқ, тўғри йўлга ҳидоят қилса, дeng!» (Қахф, 23-24)

Мушриклар томонидан берилган саволларга «эртага сизларга жавобини айтаман», деб, аммо «иншаоллоҳ» дейилмагани оқибатида кутилган ваҳий анча вақт келмай қолганлиги шу тариқа аёнлашди. Бу воқеа Расулуллоҳ бошлиқ барча мўминларнинг қўнгилларига унутилмас бир панд ва ёднома бўлиб муҳрланди.

Қахф сурасида Зулқарнайн исмли ҳукмдор ҳақида ҳам маълумот берилди.

Рухга алоқадор савол биргина оят билан жавобини топди:

«Сиздан руҳжон ҳақида сўрайдилар. Айтинг: «Рух ёлғиз Парвардигорим биладиган ишлардандир». Сизларга жуда оз илм берилгандир» (Ал-Исро, 35.)

Набийи акмал (с.а.в.) бу оятни Исро сурасига қайд этишни буюрдилар. Ушбу оятлар мушрикларга ўқиб берилди. Буюк Пайғамбар оғизларидан чиқаётган сўзларни ҳайронлол бўлиб тингладилар.

— Бизга, әртага жавоб бераман, деган эдинг, аммо ваъдангнинг устидан чиқмадинг, энди бу жавобларинг ҳисоб эмас, — дедилар.

Ҳолбуки, Ясирида олинган маълумотга кўра, агар ушбу саволлардан бирига қисқа, иккитасига узун-узун жавоб қилса, билингки, у пайғамбардир, дейилмаганми? Яхудийлар маълум қилганларидек ва ҳатто ундан ҳам мукаммалроқ жавоблар эди булар.

Аммо мақсад узум ейиш эмас, боғбонни калтаклаш бўлгач, у маълумотларнинг ҳақиқатга тўғри келишкелмаслиги муҳим эмас эди. Жавоб вақтида берилганида қабул қиласардик, энди ҳисобга ўтмайди, дейиш ғирт бемаънилик эмасми?!.

Жаброили амин ушбу масала билан боғлик қуйидаги оятни келтирди:

«Айтинг: «(Эй мушриклар,) хабар берингизчи, агар (ушбу Қуръон) Оллоҳнинг ҳузуридан бўлсаю, сизлар унга коғир бўлсангизлар ва бани Исроилдан бўлган бир гувоҳ ҳам у (Қуръон)нинг ўхаши (ёлғиз Оллоҳ томонидангина нозил бўлиши)га гувоҳлик бериб, имон келтиrsaю, сизлар (унга имон келтиришдан) кибрҳаво қилсангизлар (яъни, сизлар энг золим одамлар бўлиб қолмайсизларми?) Албатта, Оллоҳ золим қавмни ҳидоят қилмас»(Ахкоф, 10)

ҲАЗРАТИ МУСО ВА ХИЗР

Қахф сурасида ҳикоя қилинган Мусо ва Хизр алайҳиссалом қиссасини Пайғамбар жаноблари бундай баён қилдилар:

«Бир куни Мусо (а.с.) Исроил ўғилларига хитоб қилиш учун ўрнидан турди ва гўзал бир нутқ сўзлади. Шунда ундан:

— Инсонлар ичида энг билимдони кимdir? — деб сўрашди.

— Менман, — деб жавоб килди.

Ҳазрати Мусо бу саволга «Оллоҳ билади, Оллоҳ кимга энг кўп билим берса, ўшадир», деган шаклда жавоб қилмагани учун Жаноби Ҳақ уни огоҳлантириди:

— Эй Мусо, менинг сендан кўра билимлироқ қулим бордир.

— Кимdir у, эй Парвардигор?

— Икки дengиз туташган жойда сенга рўбарў бўладиган одамdir, у қулим сендан кўра билимлироқdir.

— Эй Парвардигорим, сенинг ўша қулинг билан кўришсам, дейман. Уни қаердан топсам бўлади?

Саватга тузланхан бир балиқни солиб йўлга туш. Балиқ қаерда тирилса, қулимни шу ердан топасан.

Ҳазрати Мусо хизматини қилиб юрадиган бир ўспирин билан йўлга тушди. Балиқнинг жонланганини кўрди дегунча хабар беришни қайтақайта тайинлади.

Бирмунча юргач, денгиз соҳилига етиб келишиди. Кун бўйи юрганлари учун роса чарчашган эди. Бир қоянинг тагига ўтириб ҳордик чиқара бошлишиди. Ўспирин йигит овқат тайёрлаш билан бандлик пайтида саватда ётган балиқ бирдан жонланиб, ўзини денгизга отди. Бу ҳодиса ниҳоятда тез содир бўлди. Сафар ниҳоясига етган, қидирилаётган одам шу якинатрофда 0 ўлиши керак эди.

Аммо ўспирин Ҳазрати Мусога бу хабарни егказишни унуди. Такрор сафар бошланди. Тўхтовсиз давом этган йўл яна уларни чарчатди, очиқтирди.

— Олиб кел овқатни, қорнимизни тўйдиралийк, — деди Ҳазрати Мусо.

Ўспирин бирданига бояги воқеани эслади:

— Ие, эсимдан чиқибдик?! Ҳали қоянинг тагига дам олиш учун ўтирганимизда балиқ жонланиб, ўзини денгизга отган эди. Буни сизга айтмоқчи бўлиб турувдим, негадир унутибман. Бу хаёлпаришонликка ёлғиз шайтон сабабчи.

Ҳазрати Мусо ҳаяжонланиб кетди.

— Биз кутган дам айни ўша дақиқа эди. Хозироқ қайтамиз.

Бояги қоянинг тагига қайтдилар. Манзилга етиб келганларида, уларни кутиб турган бир одамга рўбарў бўлдилар.

— Оллоҳ сенга берган билимларидан ҳеч бўлмаса бир қисмини ўрганиш учун ёнингда юрсам, нима дейсан?

Одам бундай жавоб берди:

— Сен мен билан дўст бўлишга тоқат қилолмайсан Асл моҳиятини билмаган масалаларнинг ечимида бардош беролмайсан. Эй Мусо, сен Оллоҳнинг маълум қилган бир қатор билимларидан боҳабарсан, мен уларни билмайман. Ўз навбатида, мен ҳам Оллоҳ билдириган баъзи билимларга эгаман, сен улардан бехабарсан. Шунинг учун сен мен билан биродарлик қилишга дош беролмайсан.

Ҳазрати Мусо илтимос қилди:

— Иншаоллоҳ, менинг сабртоқатли бир ҳамроҳ эканлигимга амин бўласан. Ҳеч бир ишинингга аралашмайман эътиroz билдирийман.

Жуда соз, агар менга ҳамроҳ бўлишни шунчалик истасанг, мен ўзим изоҳлаб, тушунтириб бермагунимча, ишнинг ҳикматини сўзлаб бермагунимча, ҳеч нарса тўғрисида сўрама.

Бу таклиф жону дил билан қабул қилинди. Биргалиқда йўлга тушдилар. Бир кемага ўтирдилар. Улардан кира ҳақи олишмади.

Денгизнинг ўртасига борганларида, исми Хизр бўлган ҳалиги одам қўлига тушган бир болтани олиб, бор кучи билан кемани чопа бошлиди. Бу воқелик шунчаки бир ҳазил эмас, ўта жиддий эди. Уни ақлдан озган деб ҳам бўлмасди. Бундай бемаъни хаттиҳаракатни қўриб индамаслик мушкул эди.

— Сен кемадагиларни чўқтиromoқчимисан, нима бало? Бу жуда хавфхатарли иш, ахир!

Хизр унга маъноли бир қараш қилди:

— Мен билан бирга бўлишга тоқат қилолмайсан, демаганмидим?

Ҳазрати Мусо дарҳол аҳдини эслади.

— Унутганим учун мени маъзур тутасан, дўстим. Илтимос, мени айблама. Дўстлигимизга путур етмасин.

Хизр ҳеч нарса демади. Йўлда давом этдилар. Шу орада кеманинг бир чеккасига қалдирғоч келиб қўнди. Денгизга тумшуғини тиқиб чиқарди. Хизр қушни кўрсатиб, деди:

— Эй Мусо, анави қушни кўряпсанми?

— Ҳа.

— У қуш тумшуғини денгизга тиқиб чиқарганида, денгиз суви қанча камайса, сен билан менинг илмим ҳам Оллоҳнинг илмидан шундай нисбатнигина ташкил этади.

Эҳтимол Ҳазрати Мусога буюрилган бу сафарнинг энг оғирнозик нуктаси ҳам ушбу сўзлар ва ҳодиса бўлса ажаб эмас.

Денгиз сафари тугади. Энди қуруқликда кета бошладилар. Ҳеч қанча вақт ўтмай, ўйнаб юрган болаларга дуч келдилар. Хизр болалардан бирини тутиб олди ва ҳеч нарсаданҳеч нарса йўқ ўлдириб юборди. Ҳазрати Мусо даҳшатдан ўзини йўқотиб, лолҳайрон бўлиб қолди. Бундай воқеани кўрабилатуриб ҳам индамай туролмас эди.

— Бегуноҳ бир норасидани нобуд қилдингми, а?.. Худо ҳаққи, мисли кўрилмаган бир жиноят қилдингсен!.. — деди тутоқиб.

Хизр унга ўгирилди:

— Менга ҳамроҳ бўлишга бардош беролмайсан, демаганмидим?

Ҳазрати Мусо яна узр сўради.

— Агар бундан кейин яна сенинг ишингга аралашсам, ортиқ мен билан дўст бўлиш-бўлмаслик сенинг ихтиёрингда, — деди.

Яна йўл юриб кетдилар. Узоқ ва азобли йўлчиликдан сўнг қаттиқ чарчаб, очиқдилар. Етиб борган қишлоқларининг халқидан нон сўрадилар. Аммо ҳеч ким уларни меҳмон қилишни хоҳламади. Йиқилай деб турган бир деворнинг ёнидан ўтиб бораётган эдилар. Хизр қўлини теккизган эди, девор асл ҳолига қайтди. Очлик ҳолдан тойдирган Мусо яна бетоқатлик қилди.

— Истасанг, мана шу хайрли ишинг учун пул олардинг. Ҳеч бўлмаса, қорнимизни тўйғазар эдик, — деди.

Хизр Ҳазрати Мусога ўтирилди:

— Энди ажралишмасак бўлмас экан, эй Мусо!.. Йўлда бир неча ҳодиса кўрдинг, аммо сабр қилмай, қаршилик билдирилди. Майли, ажралишимиздан олдин сенга ўша ҳодисаларнинг асл моҳияти ва сабабини тушунтириб берай, — деди. Сўнг бошлади: — У кема денгизчилик қилиб кун кўрадиган камбағал йўқсилларники эди. Орқаларида эса, ҳар бир яхши кемани забт этиб ўзлаштириб оладиган бир ҳоким бор эди. Истадимки, кеманинг бирон жойини ишдан чиқарайинда, подшоҳ уни ололмасин. Гўдакни нобуд қилганимга келсақ, унинг отаонаси имонли кишилар эди. Шунинг учун уларни ўзларидан чиқсан бир коғир сиртмоғига олмасин деган ташвиш билан болани ўлдирилди. Истадимки, Раббим унинг ўрнига покиза бир фарзанд берсин. Девор масаласида эса, у ўша шаҳарда яшовчи икки етимга қарашли эди. Тагига шу етим болаларга аталган бир хазина кўмилган эди. Оталари яхши инсон ўтган. Раббим тиладики, болаларнинг иккаласи ўсибулғайсин, балоғат ёшига этиб, хазиналарини кавлаб олсин. Бу ҳам Раббимдан келган бир марҳамат эди. Мен бу ишларни ўз бошимча қилмадим. Мана, сен тушуниб олишга ҳовлиқмалик қилган ҳодисаларнинг асл моҳияти ва асоси».

Каҳф сурасида хикоя қилинган дикқатга сазовор ушбу қисса билан Расулуллоҳнинг (с.а.в.) ўша кунлардаги аҳволлари орасида қандайдир ўҳашашлик бор эди. Чунончи:

Расулуллоҳдан (с.а.в.) уч саволнинг жавоби талаб қилинганида, «Иншаоллоҳ, жавобини эртага бераман», демадилар ва шу йўсинда курайшликлар олдида ноқулай аҳволга тушиб қолдилар. Ўн беш кун давом этган мashaққатли кутишлардан сўнг келган ваҳий бундан буён ҳеч бир ишни «иншаоллоҳ» демасдан қилмаслик тўғрисида огоҳлантирди.

Ҳазрати Мусо ҳам деярли шундай аҳволга тушган эди. У ҳам Оллоҳга ҳавола этмасдан, «Инсонларнинг энг билимдони менман», деган, натижада узоқ ва хаяжонли бир сафарга чиқишига тўғри келган ва Хизр воситаси илиа унинг билим доираси қушнинг тумшуғига сикқан сувча экани қиёс қилиниб ибрат берилган эди...

* * *

Давс қабиласидан шикоят учун келган Туфайл Расули акрамга (с.а.в.) отаси ва хотини мусулмон бўлганлари ҳакида хушхабар ҳам келтирди. Бироқ қавмининг бу хусусда бепарволик қилганини, бундан юраги сиқилганини айтди.

— Ё Расулуллоҳ, Давс қабиласи майшатга берилди, тўғри гапни уқмайдиган бўлиб қолибди, уларни дуойибад қилинг.

Сарвари Олам (с.а.в.):

— Оллоҳим, Давс қабиласига ҳидоят йўлини кўрсат. Уларга ўзинг марҳамат қил, — дея ёлвордилар. Сўнгра Туфайлга ўтирилиб: — Қани, энди қавмининг хузурига бор. Уларни Ҳақ йўлига даъват қилишни давом эттири. Назокатли бўл, ширинаханлик билан дин асосла рини тушунтири, — дедилар.

Туфайл хайрлашиб чиқиб кетди.

Бу сафар даъват усули ўзгарди. Худди буйруқ бераётгандай баланддан келган аввалги Туфайл энди ширинахан, назокатли Туфайлга айланган эди. Ислом дини тез орада Давс қабиласининг орасида ҳам тарқалди.

Халқ оддий тошларга қул бўлиш жаҳолатидан қутулишнинг лаззатини tota бошлади.

Бир куни Расулуллоҳ (с.а.в.) олти сахобалари — Саъд ибн Абу Ваққос, Абдуллоҳ ибн Масъуд, Билол ва номи ривоят этилмаган яна уч киши билан сухбатлашиб ўтирган эдилар. Бир одам келди.

— Курайшнинг йўлбошчилари сен билан учрашишга келмоқчилар, — деди.

— Марҳамат, келаверишсин, сухбатлашамиз, — дедилар Ҳазрати Пайғамбар (с.а.в.).

— Бироқ... элчилик қилаётган одамнинг кўзлари даврада ўтирганларга тикилиб қолди, — булар ёнингда бўлмасин. Улар биз билан бир жойда ўтиришидан ор қиласиз. Агар уларни қувиб юборсанг, сенинг йўлингга киришимиз ҳам мумкин.

Чиндан ҳам мусулмон бўлмоқчи эдиларми? Ёки бу ҳам Жаноби пайғамбаримизга тайёрланган навбатдаги тузоқми?

Шунча йилдан бери имонлари боис ақл олмас ҳар қандай зулм ва исканжага ўзини тутиб берган инсонларга: «Қани, кетинглар бу ердан, ҳозир улуғ зотлар ташриф буюришади», десалар, тўғри бўладими?

Жаноби пайғамбаримиз (с.а.в.) элчига: «Йўқ, уларни қувмайман!» демадилар. Дейишга ултурмадилар ҳам. Бирмунча сукут сақлаб турган ҳолларида навбатдаги вахий келди ва донадона қилиб ўқий бошладилар:

«Бу (Куръон) билан ўзлари учун Оллоҳдан ўзга на бир дўст ва на бир оқловчи бўлмаган ҳолда Парвардигорлари даргоҳида тўпланишдан қўрқадиган зотларни қўрқитинг! Шояд улар (гуноҳ ишлардан) парҳез қилсалар. Эртаю кеч Парвардигорининг юзини истаб Унга илтижо қиласиган зотларни (хузурингиздан) ҳайдаманг! Сизнинг зиммангизда уларнинг ҳисоб-китобларидан ҳеч нарса йўқдир ва сизнинг ҳисоб-китобингиздан уларнинг зиммаларида ҳеч нарса йўқдир. Бас, уларни ҳайдаб золимлардан бўлиб қолманг!» (Анъом, 51-52)

Жавоб мушрикларга етиб борганида, улар қаҳқаҳа отиб кулишди:

— Орамизда Оллоҳнинг икромига сазовор бўлганлар шуларми?.. Бу қанақаси? Абу Жаҳл каби, Валид каби, Утба каби бир ишора қилса бутун бир қабилани оёққа турғизадиган кишилар бир чеккада қоладида, Абдуллоҳ ибн Масъуд сингари чўпонлар, Билол каби ейиш га нон топа олмайдиган озод қуллар, Аммор каби кийишга кийими йўқ факирлар Оллоҳнинг икромига муносиб бўладими?!

Энди ушбу мавзу кинояга айланди. Қаерда камбағал бир мўминни кўришса, мазах қила бошлашди.

— Эй орамиздан Оллоҳнинг икromи учун танилган улуғ зот, эй шарафли киши! Илтимос, бизни шарафингга шерик қилгин!.. деб бақиришар, қаҳқаҳа кўтаришар эди.

Бу истехзолар мўминларни йўлдан оздиролмади. Оллоҳ таолонинг ўзи уларга атаб оятлар

туширган ва мартабаларини кўтарган экан, бу шарафни мушриклар қайтариб ололмаслар хам. Кўп ўтмай Набийий акрам (с.а.в.) саҳобаларига қуидаги оятларни ўқидилар:

«Бизларнинг орамиздан ана ўшаларга Оллоҳ инъом қилган эмишми?» дейишлари учун уларнинг баъзиларини бошқалари билан ана шундай имтиҳон қилдик. Ахир, шукр қилгувчиларни Оллоҳ яхшироқ билгувчи эмасми?! Қачон сизнинг олдингизга Бизнинг оятларимизга имон келтирадиган зотлар келсалар: «Сизларга тинчлик бўлсин, Парвардигорингиз Ўз зиммасига раҳмат қилишни ёзгандир. Сизлардан ким билмасдан бирон ёмонлик қиласа, сўнгра ўша ёмонлигининг кетидан тавба қилиб, (ўзини) тузатса, бас, (гуноҳи кечирилади), адбатта, (Оллоҳ) мағфиратли, меҳрибондир», (Анъом, 53-54) деб айтинг.

Килдан қийиқ ахтарадиган мушриклар ҳамой ушбу мавзуни муҳокама қиласдилар. Улардин бири:

— Бу масала энди жуда меъёридан чиқиб кетди. Агар дуруст ва ҳақ дин бўлганида, бу ялангоёқлардан олдин биз уни тақдирлар, қабул этар эдик. Модомики бу динни биздан олдин улар қабул этган эканлар, шунинг ўзи бу йўлнинг ботил эканидан далолатдир. Ҳақ билан ноҳақни ажратиш келибелиб шуларга қолдими?

Бу фикр шу ерда ўтирганларга энг оқилона ва мантиқий бир фикр бўлиб туюлди. Аммо бир жиҳат унutilди ёки атай эътибор берилмадики, бу жиҳат ақл билан бойлик орасидаги муносабат эди. Яъни, бой одам ақлли бўлади, демоқчи эдилар. Бой ва аслзодалардан бемаслаҳат ўз бошича иш тутган билоллар ва ҳаббобларнинг қўлидан келадигани фақат хато қилишдир.

Ташвиқот шу тахлит бошланди.

Мусулмонларни диндан қайтариш мумкин бўлмай қолган эсада, ҳалиҳозирча атрофларида гиларни бу «кофатдан қутқаришнинг имкони бор эди». Ўлганнику тирилтириб бўлмайди, аммо ҳали жони омонларни сақлаб қолиш, уларнинг аҳмоқона билан қарорга келишининг олдини олиш лозим», деган фикрда эдилар. Хўш, улар бу ташвиқотларида қай даражада самимий эдилар? Бу фикрга чиндан ҳам ишонармидилар ёки, аксинча, мусулмонларни камситиш, Ислом динини ботил бир дин қилиб кўрсатиш мақсадида тутилган йўлмиди бу?

Аслида, уларни бу йўлни тутишга мажбур этган нарса ғуур, кибру хаво эди. Шу кунгача айтгани айтган, дегани деган бўлиб келди уларнинг, энди бу мавқедан тушиб қолиш, Билол билан, Аммор билан, Ҳаббоб билан бир қаторда туриш қўркуви тинчларини ўғирлаган эди...

Бу ёқда эса, Жаброили амин Жаноби Ҳақнинг галдаги ваҳийини етказди:

«Коғир кимсалар имон келтирган зотлар ҳақида: «Агар (бу Куръон) яхши бўлганида (анави ялангоёқлар) унга бизлардан илгари бормаган бўлар эдилар», дедилар. Улар ўzlари у (Куръон) билан ҳидоят топишмагач, «Бу эски уйдирмадир!» дедилар» (Имом Термизий, 5/451 Аҳқоф, 11.)

* * *

Бир куни мушриклар ҳазрати Пайғамбар алайҳиссаломга яна бир таклиф билан мурожаат қилишди:

— Сен орамизда ҳеч ким билмайдиган бир динни келтирдинг, даставвал бизга Раббинги танит, — дейишиди.

Набийий акрам (с.а.в.) уларга Ихлос сурасини ўқиб бердилар:

— «Айтинг (Эй Муҳаммад): «У Оллоҳ бирдир. Оллоҳ (барча ҳожатлар билан) кўзланувчиидир (яъни, барча ҳожатлар Ундан сўралади, аммо У ҳеч кимга муҳтож эмасдир). У туғмаган ва туғилмагандир. Ва ҳеч ким у зотга тенг эмасдир» (Ихлос сураси 48)

Қисқа[^] аммо ўзига хос, теран ва ихчам бир таъриф эди бу. Ўша замоннинг инсонлари учун кифоя қиладиган маълумотни берадиган, неchanеча, асрлардан кейин ҳам олиму уламоларни ҳайратда қолдирадиган бир таъриф!

Аммо бутларга қул бўлганларнинг зехни буни ҳеч қачон қамраб ололмас, англамас эди.

— Шунақа ҳам тангри бўладими? — дейишарди. Шундай дейишиди ҳам.

Расулуллоҳ (с.а.в.):

— «Эй инсонлар, бир масал айтилганда, бас, уига қулоқ тутингиз! Аниқки, сизлар Оллоҳни қўйиб илтижо қилаётган бутлар агар барчалари бирлашганларида ҳам, бир чивин яратадолмаслар, агар чивин улардан бирон нарсани тортиб олса, уни (ўша чивиндан ҳам) қутқариб олабилмаслар. (Демак, ўша бутлардан ҳожатини раво қилишни) сўрагувчи (мушрик) ҳам, сўралгувчи (бутлар) ҳам ночорнотавондир » (Ҳаж, 73.)

Ҳақиқатнинг ушбу тарзда ифода этилиши уларни ғазаблантириди. Аммо ғазабланиш лозим эдими?

«Йўқ, бу гирт ёлғон. Асл ҳақиқат мана бундай бўлади...» дейишлари, қаерда хато қилинаётир, қаерда янгиш баён этилаётир, бирмабир кўрсатишлари керак эди. Ҳолбуки:

— Энг яххиси, бир йил ҳаммамиз биргаликда бутларга ибодат қилайлик, бир йил эса, сенинг Раббингга сифинайлик. Қайси бирига сажда қилиш тўғри эканини вақт кўрсатади, — дейишди.

Бу бемаъни таклифни Пайғамбар (с.а.в.) қабул этишлари мумкин эмасди. Шундай қиссалар, вазифаларига хиёнат қилган бўлардилар.

«Айтинг: «Мен Оллоҳдан ўзга — сизлар илтижо қилаётган бутларга бандалик қилишдан қайтарилганман». Айтинг: «Сизларнинг ҳавойи нафсларингизга эргашмайман. Зоро, у ҳолда йўлдан озурман ва хидоят топгувчилардан бўлмай қолурман». (Анъом, 56.)

Пайғамбар бўлмасларидан олдин ҳам нафратланган бутларга пайғамбар бўлганларидан кейин қанақасига сажда қиласдилар? У зотнинг вазифалари бутларнинг оддий бир тош эканини инсонларга уқтириш эмасмиди?

Шундан кейин Расулуллоҳ (с.а.в.) Ҳақ таолодан келган ва, хусусан, мушрикларга ҳам ўқиб берилиши амр этилган ушбу муборак сурани очиқчасига ўқидилар:

—«Айтинг (эй Муҳаммад): «Эй коғирлар! Мен сизлар ибодат қилаётган нарсаларга ибодат қиласмсан. Ва сизлар ҳам мен ибодат қиласдиган (Оллоҳ)га ибодат қилгувчи эмасдирсизлар. Мен сизлар ибодат қилган нарсага ибодат қилгувчи эмасман. Ва сизлар ҳам мен ибодат қиласдиган (Оллоҳ)га ибодат қилгувчи эмасдирсизлар. Сизларнинг динингиз ўзларингиз учун, менинг динимўзим учундир!» (Коғирун сураси.)

* * *

Бошқа пайт Расулуллоҳ (с.а.в.) бир фурсатини топиб мушрикларнинг бошлиқлари — Макка зодагонлари билан баҳс қилишга муваффақ бўлдилар. Уларга Ислом динининг асосларини баён эта бошладилар. Мехмонларининг мусулмон бўлишини жудажуда хоҳлардилар. Чунки улар Исломга кирса, кенг имкониятлар очилар, уларнинг таъсирига берилиб икки ўт орасида юрганлар ёки уларга содик кишиларнинг ҳам мусулмон бўлишларига шароит яратилар эди. Ҳеч бўлмагандан, Маккада Ислом динини бемалол, очиқчасига етказиш имконияти туғилиши, мўмин-мусулмонлар аёвсиз зулм, ҳақорат ва киноялардан қутулишлари мумкин эди. Сухбат айни қизиган чоқда, бир киши келиб қолди.

— Ё Расулуллоҳ, Оллоҳ сенга ўргатган нарсаларидан менга ҳам ўргат, — деб илтимос қилди.

Бу одам Абдуллоҳ ибн умми Мактум эди. Кўзлари ожиз эди. Набийий акрамнинг овозларини эшитиб турар, аммо кимлар билан сухбатлашашётганларини билмас эди. Ҳар доимгидай, Пайғамбарнинг табассум билан, ширинсуханлик билан қаршилашларини кутди, аммо бу гал ундан бўлмади. Сухбат тўхтамади. «Марҳамат қил, эй умми Мактумнинг ўғли», дейилмади. Бир ҳисобга у «Менга ўргат» деб илтимос қилган нарсаларини бошқаларга ўргатаётган эдилар. Бир чеккага ўтириб, диққат билан тингласа, у ҳам мақсадига эришар эди.

— Ё Расулуллоҳ, буюк Оллоҳ сенга ўргатганларини менга ҳам ўргат, — деди у яна.

Яна ҳеч кимдан садо чиқмади. У ердагилар ҳам: «Кел, бир бурчакка ўтириб, мана, сен

сўраётган нарсалар ўргатилмоқда...» деёлмадилар. Ахир, Абдуллоҳ ибн умми Мактум билан бирон соатлардан кейин сухбатлашсалар ҳам бўладику. Қолаверса, Абдуллоҳ ибн умми Мактум «Икки дафъа Расулуллоҳга эшитиладиган қилиб гапирдий, жавоб бўлмади, бунинг бир ҳикмати бўлса керак», дейиши даркор эмасмиди?

Йўқ, ундаи дейилмади, бундай бўлмади, учинчи марта овозини баландлатиб:

— Ё Набийаллоҳ, Оллоҳнинг сенга ўргатганларини менга ҳам ўргат!.. деб бақирди.

Бу тушунмовчиликдан Фахри Коинотнинг (с.а.в.) юраклари сикилди. Юзлари буришди ва тескари қараб олдилар.

Мехмонлар ўринларидан қўзғалишди. Шу пайт Расулуллоҳни (с.а.в.) ваҳий иси қамраб олди.

Нихоят, Буюклар Буюги бўлган пайғамбаримизнинг нигоҳлари Абдуллоҳ ибн умми Мактумни қидирди. Унга табассум билан қарадилар. Атрофларида ҳозир турганлар ваҳий билан Абдуллоҳ ўртасида қандайдир боғлиқлик борлигини тушундилар.

Сўнгра ваҳий донадона қилиб ўқилди. Бу Абаса сураси эди.

«(Пайғамбар, алайҳиссалом) ўзининг олдига келган кўзи ожиз кишига қошларини чимирди ва (ундан) юз ўтириди. (Эй Мұхаммад), сиз қаердан билурсиз, эҳтимол у (сиздан ўрганадиган илму маърифати ёрдамида ўз гуноҳларидан) покланар. Ёки панднасиҳат оларда, сўнг у панднасиҳат унга фойда берар?! Энди (Ўз мол-мулки билан имондан) истиғно қилиб турган кимсага келсак, бас, сиз ўшанга юзланмоқдасиз! Ҳолбуки, у (ўзининг куфридан) покланмаслиги сабабли сизга бирон зиён етмас! Энди (Оллоҳдан) кўрқсан ҳолда олдингизга югурибелиб келган зотга келсак, бас, сиз ундан чалғиб — юз ўгириб олмоқдасиз! Йўқ (сиз асло бундай қилманг)! Албатта, (Қуръон оятлари) бир панднасиҳатдир. Бас, ким хоҳласа, ундан панднасиҳат олур» (Абаса, 1-12.)

Расулуллоҳ (с.а.в.) танбех олган эдилар. Ҳолбуки, ибн умми Мактумдан жаҳллари чиқмаган, факат мушрик зодагонларнинг Исломга киришига умид қилган эдилар.

Набийи акрам (с.а.в.) шу аҳволда Абдуллоҳ ибн умми Мактумга «Сенинг қилмишинг Раббимдан танбех эшитишинг сабаб бўлди», демадилар. Бошқаларга эса, «Менинг банд эканимни кўриб турган эдинглар, нега бу ҳақда унга шипшиб қўймадинглар», деб гина қилмадилар. Балки эгниларидан жуббаларини ечиб, ерга тўшадилар ва:

— Кел, Раббим мени танбех қилишига сабабчи бўлган эй шарафли инсон! — дея унга лутфу қарам кўрсатиб, ёнларига ўтқаздилар. Кўнглини кўтарадиган гаплар гапирдилар.

Шундан сўнг Абдуллоҳ ибн умми Мактум Расулуллоҳнинг (с.а.в.) ёнларида алоҳида ўринга, алоҳида ҳурматга сазовор бўла бошлади. Ҳар келганида Фахри Ко инот пайғамбаримиз жуббаларини ечиб унинг тагига тўшайдиган бўлдилар.

Кўзи ожиз бир одамга ўз вақтида жавоб қилмагани учун пайғамбарлар Султонига танбех берилиши кимнинг ҳам ақлига келарди? Ҳатто пайғамбарга ҳам Оллоҳ таоло бошқаларни камситишига изн бермаслигига бундан ёрқин мисол борми?!

Ҳолбуки, ўртада на камситиш бор эди, на озорланган кўнгил. Аммо Оллоҳ таоло расулининг салгина бепарво бўлишини ҳам истамас эди.

* * *

«Бас, қачон (қулоқларни) кар қилгувчи (даҳшатли қичқириқ) келганда (яъни, сур иккинчи марта чалиниб, барча ҳалрииқа қайтадан жон ато этилганда, ҳар бир инсон ўзи билан ўзи бўлиб қолур). У кунда киши ўз оғанинисидан ҳам, онаси ва отасидан ҳам, хотиниу болачақасидан ҳам қочур! (Чунки) улардан ҳар бир киши учун у Кунда ўзига етарли ташвиш бўлур! У Кунда (мўминларнинг) юзлари ёруғ, кулгувчи ва хуррам бўлур. Ва у Кунда (кофирларнинг) юзлари устида чангғубор бўлиб, у юзларни қаролик қоплаб олур! Ана ўшалар фисқу фужур қилгувчи кофирларнинг ўзидир!»

Абаса сураси шундай сўзларла тугар эди.

Кўнгиллар бўшашиб кетди... Қуръоннинг балоғатли ифодасини шахсан Расулуллоҳ (с.а.в.) жанобларининг тилларидан эшитганларнинг юзларида ғамгинлик ва безовталик аломатлари пайдо бўлди. Бугун бу дунёда киши қўзининг оқу қораси бўлган, кўқракларга меҳр билан босиладиган гўдаклардан, иссиққина бағридан таскин топилган ота ва онадан, бир қориндан талашиб тушган акаука ва опасингилдан, бир ёстиққа бош қўйилган умр йўлдошдан... ҳа, ҳа, ҳамма бир-биридан қочажак эди.

Нега, нима учун қочади инсон?!

Чунки ҳар ким муҳтож, ҳар кимнинг бирордан оладиган, бошқасига берадигани бор. Ўзини кутқаришга ожиз инсон кимга ҳам ёрдам кўрсатади, кимнинг ҳам дардига дармон бўла олади?..

Тўғри, ўша куни юзи ёруғ бўладиган инсонлар ҳам бўлади. Аммо бундай шараф кимларга насиб этади? Бу ҳам ёлғиз Оллоҳга аён.

Расулуллоҳнинг (с.а.в.) қиёмат кунидан баҳс этишлари, инсонлар ўлганларидан кейин яна қайта тирилиш

ларини такрор ва такрор таъкидовчи оятларни эълон қилишлари қурайшлик зодагонларга сира ёқмаган эди.

— Қиёмат ҳеч қачон бўлмайди, тушундингми, бўлмайди! Ҳеч қачон!

Расулуллоҳга (с.а.в.) шундай дағдаға қиласар эканлар, гўё бу сўзларига бошқаларни ҳам ишонтиришга қатъий азм қилганга ўхшар эдилар. Гўё Набийийи муҳтарам (с.а.в.) уларга таслим бўлиб: «Тушундим. Чиндан ҳам қиёмат бўлмайди, янгишган бўлсам керак», дейдигандек.

Четдан келганларни иложи борича Расулуллоҳдан (с.а.в.) узоқ тутиш учун бор имкониятларини ишга солардилар.

— Хоҳлайсизларми, ўлибчириб кетганингиздан, вужудингиздаги ҳамма аъзо йўқ бўлиб кетганидан кейин яна қайта тирилишингизни уқтирадиган бир одамни кўрсатамиз... — дейишар, мусофиirlарнинг дикқатини шу йўсин ўзларига жалб этгандан кейин: — Оллоҳга бўхтон қилаётими ёки телбасифат бўлиб қолганми, билмаймиз... — деб ифво қилишар эди.

Ўзларини хақпарвар, самимий қилиб кўрсатиб, гўё «бошга битган бало»дан инсонларни халос этиш учун жон куйдираётгандай тутардилар. Гўё ниятлари соф...

ЧИРИГАН СУЯКЛАР

Убай ибн Халаф қўлидаги белкуракни бир чеккага улоқтирди, пешона терларини артди ва тупроқ орасидан кўринган бир чирик суякни қўлига олди.

Суяк шунчалик мўрт бўлиб қолган эдики, бармоқлари билан эзғиласа, кулга айланиши турган гап эди. Шу қадар кўҳнаки, бир неча аср олдин ўлиб кетган бир одамнинг суяги бўлиши ҳам мумкин.

Тўппатўғри Расулуллоҳ (с.а.в.) уйларига йўл олди. Бориб пайғамбаримизга, сен тутаётган йўлнинг боши берк, бемаъни, тутруқсиз сафсаларинг билан ҳалқни йўлдан оздиришни ҳозироқ бас қил, демокчи эди.

Расулуллоҳни (с.а.в.) топди, қўлидаги суякни кўрсатди, эзғилади, сўнгра бармоқлари орасидан пуфлаган эди, суяк урвоқлари учиб иккинчи қўлининг кафтига тушди. Бу қуқунни яна пуфлади, ҳар томонга тўзиб кетди. Сўнгра Набийийи муҳтарам (с.а.в.) жанобларига қаттиқ тикилиб:

— Қани, энди гапирчи, эй Муҳаммад, буларга ким ҳаёт бера олади?! — деди.

Расулуллоҳ (с.а.в.) дарҳол жавоб бердилар:

— Буларга Оллоҳ ҳаёт беради, сени эса, жаҳаннамга улоқтиради! Убайнинг ранги рўйи оқариб кетди. «Сени эса жаҳаннамга улоқтиради!» дея ҳозиржавоблик билан айтилган гап уни ларзага солган эди.

Охиратга ишонмаса ҳам, наштардек ўткир бу сўзлар нишонга теккан эди.

Аслида, Расулуллоҳга (с.а.в.) қарши кин ва адоват туйғусида бўлган Убайнинг душманлик хислари янада кучайди.

Қалби кину адоватга, кўзлари қонга тўлган Убай қаёққа кетаётганини ҳам билмай, тезтез юриб кетди.

Убайнинг бу хаттиҳаракати малаклар оламида нохуш бир хабар сифатида кутиб олинди. Жаброили амин Ёсин сурасига қайд этилгуси охирги оятларни келтирди:

«Инсон, Биз уни нутфадан — бир томчи сувдан яратганимизни, энди эса баногоҳ у (Ўзимизга) очик қаршилик қилгувчи бўлиб қолганини кўрмадими?! У Бизга: «Чириббитган суякларни ким ҳам тирилтира олур?» деб мисол келтиридо, (аммо) ўзининг (бир томчи сувдан) яралганини унтиб қўйди. (Эй Муҳаммад,) айтинг: «У (чириган суяқ)ларни дастлаб (бир томчи сувдан) пайдо қилган зотнинг Ўзи қайта тирилтирур. У (Ўзи яратган) барча халқни билгувчидир». У сизлар учун ямашил дараҳтдан олов пайдо қилган зотдир. Бас, сизлар ўшандан ўт ёқурсизлар. Осмонлар ва ерни яратган зот яна уларнинг ўхшашини яратишга қодир эмасми?! Йўқ (албатта, қодирдир)! Унинг Ўзигина яратгувчи ва билгувчидир. Бирон нарсани (яратишни) ирода қилган вақтида Унинг иши фақатгина «Бўл» дейишидир. Бас, у (нарса) бўлур — вужудга келур. Бас, барча нарсанинг эгалиги Ўз қўлида бўлган (Оллоҳ ҳар қандай айбу нуқсондан) пок зотдир. Ёлғиз Унгагина қайтариурсизлар!» (Ёсин, 77-83)

Убай «Сени эса жаҳаннамга улоқтиради» дейилган сўзларнинг таъсиридан астасекин кутулаётган бир пайтда Расулуллоҳдан (с.а.в.) ушбу оятларни эшитдию вужуди баттар титрабқақшаб кетди. Энди бутунлай ўзини йўқотиб қўйган, нима қилишини билмай гаранг бўлиб қолган эди.

— Ё Муҳаммад, менинг бир учкур отим бор. Унга маҳсус ем едириб, шахсан ўзим парвариш қилиб боқаётирман. Ўша отимга миниб сен билан урушаман ва албатта сени ўлдираман, шуни яхши билиб қўй! — деди.

— Аксинча, мен сени ўлдираман, ё Убай! — деган жавобни эшитиб, баттар довдиради.

— Ҳали буни вақт қўрсатади.

Ўша куни Убай уйига жуда ҳорғин ва хаёлпаришон қайтди. Сабаби сўралган эди, жавоб бермади. Қайтақайта сўрайверилгач, титроқ овозда:

— Бугун Муҳаммад менга «Сени ўлдираман», деди,— тарзида жавоб қилди.

— Азизим, бўларбўлмас гапларни кўнглингга олаверасанми? — деб унинг рухини кўтармоқчи бўлишди уйидагилар.

— Тўғрикуя, лекин Муҳаммад ҳеч қачон ёлғон гапирмайдида?!

* * *

АздШануя қабиласининг вакилларидан Димод Маккага келганида қурайшликлар ҳамон Расулуллоҳга (с.а.в.) қарши иғво ёғдириш билан банд эдилар.

— Зинҳор Муҳаммад ибн Абдуллоҳга яқинлашмагин, эй Димод!

— Нега энди?

— Чунки у бир телба, кутуриб кетган жодугардир.

— Бунга асло шубҳа қилма.

— Мен ҳам бир қарашда жинни билан ақллини ажратса оламан. Умрим жиннилар билан гаплашагаплаша ўтди.

— Жуда яхши, Димод. Аммо ўзингни эҳтиёт қил. Бир туртиссанг, кейин ўзингга келолмай юрасан.

— Насиҳатларингиз учун ташаккурлар.

У ердан кетди ва Расулуллоҳнинг (с.а.в.) ёнларига келди. Узини танитди.

— Мен кўп хасталарни кўрдим, даволадим. Оллоҳ шу йўл ила хоҳлаганига шифо беради. Истайсанми, сендан ҳам бу жиннилик касалининг кетиши учун сайд ҳаракат қилсан, — деди чин дилдан. Расулуллоҳ (с.а.в.) унинг сўзларига бундай жавоб қилдилар:

— Ҳамду сано Оллоҳга махсусдир. Унга ҳамд айтамиз, Ундан ёрдам тилаймиз. Оллоҳ кимга ҳидоят берадиган бўлса, уни бу тўғри йўлдан оздирадиган ҳеч кимса топилмас. Залолатда қолдиргани кимсага ҳам ҳеч киши ҳидоят бера олмас. Шоҳидлик бераманки, Оллоҳдан ўзга ибодатга лойиқ ҳеч бир маъбуд йўқдир; бирдир, шериги йўқдир.

Димод гўзал бир балогат намунаси бўлган бу сўзларни дикқатла тинглади. Шу заҳоти яна зшитгиси келди.

— Бу сўзларни бир марта айтасан холосми, эй Мухаммад? — деди ютоқиб.

Расулуллоҳ (с.а.в.) айнан такрорладилар. Димод бошини эгганча қулоқ солиб ўтиради. Бир муддат бу каломларни зеҳнида ўлчаб кўрди, тортди, сўнгра:

— Яна бир марта қайтар шу сўзларингни!.. — деди.

Такрорладилар; тинглади, ўйланди, сўнгра дедики:

— Валлоҳи (Оллоҳга қасамки), мен коҳинлар билан, сехрбозлар билан, шоирлар билан кўришдим, уларнинг сўзларини роса тингладим, лекин бу сўзларга ўхшайдиган ҳеч бир калом эшитмадим. Қўлингни бер, мусулмон бўлиб сенга тобе бўламан.

Димод айни чоқда ҳам ўзининг номидан, ҳам қавмининг номидан Расулуллоҳга (а.с.) байъат бераётган эди. Сўнг хўглашди. (Ибн Касир. «Сияр», 1/452. 56)

* * *

Ибн Масъуд (р.а.) бир хотирасини бундай нақл этади: «Бир куни Набийи акрам жанобларидан, Оллоҳ таолонинг наздида энг ёмон гуноҳ нима, деб сўрадим.

— Оллоҳ таолога бирон нарсани teng ва шерик қилишдир. Ҳолбуки, сени яратган ҳам Удир, — деб жавоб қилдилар.

— Сўнгра энг ёмоничи? — дедим.

— Овқатингга шерик бўлишидан қўрқиб фарзандингни ўлдиришинг.

— Учинчисичи, ё Расулуллоҳ?

— Кўшнингнинг хотини билан зино қилишингдир, —деб буюрдилар.

Ёмонлик ва фисқфасод йўлининг саркардаларига тобе бўлиб, Расулуллоҳга (с.а.в.) қарши чиқкан, унинг йўлига киришдан ўжарлик билан бўйин товлаганларнинг аҳволи бундай баён этилди:

«У кунда бу золим қўлларни (бармоқларни) тишлаб, афсус надомат қилиб дер: «Э, қанийди мен ҳам пайғамбар билан бир йўлни тутганимда! Ўлим бўлсин менга,

қанийди мен фалончини дўст тутмаганимда эди! Аниқки, менга эслатма — Қуръон келганидан сўнг ўша (фалончи) мени йўлдан оздирди». У кунда шайтон (ҳаёти дунёда ўзига эргашган барча) инсонни ёрдамсиз қўйгувчидир». (Фурқон, 27-29.)

Шу орада Расулуллоҳнинг (с.а.в.) қуидаги хадислари ҳам хотиralарга муҳрланди: «Яхши дўст билан ёмон дўстни мушк сотувчи билан ўт пуфловчига қиёслаш мумкин. Мушк сотувчидан ё сен сотиб оласан, ё у сенга совға қиласди. Еки унинг ёнида турсанг ҳам, хушбўй хиддан лаззатланасан. Ёмон дўст эса, ўт пуфловчига ўхшайди. Ё ўт пуфлаб учқун сачратиб, либосингни ёндириб юборади, ёки сассиқ ҳиддан безовта бўласан».

Мўминлар риоя қилишлари керак бўлган одобахлоқ қоидалари, қурайшларга ва хусусан ўзларига ёмон муносабатда бўлган қишиларга нисбатан қандай муомала қилиш кераклиги Фурқон сурасида баён этилди. Шунингдек, фозил мўминларнинг сифатлари ҳам кўрсатилди:

«Раҳмоннинг суюкли бандалари Ерда тавозуъ билан юрадиган, жоҳил кимсалар бемаъни хитоб қилган вақтида ҳам «Омон бўлинглар» деб жавоб қиладиган қишилардир. Улар кечаларни Парвардигорга сажда қилиб ва (жойнамоз устида) тик туриб бедор ўтказадиган қишилардир. Улар: «Парвардигоро, Ўзинг бизлардан жаҳаннам азобини даф қилгин. Дарҳақиқат, унинг азоби кетмасмангу азобдир. Дарҳақиқат, у энг ёмон қароргоҳ ва энг ёмон жойдир», дейдиган қишилардир. Улар инфоқэҳсон қилган вақтларида исроф ҳам, хасислик ҳам,

бахиллик ҳам қилмаслар. (Балки, эҳсонлари) ана ўша (хасислик билан исроф) ўртасида мўътадил бўлур. Улар Оллоҳ билан бирга бошқа бир илоҳга илтижо қилмаслар ва Оллоҳ (ўлдиришни ҳаром қилган) бирон жонни ноҳақ ўлдирмаслар ва зино қилмаслар. Ким мана шу (гуноҳлардан биронтасини) қилса, уқубатга дучор бўлур. Қиёмат кунида унинг учун азоб бир неча баробар қилинур ва у жойда хорланган ҳолда мангу қолур». (Фурқон, 63-69.)

Бу оятлар кўпгина мўминларни хаёлга толдириб қўйди. Кўзлар намланди, хотираларда ўтмишда бўлиб ўтган аламли, ор қилувчи воқеалар жонланди.

Эгилган бошлар, бир зумда қулимсирашни унугтан кўзлар ва беихтиёр олинган чуқур нафаслару хўрсинишлар уларга дунёни тор қилиб қўйди. Чунки тарих қаърига яширган ва бундан кейин ҳеч қачон такрорланмайдиган бу хотиралар бир дақиқа ичидаги кўз олдиларида намоён бўлган, «Ўтмишингда мен ҳам борман», деяётгандай, виждан азобини кучайтирган эди. Буларнинг ҳаммасини жазо ва мукофотни бергувчи ёлғиз Оллоҳ билади.

Ўша кеча кўпгина кишилар мижжа қоқмадилар, у ёқданбу ёққа ағанаб тонг оттиридилар.

Нихоят бошлари эгик ҳолда Расулуллоҳнинг (с.а.в.) хузурларига келдилар. «Ё Расулуллоҳ, дардимизга дармон бўладиган бир чора топинг, ахир, биз адойи тамом бўлдик», дедилар. Сабаби сўралганида:

— Биз жоҳилия даврида зино ҳам қилдик, одам ҳам ўлдирдик, Оллоҳдан бошқа бутларга қайтақайта сифиндик, — дея жавоб бердилар.

Набийи акрам (с.а.в.) жанобларининг изоҳ беришларига ҳожат қолмади. Ушбу дамда ваҳий малаги Жаброили амин Сарвари Оламнинг хузурларига тушган эди. Мўминларга шафоатчилик қилувчи пайғамбаримиз (а.с.) янги келган ваҳийни ўқидилар:

«Магар ким тавба қилса ва имон келтириб яхши амаллар қилса, бас, Оллоҳ ана ўшаларнинг ёмонлик (гуноҳ)ларини яхшилик (савоб)ларга айлантириб қўюр. Оллоҳ мағфиратли, меҳрибон зотдир. Ким тавба қилиб, яхши (амаллар) қилса, бас, албатта У Оллоҳнинг ризосига (мағфиратига) қайтган бўлур. Улар (яни, Оллоҳнинг суюкли бандалари) ёлғон гувоҳлик бермаслар ва лагв (бехуда сўз ё амал) олдидан ўтган вақтларида олижаноблик билан (яни, ундан юз ўтирган ҳолларида) ўтурлар. Уларга Парвардигорларининг оятлари эслатилган вақтида, у (оятларга) гунг ва кўр ҳолларида ташланмайдилар (балки уларни билибанглаб амал қилурлар). Улар: «Парвардигоро, Ўзинг бизларга жуфти ҳалолларимиздан ва зурриётларимиздан шодхуррамлик ҳадя этгин ва бизларни тақводорларга пешво қилгин», дейдиган кишилардир. Ана ўшалар сабрқаноат қилганлари сабабли жаннатдаги юксак даражалар билан мукофотланурлар ва жаннатда фаришталар томонидан салом ва омонлик билан қарши олинурлар. Улар ўша жойда мангу қолурлар. У энг гўзал қароргоҳманзилдир. (Эй Муҳаммад, мушрикларга) айтинг: «Агар дуоилтижо қилмас экансизлар, Парвардигорим сизларга парво қилмас. Бас, сизлар (У зот юборган пайғамбарни) ёлғончи қилдингиз. Энди, албатта, (азоб-уқубат) сизларга лозим бўлур». (Фурқон, 70-77.)

Расулуллоҳнинг (с.а.в.) кўзларида порлаган севинч учқунлари мана шундай ифода этилди. Бу оятлар мўминларнинг кўнглига тасқин, қалбларига ором берди. Кўзларга севинч тўла ёшлар балқиб чиқди. Оллоҳга ҳамду санолар ва шукроналар келтирувчи овозлар юксалди.

Аянчли хотираларга бой мозий эртага яхшилик бўлиб қайтиши, Жаноби Ҳақнинг раҳматига сифинганлар мангу баҳтсаодатга эришишлари шу йўсинда ваъда қилинган эди.

* * *

«Улар кечани жойнамоз устида тик турган ҳолларида, сажда қилиб ўтказурлар» ояти мўминларга кечалари ўқиладиган намознинг зиёда бўлиши ҳақида алоҳида маълумот берди. Ҳамма энг ширин уйкуга кетганида, нафс ҳоҳишларидан қутулиб, Буюк Яратувчи билан яккамаякка қолиш, унинг хузурига бош қўйиш мўминларга ўзгача хузурҳаловат баҳш этарди.

Набийи акрам (с.а.в.) кечаларни ибодат қилиб ўтказишни истаганларга бундай ўгит

бердилар:

— Шони буюк Раббимиз, кечанинг сўнгги учдан бир қисмида дунё самосига қадар пастлаб: «Менга дуо қилгувчилар йўқми, қабул қилсан? Мендан сўровчилар йўқми, сўраганини берсан? Мендан мағфират сўрагувчилар йўқми, гуноҳларидан ўтсан?» деб амр қилади. Бу воқелик ҳар кеча барқарордир.

Пайғамбаримиз ушбу сўзлари билан, кечанинг сўнгги қисмидан оқилона фойдаланинг, демоқчи бўлган эдилар.

МЎМИННИНГ ЯШАШГА ҲАҚҚИ БОРМИ?

Пайғамбарлик келганидан буён етти йил ўтди. Қурайшийлар қўллаган бир қатор жиддий чоратадбирлар фойда бермади. Натижада мушриклар Макканинг юқори қисмида жойлашган Ҳожун қабристони ёнида фавқулодда бир йиғилиш ўтказдилар. Қиска вақт ичиде келинган қарорга кўра, Мухаммаднинг қариндошлари бўлмиш Бани Ҳошимга қарши биргалиқда ҳаракат қилиш ва сурункали бир муомала қатағони уюштиришга келишилди. Улардан қиз олинмайдиган, қизларини уларга бермайдиган, савдосотиқ муносабатлари узиладиган ва бу қарорга амал қилмаганлар жазоланадиган бўлди.

Агар бу қарор кўнгилдагидек натижа берса, ҳошимийлар ва Мутталиб ўғиллари Мухаммаддан юз ўгиражак, якка бўлиб қолган инсонни эса, мағлуб этишлари осон бўлади.

Қарорларининг қатъийлигини кўрсатиш учун моддамодда қилиб ёзиб, Абу Толибни чақиртиришди ва ўқиб беришди, жиянини ихтиёрларига топширмаса, бу қарор шафқатсизларча амалга оширилишини уқтиришди.

— Жияним учун хар қандай фидокорликка ҳам тайёрман, — деди Абу Толиб. — Керак бўлса, сўнгги томчи қоним қолгунча сизларга қарши урушаман. Бутун ҳошимийлар ва Мутталиб ўғиллари ҳам мен билан ҳамфирдирлар. Қўлларингдан келганини қилинглар!

Қабила бошлиқлари бундан бир иш чиқишидан умидларини узиб, бошқача қарорга келишидди: қатағон шароитлари ёзилган қоғозни Каъбанинг ичига осиб қўйдилар. Шу тариқа қатағон расман бошланди.

Абу Толиб Ҳошим ва Мутталиб ўғилларини бир ёқадан бош чиқариб ҳаракат қилишга, Расулуллоҳни (с.а.в.) қўллабқувватлашга чақирди. Ҳаммалари ва Макка мўминлари «Шиъби Абу Толиб» номи берилган ва Абу Толиб яшайдиган маҳаллага кўчиб ўтдилар. Қарамақаршилик, зиддият авжига минди. Абу Жаҳл ва Абу Лаҳаб сингари ашаддий мушриклар бозорўчарларни айланиб юришар, мўминларнинг бирон нарса харид қилиши ёки сотишига йўл қўймас эдилар. Баъзан улар берганидан ҳам кўпроқ пул бериб, пишай деб турган савдони бузишар, сотмоқчи бўлган нарсаларини эса, камситишга уринар эдилар.

Абу Толиб кечалари ҳам Расулуллоҳ (с.а.в.) жанобларини ёлғиз қолдирмас, ё ўзи, ё ўғилларидан, ё қариндошларидан биттаси пайғамбаримизнинг уйларида қолиб, посбонлик қилар, бирон тажовузга учраб юрмасин тағин, деб бор файратини ишга солар эди.

Ҳошим ўғилларидан Абу Толибнинг маҳалласига Абу Лаҳабгина қўчиб келмади. Ҳар доимгидай, у мушрик ҳамтовоқлари билан қолишини афзал кўрди, қариндош-уруғларидан юз ўгириди.

Хазрати Умар ва Ҳамзадан бошқа ҳеч ким ташқарида бемалол юра олмай қолди. Бошқалар маҳалладан ташқарига чиққудай бўлсалар, аёвсиз калтакланишар, ҳақорату азоб-уқубатларга дучор қилинишар эди.

Ташқаридан ҳам ҳеч нарса олиб келиб бўлмай қолди. Зеро, тикандан бошқа нарса ўсмайдиган бу ерда дехқончилик қилиш, сабзавот экиб ҳосил олиш мумкин эмасди. Шу боис уйларда бор озиқовқатни мумкин даражада тежаб истеъмол қилиш йўли тутилди. Бу масалада қўникушнилар бир-бирларига ёрдамчи бўлдилар. Абу Толиб бор бисотини шу йўлда сарфлаб

тутатди. Расулуллоҳ (с.а.в.) билан Ҳазрати Ҳадича қўл остиларидаги ҳамма нарсани шу йўлда сарфладилар. Бутпаст бўлсалар ҳам, фақатгина қариндош-уругчиликнинг ҳаққиҳурмати учун шунча азият чекаётган ва лом-мим деб ҳам нолимаган кишиларга тарқатдилар.

Аммо уйдаги озиқовқат қанчага ҳам етарди? Бир оила бойбадавлат бўлган тақдирда ҳам неча оилани тўйдира оларди?

Озиқовқатлар қаттиқ тежабтергаб ейилишига қарамай, тугади. Мудҳиш бир очарчилик бошланди. Эрта тонгда оч турганлар бир бурда ҳам нон емай кунни ўтказар, кейинги кунни яна очликда кутиб олар эдилар. Ҳайвонлар оч, одамлар оч. Очликдан мадори қуриган гўдакларнинг йиғисигилари, додфарёдлари атрофда бемалол эшитилади. У ербу ерда ўсадиган дараҳтларнинг япроқлари ейила бошланди. Тери парчалари чайналиб шимилди. Топилган ҳар қандай ҳайвоннинг қорни, ичакчавоғи ҳеч иккиланмай пиширилар ва дастурхонга тортилар эди.

Мана шундай оғир машаққатларга қарамай, хоҳ Ҳошим ўғилларидан, хоҳ Мутталиб ўғилларидан бир эркак ёки аёлнинг Расулуллоҳ (с.а.в.) ҳузурларига келиб: «Бизнинг илоҳларимизга тил теккиздинг, динимизни йўқ қилишга уриндинг, оқибатда мана шу балога гирифтор бўлдик. Мана, кўр қандай аҳволга тушганимизни...» демади. Шундай деганини билмаймиз.

Бу ҳол бир ҳафта, бир ой ё бир йил эмас, нақ уч йил давом этди. Машаққатларнинг хилмаҳили билан тўлган уч йил. Ҳаёт ҳар куни бир бошқа, аччиқаламли томонини кўрсатарди.

Бир куни қоронғу тушиб, кўчаларга жимжитлик чўкканидан кейин ўркачига ун тўла қоплар ортилган бир түя Абу Толиб маҳалласи сари йўл олди. Маҳалланинг бошига етиб келган одам туюнинг жиловини бўйнига осди, сўнгра орқасидан қўллари билан бир неча марта шапатилаб, «Чух жонивор», дедида, ўзи қайтиб кетди, қоронғулик ичида ғойиб бўлди.

Бу одам Ҳишом ибн Амр эди.

Туя шўрлик кимнинг ҳам уйига борарди? Шундай умид килган эдики, бирорта одам учратсаю уйига етаклаб бориб, устидаги юкнинг ҳаммасини тезда яшириб, кейин қўниқўшиларга бўлиштириб берса...

Ҳишомни бу инсонпарварликка, ғамхўрликка чорлаган нарса маҳалладан ташқарида ҳам бемалол эшитилиб турган йиғисиги, додфарёдлар эди. Улар ҳам ўзига ўхшаган инсон, қолаверса, у билан бир уруғнинг вакили эдилар.

Ҳаким ибн Ҳизом ҳам аммаси Ҳазрати Ҳадича учун озиқовқат жўнатгани, яна бошқа бир неча киши ҳам ана шундай йўл тутиб, мусулмонларга ҳамдард бўлгани тарихдан маълум.

Бир кунй'; Ҳишом ибн Амр яна уч туюга озиқовқат юклаб Абу Толиб маҳалласига жўнатаётганида, мушриклар сезиб қс^лишди. Эрталаб Абу Жаҳл бошчилигида мушриклар ўртасида ўтказилган мажлисда сўроққа тутилди, танбех берилди, келишилган қарорнинг ҳукмларига зид иш тутмасликка онт ичилгани эслатилди. Абу Жаҳл:

— Бизнинг мақсадимиз бегуноҳ одамларга зулм қилиш эмас, — деди. — Ниятимиз жамоамизни тарқатган, илоҳларимизни айبلاغан... ва гап уқмас, ўжар анави жодугарни тартибга чақириб қўйиш. Ё уни бу йўлдан қайтарамиз, ё Абу Толиб бошлиқ бутун қариндош-уруглари ундан юз ўғирадилар.

Шу аснода Ҳишомни аямай ҳакорат қилишди.

Ўзини ҳимоя қилишга унинг қурби етарди. Бу хаттиҳаракати виждонли кишига муносиб бир иш эканини айта оларди. «Мен бу ишни, кеч бўлса ҳам, қилганимдан баҳтиёрман. Шунча бегуноҳ инсон хотин, бола-чақаси билан ҳамда қариндош-уругимиз бўлишларига қарамай, очликка маҳкум этилиб, уларга ёрдамчи бўлишга ҳам изн бермаганлар уялиши керак», дея оларди. Ичидан ана шундай фикрлар ўтган, аммо шу фикрини баён этгани билан бирор «Ҳишом тўғри гапирияпти, биз жуда ноинсофлик қилдик», демасди.

Шунинг учун у дилидаги гапларни эмас, талаб қилинаётган гапларни гапирди:

— Бу сўнгиси бўлади. Энди шу ишни қилаётганимни кўрмайсиз, — деди.

Бошқа бир куни Ҳаким ибн Ҳизом аммасига ун жўнатмоқчи бўлиб турган эди, Абу Жаҳлга дуч келди. Бу манзара Абу Жаҳлга баттар ёқмади.

— Буларни орқага қайтарасан, эй Ҳаким, — деди.

— Нима учун?

— Чунки бу маҳаллага озиқовқат кирмаслиги керак, биз бунга рухсат бермаймиз.

— Мен уларни аммамга жўнатмоқчиман.

— Ҳеч кимга жўната олмайсан.

— Мен билан ишинг бўлмасин. Аммамга ёрдам бериш учун сенинг ижозатингга мұхтож эмасман.

Абу Жаҳл руҳан мадад истаб ёнида турган Абул Бахтарийга қаради. Аммо у Ҳақим ибн Ҳизомни ёқлади. Натижада/баҳсмунозара бошланиб кетиб, можаро алалоқибат Абул Бахтарий қўлига илинган бир суюк Абу Жаҳлнинг бошига тушиши билан тугади. Абу Жаҳл ғазабини боса олмаган Абул Бахтарийнинг муштларига нишон бўлиб, ерга қулади.

* * *

Қатағон уч йил давом этди. Унга йўлакай яна бир қатор аламли ҳодисалар қўшилиб кетди.

Бир куни Расулуллоҳ (с.а.в.) амакилари Абу Толибни излаб топдилар ва Каъба ички деворига осиб қўйилган қарорни ёғоч қуртлари еб битирганини, қофозда фақат «Оллоҳим, сенинг номинг билан» деган маънога тўғри келадиган «Бисмика Оллоҳумма» иборасигина қолганини билдирилар. Абу Толиб ҳайрон бўлди:

— Қаердан биласан шундай бўлганини? — деб сўради.

— Раббим маълум қилди, — деб жавоб қилдилар Расулуллоҳ (с.а.в.).

Абу Толиб дарҳол бориб Курайш зодагонларини тўплади.

— Бир таклиф билан келдим, — деди.

— Хўш, қанака таклиф экан у, Абу Толиб?

— Жияним Муҳаммад, Каъбага осиб қўйган қарорномаларингизни ёғоч қуртлари еб битирди, фақат «Бисмика Оллоҳумма» иборасиг^гаа қолди, деб даъво қилмоқда. Болалигидан бери син&б келаманки, ҳамиша унинг гаплари тўғри чиқкан. Шунинг учун хузурларингизга бир нарсани таклиф қилишга келдим.

— Сўзла таклифингни, эй Бани Ҳошимнинг йўлбошчиси! — дейишиди.

— Ҳозир биргалиқда Каъбага борамизда, у ерга осиб қўйган қофозларингизни олиб кўрамиз. Агар Муҳаммаднинг даъвоси тўғри чиқса, сизлар бу бемаъни қатағонга чек қўясизлар. Инсонларни очяланғоч, чорночор ҳолда, билатуриб ўлим чангалига топширишдан воз кечасизлар. Бу ерда қавмингиз, қабиладошларингиз ва уларнинг оиласлари жон олибjon бермоқдалар. Агар жиянимнинг гаплари ёлғон бўлиб чиқса, у ҳолда Муҳаммадни ўша заҳотиёқ ихтиёрларингизга топширишга сўз бераман.

Муҳаммад ибн Абдуллоҳнинг Каъбага кирмагани аниқ. Бу дафъа ўлим фармонини ўз қўли билан имзолагандай эди. Мушрикларнинг юзларида табассум ифодаси пайдо бўлди. Нихоят зафарга олиб борувчи йўл очилган эди. Бир зум ҳам иккиланмадилар.

— Биз розимиз, ё Абу Толиб, — дедилар.

Биргалиқда бориб Каъбани очдилар. Диққат билан қарадилар. Дарҳақиқат, аҳднома илвираб кетган эди.

— Бундай бўлиши асло мумкин эмас, — деди бирор.

Абу Толиб сўради:

— «Бўлиши мумкин эмас» деганинг нимаси? Каъбанинг калити сизларда бўлса, бу ерга кимни киритиш киритмаслик сизларнинг ихтиёрларингда бўлса... Энди орада юзага келган муаммони узилкесил ҳал этиш фурсати келди.

Абу Жаҳл сўз қўшди:

— Мен аминманки, жиянинг ўтакетган бир уста жодугар экан. Ундан буюкроқ жодугар

ҳали дунёга келган эмас, келмайди ҳам!..

Вазият бирдан ўзгарди. Бир оз олдин «Жуда соз, розимиз...» дея, хабар тўғри чиккан тақдирда, қатағонга чек қўйишга сўз берган қишилар гўёки булар эмас, бошқалар эди. Тўнғиллайтўнғиллай тарқалдилар.

* * *

Мусулмонларга ёрдам бераётганида қўлга тушиб қолган Ҳишом инсонпарварликка том муносиб бир иш қилгани учун Абу Жаҳлдан ва бошқа биродарларидан эшитган ҳақоратни ҳеч ҳазм қила олмади.

Сабабсиз ҳақоратлар Ҳишомга алоҳида бир қувват берди. Бу масалани ҳал қилиш ва ғалабага эришиш учун қўлидан келадиган ҳеч бир ташаббусни ортга сурмасликка қарор берди. Қарорни амалга ошириш учун Зухайр ибн Абу Умайянинг уйига борди.

Зухайр Расулуллоҳнинг (с.а.в.) аммалари Атиканинг ўғли эди.

—Салом, ё Зухайр!

—Салом сенга ҳам, эй Ҳишом.

—Қалайсан?

—Дурустман.

—Дурустсан, аммо тоғаларинг оғир аҳволда эканларини кўрабилатуриб, қанақасига хотиржам бўласан, қанақасига еганичганинг татииди, ҳайронман. Мен шунга қатъий ишонаманки, агар Амр ибн Ҳишомнинг тоғаларига қарши шундай бир битим тузилса, у буни зинхор қабул қилмаган бўларди.

—Бу билан нима демоқчисан?.. Мен нима ҳам қила олардим, ёлғиз бўлсам... Қасамки, ёнимда яна битта менинг фикримни тасдиқлайдиган биродарим бўлсайди, ўша қоғозни бартараф этиб, бемаъни қатағонга чек қўйган бўлардим.

—У ҳолда, қани, қўлни ташла, сенга керакли одам, мана, менман.

—Жуда соз, унда учинчи бир ҳамфирни топайлик.

Ҳишом у ердан чиқиб, Мутъим ибн Одийнинг қошига борди. Ҳолаҳвол сўрашилгандан кейин мақсадини баён этди, юзага келган вазиятнинг ўта жиддий эканини уқтириди.

Мутъим инсоғли бир одам эди, аммо у ҳам ёлғизлигини писандга қилди.

—Яна бир одам бор, ёрдам беришга тайёр, — деди Ҳишом.

—Ким?

—Мана, мен.

—Жуда соз, у ҳолда яна бир кишини топишимиз керак.

—Учинчи киши ҳам бор, Зухайр ибн Абу Умайядир.

—Тўрт киши бўлсак, яна ҳам яхши бўларди.

Ҳишом ибн Амр бу ердан ҳам чиқиб, Абул Бахтарийникига борди. Уни ҳам ўйлаган ишига рози қилди. Кейин Замъя ибн Асваж ибн Абдумутталиб билан учрашди.

Бу беш маслакдош ўша куни кечаси Ҳожун қабристонининг биқинига йиғилдилар, бўлғуси ишларининг режасини туздилар. Зухайр:

—Мен бошлайман, сизлар эса, мени қўллаб-қувватлайсизлар, — деди.

Бир қарорга келиниб, уййларига тарқалдилар.

Эрталаб Зухайр покиза лиbosларни кийиб уйидан чиқди. Бориб, Каъбани етти марта тавоф қилди. Кейин ўша ерга йиғилган халойиқقا қаратади:

—Эй Макка ҳалқи! Ҳошимийлар очликдан қирилиб кетар эканлар, бизнинг еганичганимиз татиидими? Худо ҳаққи, ноҳақликнинг тимсоли бўлган қариндош-уруғчиликни илдизидан қўпорувчи битим ёзилган бу саҳифа бурдабурда килинмагунча ўтирумайман! — деб хитоб қилди.

Абу Жаҳл масжиднинг бир бурчагида ўтирган эди. Кулогига чалинган бу сўзлар уни ўрнидан сапчиб туришга мажбур қилди.

— Бекорларни айтибсан, у қоғоз ҳеч қачон йиртилмайди! — деб бақирди.

Замъя ибн Асвад муюзарага аралашди:

— Аслида ёлғончи сенсан, ё Амр! Биз бундай ноҳақ битим тарафдори эмасдик.

Абул Бахтарий:

— Замъя тўғри гапирмокда, — деди. — Ўша саҳифада ёзилган хукмларга бизлар асло рози эмасдик. Энди ҳам нотўғрилигини эътироф этамиз. Мутъим ҳам шу фикрни тасдиқлади:

— Ҳар иккалангиз ҳам ҳақ гапни гапирдингиз. Бошқача гап ёлғон бўлган бўлур эди. Биз бу саҳифада ёзилган номаъқул гаплар учун Оллоҳдан кечирим сўраймиз,— деди.

Абу Жаҳл бу ерда бир гап борлигини сезди.

— Бу бир маслаҳатли кенгашдан чиқаётган қуруқ сафсатадир. Сизлар олдиндан келишиб олиб, энди ҳалқнинг кўзини бўямоқчисизлар, — деди.

Ушбу ҳодиса содир бўлаётганида, Абу Толиб ҳам шу ерда эди, аммо у лом-мим демай, бир чеккада ўтириб томоша қиласи.

Шу чоқ Мутъим ўтирган жойидан турди. Тўғри бориб, Каъбага кирди, саҳифани осиғлик турган жойидан олди. Ҳамманинг кўзи ўнгида, кутиб ўтирмай, йиртиб ташлади.

Шу зайл Маккада уч йилдан бери давом этиб келган умумий зулмга чек қўйилди. Мусулмонларнинг сабртоқати туғаёзган эди, саҳифа йиртилиб, муаммо ҳам ҳал бўлдиқўйди.

Холбуки, Абу Жаҳл сўнгги зарба бериладиган кунлар яқинлигини, яна узоғи билан бир ёки икки ойдан сўнг пичоқ бориб сүякка тақалишини жуда яхши биларди. Ё ўлим, ё Мухаммадни Қурайш зодагонларига таслим этиш каби икки йўлдан бири танланадиган кунни сабрсизлик билан кутиб келаётган эди. Овқат пишган, совусин деб ўчокдан туширилган, ўтириб ейиш фурсати яқинлашган эди. Ҳазилакам гапми, бугунги кун узоқ уч йил кутилди, ниҳоят толеъ энди кулиб боқай деб турган маҳалда бир зумда бой берилдия. Оғзини ҳам очишга улгурмай қолди: саҳифа йиртилиб, битим бекор қилинди.

Дарров югуриб бориб Мутъим, Замъя, Зухайр ва Ҳишомнинг устига отилиш, пишиб турган ошни бузганларининг ҳисобини сўраш истаги миясига урилди. Аммо масала шу билан ҳал бўлмасди, аксинча, фожиалиқонли бир тўқнашув бошланиб кетиши мумкин эди. Кўпчилик қатағоннинг бекор этилишини хурсандлик билан кутиб олди. Абу Жаҳл ва унинг ҳамтвоқлари эса, fazabdan бурниларини тишлагудай бўлдилар.

Абу Толибнинг маҳалласига ночор қўчиб ўтганлар яна ўз уйларига қайтдилар. Очликдан тинкамадори куриган ёш гўдакларнинг оғир аҳволидан кўпдан бери азоб чекиб келаётган отаоналар ўша кеча пишиллаб уйқуга кетган жигаргўшаларининг ёнида севинч кўзёшлирини тўқдилир.

Уч йилдай узоқ бир муддат давомида қўп мاشаққатларга зўр матонат билан бардош бериб келган, инсонга хос садоқат туйғусининг энг юксак намуналарини кўрсатган кариндошларига Абу Толиб самими миннатдорлигини изхор этди. Энди Маккада ҳаёт яна аввалги ҳолига қайтган эди.

«Алиф, лом, мим. Жуда яқин жойда Рум мағлуб бўлди. Лекин улар бу мағлубиятларидан сўнг бир неча йил ичида албатта ғалаба қилажаклар. Аввали охир барча иш Оллоҳнинг (измида)дир. Ўша кунда мўминлар Оллоҳ (румликларни) ғолиб қилгани сабабли шодланурлар. Оллоҳ Ўзи хоҳлаган кишини ғолиб қилур. У қудрат ва раҳмшафқат эгасидир. (Бу) Оллоҳнинг ваъдасидир. Оллоҳ Ўз ваъдасига хилофлик қилмас. Лекин буни қўп одамлар билмаслар». (Рум, 16.)

Абу Бакр ушбу оятларни ўқиркан, Убай ибн Халаф унга кинояли бир қараш қилди:

— Бу ҳақда ҳам сенга Муҳаммад хабар бердими?! — деди.

— Худди шундай. Лекин булар унинг сўзлари эмас, Оллоҳнинг каломидир.

— Сизлар ёлғон тўқищдан бошқа ишни ҳам биласизларми ўзи? Қаерда бир бемаъни гап пайдо бўлса, албатта сизлардан чиққан бўлади, ё Абу Бакр! Мен сени ақли расо одам деб

ўйлардим, Азалдан бери шу фикримда событ эдим. Бироқ Мұхаммадга қүшилдингу сен ҳам ақлдан оздинг, шекилли. Ҳолбуки, сен «Инсонни камситади, орномусга қолдиради», деб шаробни ҳам ўзингга ҳаром қылған кишисан.

—Хозир ҳам шунақаман.

—Жуда соз. У ҳолда нега бу бемаъни гапларга ишонасан?

—Бу хабар бемаъни эмас, юз карра түғри чиқадиган башоратdir.

—Хўп, майли, у ҳолда кел, гаров ўйнаймиз! Мен ўнта тужикаман.

Бу икки одамдан бири қўзи билан қўриб турган нарсағагина ишонса, азалдан буён давом этиб келаётган воқеаҳодисалардан чиқариладиган ақлий хулосаларга таянса, иккинчиси Буюк Оллоҳдан келган хабарга ишонар эди.

Ҳазрати Абу Бақр (р.а.) тезда Расулуллоҳни (с.а.в.) топди ва бўлиб ўтган воқеани сўзлаб берди. Фахри Олам (с.а.в.) жаноблари «бир қанча йил» ибораси уч билан ўн йил орасидаги муддатни билдиришини айтдилар.

—Вақтини узайтири, туялар сонини кўпайтири, — деб буюрдилар.

Убай ҳазрати Абу Бақрнинг (р.а.) яна қайтиб келганини қўриб, шошиб қолди:

— Пушаймон бўлдингми? — деди.

— Йўқ, пушаймон эмасман, агар рози бўлсанг, туялар сонини кўпайтирамиз, — деди Абу Бақр (р.а.). Юзта тужикаман, вақтни эса, тўққиз йилгача чўзамиз.

— Розиман, — деди Убай.

Шу тариқа ўйналган гаров ўтимлилигини сақлаб қолар, румларнинг эронликлар устидан ғалаба қозонганлари ҳақида хабар келганида Ҳазрати Абу Бақр юзта таяни Убайнинг меросхўрларидан олажак эди.

ТИЛ БИЛМАС ТЕМИРЧИ

Мушриклар ҳар куни бир иғво тўқиб чиқараардилар. Бу сафар:

— Ўзи ёзган нарсаларни «Оллоҳнинг каломи» деб халққа тақдим этмоқда, — дея бошладилар.

Мажлисларнинг кун тартибида мана шунга ўхшаш сўзлар бўлиб қолди. Мўминлар ҳамон ақлсизликда айбланардилар.

— Ўз қўли билан ёзганларини сизларга ўқиса, «Оллоҳнинг каломидир» деб ишонаверасизларми? Ақлларингиз жойидами ўзи? Ёки эсхушларингизни еб қўйганми сизлар?

Бу гаплар мўминларга қайтақайта айтилди. Нихоят Анкабут сурасига туширилган қуйидаги оятлар бу масалани ҳам ойдинлаштириди:

«Сиз (ўзингизга Куръон нозил қилинишидан) илгари бирон китобни ўқиган эмас эдингиз ва ўз қўлингиз билан хат ҳам ёзган эмас эдингиз. Акс ҳолда, бузғунчи кимсалар албатта шубҳага тушган бўлур эдилар. Йўқ, у (Куръон) илм ато этилган зотларнинг кўнгилларидағи аниқравшан оятлардир. Бизнинг оятларимизни фақат золимларгина инкор қилур». (Анкабут, 48-49)

Расулуллоҳнинг (с.а.в.) ҳаётларини қирқ йилдан бери яқиндан билиб келганлар тилларини тишлишга, қўлларини пешоналарига уришга мажбур бўлишди. У зотнинг савод чиқармаганларини, ўқишёзиши билмасликларини жуда яхши билишарди. Аммо ҳар томондан ўргимчак тўри сингари ўраб олган кибр, кин ва адсоват, нафрот туйғулари уларнинг кўзларини кўр қилиб қўйди. Кўнгиллари гап уқмасликка қасам ичгандай, янгиянги иғволарни ўйлаб чиқариш билан банд, зеҳнлари фақат мана шу йўлда ишлар эди.

Пайғамбарларнинг энг буюги Мухаммад (с.а.в.) орасира асли румлик бўлган бир темирчининг хузурига борар, у билан сухбатлашиб ўтиради. Бу одам узоқ юртдан келиб,

Маккада муқим бўлиб қолган эди. Четдан келган ва арабчани ёшлигидан ўрганмаган мусофири одам арабчани қанчалик билса, у ҳам шу даражада билар, гапирилган гапни зўрға англар, мақсадини ҳам аранг тушунтираш эди.

Бир куни мушриклар вайронадан хазина топгандай хурсанд бўлиб кетишиди.

—Муҳаммад ибн Абдуллоҳ сўйлаётган каломини мана шу темирчидан ўрганаар экан, — дея иғво бошлашиди.

—Ҳая... У дўконга жуда серқатнов бўлиб қолган, аммо темирчида арзигулик бир иши йўқ эдику. Бирон буюртма бергани ҳам номаълум. Нега шу нарсани шунча пайтдан бери сезмадика, — дегандай қўллар пешоналарга урилди. Чашма кашф этилган, энди ундан сув чиқариш керак эди. Ҳа, шакшубҳасиз, бу каломларни ўша темирчи ёздираш эканда...

Чиндан ҳам ажойиб бир «кашфиёт» эди бу. Бир зумда ҳаммаёққа гап тарқалди: «Абдулмутталибининг невараси ҳаммани мафтун этадиган бу жозибадор сўзларни румлик темирчидан ўрганаётган экан, у одам ҳар борганида нималарнидир ёзиб бераркан...» деган мишмишлар пайдо бўлди.

Аммо бу мишмишларнинг ҳам таги пуч, мантиқсиз эди. Неча йилдан буён беозор, бегуноҳ мўминларни қон қустириб келганлар шу оддий темирчининг танобини тортиб қўя олмасмидилар? «Биродар, сен ҳаддингдан ошяпсан. Кўриб турибсанки, юртимизда фитнафасод қўзғалди. Ота болани, бола отани танимайдиган бўлди. Буларнинг барчасига сен айбордсан. қадамингни ўйлаб бос!..» дейишлари мумкин эдику?

Кўплаб инсонларни ўз она юртини тарқ этишга мажбур қилган зулмларнинг мингдан бири бу темирчига қилинса эди, шу заҳоти оғзи ёпилар, лом-мим демайдиган бўлар эди.

Қолаверса, уни ўлдирғанлари такдирда ҳам жавобини сўрайдиган, «Унинг орқасида, мана, биз турибмиз, бошидан бир тола сочини тушириб ҳам кўрингчи!..» дейдиган қудратли мададкори ҳам йўқ эди.

Ёки масалани яхшиликча ҳал этиш йўли ҳам бор эди. Яъни: «Ол, мана сенга ўнта энг аъло урғочи тужа... Фақат тилингни тийсанг, бас. Бундан сўнг Абдулмутталибининг невараси билан сирлашишни тўхтатсанг бўлди», дейиш қийинмиди?

«Буларни ёзиб беришинг эвазига Муҳаммад қанча пул беради?» деб сўраб олиб, тўлайдиган пулнинг бир неча баробарини бериб, анчамунча саҳифани ёздириб, Расулуллоҳнинг (с.а.в.) хузурларига боришига, «Бу каломнинг ўхшашини келтиринглар, деган эдинг, мана, кўр. Қолаверса, айни манбадан келтиридик. Энди даъвоингдан воз кеч!» десалар бўлмасмиди?!

Лекин масаланинг бошқа бир томони ҳам бор. Яъни, бу темирчи насроний динида эди. Бир насроний ўзининг етук динидан воз кечиб, бошқа бир динни ўртага чиқарармиди?

Бу қадар гўзал, бу қадар латиф ва таъсирчан каломни сўзлашга қодир бўлган бир инсон нега: «Бу мукаммал каломнинг адиби менман», деб ўртага чиқмайди, бутун шоншараф, обрўэътиборни бошқа бировга эҳсон қиласди?

Ниҳоят Жаброили амин келди. Ўйламайнетмай оғзига келган гапларни айтиб юрган мушрикларга яна бир бор танбех берувчи оятни пайғамбаримизнинг (с.а.в.) қалбларига сингдирди:

— «Аниқки, Биз уларнинг: «(Қуръонни Муҳаммадга) бирон одам ўргатмокда» деяётганини билурмиз. Лекин уларнинг бу даъволари пучдир, чунки улар ишора қилаётган кимсанинг тили ажамий (яъни, арабий эмас), бу (Қуръон) эса, очиқравшан арабийдир». (Наҳл 103)

Бирикки кун ичида бутун шаҳарга тарқалган мишмишлар бир зумда тўхтади, сутнинг юзидаги қўпиклар сингари йўқ бўлди. Кўпдан бери лом-мим демай келаётган виждонлар қисқа вақт ичида ўзини кўрсатди:

— Тўғри, бу одам оддий араб тилини эплаб гапиролмайдику, қанақасига шундай бир мукаммал каломни ёзиб берсин, — дея бошлашиди.

Темирчини танимайдиганлар, навбатдаги ваҳийнинг ҳақиқатга қанчалик мос ёки мос

эмаслигини билиш учун Марва тепалиги атрофида маскан тутган румлик темирчининг дўкони сари йўл олдилар.

— Ҳорма энди, Жабр. Нималар қилаётисан?

Жабр келганларга кулимсираб қаради:

— Мен киляпман иш... — деди. Ўчокдаги темирни кўрсатиб, ишора қилди: — Темир...

Бу одам чиндан ҳам юмaloқёстиқ қилиб гапирди. Унинг гапираётган сўзларини тўлиқ тушунишни истаган киши у сарф килган ғайратчалик ғайрат сарфлаши керак эди.

Ночор у ердан лабларини буриштириб чиқиб кетишиди.

Бечора темирчи, бўлиб ўтган воқеалардан бехабар, бутун кучкудратини ишга солиб, темирни яссилаш билан овора эди.

Асл бир араб фарзандига устозлик қилганини у қаёқдан ҳам билсин?

Расулуллоҳ (с.а.в.) Раббилиаридан келган оятларни сахобийларига етказдилар:

«Имон келтирган, ўз имонларини зулм (ширк) билан аралаштирган зотлар — ана ўшалар хотиржам бўлгувчиидирлар ва ўшалар ҳидоят топгувчиидирлар». (Анъом, 82.)

Ғамгин бир овоз эгилган бошларга, намланган кўзларга таржимон бўлди:

— Ё Расулуллоҳ, — деди, — орамизда зулм қилмаганлар ҳам бормикан?..

Бенихоя соғ, бенихоя самимий сўзлар эди бу. Оллоҳ ваъда қилган буюк бир неъмат бизга насиб этмас эканда, дея хавотирга тушган бир юракдан фарёд бўлиб отилиб чиқсан овоз эди.

Расулуллоҳ (с.а.в.) бу сўзларни сўйлаганга ўгирилдилар:

— Оллоҳ таолонниг муроди сизлар тушунаётгандай эмас. Бу оятдаги зулм ширк маъносиладир. Луқмони Ҳакимнинг ўғлига таъкидлаган сўзларини эшитмаганми сизлар? У ўғлига: «Ҳеч шубҳа қилмагинки, ширк бенихоя бир зулмдир», деган эди, — деб марҳамат қилдилар. (Имом Бухорий, 6/20.)

Расулуллоҳ (с.а.в.) намоз ўқиётган чоқларида Қуръони каримни баланд овоз билан тиловат қилдилар. Бир куни у кишининг тиловатларини эшитган мушриклар ғоят ҳаддан ошиб, тарбиясизларча, юзсизлик қилди:

— Ўқиганни ҳам, уни туширганни ҳам, келтирганни ҳам... — деб сўкинди.

Бундан ўзлари завқланди ҳам. Ҳар сафар Қуръон тиловатини эшитганда сўкишни кўнгилларига тугиб қўйди. Аммо бу орада Жаноби Ҳақ Набийий акрамига жўнатган бир фармон билан масалани ислоҳ қилди:

«Сиз намозингизни баланд овозда, ошкора қилиб ҳам юборманг (токи мушриклар эшитиб, Қуръонни ҳақорат қилмасинлар) ва ўта махфий ҳам қилиб юборманг (токи саҳобларингиз тинглаб фойдалансинлар). Шуларнинг ўртасидаги йўлни тутинг!» (Ал-Исро, 110; Имом Бухорий, 5/229.)

Шундан кейин Расулуллоҳ (с.а.в.) намозни паст овозда ўқийдиган бўлдилар.

Расулуллоҳ (с.а.в.) саҳобаларига қилинаётган жабр, зулм ва ҳақоратлар илоҳий девонда ёзib борилаётган эди. Уларнинг жазоси бериладиган, афсусланиб бармоқларини тишлайдиган кунлар ҳам келиши муқаррар.

Чунончи бир куни Расулуллоҳ (с.а.в.) кўкка қараб қўлларини дуога очдилар:

— Оллоҳим, уларга Юсуф пайғамбар даврида келтирганинг қаҳатчиликни келтир! — дея илтижо қилдилар.

Натижада ёмғирлар ёғмай қолди, даҳшатли қурғоқчилик бошланди. Бу қурғоқчилик шу қадар мудҳиш тус олдики, очликдан мажолсиз қолган инсонлар осмонга тикилганларида факат бир туманни, тутунни кўраётгандай бўлардилар.

Бутлар ҳар доимгидай гунг ва соқов эди. Шу кунгача улар бирон ишнинг чорасини топа

олмаган, бу сафар ҳам қурғоқчиликка қарши бирон тадбир топадиганга ўхшамас эди.

Зеҳнлар ўтмиш кунларнинг хотираларига берилди. Абдулмутталиб, Абу Толиб ёмғир дуосига чиққан кунларни эсладилар. Ушанда улар билан бирга бўлган нур юзли гўдак кўз ўнгларига келди.

Абу Толиб ҳали ҳаёт. Унинг ёнида бўлган нурли бола эса, ҳозир капкатта киши. Аммо энди уларнинг хузурига бош уриб боришга, «Илтимос, ёмғир дуосига чиқайлик», дейишга бетлари чидамасди. Қилиниши мумкин бўлган ҳар қандай хақорат қилинган, жабрзулмнинг ҳамма тури синаб кўрилган, ашаддий бир душман каби, уларга нисбатан аёвсиз бир сиёsat юргизилган эди. Буларнинг барчасини бир чеккага йиғиштириб қўйиб, худди ҳеч нарса бўлмаган каби келиш, ҳолаҳвол сўрашиб, дуо қилишини сўраш учун ўта орсиз, юзсиз, уятсиз, пасткаш бир одам бўлиш керак.

Аммо қурғоқчилик тобора шиддатли тус олар, ҳалқни бутунлай умидсиз қилиб қўяётган эди. Дуоси бешак қабул қилинадиган улуғ зотга бош уриб боришидан ўзга чора қолмади...

Ниқоят, бу ишни Абу Суфён зиммасига олди. Буюклар буюгининг хузурларига борди. Зулмга учраган, ҳаққи қўлидан тортиб олинган мазлумларга хос бир ялинчоқ овозда:

— Эй Мухаммад, сен Оллоҳга итоат, қариндошларга эзгулик қилишни амр этасан. Ҳолбуки, қавминг очлиқдан ўладиган аҳволга тушди. Оллоҳга бир дуо қилсанг, ҳаммамиз ҳам бу оғатдан қутулардик.

Шу зайлда Абу Суфён энди сўнгги сўз Расулуллоҳга (с.а.в.) тегишли эканини, охироқибатда у зотнинг ҳукмлари ўтишини, коинотнинг Буюк Эгаси олдида қурайшларнинг эмас, Ҳабиби акрамининг илтижоси мўътабар бўлишини ушбу мурожаат билан очиқ-ойдин эътироф этган эди.

Бу сўзларни сўзлар экан, йиллар давомида ақл бовар қилмас нене зулмларни мўминларга раво кўрганлар гўё улар эмасди. Гўёки Абу Толиб маҳалласига мўминларни ҳибс этиб, уч йил очарчилиқда қолдирганлари ёдларида йўқ,..

— Жуда соз, — деб кўндилар жаноби Сарвари Олам. — Бордию дуоим қабул бўлса, имон келтирасизларми?!

Абу Суфён самимий бир овоз билан жавоб берди:

— Халқ тўхтовсиз равишда бир овоздан ёлвормоқда. Эй Раббимиз, бизни бу азобдан ҳалос эт, энди имон келтирамиз, дея илтижо қилмоқда. — Шундан кейин қўшимча қилди: — Аҳволимиз мана шунаقا, илтижоларимиз ҳам шундай.

Неча марта берилган ваъдалар қандай бузилган бўлса, бу сўзга ҳам улар осонгина хиёнат қилишлари мумкин эди. Яна жодугар дейишлари, яна ёлғончи, фолбин, шоир... каби бўхтонлар ёғдиришлари бегумон эди. Аммо Расулуллоҳ (с.а.в.) яхшиликни раво кўрдилар. Қолаверса, мўминларни шунча йиллардан бери қилинган жабрзулмнинг алами олинган эди.

Абу Суфён сўзларида давом этди:

— Гапимга ишон, ўтинаман, эй Мухаммад, осмон қўзимга худди бир туман каби хира кўринадиган бўлиб қолди. Азалдан мовий, тиник бўлиб келган самоват ҳам ўзгариб колгандек. Бундан ташқари оёққа туришим бир азоб, юришим бир азоб, уйда овқат деб зорланаётган гўдакларга бирон егулик топиш яна бир бедаво дард.

Абу Суфён рост гапирав эди.

Оч меъдалар онгларга ҳукм қила бошлаган, кўзлар, нигоҳлар маҳзун, тиззалар қалтирав, кўк юзини эса, хира бир туман қоплаб олган эди.

Буюк Оллоҳ ҳам навбатдаги оятларила ҳол чиндан ҳам шундай эканини тасдиқлади:

«Бас, (эй Мухаммад,) сиз осмон очиқ (яъни, барчага кўринадиган) тутунни келтирадиган кунга кўз тутинг. У (тутун барча) одамларни ўраб олур. Бу аламли азобдир. Шунда улар: «Парвардигоро, ўзинг бизлардан бу азобни аритгин. Албатта, бизлар имон келтиргувчи дидирмиз», дейдилар». (Духон, 10-12.)

Натижада Расули муҳтарам (с.а.в.) қаҳатчиликнинг бекор қилинишини сўраб дуо ўқидилар. Офат бартараф бўлганидан дарак бериб, ёмғирлар ёғди, ҳаёт яна эски ҳолига қайтди.

Машаққатли кунлар унутилди. Абу Суфённинг ваъдасини ҳеч ким, ҳатто Абу Суфённинг ўзи ҳам эсламади. Энди ҳеч ким бу ваъданинг устидан чиқмаслигини ўзининг отини билгандай яхши биларди Абу Суфён.

Аммо бу хиёнат шундайича қолиб кетаверадими?

Ушбу саволга жавоб тариқасида Буюк Оллоҳ бундай амр этди:

«Улар учун қаёқдан ҳам (бошларига тушган бу оғатлардан) эслатмаibrat олиш бўлсин?! Ҳолбуки, уларга очик пайғамбар (яъни, Муҳаммад а.с.) келди, сўнгра ундан юз ўғирдилар ва «(Унга Қуръон бировлар томонидан) ўргатиб қўйилган, (у) мажнун», дедиларку?! Албатта, биз бу азобни (сизлардан) бир оз (вақтгача) аритгувчидирмиз, сизлар ҳам, шакшубҳасиз, (ўз куфру исёнларингизга) қайтгувчидирсизлар. Биз даҳшатли ушлаш билан ушлайдиган кунда (яъни, Бадр жангидаги ёки қиёмат кунида биз улардан) интиқом олурмиз. Зоро, Биз интиқом олгувчидирмиз». (Духон, 13-16.)

Бу интиқом яқин келажакда, Бадр жангидаги бошланажак ва то қиёмат кунигача давом этажак. (Имом Бухорий, 2/15 — 19 ва 6/39.)

МАШХУР ШОИР ОЬША ҚАНДАЙ АЛДАНДИ?

Оъша донғи бутун Араб ярим оролига тарқалган улуғ шоир эди. Бақр ибн Воил ўғилларидан бўлган бу машхур шоир Расулуллоҳ (с.а.в.) ҳақларида озмиқўпми эшитган. Ислом дини келтирган аҳкомлар ва Қуръондан баъзи оятларни тинглаган, «Бориб унинг динига кирайин», деб туясига минганду Маккага йўл олган эди.

Йўл бўйи Расулуллоҳ (с.а.в.) ҳақларида ўйлаб келди, у зотни мадҳ этувчи шеърлар ўқиди.

Ниҳоят бир куни офтоб ботай деб турганида Утба ибн Робианинг уйига етиб келди. Кўпдан бери кўришмаган қадрдон дўстлар қучоқ очиб кўришдилар.

— Хуш келибсан, эй азиз дўстим, — деб қаршилади Утба.

— Сизларни жуда соғиндим, эй Утба! — деди Оъша.

Ўша кеча Оъша Утба ибн Робианинг азиз меҳмони

бўлди. Иззатикром, илтифот кўрсатилди. Оъша гўзал шеърлардан ўқиб берди.

Шу аснода Абдумутталибининг невараси Муҳаммад ибн Абдуллоҳ ҳақида битилган бир қасидани ҳам ўқиди.

Утба арабларнинг одатига хилоф иш тутмаслик учун Оъшанинг келишидан асл мақсадини сўрамади. Бироқ мақсад шундоқ ҳам маълум эди. Оъшанинг тўсатдан Расулуллоҳ (с.а.в.) тўғриларида гап бошлаганини бошқача изоҳлаб бўлмас эди.

— Роза чарчагансан, эй Оъша, вақтлироқ ётиб дамингни ол, бошқа гапларни эртага гаплашамиз.

— Гапинг тўғри, Утба. Йўл азоби — гўр азоби, деб бекор айтишмаган. Кўзларим юмилиб кетяпти, ётсам, ётақолай.

Кўп ўтмай эшитила бошлаган хуррак унинг қаттиқ уйкуга кетганини билдириди.

* * *

Тун ярмида Абу Жаҳлнинг эшиги тақиллади. Овозидан Утба ибн Робиа эканини таниди. Аёнки бундай бемаҳалда бехуда келмаган. Бир муддат сухбатлашдилар. Хайрлашар эканлар, Абу Жаҳл:

— Мен боргунча, уни ҳеч қаёқса чиқарма! — деб тайинлади.

Утба қоронгулик ичидаги гойиб бўлди. Орқасидан эшик ёпиларёпилмас минғирлаган овоз эшитилди: «Ҳап сеними, тўнғиз шоир... Унинг динига кириб бўпсан!...»

Абу Жаҳл ўша кеча мижжо қоқмай у ёқданбу ёқса ағанаб чиқди. Хаёли Оъшани қандай

қилиб фикридан қайтариш билан банд эди. Уйқуга кетса, тушига кирап, уйғонса, яна у ҳақда ўйлар эди.

Шундай улуғ шоир ҳам ақлсизлик қилса, мусулмонларнинг қучига күч, ғайратига ғайрат күшилиб, янада ҳаддиларидан ошиб кетмайдиларми?..

Эрталабгача Оъшани бўралаб сўкиб чиқди.

Тонгсаҳарда Утбаника кириб келди. Юзида айёrona бир табассум ифодаси бор эди.

— Хуш келибсан, эй Шоир, бизни жуда хурсанд қилдинг, — деб Оъшага илтифот кўргазди. Оъша ҳам шунга муносиб жавоб қилди:

— Хуш вақт бўл, эй Абул Ҳакам.

Абу Жаҳл ўтирди. Туя сути билан меҳмон қилинди. Ҳолаҳвол сўралди. Нихоят Абу Жаҳл Оъшадан келиш мақсадини сўради.

— Муҳаммад ибн Абдуллоҳнинг динига кириш учун келдим, эй Абул Ҳакам, — дея жавоб берди Оъша сoddадиллик билан.

— Нима?!

Оъша қабиласига етиб борган баъзи бир хабарлар ҳақида сўзлаб берди. Янги дин хусусида шахсан пайғамбарнинг ўзидан маълумот олиб ўрганиш ниятида эканини билдириди.

— Лекин, — дея гап бошлади Абу Жаҳл, — бир динга киргач, ўша диннинг ҳукмларига қатъий риоя қилиш лозимлигини ҳам билсанг керак?!

— Албатта.

— Жуда соз. У ҳолда Муҳаммаднинг зинони тақиқлаганини биласанми?

Оъша лабларини буриштириди:

— Билмас эдим. Лекин ёшим ўтиб, зино ҳам хуш ёқмай қолди, бундан кейин зинодан узоқ туриш энди мен учун у кадар қийин бўлмаса керак.

— Хўп, майли.. Ичкилик ҳақидачи, ичкилик ҳақида нима дейсан? Ахир, у ҳам тақиқланган.
— Тушунмадим.

— Муҳаммад ичкиликни ҳам тақиқлаяпти. Оъша кўзларини каттакатта очди.

— Мана буниси энди чатоқ экан, — деди.

— Яъни?

— Яъни, ичкиликни жуда яхши кўраман. Ундан воз кечишим мушқул бўлади.

Оъшанинг кайфияти бузилди. Абу Жаҳлни титрок босган эди. Сукунатни Утба бузди.

— Қандай қарорга келдинг, эй Оъша?

— Иш чаппасига кетди. Яхшиси — ҳозироқ уйга қайтиб, бир йил давомида тўйибтўйиб шароб ичиб олишим керак. Бир йилдан сўнг келиб унинг динига кираман. Бундан бошқа чора кўрмаяпман.

— Уйлайманки, бу энг маъқул фикр бўлса керак.

Утба коса тўла хурмо шаробини, ғалаба билан қутлаётгандай қилиб, уларнинг олдига суриб кўйди. Оъша сингари ақли расо кишининг ўйлаб иш қилиши лозимлигини ҳам қўшимча қилди. Донғи Ямандан Дамашққача кетган бир шоир янги бир динга кирсаю, унинг ҳукмларига риоя қилмаса, обрўйи тушишини ифода этди.

Оъша хайрлашди.

— Яна келгин, кутиб қоламиз, эй шоирларнинг султони!

— Яна келиб, уйларимизга файз киритишингдан умидвормиз, эй Оъша!

— Сизлар ҳам хуш қолинглар, дўстлар. Бир йилдан сўнг, ҳаҳа, яна бир йилдан сўнг келаман, хайр!

Оъша тўғри маслаҳат берган дўстларига қайтақайта миннатдорлик билдириб, кетди. Бир йил давомида тўйибтўйиб шароб ичиш ҳақида ўйлайўйлай, Маккани тарқ эди.

Ниятига етган ҳамтовоқлар у кўздан ғойиб бўлгунча орқасидан кузатиб туришди. Сўнгра бир-бирларига тикилишди:

—Ифлос шоир, жиннилиги тутиб фикридан қайтмаса эди, деб шундай кўрқдимки...

—Жуда айёrsанда, эй Абул Ҳакам. Лот ҳақки қасам ичаманки, агар мен шайтон бўлсан, ишларимни битиришдан олдин маслаҳатлашиш учун қирқ марта бўлса ҳам эшигингни тақиллатардим сенинг.

* * *

Оъша шундай узоқ йўлни босиб, заҳмат чекиб Маккага етиб келганида, ҳеч бўлмаса бир марта Расулуллоҳ (с.а.в.) билан кўришиши лозим эмасмиди?

Бу жиҳатдан уни маъзур тутиб бўлмайди, деб ўйлаймиз.

Абу Жаҳл билан Утбага келсак, улар мушрикларга хос вазифани бажарган эдилар. Умрларини имон ва ирфон лашкарини тўхтатиш ва маҳв этиш йўлида сарфлаган кишилардан: «Жуда яхши ўйлабсан, минг афсуски, биз ҳали ҳам имон келтиришга журъат қилолмадик, сени самимий кутлаймиз, эй Оъша!» дейишларини кутиб бўлмаса эди, албатта.

Оъша кетди. Айтганидай, буткул ичкиликка берилди. Кетмакет шароб ичарди. Ичган сари завқланар, завқланган сари яна ичар эди.

Бир йилдан сўнг ичкиликка чек қўяман, деб ўйлади.

Аммо у кунларгача етиб боролмаслигини ажал эшигини тақиллатиб келганида билди. Тутган жойидан кесадиган, олмасдан кетмайдиган ажал ўз ишини қилди: Оъша ҳаёт билан видолашиб, кўзларини юмди.

Бир йил яшаса, келиб мусулмон бўлармиди ёки «Ҳали ҳам ичкиликка тўймадим», деб яна бир йил ичкиликка берилармиди?

Булар қиёмат куни бўладиган хисобкитобга ҳавола этиладиган мавзудир. Уни ҳам, уни алдаганларни ҳам ҳисоб-китоб қиласиган Буюк Оллоҳ нима қилишни, қандай йўл тувишни, албатта, биздан кўра яхшироқ билади.

Аммо узоқ йўлни мешақат чекиб босиб келган, лекин илк дафъа эшигтан бирикки оғиз сўзгаёқ алданиб, нур юзли пайғамбар (с.а.в.) билан учрашмай кетган Оъшага ачинмай ҳам бўлмайди. (Ибн Хишом. «Ассийратуннабавийя», 2/25 — 28.)

* * *

Жаноби пайғамбаримиз (с.а.в.) қурайшийларни абадий саодат йўлига чорлар эканлар, улар бу ишни қандай қилиб бўлса ҳам бузишга уринишдан ҳеч чарчамас эдилар.

«Ҳеч бўлмаса, бу Қуръон икки шаҳарнинг ҳокими бўлган улуғ мартабали кишилардан бирига туширилмасмиди?» каби мишишлар тарқала бошлади бу гал.

Икки шаҳарнинг ҳокимлари деб тан олинган кишилар Маккада Валид ибн Муғири, Тоифда Урва ибн Масъуд Сақафий эди. Ҳатто Валид бу борадаги фикрини очиқчасига ифода этиб: «Муҳаммад «Оллоҳ қаломидир» деб даъво қилаётган сўзлар чиндан ҳам Оллоҳ қаломи бўлганида, менга ёхуд Урва ибн Масъудга тушириларди», деган.(Куртубий тафсири, 16-83.)

Ниҳоят, навбатдаги оятлар бу масалани ҳам ҳал этди:

«Яна улар: «Бу Қуръон икки қишлоқнинг биридан булган улуғ одамга нозил қилинганида эди», дедилар. (Эй Муҳаммад,) Парвардигорингизнинг раҳмати (бўлмиш пайғамбарлик)ни ўшалар тақсимлайдиларми?! Йўқ (асло ундей эмас)! Уларнинг ҳаёти дунёдаги майшаттирикчиликларини ҳам уларнинг ўрталарида Биз Ўзимиз тақсимлаганмиз ва баъзилари баъзиларини қўл остига олиб (ишлатиш) учун айримларини айримларидан баланд даражамартабаларга кўтариб қўйганмиз. Парвардигорингизнинг раҳмати пайғамбарлик эса, улар тўплайдиган нарса (мол-дунё)ларидан яхшироқдир». (Зухруф, 31-32.)

Бу масалада яна ҳаддидан ошганлар, пайғамбарларга берилган нарсалар бизга ҳам берилмагунча имон келтирмаймиз, дедилар.

Жаноби Ҳақ бемаъни таклифи истаклар билан суюкли расулини безор қилган маккаликларга бир жавоб ва пайғамбарига бир тасалли тариқасида ушбу оятларни туширди:

«Қачон уларга (Мұхаммад пайғамбар эканлиги ҳакида) бирон оят келса, «То бизга ҳам Оллохнинг пайғамбарларига берилған оялтарга ўхшаш оялтар берилмагунича, ҳаргиз имон келтирмаймиз», дедилар. Оллоҳ пайғамбарлик вазифасини қаерга қўйишни яхшироқ билгувчиидир. Яқинда бундай жинояткорларга қилиб ўтган ҳийланайранглари сабабли Оллоҳ хузурида хорлик ва қаттиқ азоб етажақдир». (Анъом, 124)

ҚАЙҒУ ЙИЛИ Фидокор амакининг ўлими

Абу Толиб анча кексайиб қолди. Ортиқ ҳаёт машаққатларини кўтаргудай ҳоли ҳам қолмади. Отаси Абдулмутталибининг вафотидан буён қирқ йилга яқин вақт ўтди ахир. Бир куни у касалга чалинди ва ётиб қолди.

Курайш зодагонларидан Утба, Шайба, Абу Жаҳл Умания, Абу Суфён ва яна бир неча киши уни зиёрат қделдилар. «Тузалиб кетгин», дедилар. Гап орасида:

Эй Абу Толиб, биз сени ҳурмат қиласиз. Бу касаллик сени тўшакка михлаб қўйибди. Агар бирон корҳол юз берса, яхши бўлмайди, деб қўрқамиз. Шунча пайтдан бери жиянинг билан бизларнинг ўртамиизда давом этиб келаётган қарамақаршиликни биласан. Уни ҳозир чақиртиргинда, мумкин бўлса, ўзаро бир битимга келишайлик. Унинг бизга зарари тегмасин, биздан ҳам унга зиён-захмат етмасин, — дедилар.

Абу Толиб бу таклифни маъқул кўрди. Хабар юборди. Расулуллоҳ (с.а.в.) дархол этиб қелдилар. Ашаддий кофирларнинг ҳам шу ерда эканини кўрдилар. Амакиларининг ёнбошига ўтирилар.

Абу Толиб чарчаган, ҳорғин товуш билан гап бошлади:

— Эй жияним, булар қавмнинг улуғларидир. Сен билан бир битим тузиш учун келишибди. Расулуллоҳ (с.а.в.):

— Жуда соз, амакижон, — дея меҳмонларга ўгирилдилар: — Сизлардан биргина калима талаб қилинганди. Шуни айтсаларингиз, натижада бутун араблар сизларнинг ҳокимиятингиз остида бўладилар. Араб бўлмаганлар ҳам сизларнинг йўлингизга ва динингизга кирадилар.

Абу Жаҳл шошибишиб:

—Бир эмас, ўнта калима сўзлашга ҳам тайёрмиз. Отангнинг боши ҳаққи, шу муаммога чек қўяйлик энди,— деди.

—«Ла илаха иллаллоҳ» дейсизлар ва барча бутлардан воз кечасизлар!

Улар ҳайратдан «Ана холос!» дея чапак чалиб юбордилар. Бу билан «Бўлмайди!» демокчи эдилар. Хафсалалари пир бўлди.

—Ё Мұхаммад, сен шунча илоҳни ёлғиз бир илоҳга айлантироқчимисан?!

—Тўғриси, бу жуда бўлмағур нарса, — дея ўринларидан турдилар, истехзога тўлиқ қарашлар билан хонадан чиқиб кетдилар.

Киёфаларида, одим отишларида ҳамон кибр ва мағрурлик ифодаси... Йўлда борарканлар, ҳайратларини яшира олмасдилар:

—Наҳотки ундан бошқа ҳеч ким бунақа нарсаларни билмаса? Унинг динига ўхшаш бир дин ҳақида эшитган одам борми ҳеч?..

—Азизим, уйдирма қанақа бўлади? Катта бир шаҳарда шунча инсон яшасаю, ёлғиз унгагина ваҳий келадими? Бунақа бўлмайди, ахир...

— Менга Абу Толиб жуда паришон бўлиб кўринди, — деди Умайя. — Тўшакдан қайтиб турмаса керак.

—Яхши одам, мард одам, аммо шу жияни масаласида хаддан ташкари ўжарлик қилдида.

—Бу ўжарлик энди узоғи билан бир ҳафта давом этади. Шундан кейин, мана кўрасиз, майдон ўзимизга қолади.

—Онадан туғилганига пушаймон бўладиган кунлар амакисининг ажали билан биргаликда келса шояд...

Шу тарз сухбатлашасуҳбатлаша, тарқалдилар.

Абу Толиб ажали яқин эканини сезарди. Ёнида ўтирган ва Ислом аҳкомларидан баҳс этган жияни бир муддат ўтгач, ижозат сўраб, хайрлашди. У кетар экан, Абу Толибнинг кўзларидан бир неча томчи аччик ёш тўкилди. Бу кўзёшлари тугаб бораётган умр шамчироги учун эмас, отасидан кейин бор кучқудрати ва ғайратини ишга солиб, ўта самимийлик билан бажариб келган ғоят аҳамиятли вазифадан айрилишга мажбур қолгани учун тўклилаётган эди. Чунки яна бир неча кун ўтгач, сўнгги нафасларини беражак ва ҳар бир инсон бўйсунишга мажбур бўлган илохий ҳукмга у ҳам итоат этажак, ҳисоб ва жазо оламига кетажак, аммо укалари ўзидан кейин бу қутлуғ вазифани давом эттира олмасди.

Биринчи укаси Абу Лаҳаб Маккада сўзи ўтадиган, обрўйи баланд бир киши. Бироқ Расулуллоҳга (с.а.в.) ашаддий бир душман кўзи билан қаради.

Иккинчи укаси Аббоснинг ҳам қўлидан келмайди бу иш. Бундай масъулиятли ва хавфли бир вазифани зиммасига оладиган ҳолатда эмас эди у. Тижоратга, судхўрликка муккасидан кетган. Расулуллоҳни (с.а.в.) ҳимоясига олган тақдирда қурайшийларнинг унга душман бўлиб қолишидан ва оқибатда тижорат ва судхўрлик ишлари чаппасига кетишидан қўрқарди.

Яна бир укаси Ҳамза эса, мусулмон бўлган. Мусулмон бўлган кишининг сўзи ўтмас, ҳимояси ҳам тан олинмас эди¹.

Ҳол шундай экан, жияни ҳимоясиз қолиши муқаррар. Ушбу дамда кўзларидан оқиб соқолини хўллаётган ёш томчиларининг сабаби мана шу фикрлар эди.

Бир пайтлар отаонасидан, кейинроқ бобосидан жудо бўлиб қолган, гўдаклик пайтида боқиб олган суюкли жиянини, ҳозирда катта бир киши бўлиб етишганига қарамай, душманлар билан қуршалган бир ҳолатда ташлаб кетишга мажбур бўлаётгани уни йиғлатаётган эди.

Қурайшийларнинг нене таҳдиу тазиикини мардларча бартараф этган, унга душманлик билан чўзилган қўлларга доимо сўнгги томчи қони колгунча қарши туришини ва бундан жуда ҳам фахрланишини кўкрак кериб ҳайқирган, бу гапни бир марта эмас, ўйнигирма марталаб қайтарган эди. Ва Расулуллоҳга (с.а.в.) қарши қилинган ҳар қандай хужум унинг мард, жасур ва ўлимдан қўрқмас кўксига дуч келиб чилпарчин бўлар эди.

Битта эканку, мингта Абу Жаҳл бўлганида ҳам, босган қадамини орқага қайтиб олган эмас. Натижада уч йил давомида очликка қарши курашишига тўғри келди, неча марта ўлим хавфи яқинлашганида, жирканч нарсаларни ейишга ҳам ўзини мажбур қилди, дарахт пўстлоқларини кемирди, ўлган ҳайвонларнинг териларини, тирноқларини чайнаб шимиди, меъдасининг фарёдини эшитмаслик учун қорнига тош боғлади, жуда қаттиқ қийналган пайтларида ерга думалаб ағанади, бироқ суюкли жиянини кечаю кундуз қўриқлашдан чарчамади. Виждони бо¹р ҳеч бир инсон ҳеч бир мусулмон: «Абу Толиб яна мана бундай қилиши керак эди... Мен Мұхаммадни ундан ҳам яхшироқ ҳимоя этардим», дея олмайди. Дегудай бўлса, ўйламайнетмай, ҳовлиқмалик қилиб айтилган гап бўлади.

* * *

Бир неча кундан кейин Абу Жаҳл билан Абдуллоҳ ибн Абу Умайя биргабирга яна Абу Толибни бориб кўришди.

Аслида, уларнинг орасида кўп йиллардан бери давом этиб келаётган, баъзан яхши, баъзан аччиқ хотиралар билан тўла дўстлик ришталари бор эди.

Эҳтимол, муғамбир Абу Жаҳл касал ётган бир дўстини зиёрат қилиш баҳонасида у ўлим сари кетяптими ёки ҳаётга қайтяптими эканини аниқлаш учун келган бўлиши ҳам мумкин.

¹ Ўша кунларда Абдулмутталибининг ўғилларидан яна кимлар ҳаёт бўлганини биз билмаймиз. (Муаллиф.)

Улар касалнинг ёнига ўтирас эканлар, ушбу дамда Расулуллоҳ (с.а.в.) ҳам келиб қолдилар. Амакиларидан Ҳолаҳвол сўрадилар, тасалли бердилар. Нариги томонга ўтирдилар.

Ўтирдилар, аммо жондан азиз амакиларининг аҳволи анча ёмонлашганини, ўлимга яна бир одим яқинлашганини сездилар. Абу Толиб энди бир неча ҳафта эмас, бир неча кун ҳам яшай олмаслиги аён бўлиб қолган эди. Унга сўнгти соатларида бўлса ҳам, бир яхшилик қилишлари мумкин эди:

— Амакижон, бир мартагина бўлса ҳам, «Ла илаҳа иллаллоҳ», денг. Токи мен вақтисоати келганида, Оллоҳнинг ҳузурида бунга гувоҳлик бера олайн, — дедилар.

Пайғамбар (с.а.в.) шундай дер эканлар, Абу Жаҳл билан унинг биродари:

— Ё Абу Толиб, Абдулмутталибининг динидан юз ўгирасанми?! — деб уни қайтаришга уринишди.

Пайғамбарлар султони такрортакрор ўтиндилар, бир марта бўлса ҳам тавҳид калимасини сўзланг, дея ёлвордилар, бироқ анави иккаласи ҳар сафар Абдулмутталибининг динини ёдига солар, имон келтиришига тўсқинлик қилар эди.

Абу Толиб жим. Аҳёнаҳёнда инграб кўяр, ҳар нафас олганида кўкси қўтарилибтушиб, хириллаган бўғиқ товуш эшитилар эди. Кўп вақти қолмаганини билиш қийин эмасди. Мадор буткул қочди. Суҳбатдошларга жавоб беришга ҳам мажол йўқ.

Оlamларнинг Султони, кўзларимизнинг нури севгили пайғамбаримиз қирқ йилдан бери жуда кўп яхшиликлар кўрган амакиларининг куфр деворидан ошиб ўтиб имон доирасига киришини орзу қилар, охиратда — буюк шафоат ҳаққи берилган онда суюкли амакиларининг кўлидан тутишни, унга қила оладиган энг катта ёрдамларини беришни хоҳлар эдилар.

Шу аснода Абу Толибнинг лаблари қимиirlади, пиҷирлаш оҳангиди шу сўзлари эшитилди:

— У Абдумутталибининг динидадир.

Абу Жаҳл ва Абдуллоҳ ибн Абу Умаййанинг юзларида шайтоний бир табассум пайдо бўлди. Кўзларида зафар учкунлари порлади. «Амакингни ҳам сенга бериб қўймадик. Охириқибатда зафар биз томонда бўлади», деяётгандек кинояли нигоҳлар Расулуллоҳга (с.а.в.) қадалди.

Пайғамбар (с.а.в.) жанобларининг дардлари беқиёс эди. Ҳаётда энг кўп ёрдамини кўрган ва жуда суюкли амакиларини абадий йўқотиш остонасида эдилар. Бу айрилиқ қайтиши бўлмаган бир айрилиқ эди.

— Тақиқланадиган кунгача сизнинг афв этилишингиз учун дуо қиламан, амакижон, — дедилар ва у ердан чиқиб кетдилар. (И мом Бухорий. 2/98.)

* * *

Абу Толиб нима учун имон келтирмади?

Жиянини шу қадар яхши кўрган бир инсон унинг ҳурмати учун бир мартагина бўлса ҳам «Ла илаҳа иллаллоҳ» дея олмасмиди?

Бунинг сабабларини ёлғиз Оллоҳ билади. Биз ожизона ақлимиз ила фақат тахмин қилишимиз мумкин. Эҳтимол, имон келтирсан, Расулуллоҳни (с.а.в.) ҳимояга олиш имкониятидан маҳрум бўлиб қоламан, деб хавотирлангандир. Чунки қурайшлар орасида беқиёс бир обрўэътибори бор эди. Аммо имон келтирса, бу эътиборга путур етиб, мушриклар Расулуллоҳга (с.а.в.) қарши ҳар қандай фитнафасодни қўзғай олар эдилар.

Ахир, бир пайтлар қурайшларнинг суюкли, ҳурматли бир улуғ кишиси бўлган Абу Бакр имон келтирганидан сўнг бутунлай менсимай қўйилган, ҳатто хушидан кетгунича калтакланган эди. Ва ўша кундан эътиборан кимсани ҳимоясига олиш хуқуқидан маҳрум бўлди. Акс ҳолда, Ҳабашистондан қайтган мусулмонлар Валид ибн Муғири, Абу Ухайха, каби мушрикларнинг ҳимоясига киришга мажбур бўлармидилар?..

Хўш, унда ҳаётининг сўнгти кунларигача содик бўлиб қолган динини ўлим тўшагида

ётганида ўзгартира олмасмиди? Жиянини чақиртириб, ҳеч кимга эшиттирмай, унинг қулоғига калимаи тавҳидни сўзлаб, бу ишни сир сақлашни илтимос қилса бўлмасмиди?

Булар Абу Толиб учун мушкул эмасди. Ушбу калимани келтирса, жияни бенихоя қувонишини ҳам биларди.

Бу масалани унинг Расулуллоҳга (с.а.в.) айтган қуйидаги суzlари ойдинлаштиради:

— Эй суюкли жияним! Оллоҳ ҳаққи, агар сенинг ва болаларингнинг бошига балолар ёғдириб, ёмонлик қилишларидан ташвишланмаганимда ва қурайшийлар, ўлимдан кўркиб шундай деди, тарзида бўхтон ёғдиришларидан андиша қилмаганимда, ҳеч иккиланмай шу сўзларни айтган бўлардим. Ҳатто бошқа бир мақсадният билан бўлмаса ҳам, азбаройи сени хурсанд қилиш учунгина сўзлардим.

Мана шу икки хусус туфайли Абу Толиб охиратга калимаи тавҳидни сўзламай кетди балки...

Биринчидан, суюкли жиянини қўриқлаш ва ҳимоя қила олиш учун бўлса, иккинчидан, «Абу Толиб ўзи боқиб катта қилган етимининг динига кирди, ўлимдан кейинги ҳаёт уни кўрқитди», деювчиларнинг муҳокамасидан жиянини халос этиш учун имон келтирмагандир...

Аммо токи инсоният бор экан, ер юзида биттагина мусулмон қолгунича ҳам, Сайиди анбиёга беминнат хизмат қилгани эвазига Абу Толибнинг номи хотираларда яшайверади, меҳрмуҳабbat ва ҳурмат билан тилга олинаверади...

Аммо иккита ашаддий мушрик олдида сир бой бермаслик ниятида, сўнгги дақиқаларда бўлса ҳам, атиги бир марта, лоақал яширин тарзда калимаи тавҳидни сўзламагани нохуш қабул қилинаверса керак...

Балки у, сўзлайдиган бўлсам, бирордан яширибкўркиб эмас, очиқчасига хитоб қилиб ҳайқираман. Ёруғ юз билан, кўкрак кериб, ҳеч кимдан андиша қилмай сўзлайман. Бугунги кунгача жиянимни ҳимоя қилиш имкониятидан маҳрум бўлмаслик учун шу йўлни тутдим, бугундан эътиборан эса, қурайшлар орасида мусулмонман, деган хаёлни кўнглидан кечирган бўлса ажаб эмас. Ёки қалбан интилса ҳам, билатуриб ширк ҳаётида қолишни танлаган бўлиши ҳам мумкин.

Булар ёлғиз Оллоҳга маълум нарсалар.

Рахмати чексиз бўлган Буюк Оллоҳ эртага Ҳабиби адибига қилган ушбу хизматлари эвазига Абу Толибга нисбатан қандай муомалада бўлажак? Расулуллоҳни (с.а.в.) севувчи ҳар бир мўминнинг қалбида Абу Толиб учун ҳосил бўладиган яра то қиёмат кунигача битмаяжакдир.

* * *

Бир куни Али (р.а.) саросима ичида, нафаси бўғизига тиқилиб кириб келди. У отасининг ўлими ҳақида хабар олиб келган эди. Бу хабарнинг маъниси қурайшийлар учун неча йиллардан бўён ошиб ўтиш имконияти бўлмаган деворнинг йиқилиши демак эди.

Расулуллоҳ (с.а.в.) амакиларининг ўлимидан қаттиқ ғамқайғу чекдилар. Аччиқаччиқ кўзёшларини тўқдилар.

Бу машъум хабардан бунчалик таъсирланишларининг боиси амакилари ўзларига, Исломга самимий хизмат қилган бўлишига қарамай, имон доирасига кирмай вафот этгани эди.

Абу Толиб ортидан ғамаламга ботганлар билан бир қаторда, севинчдан байрам қилаётган одамларни ҳам қолдириб кетди.

Расулуллоҳ (с.а.в.) амакиларининг жанозасига бордиларми, дафн этиш маросимида иштирок этдиларми?

Бу саволга жавоб берадиган иккита ривоят бор.

Биринчи ривоятга кўра, Али (р.а.) келади ва:

— Ё Расулуллоҳ (с.а.в.), кекса ва мушрик амакингиз вафот этди. Уни ким кўмади? — деб сўрайди.

Расулуллоҳ (с.а.в.):

— Боргинда, ўзинг кўмиб келгин, бироқ то қайтиб келгунингча ҳеч ким билан гаплашма... — деб огоҳлантирадилар. Келганидан кейин эса, ғусл қилишни буорадилар ва Алини дуо қиласидилар.

Бу ривоят унчалик тўғри бўлмаса керак, деган фикрдамиз.

Иккинчи ривоятда ҳикоя этилишича эса, пайғамбаримиз (а.с.) кўмишда иштирок этадилар ва «Қариндошлиқ муносабатда хайр-мукофот топасиз, амакижон!» дея дуо қиласидилар. (Иbn Касир. «Сияр». 2/124.)

Ушбу ривоят, ҳар ҳолда, ҳақиқатга яқинроқ бўлса ажаб эмас.

Расулуллоҳга (с.а.в.) мушрик ва мунофиқларнинг жаноза намозини ўқиш ҳамда уларнинг кабрини зиёрат қилиш ман этилган. Аммо бу тақиқ Макка даври ҳаётларига тааллуқли бўлмаган.

* * *

Расулуллоҳ (с.а.в.) суюкли амакиларининг афв этилиши учун қўлларини очиб, буюк даргоҳга тикилар, тинимсиз илтижо қилиб ёлворар эдилар.

Нихоят Қасос сурасининг 5бояти тушди:

«(Эй Муҳаммад,) аниқки, сиз ўзингиз суйган кишиларни хидоят қила олмассиз, лекин Оллоҳ ўзи хоҳлаган кишиларни хидоят қилур. У хидоят топгувчи зотларни яхшироқ билгувчиdir». (Имом Бухорий, 247.)

Бу оят пайғамбаримизга тасалли берувчи оят эди.

Шу муносабат билан яна бир оят туширилган, деган фикр ҳам бор. Масалан, Имом Бухорий Абу Толибнинг вафоти билан боғлиқ ҳадисларни изоҳлар экан, фақат мана бу оят туширилганини таъкидлайди:

«На пайғамбар ва на мўминлар — мушриклар агарчи қариндошлари бўлса ҳам — уларнинг дўзах эгалари эканлари аниқ маълум бўлганидан кейин, мушриклар учун мағфират сўрашлари жоиз эмасдир». (Тавба, 113.)

Албатта, ушбу оят мавзуимизга алоқадордир, бунга шубҳа йўқ, аммо бу оят Тавба сурасига киритилганини, Тавба сураси эса Макка фатҳидан сўнг туширилганини назаримиздан қочирмаслигимиз даркор.

Бундан ташқари, Тавба сураси энг охири нозил қилинган сура экани ҳақидаги қарашлар ҳам мавжуддир. («Маноҳилул-Ирфон», 1/9096.)

Қисқаси, бу оятнинг нузул вақти билан Абу Толибнинг вафоти орасида камида ўн йиллик фарқ борлиги аниқдир...

Бошқа амакилари Аббос Расулуллоҳни (с.а.в.) топди ва ораларида бундай сухбат бўлиб ўтди:

— Амакинг Абу Толиб ўлаётганида ёнида эдим. Лаблари қимиrlаётгандай бўлди. Дарров қулоғимни оғзига тутдим ва сўзлашини сен орзу қилиб юрган калималарни айтганини эшитдим, — деди.

Пайғамбаримиз қисқагина қилиб жавоб бердилар:

— Мен эшитмадим. (Ибн Касир. «Сияр». 2/124.)

Абу Толибнинг вафотидан сўнг ҳали бир ҳафта ҳам ўтмасдан бир куни Расулуллоҳ (с.а.в.) уйга бош ва юзқўзлари чангтўзонга беланган ҳолда кириб келдилар.

Қизларидан бири йиғлаб пешвоз чиқди. Расулуллоҳ (с.а.в.) бошларини ювиб тозалар эканлар, қизларига тасалли берардилар:

— Кўй, йиғлама, қизалоғим, Оллоҳ таоло отангни паноҳида асрайди. — Сўнгра амакиларини эслаб, шундай дедилар: — Абу Толиб ҳаётлик чогида қурайш менга қарши хоҳлаганини қила олмаган эди.

ЯНА БИР МИСЛСИЗ ЙЎҚОТИШ

Расулуллоҳ (с.а.в.) амакиларининг ўлими боис қалбларига тўлган ғам-ғуссадан ҳали батамом қутулмаган эдилар, қутулишлари ҳам жуда мушкул эди. Чунки унинг вафотини ғанимат деб билган мушрикларнинг қадам босишлари бирдан ўзгарган, ҳақоратлар, истехзою камситишлар ўн чандон ортган эди.

Устигаустак, бу орада Ҳазрати Ҳадича онамиз касал бўлиб қолди. Олтмиш олти ёшларга кирган эди. Қирқ ёшида учинчи марта, аммо жуда баҳтли бир оила қурган, йигирма олти йилга яқин даврдан бери бу никоҳ келтирган ҳузурхаловат ва саодатдан баҳраманд бўлиб келган, умр йўлдошининг зиммасига юкланган оғир масъулиятни енгиллатиш учун имкони борича ёрдамини аямаган, бу йўлда мумкин бўлган ҳар қандай моддий ва маънавий орага бош урган, хурсандлигига ҳам, ғамгинлигига ҳам ҳамдард ва шерик бўлиб, у кишининг энг яқин дўстига айланган эди. Йигирма олти йил давом этган оиласидан ҳаётлари давомида у зот билан турмуш курганига бирон марта ҳам пушаймон бўлмаган, эрини ҳам пушаймон қилдирмаган эди. У зоти шарифга бири биридан ширин, гулғунчадек ёқимтой фарзандлар ҳадя этган, дардларига ҳамдард бўлиб, бошларига кулфат тушган кезларда тасалли берган эди.

Бирок бу фоний дунёда ҳеч ким абадий яшамас, бинобарин, у ҳам дунёдан кўз юмажак, ортида ёшли кўзлар, севги ва хурмат билан хотирлайдиган кўнгиллар қолдиражак эди.

Касал бўлиб тўшакка михланганида, ортиқ ўрнидан турмаслигига, бу дунёдан абадий кўз юмиши вақти яқинлашганига амин бўлди.

Сўнгги ўн йил давомида юз берган зиддиятлар, можаро ва тўполонлар унинг вужудини ҳолдан тойдирган эди. Ётоққа михланганидан кейин тобора мумдек эриб бораётгани аниқ бўлиб қолди.

Аммо бу чарчоқхорғинлик фақат жисмига тегишли эди. Рухияти ва ичкимаънавий оламига келсақ, ҳамон бақувват, худди вайронга уйдан янги ва баланд, кенг ва шинам уйга кўчиб ўтаётган инсондек ҳузурхаловатда эди.

Дунёда экилиши мумкин бўлган энг серҳосил уруғни эккан, энг улуғ Пайғамбарнинг раҳбарлиги ва ҳомийлиги остида эккан, охиратда ҳам бунинг эвазига ҳеч ким ололмайдиган ҳосилни олажак, жаннатда ўзи учун қурилган ва Расулуллоҳ (с.а.в.) бошлаб кирадиган қўшкка ўрнашажак, иншаоллоҳ!

Шу жиҳатдан, ўлим унинг учун жаннат ҳаётининг бошланиши эди. Оллоҳ таолоннинг раҳматига, лутфу қарами ва мислсиз эҳсонига ноил бўлиш демак эди.

Охират оламига файз киритиши боис, малаклар унинг қархисига пешвоз чиқиб:

— Хуш келибсиз, эй Расулуллоҳнинг (с.а.в.) фидокор умр йўлдоши, тенги йўқ жуфти ҳалоли! — дея кутиб олишар, келажакда жаннатдаги кўшкига кўчиб ўтгунига қадар, Оллоҳ таолоннинг азиз меҳмони сифатида иззатикром кўрар эди.

Бу дунёда Оллоҳнинг расулига муҳаббат қўйди, ҳеч кимнинг қўлидан келмайдиган оиласидан осойишталикни барқарор қилди. Бунинг эвазига Оллоҳ таоло ҳам уни меҳмон қилиб, роҳатфароғатга қовуштиражак, кўз кўриб қулоқ эшитмаган, бандасининг хаёлига ҳам келмайдиган неъматларини эҳсон этажак, иншаоллоҳ!

Улуғ Ҳадича!.. Аёллар оламининг улуғ маликаси Ҳадича онамиз у ерда Расулуллоҳ (с.а.в.) келгунларига қадар Роббул Оламийннинг меҳмони бўлажак...

Аммо иккинчи жиҳатдан, бу ўлим Расулуллоҳдан (с.а.в.), суюкли фарзандларидан, муваққат бўлса ҳам, ажралиш демак эди. Уларни фоний дунёда, душманлар томонидан қилинажак жабрзулм, етказилажак озору зиён-заҳматлар ҳалқасига ташлаб кетиш демак эди. Мана шу жиҳатдан, ўлим аччиқ ва фожеали бир воқеа эди...

Пайғамбарлар Султони (с.а.в.) бир ғамдан фориг бўлмай туриб, иккинчи бир ғамга

гирифтор бўлдилар. Узоқ йиллар давомида ҳеч бир эркак хотинидан кўрмаган садоқат ва меҳрни ундан кўрган, мушриклар берган шунча озору жабру жафоларни унинг ёнида енгиллатиб унутган, дардларига унинг хузурида дармон топган эдилар.

Тарихдан маълумки, Абу Толибнинг вафотидаўН сўнг кўп ўтмай Ҳадича онамиз буюк жаннатга чорлаб келган малаклар ҳамроҳлигига олис йўлга отланди. Сўнгти нафасини берар экан, лаблари орасидан: «Ашҳаду алла илаҳа иллаллоҳ ва ашҳаду анна Мухаммадан ъабдуху ва росулуҳ» сўзлари чикди.

Бу сўзларни инсоният тарихида илк бор сўзлаш шарафи ҳам у зотга берилган эди. Шу сўзлар билан Исломдан аввалги ҳаётини тугатиб, шарафли имон ҳаётини бошлаган эди. Ҳозир ҳам охират оламига ушбу шаҳодат калималарини келтириб илк одимини отди, дунё ҳаётини шу сўзлар билан тугатди.

Раҳмат фаришталари келдилар, унинг атрофини ўраб олдилар:

— Саломлар бўлсин сизга, эй Расулуллоҳнинг завжаси! Қўрқманг, ғамгин бўлманг, ваъда қилинган жаннат муждаси — хушхабарини етказиш учун келдик. Биз дунёда сизга дўст эдик, охиратда ҳам яна биз дўст бўламиз. Истаган нарсангиз, истаган тилагингизни бажо келтиришга ҳозиру нозирмиз. Мағфирати чексиз, раҳмати бекиёс Раббингизнинг меҳмони бўлиш учун охират оламига марҳамат қилинг, — дедилар¹.

Расулуллоҳ (с.а.в.) мужда берган саодат юртига малаклар ҳамроҳлигига кетар экан, ортида унутилиши мумкин бўлмаган азиз хотираларни ва унинг учун дуо қиласа, яхшилик билан эсга олажак энг хайрли оилани тарк этди.

Расулуллоҳ (с.а.в.) бошлиқ бутун оила ва ҳатто барча мўминлар бу мусибатдан қаттиқ таъсирандилар. Бу қадар қисқа вақт ичидан Набийи ақмалнинг (с.а.в.) энг севимли ва энг яқин икки кишисининг тўсатдан вафот этиши уларни ҳам қаттиқ ларзага солди. Бу йил мўминлар орасида «хузун йили» («қайғу йили») деб аталадиган бўлди.

* * *

Макканинг Ҳожун қабристони Ҳазрати Ҳадичанинг муборак вужудлари или шарафланди.

Ҳазрати Ҳадича онамиз вафот этганларидан кейин Расулуллоҳ (с.а.в.) уйлари мотамхонага айланди; хувиллаб қолгандай эди. Худди энди ҳаётнинг қизиги ҳам қолмагандек.

Расулуллоҳ (с.а.в.) бир неча кунгача уйларидан чиқмадилар.

Қалблари ғам-ғуссага тўлган. Камига қурайшийлар ҳаддан ташқари қутуриб кетди.

Бу вазият юраги кин ва адоватга тўла Абу Лаҳабнинг ҳам раҳмини келтирди. Бир куни жиянининг ёнига келди:

— Ё Мухаммад, Абу Толиб ҳаётлик чоғида қандай юрган бўлсанг, шундай эркин юравер. Лотни ўртага қўйиб қасам ичаманки, ҳеч ким сенга зиён-заҳмат етказа олмайди, — деди.

Макка кўчаларида жар солинди:

— Бугундан эътиборан Абу Лаҳаб жияни Мухаммад ибн Абдуллоҳни ҳимоясига олди. Бирон кимса унга қарши зиён-заҳмат етказишга уринмасин!

Бу эълон қурайшийларнинг оёққўлини яна ипсиз боғлаб қўйди. Расулуллоҳ (с.а.в.) яна худди Абу Толиб ҳаёт чоғидагидек бемалол юра бошладилар. Ҳеч ким у кишига нисбатан одобсизлик қила олмай қолди, бирор ёмонлик килишга зотан журъати ҳам етишмас эди.

* * *

Усмон ибн Мазъуннинг хотини Ҳавла бир куни Расулуллоҳни (с.а.в.) зиёрат этишга келди ва муддаога кўчақолди:

— Ё Расулуллоҳ, Ҳадичанинг йўқлиги билиняпти, — деди.

Ўша куни у Жаноби Пайғамбаримизни (с.а.в.) яна уйланишга рози қилди. Савда бинти Замъа билан ҳазрати Абу Бакрнинг қизи Ойиша иккаласини номзод ўлароқ қўрсатди ва уларга совчилик қилиш вазифасини зиммасига олиб, у ердан чикди.

Савда ёши анча катта, тўладан келган, оғирвазмин ҳаракатли бир аёл эди. Эри ўлиб,

бешолтита фарзанди билан бева қолган.

Набийи акрамдан (с.а.в.) келган таклифни мамнунлик билан кутиб олди. Лекин атрофида парвона каби ўралашиб юрган фарзандларини нима қилишни билмай ҳайрон эди. Ҳазрати Пайғамбар (с.а.в.):

— Мен билан турмуш қуришингта фарзандларингнинг хаёлидан бошқа тўсиқ йўқми? — деб сўраган эдилар, Савда:

— Бошқа тўсиқ йўқ, — деб жавоб қилди.

Шундай қилиб, пайғамбарликнинг ўн учинчи йили рамазон ойида Савда «Мўминларнинг онаси» (Уммул муъминин) бўлиш шарафига эришди.

* * *

Абу Жаҳл бир дўсти билан Абу Лаҳабникига келди. Ҳолаҳвол сўрашганидан кейин мақсадини баён қилди:

— Жиянингдан Абдулмутталибининг ҳозир қаерда эканини бир сўраб қўргина?! — деди.

Бу савол Абу Лаҳабнинг онгига муҳрланди. Расулуллоҳга (с.а.в.) илк дуч келганидаёқ шуни сўради:

— Қавми билан бир жойда, — деган жавобни олди.

Абу Лаҳаб ортиқча кавлаштириб ўтиришни хоҳламади. Бироқ Абу Жаҳл бу жавобдан қониқмади:

— Жиянинг бу билан, Абдулмутталиб жаҳаннамда, демоқчи, — деди.

Абу Лаҳабнинг кўзларига қон тўлди, сапчиб ўрнидан турди ва жиянининг уйига йўл олди...

Бу келишда Абу Лаҳаб яна эски Абу Лаҳаб ҳолига қайтган эди. Бугунгача қилиб келганидан ҳам ортиқроқ душманлик қилишни, бундан буён уни ҳолжонига қўймаслигини бақириб-чақириб маълум этди.

Чиндан ҳам шундай бўлди. Дастрлаб ҳимоясини бекор қилди. Сўнг фурсатини топди дегунча, ёмонликларини бошлади. Ҳимоянинг бекор бўлганидан хабар топган ва тиш қайраб юрганлар ҳам ҳаракатга ўтдилар.

Бир куни Расулуллоҳ (с.а.в.) энди уйларига кирай деб турганларида, бир дайди тўсатдан у кишининг муборак бошларига тупроқ сочиб юборди. Бу одобсизлигидан ўзи мамнун ҳам эди.

Набийи акрам (с.а.в.) ғамгин қиёфада уйга кирдилар.

Суюкли қизларидан бири қошларига югуриб келди.

— Отажон! Ким бунақа қилди, отажон?! — деб ийғлаб юборди.

Бу одобсизликни ким қилгани мухим эмас эди, у қилмаса, бошқа бириси қилиши аниқ эди.

ТОИФ САФАРИ

Расулуллоҳ (с.а.в.) энди Маккада кўчага чиқа олмай қолдилар. Қаерга борсалар, одамлардан киноя, сўкишлар эшитардилар. Қуръон тиловат кила бошласалар, атрофда мушриклар атай бақирибчақиришар, чилдирма уриб, қарсак чалиб, руҳан эзмоқчи бўлишар эди.

Нихоят Маккани ташлаб чиқиб кетишни, вазифаларини бошқа ёқда адо этишни ихтиёр қилдилар. Ёнларига тутинган ўғиллари Зайдни олиб, Тоиф сари йўл олдилар.

Бир неча кунлик сафардан сўнг Тоифга етиб бордилар. У ерда имон келтирган кишиларни учратиш эҳтимоли бор эди. Уларнинг ёрдамида Макка халқининг одобсизликларини тўхтатиш имкони топилса ҳам ажаб эмас. Тоифда сўзлари ўтадиган уч киши бор эди: ақаукалар Абду Йалил, Масъуд ва Ҳабиб.

Аммо кутганларининг тескариси бўлди. Учала ақаука имонга келиш тугул, Расулуллоҳни мазах қила бошлишди. Шундай хақоратомуз сўзлар ёғдиришди, бу борада ҳатто маккаликлардан ҳам ўтиб тушишди.

—Модомики имон келтирмас экансизлар, лоақал бу сұхбатимизни сир тутишларингизни илтимос қиласан. Маккаликлар зинҳор бундан хабардор бўлишмасин.

—Йўйқ, хунаринг кетмайди. Маккаликларга бор гапни албатта етказамиз, зудлик билан, — дейишди.

Уларнинг гап уқмас кишилар бўлиб чиққани ҳам майли, ҳатто арабларга хос меҳмондўстлик, мусоғирга ҳурмат каби одатларни ҳам оёқсти қилишди. «Шундай жиддий бир инсон қанақасига ёлғон гапириши мумкин?» деб ўйлаб ҳам кўришмади.

Расулуллоҳ (с.а.в.) уларнинг ёнидан хомуш чиқиб кетдилар. Яна Маккага, яна ашаддий душманларининг орасига қайтишлари керак эди. Бироқ тинчгина кетишларига ҳам қўйишмади.

Бадбахт бир кимса Фахри Коинот жанобларини тошбўрон қилишни буюрди. Нима қиласини билмай юрган безори болалар кўнгилларини хушлайдиган бир эрмак топилганидан шодланиб, ишга киришишди. Қуллар, болалар сўқасўқа, Расули акрамнинг (с.а.в.) орқаларидан тош, кесак ёғдира бошлашди. Шовқинсурон ичра иккинчи буйруқ эшитилди:

— Ўлдириб қўйишдан эҳтиёт бўлинглар!..

Бунинг маъноси — катта тош отма, белидан юқорини мўлжаллама, дегани эди. Ўлдириб қўйсалар, олинажак интиқомдан, Қурайш билан узоқ йиллар ёвлашишга тўғри келишидан қўрқишарди.

Зайд Расулуллоҳнинг (с.а.в.) гоҳ ўнг, гоҳ чап томонларига, гоҳ орқаларига ўтар, тошларга ўзини тутиб бериб, Буюк Пайғамбаримизни — тутинган отасини муҳофаза этишга уринар эди. Шунга қарамай, Расулуллоҳнинг (с.а.в.) оёқлари қонга беланди. Тоифдан чиққанларидан кейин ҳам тошбўрон аллақанча жойгача давом этди. Эшитмаган ҳақоратлари қолмади.

— Ёлғончи!..

— Борэ, пайғамбар эмиш!..

— Оллоҳга қарши ёлғон гапиришдан уял!.. Ниҳоят буйруқни қойилмақом қилиб бажарганларига қаноат ҳосил қилган тоифлик дайдилар ортларига қайтиб кетди. Бир бадбахт охирги тошини отар экан:

— Бу кунни ҳеч унутма, эй ёлғончи пайғамбар! —деб бақириб қолди.

...Расулуллоҳ (с.а.в.) бу кунни ҳақиқатдан ҳам унутмадилар, унута олмадилар. Йиллар ўтиб, суюкли хотинлари Ойиша онамиз (р.а.):

— Ё Расулуллоҳ, Уҳуд жангидан кўра ҳам ачинарли, аламли кун бўлганми?! — деб сўраганларида, Тоиф воқеасини эслаб, у савдоларни бир бошдан гапириб берган эдилар. Ўша кундагидай ғам-ғуссага чўмган бошқа кунни эслай олмасликларини таъкидлаган эдилар...

Дайдилар қайтиб кетишгач, Расулуллоҳ (с.а.в.) бир оз дам олиш мақсадида йўл устидаги боғнинг чеккасига бориб ўтирилар. Қўлларини очдилар. Мавлои Зулжалолга илтижо қила бошладилар:

— Оллоҳим, қувватим озлигини, чорасиз қолганимни фақат сенга арз этаман, одамлар орасида бу қадар хор бўлганимдан ёлғиз Сенга шикоят қиласан. Эй марҳаматлиларнинг марҳаматлиси Оллоҳим! Дорга осилганларнинг, эзилганларнинг ва менинг ҳам Раббим сенсан! Меникимларга йўлиқтиряпсан? Ифлосларча қаршилаган ғурбат элгами ёки душманларгами топширдинг ишимни?! Агарку, Сен мен бандангга ғазабнок бўлмасанг, бу азиятларга парво ҳам қилмайман. Бироқ Сендан келадиган саломатлик ва қувватга янада интизорман. Ғазабингга дучор бўлишдан қўрқиб, Сенинг нурингга сифинаманки, зулматларни зиёга айлантирган, дунё ва охират ишларини тартибга солган нарса Сенинг ўша нурингdir. Токи Сен рози бўлгунингга қадар биз ҳар жиҳатдан Сендан хушнуд ва мамнунмиз. Куч ва қудрат ёлғиз Сенга оидdir.

* * *

Набийи акрам (с.а.в.) паноҳ топган боғ Утба ибн Робиа билан унинг укаси Шайбанини эди. Тасодифми ёки заруратми, бу пайтда улар ҳам боғда эдилар. Расулуллоҳ (с.а.в.) келиб шу ерга ўтирганларини, тоифликларнинг хужуми ва одобсизликларига нишон бўлганларини ўз

кўзлари билан кўришди. Энди бу воқеанинг яширин жойи қолмади. Тоифликлардан сир сақлаш илтимос этилган, уларку кўнмадилар, бордию кўнган тақдирларида ҳам, маккалик ашаддий душманларидан иккитаси бу воқеанинг гувоҳи бўлган эди.

Утба ҳам, Шайба ҳам Расулуллоҳ (с.а.в.) келтирган динни ва Исломга даъват ҳаракатини сира маъқул кўрмаган.

Паришон бир ахволда, оёқлари қонга беланиб ўтирганларидан тоифликларга гап уқтиромаганларини билишди ва роса қувониши. Аммо, ҳар ҳолда Маккада «алАмин» деб сифат берилган бу мўътабар зотнинг — ҳамشاҳарларининг ҳақоратга учрагани уларни бир жиҳатдан ғамгин ҳам қилди.

Утба ўзининг кўнглидан ўтаётган ҳис-туйғуларнинг ифодасини укаси Шайбанинг юзида ҳам кўргач:

— Аддос! — деб хизматкорини чакирди. Хизматкор югуриб келгач: — Бир бош узум олгинда, ҳув авави кишига элтиб бер, — деди.

Аддос боғдан узум узиб, бу ғалати йўловчига элтди. Расулуллоҳ (с.а.в.) «Бисмиллоҳ...» деб узумни ея бошладилар.

Аддос Расулуллоҳнинг (с.а.в.) юзларига тикилди.

—Худо ҳаққи, бу сўзни ўлкамизда ҳеч ким ишлатмайди, — деди.

—Қайси юртдансан, эй Аддос, қайси диндансан? — деб сўрадилар Ҳазрати пайғамбаримиз (с.а.в.).

—Нинова халқиданман. Насроний динига мансубман.

—Демак, солиҳ бир киши бўлмиш Юнус ибн Маттонинг диёридан экансанда?!

—Юнус ибн Маттони қаердан биласан?

— У менинг маслакдошим эди, пайғамбар эди. Мен ҳам Оллоҳнинг расулиман.

Аддоснинг кўзларига ёш келди. Эгилиб, Расулуллоҳнинг (с.а.в.) бошлари, қўллари ва оёқларидан ўпди, мусулмон бўлди.

Утба билан Шайба боғ ичидан уларни диққат билан кузатиб туришарди.

— Кўрдингми, уни ҳам сехрлади, — деди бири.

— Гўёки яхшилик килмоқчи бўдик, эвазига эса, қулимиизни динидан қайтарди, — деди иккинчиси.

Бир оздан кейин Аддос уларнинг ёнига қайтиб келди. Юзида мамнунлик ифодаси...

—Бу нимаси, эй Аддос, бориб у одамнинг қўлоёқларидан ўпдингми!

—Бу одам дунёдаги энг улуғ инсондир. Мен унинг пайғамбар эканига имон келтирдим.

— Қаердан биддинг унинг пайғамбарлигини?

—Гапсўзларидан. У айтган гаплар фақат пайғамбарлардангина чиқади.

—Менга қара, очигини айтсам, бу гапларинг менга ёқинқирамай турибди. Эҳтиёт бўл, у сени динингдан қайтариши мумкин. Шуни яхши билгинки, сенинг дининг унинг динидан хайрлироқдир.

Аддос бу сўзларни жавобсиз қолдиришни афзал кўрди...

Расулуллоҳ (с.а.в.) Маккага қайтдилар. Йўлда кетарканлар, Жаброил (а.с.) бир хабар келтирди: агар пайғамбар истаса, Маккада рўпарамарўпара турган Абу Қубайс билан Қайқаон тоғларини бир-бирига уриб, маккаликларни йўқ қилиб юбориш таклиф этилди. Расулуллоҳ (с.а.в.) рози бўлмадилар. Уларнинг наслидан лоақал биттасининг Ислом динига кириши бунча душманнинг ўлимидан кўра севинчли ҳол эканини билдирилар.

Жинлар Оллоҳ берган қобилият туфайли ҳар хил қиёфага кира оладилар, узок масофаларни бир зумда босиб ўтадилар, самоларга юксалишга ҳам қодирдирлар... Улар ондасонда кўкларгача кўтарилиб, фаришталарнинг ўзаро сухбатларига қулоқ тутиб, кўпгина маълумотларни билиб олар эдилар. Бироқ бир куни кўкнинг дарвозалари ёпиб қўйилди, жинлар малакларнинг сирли сухбатларини тинглашдан маҳрум бўлдилар. Олий даргоҳларга

чиқишилари тақиқлаб қўйилди.

Ўзаро фикрлашдилар, лекин барибир бу тақиқнинг маъносини тушуна олмадилар. Нима учун йўл ёпилди — ақллари олмас эди. Ораларидан биттаси ер юзини айланиб чиқиши тақлиф этди.

— Менимча, ер юзида бу ишга алоқадор бирон гап бўлган бўлса керак, — деди.

Бу ҳодиса Расулуллоҳга (с.а.в.) ваҳий келган кунларга тўғри келар эди.

Жинлар бир қарорга келгач, тўптўп бўлиб ер юзини кеза бошлишди. Ҳаммаёқни яхшилаб кузатиб, дикқатга сазовор нимаики кўринса, атрофлича ўрганиб чиқишишди.

Нубувватнинг ўнинчи йили келди.

Илк ваҳий келган кундан бери ўн йил ўтган, жинлар ҳануз бирон янгилик топиш умидини узишмаган эди.

Бир куни Макка билан Тоиф орасидаги Наҳла деган бир жойда икки кишини кўришди. Ҳали кун чиқмаган, у икки одам илк сахарда ибодат билан машғул эди. Бир гурӯҳ жин уларни синчиклаб кузатиш мақсадида, яқириқ келишди.

Одамлардан бири хиёл олдинда, иккинчиси шундоққина унинг ўнг томонида туар, олдиндагиси энг мукаммал тил билан хам ифода этиб бўлмайдиган даражада гўзал, жозибали ва мафтункор бир каломни жуда ёқимли бир оҳангда ўқиётган эди.

— Тўхтанглар, қулод солинглар!.. — дейишиди жинлар бир-бирларига.

Мислсиз даражада таъсирчан, ҳеч ким эшитмаган бир калом эди бу!

Бир-бирларининг устига чиқиб кетгудай зич турган жинлар Расулуллоҳ (с.а.в.) тиловат қилаётган Қуръон оятларини охиригача маст бўлиб тинглашди.

Улардан бири:

— Шубҳасиз, кўкнинг дарвозаларини беркитган воқелик худди мана шудир. Оллоҳга қасам бўлсинки, мана шудир! — деди.

Намоз ўқиб бўлингач, қидирган нарсаларини топганларига амин бўлиб, у ерни тарк этишиди.

Расули Кибриё (с.а.в.) ҳам, Зайд (р.а.) ҳам жинлар келувидан бехабар эдилар.

Кўп ўтмай Жаброили амин Буюк Оллоҳнинг саломини келтирди: Аҳқоф сурасининг 29 — 32оятларини пайғамбаримизга етказди:

«(Эй Мұхаммад,) эсланг: Биз сизнинг олдингизга бир гурӯҳ жинларни Қуръонни тингласинлар деб юборган эдик. Бас, қачонки улар (Қуръон тиловатига) ҳозир бўлишгач (бир-бирларига): «Жим туринглар», дедилар. Энди қачонки тиловат тугатилгач, улар ўз қавмлари олдига огоҳлантирувчи бўлган ҳолларида қайтиб кетдилар. Улар дедилар: «Эй қавмимиз, дарҳақиқат, бизлар Мусодан кейин нозил қилинган, ўзидан олдинги (илоҳий китоб)ларни тасдиқ қилгувчи бўлган ҳақ (дин)га ва Тўғри йўлга ҳидоят қиласиган бир китобни — Қуръонни тингладик. Эй қавмимиз, Оллоҳга даъват қилгувчи (Мұхаммад а.с.нинг даъвати)ни қабул этинглар ва унга имон келтиринглар, (шунда Оллоҳ) сизларнинг гуноҳларингизни мағфират қилур ва сизларга аламли азобдан паноҳ берур. Ким Оллоҳга даъват этгувчи (даъвати)ни қабул қилмаса, бас, у Ер юзида (бирон жойга) қочиб кутулгувчи эмасдир ва унинг учун (Оллоҳдан) ўзга (Унинг азобидан қутқарувчи) «дўстлари» ҳам йўқдир. Ана ўшалар очиқ залолатдадирлар».

Бу гапларни эшитиб турган бошқа жинлар ҳайрон эдилар.

— Нималар деяпсизлар ўзи? — деб сўрашди.

Расулуллоҳдан (с.а.в.) Қуръон тинглаган жинлар сўзларида давом этишиди:

— «Дарҳақиқат, бизлар ҳақ йўлига ҳидоят қиласиган бир ажиб Қуръонни эшитдик ва дархол унга имон келтирдик. Бизлар (энди) Парвардигоримизга ҳаргиз бирон нарсани шерик қилмасмиз». (Жин, 2.)

Мусулмон жинларнинг бу даъватини қабул қилганлар бўлди ва улар дейишиди:

«Албатта, бизларнинг ичимиздаги аҳмоқ (иблис) Оллоҳ шаънига («У зотнинг хотини ва

боласи бор», деб) ноҳақ сўз айтар эди. Албатта, бизлар инс ҳам, жин ҳам Оллоҳ шаънига ҳаргиз ёлғон сўзламас, деб ўйлар эдик». (Жин, 45.)

Бунинг зидди ўлароқ жинларнинг бир қисми кофирилигича қолди. Оллоҳ таоло Жин ва Аҳкоф сураларидан ушбу оятларни индириб, шарафли расулини бу ҳолатлардан, ўртада ўтган гапсўзлардан хабардор этди. (Имом Бухорий, 1/187.)

* * *

Расулуллоҳ (с.а.в.) Маккага тобора яқинлашар эканлар, Ҳиро тоғининг этакларига етганда тўхтадилар. Бу ердан у ёғига хотиржам кетиш имкони йўқ, бемалол шаҳарга киришга мушриклар йўл қўймаслигини жуда яхши билар эдилар.

Шу пайт Хузоъя қабиласидан бир одам учраб қолди.

— Менга холис бир хизмат қилмайсанми? — деб сўрадилар Расулуллоҳ (с.а.в.).

— Бажонудил, — деди йўловчи.

— У ҳолда Маккага боргинда, Ахнас ибн Шариқни топ. Муҳаммад ибн Абдуллоҳнинг ёнидан келаётирман, «Раббим жўнатган дин ва пайғамбарлик вазифасини адо этишим давомида мени ўз ҳимоясига олармикан?» деб сўрадилар, дегин.

Йўловчи кетди. Ахнасни топиб, бор гапни сўзлаб берди. Ахнас ўзининг бошқа қабиладан эканини баҳона қилиб, уни қуруқ қайтарди. Йўловчи қайтиб келганида, Расулуллоҳ (с.а.в.) такрор илтимос қилдилар:

— Яна бир марта бормайсанми мен учун? — «Майли» жавобини олгач, дедилар: — Сухайл ибн Амрни топ, ўша гапларимни унга билдир.

У яна Маккага борди ва яна қуруқ қайтиб келди. Сухайл ҳам «Амр ибн Луай наслига мансуб кишилар Каъб наслидан бўлганларни ҳимоя қилолмас», деган жавоб билан бу таклифни рад этган эди.

Ҳалиги одам учинчи марта ҳам Маккага бориб келишга рози бўлди ва бу сафар Мутъим ибн Одийникига борди. Мутъим бу таклифга рози бўлди.

Тонг отгач, Мутъим қаватига ўғилларини олиб, барчалари қуролланган ҳолда Ҳиро тоғи этакларига келди ва Расулуллоҳни (с.а.в.) бошлаб, Макка сари йўл олди. Шаҳарга кирганларида йўлларини Абу Жаҳл тўсди:

— Муҳаммаднинг динига кирдингми ёки уни ҳимоянгга олдингми? — деб сўради.

— Динига кирмадим, ҳимоямга олдим. Абу Жаҳлнинг афти буришди.

— Ўт у ҳолда, — деди тўнғиллаб.

БУЮК Даъват ва Тасалли

(Меъроҷ)

Ражаб ойининг йигирма олтинчи кунидан йигирма еттинчи кунига ўтар кечаси. Расулуллоҳ (с.а.в.) учун бу кун ғоят қайғули бир тарзда ўтаётган эди. Амакилари ва суюкли хотинларининг биринкетин ўлими, Тоифдан Маккага аламли қайтиш ва маккаликларнинг беҳисоб хунрезликлари...

Азбаройи юраклари сиқилганидан ўша кеча уйга ҳам бормадилар. Каъбанинг «хотийм» номи берилган ярим деворли қисмида ётиб қолдилар.

Жаброил (а.с.) уйғотганида, у келтирган хабардан

Расулуллоҳ (с.а.в.) бениҳоя қувониб кетдилар, қаттиқ ҳаяжонга тушдилар. Буюк Оллоҳ у кишини малаклар дунёсига саёҳат қилдиришни ирода этган эди.

Саййидул аввалин ва охирин пайғамбаримизнинг кўксиларини Жаброили амин ёрди; муборак юраклари замзам суви билан ювилди, имон ва ҳикмат нури ила йўғрилди, сўнгра яна беркитиб қўйилди.

«Биз сенинг кўксингни очиб, кенгайтирмадикми? Сендан вужудингни бемадор қилган, белингни буккан оғир юкни олиб ташладик, шоншарафинг ва мартабангни юксалтиридик...» оятларида ушбу ҳол акс эттирилар экан, бундан пайғамбарлар султони ўша кунларда ниҳоятда тушкунликда юрганлари ҳам очиқ кўриниб туради.

Энг улуғ ва бекиёс илтифот энг мاشаққатли кунларга тўғри келган, мушриклар озор берган кўнгил кўнгилларнинг яратувчиси Буюк Оллоҳнинг бу таклифи билан ором олган, яна қайта ҳузурхаловат топган эди.

Эҳтимол «кўксини ёриш» каби ғаройиб ҳодиса Султони анбиёни (с.а.в.) мазкур сафарга тайёрлаган қувват муолажаси бўлгандир. Шу кунгача кўрмаган оламларни сайр этиб томоша қиласидилар, бировнинг хаёлига келмайдиган ҳодисаларнинг гувоҳи бўладилар.

Жаброили амин «Буроқ» исмли бир отни ҳам етаклаб келган эди. Бениҳоя даражада учқур ва чопағон бўлган бу от эшакдан хийла баландроқ, оддий отлардан бўйи хийла пастроқ бир ҳайвон эди.

Бир зумда Қуддус шахрига етиб бориши. Байтул Мақдис шу ерда жойлашган бўлиб, пайғамбарларнинг руҳлари шу ерда бу зоти шарифни кутиб олишга тўпланган эди.

Пайғамбарлар жамоат бўлиб, Расулуллоҳнинг (с.а.в.) имомликларида икки ракат намоз ўқиши. Азалда Имомиланбиё вал мурсалин бўлиши тақдир қилинган Улуғ Пайғамбарга (с.а.в.) боғлилиқ шу тариқа намойиш этилган, у зотнинг ортларидан саф тортиб пайғамбарлар имоми эканликлари қабул этилган ва тасдиқланган эди.

Бу пайғамбарларнинг ҳар бири умматларига, агар ўша замонга етсаларингиз, Расулуллоҳга (с.а.в.) имон келтиринглар, деб тавсия этишган ва буюришган эди. Бу тавсияга маънно оламида, уларнинг ўзлари ҳам содиқ бўлиб қолганларидан далолат берарди бу намоз... У зотни энг улуғ йўлбошли деб тан олганлари шу йўсинда ифода этилди.

Шундан кейин Расулуллоҳ (с.а.в.) «меърож» номи берилган ишга биноан кўкка юксала бошладилар.

Пайғамбаримиз (а.с.) бу ҳақда ҳикоя килар эканлар: «Мен меърождан гўзалроқ, кўз қамаштирадиган ғаройиброқ нарсани кўрмадим. Сизлардан вафот этадиган кимсалар уни кўришга муваффақ бўладилар, ўлганлар унга тикилганларида ҳайрону лол қоладилар», деган эдилар.

Куръонда ушбу илохий сафар ҳақида шундай дейилади:

«(Оллоҳ) бир кеча, ўз бандаси (Мухаммад)ни унга оятмўъжизаларимиздан кўрсатиш учун (Маккадаги) Масжидил Ҳаромдан (Қуддусдаги) Биз атрофини баракотли қилиб қўйган Масжидил Ақсога сайр қилдирган (барча айбу нуқсондан) пок Зотдир. Дарҳақиқат, у эшитгувчи, кўргувчи зотдир».

Дунё самосига етиб боргандарида, Жаброил бир эшикни тақиллатди.

—Ким у?

—Жаброилман.

—Ёнингдагичи?

—Мухаммад Расулуллоҳдир (с.а.в.).

—Унга таклиф юборилдими?

—Ха.

Эшик очилди, ичкарига кирдилар.

Расулуллоҳ (с.а.в.) у ерда ўтирган одамни кўрдилар. Ўнг ва чап томонида қандайдир шарпалар бор эди. Ўнг томонига қараган пайти мамнунлик билан кулимсираб, чап томонига қараса, қайғуга берилар ва йиғлар эди. Набийлар сарварини (с.а.в.) кўргач:

— Марҳамат қил, эй солих Пайғамбар, солих ўғил,—деб қаршиларига пешвоз чиқди.

Расулуллоҳ (с.а.в.) Жаброилдан «Бу ким?» деб сўрадилар.

— Бу Одамдир. Ёнидаги шарпалар унинг наслига мансуб инсонлардир. Ўнг томондагилар

жаннати, чап томондагилар эса, дўзахи кишилардир. Ўнга қараса, жаннати авлодларини кўради, мамнун бўлиб кулимсирайди, чоп томонга қараса, дўзахиларни кўради, қалби ғамгуссага тўлади ва йиғлайди.

Расулуллоҳ (с.а.в.) Одам алайҳиссалом билан хайрлашиб, у ери тарқ этдилар. Иккинчи осмонга кўтарилилар.

Ҳар осмоннинг кириш дарвозаси олдида дунё осмо
нига киришдан олдин бўлиб ўтган саволжавоб тақрорланар, сўнгра эшик очилар эди.
Иккинчи осмонда Яҳё ва Исо пайғамбарлар билан,
Учинчи осмонда Юсуф пайғамбар билан,
Тўртингчисида Идрис пайғамбар билан,
Бешинчисида Ҳорун пайғамбар билан,
Олтинчисида Мусо пайғамбар билан,
Еттинчисида Иброҳим пайғамбар билан учрашдилар (алайҳимуссалом).

Жаброили амин йўлларида дуч келган ҳар бир пайғамбарни алоҳидаалоҳида танитар, улар ҳам ўз навбатида:

— Хуш келибсан, эй қадрли қардош, суюкли Пайғамбар! — дея саломалик қилишар эди.

Еттинчи қават осмондан кейин Расулуллоҳ (с.а.в.) шундай бир оламга чиқарилдиларки, «На макон бор унда, на тупроқ ва на само» дея таърифланадиган, яна ҳам тўғрироғи, таърифига сўз ожиз бўлган бир олам...

«Сидратул мунтаҳо» деб аталувчи мақомга келдилар. Ҳеч ким қўрмаган, билмаган бу илоҳий олам ҳақида ҳикоя қиласар эканлар, пайғамбаримиз: «Сидратул мунтаҳони шундай ранглар қамраб олган эдики, буни оддий сўзлар билан тасвирлаб беролмайман», деган эдилар.

Ўша ерда Жаброили амин Набийи акмалга (с.а.в.) яна бир бор асл қиёфасида кўринди. Пайғамбаримиз уни бу қиёфада илк бор Ҳиро тоғидан Маккага қайтаётгандарни кўриб, жуда қўрқиб кетган эдилар. Лекин бу сафар Расулуллоҳ (с.а.в.) қўрқмадилар. Кўз кўриб, кулоқ эшитмаган бу азимлик Буюк Оллоҳнинг яратган қулларидан бирига хос эди, холос.

Оддий бир инсон Жаброилни мана шундай қиёфада кўришини тасаввур ҳам қилолмайди. Жаброилнинг азаматини тақдирлашдан ожиз бўлган инсон Буюк Оллоҳнинг азмини англаши, тасаввур доирасига сифдириши асло мумкин эмас. Бандасига фақат ожизлик или сажда қилиш буюрилган холос.

Ушбу меърож кечасида Расулуллоҳ (с.а.в.) жаннат ва жаҳаннамни кўрдилар, у ерда мукофот оладиган ва жазо тортадиган инсонларга гувоҳ бўлдилар.

Шунишдек, мазкур кечада Роббул Оламийн суюкли пайғамбарини хузурида қабул этди. Таърифга сифмайдиган ғаройиб дамлар эди бу. Набийи акрам (с.а.в.) Буюк Оллоҳни кўриш ва у билан юзмаюз сухбатлашиш шарафига мұяссар бўлдилар.

Бу учрашувда нималар сухбатлашилгани ҳақида ортиқча маълумот йўқ. Лекин бу учрашувдан пайғамбаримиз кунига эллик марта намоз ўқиши вазифасини олиб, у Олий даргохни тарқ этдилар. Қайтишларни Ҳазрати Мусо (а.с.):

— Мен Истроил ўғилларини бу масалада етарли даражада синаб кўрдим. Қайт Раббингнинг олдига, бу намозларнинг бир қисмини камайтиришини сўраб ёлворгин,— деди.

Ҳақ таолога қилинган илтижо оқибатида ўн вақт намоз ато этилди. Ҳазрати Мусо тақрор юқоридаги гапларни ёдларига солдилар, Расулуллоҳ (с.а.в.) қайта илтижо қилдилар. Шу зайлда даставвал кунига эллик марта ўқилиши буюрилган намоз тақрортакрор ниёзлар туфайли беш вақт ўқилиши фарз этилиб тасдиқланди. Сўнгра Жаноби Ҳақдан бундай хитоб келди:

«Е Мухаммад, бу бир кечакундузда ўқиладиган беш вақт намоз эллик вақт намозга тенг бўлади. Яъни, ҳар бир ўқилган намозга ўн намоз савобини ато этурман. Шунингдек, бандаларимдан ким бир яхшилик қилишга азм этиб, уни адо эта олмаса, бир савоб, адо эта олса, ўн савоб ато қилурман. Энди ким бирон ёмон ишни — гуноҳни қасд қилсаю, уни амалга

оширмаса, у кишига гуноҳ ёзилмас, агар ўша ёмон ниятини амалга оширса, бир гуноҳ ёзилур».

* * *

Ҳазрати Мусо (а.с.) билган нарса Расулуллоҳга (с.а.в.) маълум эмасмиди? Эллик икки ёшга кирган, ҳаётда кўпгина тажриба орттирган ва кейинги ўн йил ичидаги турлитуман яхшиёмон кишилар билан юзмаюз бўлган ва, бундан ташқари, Буюк Оллоҳ томонидан мустасно бир қобилият эгаси этиб яратилган Набийийи муҳтарам ҳазратлари (с.а.в.) эллик вақт намоз ўқиш инсонларга оғир ва малол келишини билмасмидилар?..

Бу воқеликни бир жилвайи Раббоний сифатида баҳолаш жоиздир. Яъни, Раббимизнинг кудрати ва чексиз марҳаматини яна бир бор намоён этиши деб тушуниш тўғрироқ бўлса керак. Қолаверса, иккинчи томондан, бу ҳодиса инсонларга аввал ўтган аждодларининг тажрибасига таяниш лозимлигини яна бир бор уқтиради. Оллоҳ таолонинг дастлаб эллик вақт намозни фарз этиб тайинлаши, сўнгра бир эвазига ўн мукофот тамойилига кўра, уни эллик вақтдан беш вақтгача тушириши ҳам айни жилвайи Раббоний доирасига киради.

Бу муҳим сафарнинг Расулуллоҳга (с.а.в.) энг оғир дамда, қаттиқ тушкунликка тушган чоғларида қилдирилгани ва ўша кеча оддий сўз билан таърифлаб бўлмайдиган ғаройиб сафардан янги ва покиза бир рух, туганмас бир ғайратшижоат ва қувват билан қайтганлари шубҳасиздир. Расулуллоҳ (с.а.в.) ўша кеча Оллоҳ таолонинг жамолини тўйибтўйиб кўриб олганлари ҳам аниқ. Лекин «Пайғамбаримиз Жаноби Ҳақни ўз кўзлари билан кўриш учун етти қават осмонни, жаннатни ва жаҳаннамни ошиб ўтдида, сўнгра Оллоҳ таолонинг кўшкига етди...» тарзидаги фикр ва тушунчага берилмаслик даркор.

Пайғамбаримиз ўша кеча бутун осмон қаватларини ошиб ўтган, жаннатларни сайр қилган, беҳисоб даражада ҳикмат ва ғаройиботга тўлиқ ҳодисаларни кўрган, томоша қилган эдилар. Аммо булар алоҳида воқелик. Оллоҳ гаолони ҳам ўша кечада кўрганлари эса, алоҳида бир воқелиқдир. Оллоҳ таолони кўриш учун албатта сафар қилишлари, маълум бир масофани босиб ўтишлари лозим эмас эди.

«Бу учрашув нима учун меъроj кечасига тўғри келди?» деган саволнинг жавоби ёлғиз Оллоҳга маълумдир. Бизларга бу мавзуда фактат «Оллоҳ хоҳлаганини қиласи ва қилган иши учун ҳеч кимнинг олдида жавобгар бўлмайди», дейиш жоиздир.

* * *

Расулуллоҳ (с.а.в.) ўша кеча тақрор Масжиди Ақсога қайтдилар. Яна Буроқ вазифага чақирилди. Яна ўша тезликда Макка сари йўл олинди.

Дажон деб аталувчи жойга келганларида таниш бир карвонга дуч келдилар. Карвондагилар ерга чўзилиб ухлаб қрлишган эди. Оғзи боғлоглик мешларида сув бор экан, Расулуллоҳ (с.а.в.) улардан бирининг мешини очиб, сувидан ичдилар ва яна қайта беркитиб, йўлда давом этдилар.

Сафар Маккада, бошланган жойида тугади.

Баъзи бир ривоятларда бу сафар Абу Толибининг қизи ва Алининг опаси Умму Хонийнинг уйидан бошлангани ва яна шу ерда тугагани нақл қилинади.

Ўша кечанинг тонги...

Пайғамбаримиз (с.а.в.) масжидда ўтирап эдилар.

Ёнларига Абу Жаҳл келди ва одатдагидек шилқимлик қила бошлади:

— «Буюк даргоҳ»дан қандай хабарлар бор, дўстим? Расулуллоҳ (с.а.в.) жиддий тарзда жавоб қилдилар:

— Бугун кечаси сафарда бўлдим.

— Ие, қанақа сафарда?

— Куддусга, Ақсо масжидига бориб келдим. Абу Жаҳл қаҳкаҳа отди.

— Бир кечада шунча узокқа бориб, яна қайтиб келишга ҳам улгурдингмиа?

— Худди шундай.

Абу Жаҳлнинг миясига бир фикр урилди. Ажойиб бир фурсат, деб ўйлади.

— Жуда соз, бу сўзларни қавминг олдида қайтаришга журъат қила оласанми?

— Албатта.

Абу Жаҳл туйқус хазина топган одамдай, бор кучи билан бакира бошлади:

— Бу ёққа келинглар, эй Бани Каъб ибн Луай, келинглар, эй қурайшийлар!..

Бири ҳақиқат, бошқаси жаҳолат вакили бўлган бу икки кишининг ёнма-ён турганини кўрганлар уларнинг қошлирига тўплана бошлашди. Абу Жаҳл жангда ракибини енгган жўжахўроздек керилиб турарди. Ҳеч бўлмаганди, завқли бир саҳна содир бўлдику, деб ўйларди.

Нихоят гавжум бир халойиқ тўпланди. Масжиди Ҳарамнинг убу бурчагида ўтирганлар ҳам югуриб келишди. Ораларида мўминлар ҳам бор эди, мушриклар ҳам. Ҳар иккала томон ҳам манамана содир бўладиган воқеани зўр ҳаяжон билан кутиб турарди.

— Қани, ҳозиргина менга айтган гапларингни қайтарчи!.. — Абу Жаҳлнинг овозида «Мард одам сўзидан қайтмас» шаклидаги манманлик ифодаси бор эди.

Нигоҳлар нуроний пайғамбаримизга қадалди. У зоти шариф (с.а.в.) яна ўта жиддий ва вазмин оҳангда:

— Бу кеча саёхатга чиқарилдим. Ақсо масжидига бориб келдим, — дедилар.

Абу Жаҳлнинг кўзида зафар учқунлари порлади.

— Яъни, Куддусга бориб ке.вдим, демоқчи, — дея ҳайқирди. Сўнг Расулуллоҳга ўгирилди:

— Шундай эмасми?

— Худди шундай!

Абу Жаҳл кечирилмас бир гуноҳ иш қилиб қўйган жиноятчини қўлга туширган кучли бир қўмондон каби:

— Хўш, бу ёлғонга бизни қандай ишонтиromoқчисан? —деди, сўнгра атрофда тўпланиб турган халойиқقا ўгирилди: — Шу ёлғонга ишонадиган киши борми?!

Ҳар ҳолда, озгина бўлсада, дурустроқ фикрлайдиган, масалани ҳартомонлама ойдинлаштиришни истайдиган бир киши бор экан, ўша таклиф киритди:

— Орамизда Куддусга бориб келган одамлар бор, унинг гапи тўғримиёлғонми эканини ўшалар тасдиқлайди... Энди бизга Ақсо масжидини таърифлаб бер.

Расулуллоҳнинг (с.а.в.) шу кунгача Куддусга бормаганларини ҳамма беш қўлдай биларди. Мушрикларнинг фикрича, бу кеча Куддусга бориб келдим, деган даъво мана энди пучга чиқажак, ёлғон гапиргани маълум бўлажак эди.

Бу таклиф ҳаммага маъқул тушди. Бормаганкўрмаган бўлса, у ерни қандай қилиб таърифлаб берарди? Борган бўлса, кўриши, кўрган бўлса, таърифлаб бериши лозим.

Аммо Расулуллоҳ (с.а.в.) Ақсо масжидига ва Куддусга томоша учун бормаган эдиларку? На Ақсога чуқурроқ разм солдилар, на Қуддусни томоша қилдилар — бу ҳам бир ҳақиқат эди.

Лекин Буюк Оллоҳ расулини шундай вазиятда ёрдамсиз қолдиравми?

Бир зумда Расулуллоҳ (с.а.в.) кўз ўнгларида Ақсо масжидига гавдаланди. Худди қаршидаги девордан берироқда инъикос этаётгандек эди. Муборак кўзлари Ақсо масжидида, тиллари эса, кўрганларини бирмабир ҳикоя қилиб бера бошлади.

Куддусга кўпчилик бориб келган, ҳаммасининг ўзига яраша таассуроти, хотираси бор эди. Ақсо масжидининг кўриниши ҳақида саволга тутишди. Бири эшиги ҳақида сўраса, бошқаси деворлари, девордаги нақшлари ҳақида сўрар, яна бири ёнатроф ҳақида суриштиради. Сўралган жойлар дарҳол Расулуллоҳнинг (с.а.в.) кўз олдиларига келтирилар, худди ойинада кўриб тургандай жавоб қилар эдилар. Нихоят саволжавоб тугади.

— Ҳаммасини тўғри таърифладинг, эй Мухаммад! Худо ҳакки, жуда тўғри! — деб тан беришди имтиҳончилар.

Абу Жаҳлнинг юраги сикилиб кетди, терлар пешонасидан оқарди. Юз карра аниқ зафар энди қўлга кирай деб турганида бирдан мағлубиятга учрашнинг таъсири эди бу.

Аммо юраги сиқилган фақат Абу Жаҳл эмас эди. Абу Лаҳаб, Надр ибн Ҳорис, Умайя ибн Халаф ҳам худди шундай ҳолатда эдилар. Қуддусга бормагани аниқ бўлган бир киши бир кечада шу ёқка бориб келганини даъво қиласа ва ундан олдин бориб келганини шу мавзудаги саволларига муфассал жавоблар берса, ким нима ҳам дея оларди?

—Бу ердан Қуддусгача туяда бир ойлик йўл, кайтишга яна бир ой кетади. Инсон қанақасига бир кечада бориб кела олади? — деб елкаларини қисишар эди.

—Хой биродарлар, менинг бир фикрим бор, — деб бақирди кимдир. Ҳамма унга қаради.
— Бизнинг Шом йўлида карвонларимиз бор. Модомики Ақсо масжидигача бориб келганини даъво қиласа экан, бизга ўша карвон ҳақида маълумот берсин.

Расулуллоҳ (с.а.в.) ҳеч тараддулланмай жавоб бера бошладилар:

— Йўлда кетаётганимда фалончиларнинг карвонига дуч келдим. Битта туялари қочган экан, уни қидиришаётган эди. Уларга хитоб қилиб, туяларининг турган жойини кўрсатдим. Қайтаётганимда Дажон водийида фалонфалонларнинг карвонига дуч келдим. Ўзлари ухлаб ётган эдилар. Оғзи боғлиқ бир мешдаги сувларини ичиб, оғзини яна маҳкамлаб қўйдим.

— Хўш, улар Маккага қачон етиб келишади?

— Эрта тонгда, айни қуёш чиққан дақиқада Танъим тепалиги томондан шахарга киришади. Олдиларида кулранг бир тия бўлади, унинг бир томонига оқ, иккинчи томонига қора тусли юқ ортилгандир...

Табиийки, бу хабар ақл бовар қилмайдиган бир хабар эди. Бу маълумотни пайғамбаримизга Жаброили амин етказган эди.

Мушриклар бир оз енгил тортгандай бўлишди.

Чунки қуёш чиқар экан, у берган маълумот билан ҳақиқатда рўй берадиган воқелик орасида ҳеч йўқ озгина фарқи бўлар, ахир. Карвон ё қуёш чиққанидан кейин, ё олдин келиши мумкинку! Ҳамма нарса сониясониясигача тўғри келиши амри маҳол эмасми?

* * *

Ҳазрати Абу Бакрнинг эшиги худди бирор тепаётгандай қаттиқ тақиллади. Сапчиб ўрнидан туриб эшикни

очди. Келган одам ҳовлиққанича, нафаси бўғзига тиқилгудай бўлиб янгиликни сўзлади:

— Анави жодугар дўстинг, бу кеча Ақсо масжидига бориб келдим, деб даъво қилмоқда.

— Яъни, Оллоҳнинг расули Муҳаммадми (с.а.в.)?!

—Ха.

— Жуда тўғри гапирибди. У ҳеч қачон ёлғон даъво билан чиққан эмас.

Хабарчининг кутгани бошқача муносабат эди. Абу Бакрнинг сўзлари уни довдиратиб кўйди. Қайтиб кетар экан, қулоқларига ишонмасди. «Бунчалик бўлиши мумкин эмас...» дер эди ўзига ўзи.

Ушбу воқеа Ҳазрати Абу Бакрга абадиятга қадар фахрли бир лақаб берилишига сабабчи бўлди. Энди у кишини то қиёматгача барча мўминлар «Абу Бакр Сиддик» деб атай бошлайдилар. Бу лақабни унга Набийлар сарвари бердилар. «Жуда тўғридуруст инсон» деган маънони билдирав эди бу муборак сўз!

* * *

Тонгсаҳарда анчамунча мушриклар Танъим йўлига карвонни кутиб олиш учун чиқишиди. Яна ҳам тўғрироғи, «Йўловчилар кун чиққанида келади», шаклида берилган хабарни чиппакка чиқармоқчи эди улар.

Шафақ оқара бошлаган, юзларда ҳаяжон ифодалари сезилди. Юраклар ҳар доимгидан ҳам тезроқ ура бошлаган, одамлар асабий ва сабрсиз.

— Менга қолса, шу гал иш тамом, — деди кимдир.

— Ҳеч йўқ бирикки сонияга фарқ қиласа, ахир, —деди бошқаси.

— Ана ундан кўрасан Амр ибн Ҳишомнинг қандай интиқом олишини.

— Энди уни ҳимоя қиласиган Абу Толиб ҳам йўқ. Шу тарз гапсўз давом этар экан, ораларида умидсиз бўлганлар ҳам бор эди.

— Ҳечам қўлидан келмайдиган бир ишни буюрайлик, деб роса бош қотирган кунларимизни унутдиларингми? Кўкдаги ойни иккига бўлганиничи? Ҳой биродарлар, шарманда бўлиб қолмайлик тағин. Кутилган вақт яқинлашганида, икки киши баланд жойга чиқарилди. Бири кунчиқар томонни, иккинчиси Тањим йўлини кузатиб туришди. Ким кўрса, шу заҳоти бақириб хабар бериши керак эди.

Абу Жаҳл сабрсиз, баъзан бошини кўтариб ҳалигиларга қарайди:

— Нима гап? — деб сўрайди.

— Ҳеч нима кўринмаяпти, — деган жавоб уни баттар безовта қилади.

Кун чиқишига дақиқалар ҳам эмас, сониялар қолди. Абу Жаҳл сўнгги марта юқорига қаради. Йўлпойлоқчининг кўзлари олисда, тинимсиз тикилади. Кўрса, албатта, дарҳол жавоб берарди.

— Ўзингни бос, — деди Умайя Абу Жаҳлга, — бу сафар биз албатта ғалаба қозонамиз!

Убай ибн Халаф унинг фикрини тасдиқлади:

— Мана, қуёш ҳам чиқай деб қолди. Шу пайтгача келмаган карвон тўсатдан келиб қолармиди?..

Қуёш хар доимгидай ўз вақтида чиқишига, карвон ҳам Маккага бир дақиқа бўлсада, олдинроқ етиб олишга шошилишар, қуёш ҳам, карвон ахли ҳам улкан бир даъвонинг исботи ё инкори учун мусобақалашаётгандаридан ўзлари бехабар эди.

Расулуллоҳ (с.а.в.) пайғамбарлик вазифасини берган Буюк Оллоҳнинг ёрдамига ишонар, расулини ёлғончи қилмаслигига амин эдилар. Ҳар дақиқа, ҳар сонияда энг покиза миннатдорлик туйғулари билан Раббига йўналган қалблари ушбу дамда яна Унга, факат Унга илтижо қиласига эди. Қуёшни яратган У, дунёни яратган У, ҳар иккаласига Ўзи истаган низомни берган ҳам Удир. Ирода этмаса, карвон юролмас, Унинг иродасисиз тўхтамас. Боришни истаган жойига, У хоҳлаган пайтдан олдин ёки кейин бориши ҳам мумкин эмас.

Абу Жаҳл ва унинг ҳамтовоқлари қанчалик сабрсиз ва безовта бўлсалар, Расулуллоҳ (с.а.в.) шунчалик вазмин ва хотиржам эдилар.

Қуёшнинг ilk нурлари порлайдиган сониялар келди. Абу Жаҳл ҳамон сокин турган Расулуллоҳга (с.а.в.) қаради.

— Мана энди сени йўқ қиласига! — дея минғирлади. — Қолаверса, бу сафар ёнингда шу пайтгача ҳимоя қилиб келган анави нодон, ўжар амакинг ҳам бўлмайди.

Тишларининг орасидан илоннинг заҳари каби сочилган бу сўзларни Расулуллоҳ (с.а.в.) эшитмадилар. Чунки ушбу дамда йўлпойлоқчилар бирдан бараварига бақириб қолишган эди.

— Нима гап, эй фалончилар?

Энди иккаласи алоҳидаалоҳида жавоб берди:

— Кун чиқди!

— Карвон кўринди!

Ахнас ибн Шариқ қўлидаги ҳассасини бор кучи билан ерга урди.

— Бундай толеънинг... — деб бошланган сўзларини уятсиз сўкиниш билан тугатди.

Мўминлар хурсандликдан йиглаб юборишли, Расулуллоҳ (с.а.в.) билан биргаликда Оллоҳга ҳамду санолар айти бошлашди.

Улуғ Умар Абу Жаҳлга яқинлашди:

— Энди имон келтиришинг керак, эй Амр, — деди. — Муруватли иисон бундан бошқача йўл тутмас.

— Дафъ бўл, Умар, ҳозир сенинг гапларингни тинглайдиган холим йўқ.

— Хўш, дафъ бўлмасам, нима қиласига?

Бу овоз Умарнинг олов сачраган кўзлари ифодаси эдими ёки куфрга қарши битмас-

түгунмас бир кин ва интиқомга тўлиқ юрагидан отилиб чиққанмиди?

Абу Жаҳл бу кўзларга бир сониягина тикилиб турди, сўнг Умар билан яккамаякка олишиб кўрсаммикан, деган ўй яшин тезлигида миясидан ўтди. Аммо...

«Шу бор обрўйимни ҳам йўқотмай тағин» дегандай, мағлуб нигоҳлари ерга қадалди. Оёклари уни орқага тортди.

Мўминларга Оллоҳ ҳадя этган буюк имон тимсоли бўлмиш Умар мустаҳкам бир қалъани ёдга солувчи гавдаси билан Ислом зафарини намойиш этиб турар эди. Эшигларни титроқка соладиган гулдурос бир овозда:

— Хўш, энди нима дейсизлар? Яна биронтангиз қарши чиқасизми? — деб ҳайқирди.

Хеч кимдан садо чиқмади. Ўзаро пичирлаб: «Бунчалик бўлиши мумкин эмас ахир...» деганлар бўлди.

Бироқ берилган хабарнинг тўғри ёки нотўғрилиги ҳали тўла аниқланмаган эди. Бир муддат кутиб туришди. Карvon кела бошлади. Нигоҳлар энг олдиндаги туюга қадалган. Олдинда кулранг бир тую эди, икки ёнбошида оқ ва қора — икки қоп юк.

Карвондагилар, бизларни кутиб олишга чиқишибди, деб ўйлашди. Асл мақсадларини билишмасди. Шунинг учун:

— Келишимизни қаёдан билақолдинглар? — деб сўрашди. Саволлари савол билан қаршиланди:

— Кеча қаерда тўхтаб ҳордик чиқардингизлар?

— Дажон водийида, — деб жавоб қилди карвон ахли.

— Оббо шайтон тушмагурэй!

— Нима бўлди?

— Нима бўлгани билан ишларинг бўлмасин. Шундан кейин:

— Ораларингда бир ичим суви ўзидан ўзи фойиб бўлиб қолган кимса борми? — деб сўрашди.

— Ҳа, менман ўша сувсиз қолган одам. Ётишдан олдин мешимда аниқ сув бор эди, эрталаб туриб ичарман, деб ўйловдим. Эрталаб қарасам, сув йўқ. Аммо мешнинг оғзи берк. Биродарларимдан сўрабсуриштирдим. Хеч ким, «Мен ичувдим», демади. — Бўлиб ўтган воқеаларни бир-бир сўзлаб бергач, атрофига ҳайрон боқди: — Нималар бўляпти ўзи, бизга бундай тушунириб берсаларингизчи, — деди.

Абу Жаҳл асабий бир овозда ғўлдиради:

— Жодугарлик тажрибаларини ўтказяпмиз. Дунёнинг энг машҳур жодугари ўзимизнинг қабиладан чиқди. Ҳа...

Ҳақни кўриш ва ҳис этишдан маҳрум бу кишилар, шунчалар очиқ-ойдин мўъжизани ҳам, ҳар доимгидай, «сехржоду» дейишдан нарига ўтмаган эди.

* * *

Сайидул анбиё (с.а.в.) жаноблари бир кечада Ақсо масжидига бориб келганларини сўзлаб бергач, кофирларнинг гумроҳлиги янада ортгани, ҳатто имон келтирганлардан баъзилари ҳам: «Бунақаси бўлиши мумкин эмас», дея диндан чиқиб кетганлари ривоят қилинади. (Ибн Касир. «Сияр», 2/96. 112)

Аммо динидан қайтганларнинг исмлари сақланиб қолмаган.

Фахри Коинотнинг (с.а.в.) шу кунгача берган ҳар бир хабарларини маъқуллаб, тасдиқлаб келган ва бу йўлда ҳар кандай жабрзулимга мардларча кўкрак керган мўминларнинг пайғамбаримиз бир кечада Ақсо масжидига бориб келганларини айтганлари учунгина у кишининг динларидан чиқиб кетиши бўлмағур гап. Қолаверса, Расули акрам (с.а.в.) бу сафарни тасдиқловчи очиқ-ойдин далилларни келтирганлар, бунга ҳатто Абу Жаҳлдек ашадий мушриклар ҳам эътиroz билдира олишмаган.

Расули муҳтарам (с.а.в.) ўзларидан сўралган саволларга жавоб бера олмай қолганларида

ҳам бошқа гап эди. Ўшанда, баъзи мўминлар динидан қайтди, дейишининг маъноси бўлар эди.

Устигаустак, карвоннинг етиб келар вақти ҳақидаги хабарларининг тўғри чиқиши, мункирлар ҳам имонга келишларига арзигулик воқеа эди.

Меърож ҳодисасидан кейин мўминлар кунига беш вақт намоз ўқийдиган бўлишди.

Бундан олдин улар кунига атиги икки маҳал — кун чиқиши ва кун ботишидан олдингина намоз ўқишар эди.

Расулуллоҳ (с.а.в.) ўша кечадан эътиборан ҳар галги намозларида ўша ғаройиб сафарнинг — Мавло ҳузурига боришининг маънавий ҳузурини тудиган бўлдилар. Ҳар намоз у зот учун ўзига хос бир меърожга айланди.

Холис ният ила Парвардигори ҳузурида қоим бўладиган ҳар бир мўмин учун ҳам намоз бир меърождек бўлиб қолди.

Расулуллоҳнинг (с.а.в.) ғаройиб сафарлари рўй берган меърож кечаси ҳақида Исро сурасида ҳикоя этилади. Шунингдек, мўминлар риоя қилишлари зарур бўлган диний ва ахлоқий ҳукмлар ҳам шу сурада келди.

Оллоҳ таолодан ўзга ҳеч бир нарсани илоҳ қиласлик зарурлиги яна бир бор такрорлангач, отаонага ҳурматда бўлиш, қариндош-уруг, қўникушни ва мусофириларга ёрдам бериш, фарзандларни камбағалликдан қўрқиб ўлдиришдан тийилиш, зинодан узоқ юриш, одам ўлдирмаслик, етимнинг ҳақини емаслик, тарозидан урмаслик, хоккор бўлиш ва кибру ҳавони тарк этиш каби ҳукмлар баён қилинди.

* * *

Мушриклар билан мусулмонлар орасидаги зиддият шу даражага етди, натижада ҳазрати Абу Бакр (р.а.) ҳам Маккани тарк этишга қарор берди. Мушриклар уни ўз ҳолига қўймас, тинчгина тоатибодат қилишига ҳам йўл бермас эди.

Бошқа мусулмон биродарлари каби, Ҳабашистонга ҳижрат қилмоқчи бўлди. Вазиятни Расулуллоҳга (с.а.в.) тушунтириди. Ижозат олгач, сафар халтасига керакли микдорда озиқовқат солдида, Маккани тарк этди. Қалби ғам-ғуссага тўлган, ниҳоятда паришон эди.

Барқул ғамодга етиб борганида Қора халқининг йўлбошчиси Молик ибн Дафиннага дуч келиб қолди. Азалдан бир-бирларини танишар эди.

— Йўл бўлсин, ё Абу Бакр? — деб сўради Молик ибн Дафинна.

— Ҳабашистонга кетяпман.

— Ҳа, яхши. Унда мол-мулкинг қани?

— Тижорат учун бораётганим йўқ...

Ҳазрати Абу Бакр бор гапни қисқача сўзлаб берди. Ибн Дафинна диққат билан тинглар экан, юрагида эътиroz туғилди.

— Ё Абу Бакр, сендеқ мўътабар зот шундай бир арзимас сабаб билан ватанингни тарк этиб чиқиб кетишинг тўғри эмас. Ҳайдаб чиқаришлари ҳам инсофдан эмас. Сен камбағалларга ёрдам қўлини чўзадиган, қариндош-уруглик алоқаларини ҳурмат этадиган, мазлумларнинг оғирини енгил қиласиган, мусофирига иззатикром кўрсатадиган олижанобинсонсан. Мен сени ҳимояга оламан, қайт юртингга! Ўз шахрингда Парвардигорингга хоҳлаганингдай ибодат қиласкеради.

Биргалиқда Маккага қайтдилар. Ибн Дафинна қурайшийлар орасида сўзи ўтадиган, обрўэътиборли киши эди. Қурайш зодагонлари билан учрашди.

— Абу Бакрдай мўътабар бир одам ватанидан ҳайдалмаслиги керак, — деди.

— Сен уни ҳимоянгга олганингга, албатта, биз қарши эмасмиз, — деб жавоб қилишибди маккаликлар, — аммо бу масалада баъзибир шартларимиз бор.

— Хўш, қанака шартлар экан улар?

— Абу Бакр ибодатини уйида қиласин, намозни ҳам уйида ўқисин, нима қилмоқчи бўлса, уйида қиласин. Қисқаси, бизни безовта қиласин. Чунки хотинларимизни, бола-чақаларимизни бир балога йўлиқтириб қўймасин, деб қўрқамиш.

Ибн Дағинна бу таклифга рози бўлди, ҳазрати Абу Бакр ҳам шартларни қабул этди. Ғурбат элларда ҳасрат чекиб юргандан кўра, мана шундай шартлар остида бўлса ҳам Расулуллоҳнинг (с.а.в.) ёнларида қолиш маъқул эди унга.

* * *

Бир қуни ҳазрати Абу Бакр уйининг олдини масжидга айлантиришни ўйлади. Шу ерда намоз ўқий бошлади.

Нозик табиатли бир инсон эмасми, абадий мўъжиза бўлган Қуръони карим гўёки унинг қалбининг теранликларига иниб борар ва у ердан тотли оҳанг ила йўғрилиб чиқиб келар эди. Баъзан азоб оятлари унинг руҳида ғалаёнлар кўтарар, Оллоҳнинг лутфу карамидан баҳс этадиган оятлар эса, жаннат шабадаларини эстираётгандай бўлар эди.

Махалла болалари уни томоша қила бошлишди, аёллар унинг кўзёшларила, ёник овозла ўқиётган Қуръонига қулоқ тутадиган бўлиб қолишли.

Бу вазият қурайшийларни бетоқат қилди. Аёллар ва болаларга бу ёник овознинг, бу кўзёшларнинг таъсир этиб қолишидан қўрқишли.

Ибн Дағиннага хабар жўнаташиди. У дарҳол этиб келди ва нима гаплигини суриштириди.

— Биз сенинг ҳимоянгни тан олганмиз, аммо Абу Бакр уйида ибодат қилсин деб шарт қилиб қўйган эдик... — дея вазиятни батафсил тушунтиришиди. — Ё Абу Бакр шартларимизга амал қилсин, ёхуд сен ҳимоянгдан воз кеч.

У Абу Бакрнинг уйига келиб, қурайшийларнинг хоҳишларини англаҳди. Ҳазрати Абу Бакр уни нокулай аҳволга солиб қўйишни истамади.

— Менга Оллоҳнинг ҳимояси кифоя, сенинг ҳимоянгдан воз кечаман, — деди.

Арабларнинг одатига кўра, бирга Курайш зодагонларининг ҳузурига боришиди. Ҳазрати Абу Бакр Ибн Дағиннанинг ҳимоясидан ўз ихтиёри билан воз кечаётганини, бунда унинг заррача айби йўқлигини эълон этди.

Молик ибн Дағинна қўнгли хотиржам бўлиб изига қайтди. Ҳазрати Абу Бакр учун эса, яна эски — нотинч, бехаловат кунлар бошланди.

БОЗОРЛАРДА ҚИЛИНГАН ДАЪВАТ

Арабларнинг учта йирик ва машхур бозори бор эди, улар: Укоз, Мажанна ва Зулмажоз. Аввали Шаввол ойида Укоз бозори очилар ва бу ерда савдосотиқ бир ойча давом этар эди. Сўнгра Мажаннада йигирма кунлик бир бозор очилар, у ердан эса, Зулмажозга кўчишлар эди.

Бозор мавсуми тугагач, ҳаж мавсуми бошланар, карvonкарвон бўлиб сафарга чиққанлар Каъбани тавоғ этиш учун Макка сари йўл олар эдилар.

Расули мукаррам (с.а.в.) ҳаж қилиш мақсадида Маккага келган қабилалар орасида юриб, уларни Исломга даъват эта бошладилар. Енларида қабилаларнинг келиб чиқиши, насликасби хусусида кенг ва атрофлича биладиган Ҳазрати Абу Бакр бор эди. Дуч келинган қдбила аъзоларидан аввал ким эканлиги сўралар, сўнгра уларнинг қошига ўтириб, Ислом динидан баҳс этар эдилар. Абу Лаҳаб ҳам қараб турмас, у ҳам эски вазифаси билан банд бўлар эди.

— Ишонманглар унга! Болаларни оталарига душман қилган жодугар мана шу бўлади! Оилаларни бузган, эрни хотиндан ажратган иғвогар мана шу одамдир! — деб бақириб юради.

Баъзилар истехзо ва ҳақоратомуз оҳангда бу динни қабул этолмасликларини билдирадилар. Аммо Расулуллоҳ (с.а.в.) сира ҳам умидсизланмай, бошқа бир қабилани даъват қила бошлар эдилар. Баъзилар очиқданочиқ савдолашишга тушишарди:

— Хўп, агар биз сени қўллабқувватласак ва муваффакиятга эришсак, ҳокимииятни бизга топширасанми? Шунга розимисан? — дейишарди.

Хақка даъват этаётган зот бунга жавобан ҳам ҳақ сўзни сўзлар эдилар:

— Ҳамма нарса Оллоҳнинг хоҳиширодаси билан бўлади. У истаган бандасига ҳокимиият

беради.

— У ҳолда бу иш бизга тўғри келмайди. Биз бу ишни деб жонимизни жабборга берайлик, ҳәётимизни хавф остига қўяйлик, арабларнинг душманлигига учрайлик, уларнинг ўқларига нишон бўлайлиқда, сўнгра қўлга киритилган ғалабанинг ўлжаларидан бошқалар баҳраманд бўлсинлар?! Йўқ, унақаси кетмайди.

Ҳар бир қабила бирон баҳона ёки бирон «камчилик» топиб, бу динга киришдан ўзларини олиб қочарди.

Ниҳоят Расулуллоҳ (с.а.в.) Ҳазраж қабиласидан бўлган олти кишилик бир гурухга юзлашдилар. Улар Минонинг Ақоба деб аталувчи жойида тўхташган эди.

— Кимсизлар? — деб сўрадилар Фахри Коинот (с.а.в.).

— Ясиридан келдик. Ҳазраж қабиласиданмиз, — деб жавоб қилишди.

Расулуллоҳ (с.а.в.) уларга Ислом дини тўғрисида сўзлаб бердилар. Оллоҳнинг пайғамбари эканларини, ўзларига китоб туширилганини таъкидладилар. Муқаддас Қуръони карим оятларидан ўқиб бердилар.

Ҳазражликлар бир-бирларига тикилиб қолишли. Маъноли қараашлар қилишди бир-бирларига. Сўнгра биттаси пиҷирлагудек паст овозда:

Яхудийлар маълум қилган пайғамбар шу одам бўлса керак. Унга имон келтиришда зинҳорбазинҳор яхудийлар биздан ўтиб кетмаслиги керак, — деди.

Расулуллоҳ (с.а.в.) сўзлаб берган нарсалар жуда гўзал, мафтункор ва таъсирчан бўлиб, инсонга фазилат ва одоб сабофини берар эди. Ақли расо киши бу нарсалардан юз ўгириши тўғри бўлмас эди. Шунингдек, пайғамбар эканини таъкидлаётган бу зотнинг чеҳрасидан нур ёғилар, вужудидан хуш бир бўй таралар эдй. Самимий бир тушунча, покиза бир қалб эгаси экани шундоққина кўриниб турарди.

— Сенга ишонамиз, эй улуғ инсон. Шубҳасиз, сен Оллоҳнинг бизга раҳмат қилиб жўнатган пайғамбарисан, — дейишли бир овоздан.

Расулуллоҳ (с.а.в.) севиниб кетдилар. Шу пайтгача бошқа қабилаларга қилган даъватлари зое кетган, қалблари ғам-ғуссага тўлган бўлса, энди бу имон учқунлари юракларига ором бағишилаган эди.

Ҳазражликлар бирмабир ўзларини танитишли:

—Абу Умома Асъад ибн Зурора.

—Авф ибн Ҳорис.

—Рафиъ ибн Молик.

—Қутба ибн Амр.

—Уқба ибн Амр.

—Жобир ибн Абдуллоҳ.

Баъзи ривоятларда бу илк учрашувда ҳазражликлар саккиз киши бўлгани нақл қилинади. Юқорида исмлари келтирилганлардан ташқари яна Муоз ибн Афро ва Убода ибн Сомит ҳам борлиги билдирилади.

— Шу қунларда ўз қавмимиз билан ҳам, қавмимизга мансуб бўлмаган яхудийлар билан ҳам келишолмай турибмиз. Орамизга душманлик ва ёмонлик уруғлари кириб қолди. Умид қиласизки, сен туфайли Оллоҳ таоло орамиздаги тушунмовчиликни бартараф этиб, яна қар дошлик уруғларини сочади. Биз юртимизга қайтиб, қабиладошларимизни ҳам сенинг динингга даъват қиласиз. Агар Оллоҳ уларни мана шу дин устида тўплаб бирлаш тирса, биз сендан миннатдор бўласиз.

Шундан сўнг Расулуллоҳ (с.а.в.) билан хайрлашиб, юртларига қайтиб кетишли.

Шу йўсинда Ясириб шаҳрида ҳам Ислом динининг уруғлари сочилди.

Булар Ясирига бориб, мазкур шарафли ва муборак динни тушуниражак, унга даъват этиб, ўзлари сингари имони бақувват мусулмонларни етиштиражаклар.

Буюк Оллоҳ инсоният учун ёйган, лекин маккаликлар хўрлаган бу баракотли дастурхон атрофига мадиналиклар ўтиражак, қурайшийлар оёқости қилган бу муборак неъматни авс ва ҳазражликлар бошларига кўтаражаклар келгусида.

Ислом тарихида исмлари жуда оз маълум бўлган бу шарафли инсонларнинг номлари олтин ҳарфлар билан ёзилса ва ҳар бир мўмин-мусулмон қалби тўридан жой олса, арзиди.

Улар инсониятнинг саодат раҳбаридан олган омонатни Ясрибга тарқатиш мақсадида йўлга чиқар эканлар, Набийи акрам (с.а.в.) хам кўнгиллари ғоят кўтарилган ҳолда бошқа мусофиirlар билан учрашиш учун жойларидан жилдилар.

Бир йилдан кейин яна ҳаж мавсуми бошланганида, Ясриб шахридан имон нури ила безанган ўн икки киши келди. Улар орасида, ўтган йили Расулуллоҳнинг саҳобалари қаторига киришга мушарраф бўлган олти киши ҳам бор эди. Улар бир йил олдин кўрган Улуғ Пайғамбарларини соғинган, у зотнинг муборак юзларини кўриш, мафтункор сұхбатларидан баҳраманд бўлиш учун қанот ёйиб, учгудай бўлиб келишган эди.

Расулуллоҳ (с.а.в.) улар билан аввалги учрашган жойларида учрашдилар. Келганлар ҳаммалари мусулмон эди. Ясрибда ҳам яна кўпгина кишилар мусулмон бўлганлари ҳақида хушхабар етказишиди. Бундан буён қандай хукмларга риоя қилишлари кераклигини сўраб ўрганишиди. Суюкли пайғамбаримиз билан Ясриб мусулмонлари орасида бир шартнома тузилди. Тарихда бу шартнома «Биринчи Ақоба байъати» номи билан қайд этилгандир.

Бу йиғилишда Расулуллоҳ (с.а.в.): — Оллоҳга ҳеч бир нарсани шерик қилмаслик, ўғрилик қилмаслик, зинодан узок бўлиш, норасида гўдакларни ўлдирмаслик, ҳеч кимга бўхтон ёғдирмаслик, хайрли ишларга қаршилик кўрсатмасликка менга сўз беринг!.. Сизлардан сўзида турганларга мукофот беришни Оллоҳ ваъда қиласи. У ҳар қандай нуқсондан пок ва марҳаматли зотдир. Мана шу хукмларга риоя киласан деб эвазига фоний дунёда азобларга қолинса, бу азоблар охиратда мағфиратга айланади. Булардан биттасига амал қилмаганлар эса, Оллоҳнинг иродасига ҳаволадир. Хоҳласа, гуноҳларини афв этади, хоҳласа, азоб беради, — дедилар.

Ўн икки киши Расулуллоҳнинг (с.а.в.) ушбу сўзларини такоррлаб қасамёд қилдилар.

Расулуллоҳга (с.а.в.) қасамёд қилиш шарафига сазовор бўлган ясиблик бу инсонлар қуийдагилар эди:

1. Асьад ибн Зурора.
2. Авф ибн Ҳорис.
3. Муоз ибн Ҳорис.
4. Рафиъ ибн Молик.
5. Заквон ибн Қайс.
6. Убода ибн Сомит.
7. Язид ибн Саълаба.
8. Аббос ибн Убода.
9. Уқба ибн Амр.
10. Қутба ибн Амр.
11. Малик ибн Тайихон.
12. Увайм ибн Соида

Ақобада кўнгиллари покланган мўмин-мусулмонлар ватанларига қайтар эканлар:

— Е Расулуллоҳ, биз билан бирга бир одам жўнатинг, қавмимизга Куръонни ўргатсин, — дедилар.

Фахри Коинот (с.а.в.) жанобларининг муборак чеҳраларида мамнунлик излари кўринди. Бу самимий бир илтимос эди. Бундан буён маккаликлар хор килган тавҳид машъаласини ясибликлар баланд кўтаражак, илдизли имон кўчати ўша муборак тупроқларга ўтқазилажак, бу бекиёс кўчат муборак ҳосилларини ўша ерда бежарак эди.

Мусъаб ибн Умайр ушбу вазифага энг муносиб инсон эди. Чакирилди, Ясрибда Куръон

ўргатиш вазифасига лойик деб топилгани билдирилди. Мусъаб бу вазифани ғоят мамнунлик билан қаршилади. «Энг хайрлигиниз Қуръонни ўрганган ва уни ўргатадиганингиздир», деб буюрган улуғ Расул бу даъфа уни ушбу шарафга ноил қилган эдилар.

Мусъаб имон келтирганидан сўнг оиласидан бадарға этилган эди. Расулуллоҳнинг (с.а.в.) пайғамбарликларини тасдиқлагунига қадар том маънода шоҳона ҳаёт кечирган, хоҳлаган нарсаси унга доим муҳайё, энг тансиқ таомлар у истаган дамда ҳозир нозир бўлган. Энг ноёб кийимлар кийиб, шахзодалардек давру даврон суриб келган эди. Бироқ имон келтирганидан сўнг ҳамма нарса бирданига тескарисига ўзгарди, қадрдон гўшасидан ҳайдалди.

ЯСРИБ ИМОН ҚАРОРГОҲИГА АЙЛАНАДИ

Мусъаб йўлга чиқиши учун ҳозирлик кўрмади. Чунки эгнидаги эски либосидан бошқа ҳеч вақоси йўқ эди. Дархол, «Қайдасан, Ясириб?» дея йўлга чиқди. Амр ибн Умми Мактум унга ёрдамчи этиб тайинланди.

Мусъаб ҳамроҳи билан бирга узоқ давом этган йўлчиликдан сўнг Ясирибга этиб боришиди. Мусулмонлар билан танишишди. Шаҳарда бутун оиласи билан Ислом динига кирганлар ҳам бор эди. Мусъаб билан Амр уларга Қуръонни ўргатиш билан бир қаторда, иккинчи томондан, ҳали бу янги динга кирмаганларни Исломга даъват этишарди. Ясирибликлар Исломга ўз ихтиёрлари билан, чин кўнгилдан қабул этиб кираётганларини кўриб кувонишар, Оллоҳга ҳамду санолар айтишар эди. Энди бу ерда Абу Жаҳл ҳам, Абу Лахаб ҳам йўқ эди.

* * *

Бир куни Асъад ибн Зурора меҳмони Мусъабни олиб, Бани Абдул Ашҳал маҳалласига борди. Бир боғда мусулмонлар йиғилиб, сухбат қуришмоқчи эди.

Олдиндан келишилган қарорга кўра, у ерда ёшлар тўпланишди. Сухбат бошланди. Мусъаб гапирав, улар тинглашар эди. Суюкли пайғамбаримизнинг гўзал одобахлоқлари, мислсиз фазилатлари, бекиёс сабротоқатлари ҳақида ҳикоя қилинди.

Бирдан Асъад Мусъабнинг сўзини бўлди:

— Менга қара, Мусъаб, анави келаётган одам Бани Абдул Ашҳалнинг етакчиларидан бири. Агар уни Оллоҳнинг бирлигига ишонтира олсан, зўр иш бўлардида, деди.

Бу киши Усайд ибн Хузайр бўлиб, қабиланинг икки оқсоқолидан бири эди. Қовоғи солиқ. Юраги сиқилаётгани шундоққина кўриниб турарди. Уларнинг тепасига келиб, илон пўст ташлайдиган беҳаё сўзларни айтиб сўкинди, сўнгра:

— Асл ниятларингиз нима ўзи? — дея гап бошлади.— Бу ёшлардан нима истайсизлар? Бир гурӯҳ покиза, самимий йигитларни йўлдан оздирмоқчимисизлар?

Агар жонларингиздан умидларингиз бўлса, ҳозироқ бу ердан даф бўлинглар!

У найзасини маҳкам ушлаб олган, кўзларидан олов чақнар, овози шиддатли эди.

Мусъаб бир зумда Расулуллоҳни кўз олдига келтирди. У зотнинг юмшоқ табиати, жозибали табассумлари, ширин суханлари ёдига келди.

— Бир нафас ўтиранг, сухбатлашсак, яхши бўларми? Даъвоимизни эшитиб кўтарадинг. Дилингга хуш келса, қабул қиласан. Ёқмаса, биз ҳам сизларни ортиқ безовта қилмас эдик.

Шиддатли нигоҳлар бир оз юмшагандай бўлди. Юздаги ифода ҳам ўзгарди.

— Ҳақли гап айтдинг, — деди. Кўлидаги найзасини ерга санчиб кўйди ва чордона қуриб ўтириб олди.

Мусъаб гап бошлади. Ўтмишдаги жохилона ҳаётлари, сўнгра Расулуллоҳ (с.а.в.) ва у киши инсонларга келтирган дин, Оллоҳ таоло нозил қилган китоб ҳақида донадона қилиб сўзлаб берди.

— Хўш, у ҳолда менга ўша китобдан баъзи бир нарсаларни ўқиб бера оласанми? — деди

Усайд.

Мусъаб «Бисмиллоҳ» деб Қуръонни тиловат қила бошлади. Кўнгилларнинг тубтубигача етиб бораётган, ҳеч бир адид ва шоир тасаввурига ҳам сиғдира олмайдиган бу мукаммал ифодалар рухини остиностин қилаётганини ҳис этди Усайд. Тиловат қилинаётган ушбу илоҳий каломни диққат билан тинглар экан, қандайдир кўринмас кучлар унга таъсир кўрсатиб, хидоят йўлига чорлаётганини сезди.

— Накадар гўзал, нақадар латиф калом бу!.. — деди хаяжонланиб.

Сўнгра Мусъабга ўғрилиб:

— Бу динга қандай кирилади? Сизлар қандай киргансизлар? — деб сўради.

— Ғул қилиб покланасан, покиза либосларни кийиб, шаҳодат калималарини келтирасан ва намоз ўқийсан.

Усайд ортиқ иккиланиб ўтирмади. Боғнинг бир чеккасига бориб ғусл қилди, либосини тозалади ва Мусъабнинг ёнига келди ҳамда шаҳодат калималарини айтди. Сўнгра ўрнидан турди ва ўргатилгандек қилиб намозга турди.

Кўнгилларга хотиржамлик ва мамнунлик ҳисси чўқди. Бу туйғулар қўзларга ҳам балқиб чиқди.

— Энди яна бир одам қолди. Шундай одамки, агар унга ҳам мусулмонликни қабул қилдира олсак, ортиқ ҳеч қандай хавфхатар қолмайди... — деди Усайд ва ўрнидан туриб, келган томонига қайтиб кетди.

Саъд ибн Муоз уни зўр қизиқиши билан кутиб турарди. Аммо Усайд шаштидан қайтган ҳолда келаётганини қўриб, кўнгли ғаш бўлди. Ёнидагиларга:

— Қасамки, биродаримизда кетаётгандаги шашти йўқ, деди.

— Нима қилдинг? — деб сўради у етиб келганида.

Усайд жавоб берди:

— Ҳалиги икки киши билан гаплашдим. Лекин уларнинг ишида заарли ҳеч нимани пайқамадим. Бу орада Бани Ҳориса холангнинг ўғлига бир ёмонлик ҳозирлаганларини эшитдим, — деб жавоб қилди Усайд.

— Асъад ибн Зурорагами?

— Ҳа.

Саъд дарҳол ўрнидан туриб, Асъадлар ўтирган боққа томон йўл олди.

* * *

У ҳам шаҳдам одимлар билан, бузук важоҳат билан келди. У ҳам худди Усайд кутиб олинган тарзда кутиб олинди. Шундан кейин у ҳам Мусъаб ўқиб берган Қуръон оятларини тинглади:

«Хо, мим. Очиқравшан китобга — Қуръонга қасамки, албатта, Биз уни сизлар ақл юргизишингиз (маънномазмунини фаҳмлашингиз) учун арабий Қуръон қилдик. Дарҳақиқат, у Бизнинг даргоҳимиздаги Асл китобда (Лавҳул Маҳфузда битилган) юксак (марtabали) ва ҳикматли (Китобдир). Бас, (куфру исёнда) ҳаддан ошуви қавм бўлганларингиз учун Биз сизлардан бу эслатмани буриб (сизларни ўз ҳолларингизга ташлаб) қўюрмизми?! Биз аввалгиларга ҳам анча пайғамбар юборганимиз. Улар ҳам ўзларига келган ҳар бир пайғамбарни масхара қилиб кулган эдилар. Бас, Биз улардан, (Макка коғирларидан) кучли-куvvатлироқларини ҳам ҳалок қилганмиз. (Ушбу Қуръонда) аввалгиларнинг масалқиссалари ўтдику!» (Зухруф сураси 1—8оятлар.)

Бу оятлар Саъд ибн Муознинг юрагидаги ғазабни бартараф этди ва юмшоқ қўнгил қилиб кўйди. Тинглаб бўлгач, юз ифодасининг бирдан ўзгариб, мулоим бўлиб қолиши руҳияти ҳам остиностин бўлганидан дарак берар эди.

Шу зайл қабилада сўзи ўтадиган, хурмати баланд икки мўътабар зот мусулмон бўлди.

Саъд ибн Муоз ҳам қайтиб қавмининг олдига келганида, бутунлай бошқача бўлиб қолган эди.

—Мен сизларга кимман? — деб сўради.

—Бизнинг йўлбошчимизсан, — дейишиди.

Саъд олдин калима келтирди, сўнгра сўзларини шундай давом эттириди:

—Оллоҳга ва расулига имон келтирмагунингизча аёлларингиз билан ҳам, эркакларингиз билан ҳам гаплашишни ўзимга ҳаром деб биламан.

Бу сўзлар Бани Абдул Ашҳалга қаттиқ таъсир қилди. У ерда ўтирганларнинг ҳаммаси биринкетин калима келтирдилар. Уша куни кечгача Бани Абдул Ашҳалдан мусулмон бўлмаган биронта ҳам оила қолмади.

Бундан буён даъват ортиқча қийинчиликсиз, муваффақият билан юргизила бошлади. Ислом даъватига чин кўнгилдан берилган бу инсонлар ҳар куни бир хушхабар, ҳар куни янги бир мадад олишар эди. Маккада ўтган ҳар бир кун тобора оғир ва машаққатли кечаётган бир пайтда Яслиб ҳалқи, худди бир-бирлари билан мусобақа қилаётгандай, тобора шаҳдам одимлар билан имон йўлидан илгарилар эди. Яслиб мусулмон меҳр қўядиган, у ерда яшашдан ўзини баҳтиёр ҳис этадиган имон шахрига айланиб борарди.

Кетмакет бир неча ой ўтди. Кейинги ҳаж мавсумида Яслиб шахридан беш юз кишилик бир карвон Макка томон йўл олди. Улар орасидаги етмиш уч эркак ва икки аёл айниқса ўзларини баҳтиёр ҳис этардилар. Булардан Пайғамбар (алайҳиссалом) билан бир йил олдин танишган ва ўшандаги сухбат ҳамон кўз олдида турган баъзилари у зотни яна кўриш, ҳали кўрмасдан туриб пайғамбарлигига ишонган бошқалари эса, Расулуллоҳга етишиш ҳисси билан тўлибтошар эди.

Абдуллоҳ ибн Амр ибн Ҳаром қабиласи орасида хурмати баланд, сўзи ўтадиган бир киши эди. У ҳам ҳаж ниятида сафарга чиққан эди. Карвонда баъзан биронта дўсти билан сухбатлашиб, баъзан якка ўзи тўхтабтўхтаб, хаёлга толиб борарди.

Каъб ибн Молик унинг ёнига келди.

—Қалайсан, эй Абу Жобир?

—Яхши, раҳмат.

—Яхши эканингга кўзим етмаяптида.

—Хўш, унда қанақа эканман?

— Бу кетища жаҳаннамга ўтин бўладигандек кўриняпсан кўзимга.

Бу гап истеҳзо эмасди. Бу овозда ҳақорат ифодаси ҳам йўқ эди. Ярим ҳазил, ярим чин оҳангода айтилган бир сўз эди.

Абдуллоҳ кулимсиради:

— Нега экан энди?

Каъб Абдуллоҳнинг туясига ёпилган хуржунга қўлини тиқди, у ердан бир тош чиқарди.

—Бу нима? — деб сўради.

—Ҳаммага маълум нарсаку.

—Яъни, бир илоҳ, шундайми?

— Шубҳанг борми?

Каъб кудди.

— Илоҳ, аммо гунг ва соқов, кучсиз ва ночор бир илоҳ... Қисқаси, бир тошдан ўзга нарса эмас, — дея қўлидаги тошга енгиленгил уриб қўйди. — Қара, калтак еяётганини ҳам билмайди.

— Дўстига бирикки сония ўйлаб олишга фурсат берди. Сўнгра: — Қани, энди айтчи, бу илоҳинг хуржунда нима билан машғул эди? Сен уни олмагунингча, борйўқлиги ҳам номаълум эди, тўғрими? Кейин қўлидаги тошни улоқтириб юборди. — Қара... деди.

Абдуллоҳнинг онги остинустин бўлиб кетди. «Бу қандай илоҳки, Каъбнинг қўлида ўйинчоқ қилиб ўйнатилса ҳам, лом-мим демаса?» деган ўй ўтди.

Каъб:

— Энди гапларимга қулоқ сол, эй Абу Жобир, биз сенинг жаҳаннамга ўтин бўлишингни асло истамаймиз, чунки сен ақли расо, хурмати баланд, баобрў бир одамсан.

— Гапларинг тўғри, Каъб. Асл муддаонг нима ўзи?

— Биз япянги ва тўппатўғри, ҳақ ва ҳидоят динига кирдик, — деди Каъб. — Бу дин инсонга инсон эканини уқтирадиган, тошларга асири бўлишдан халос этиб, ҳамма нарсани яратган Оллоҳга йўналтирадиган, инсонни ахлоқий фазилатлар билан янада безайдиган бир диндир...

Каъб таниқли шоир эмасми, нутки равон ва гўзал эди. Ислом динини бор истеъодини ишга солиб таърифлади. Абдуллоҳ унинг гапларини боши эгик ҳолда, дикқат билан тинглади.

Бир оздан сўнг йўлда давом этиш учун ўринларидан турдилар. Тош бут ётган жойида қолаверди.

* * *

Бароъ ибн Маърур ҳам қавми орасида сўзи ўтадиган бир киши эди. Ҳажга бу гал мусулмон сифатида борарди. Йўлда биродарларига хитоб қилди:

— Намоз пайти бу муборак Байтга орқамизни ўгириб ўқишимиз юрагимни ғаш қилмоқда. Бундан буён намозни Дамашқ томонга қараб эмас, Каъбага қараб ўқиймиз.

— Худо ҳаққи, эшитишимизча, Расулуллоҳ (с.а.в.) намозда Дамашқ томонга қараб ўқир эканлар. У кишидан бошқача иш тута олмаймиз.

— Сизларни билмайману, лекин мен бундан буён шундай қиласман.

— Эй Бароъ, подадан айрилганни бўри ер, дейдилар...

— Мени ўз ҳолимга қўйинглар. Сафар шу тарзда давом этди.

Маккага келдилар. Бароъ ибн Маърур Каъб ибн Моликка мурожаат қилди:

— Юр, биродар, тезроқ Расулуллоҳ (с.а.в.) хузурларига борайлик. Йўлда қилган ишим юрагимга ғулғула солиб, тинчлик бермаяпти.

Биргалиқда кетишиди. Улар ҳали Расулуллоҳни кўришмаган, аммо сўрабсуриштириб тезроқ топишдан умидвор эди.

— Муҳаммад ибн Абдуллоҳни қаердан топсак бўлади? Яъни, Абдулмутталибининг неварасини?

Бир маккалик одам сал олдинроқ у кишини кўрган эди.

— Абдулмутталибининг ўғли Аббосни танийсизларми? — дёя сўради. «Ҳа» жавобини олгач, йўл кўрсатди:

— У ҳолда Масжиди Ҳарамга боринг. Ўша ерда Аббоснинг ёнида ўтирган киши сиз кидираётган одам бўлади.

Аббосни савдогар бўлгани учун танишарди.

Масжиди Ҳарамга боришиди. Ёнатрофига разм солишиди ва Аббосни кўриб қолишиди. Ёнида ўтирган одам бутун вужуди ила «Муҳаммад ибн Абдуллоҳ мен бўламан», деяётгандек эди.

Келган кишилар шу ерга ўтиришиди.

Расулуллоҳ (с.а.в.) амакиларига ўгирилдилар:

— Бу кишиларни танийсизми, эй Абул Фазл?

— Ҳа, булар қавмларининг йўлбошчилари бўлмиш Бароъ ибн Маърур ва Каъб ибн Моликдир, — деди Аббос.

— Яъни, машҳур шоир Каъбми?

— Худди шундай.

«Демак, Расулуллоҳ (с.а.в.) мен ҳакимда эшитган эканларда?! деган ўйдан Каъб жуда ҳам қувониб кетди.

Каъб ва Бароъ Оллоҳга ва Расулга имон келтирсанларини айтишиди. Набийи акрам (с.а.в.) ғойибона Исломга кирганларини эшитиб, бу одамлардан ғоят мамнун бўлдилар. Улар билан бирмунча вақт сухбатлашиб ўтирилар. Сухбат орасида Бароъ ибн Маърур:

— Ё Расулуллоҳ, бу ёққа келаётганимизда манави муқаддас даргоҳга орқамни ўгириб намоз ўқишига ҳеч кўнглим бўлмади. Шунинг учун бошимни Каъба томонга қилиб саждага турдим. Аммо ҳамроҳларимнинг ишларига хилоф равишда йўл тутганим учун юрагим ғашланди.

Сиз нима дейсиз? — деб сўради.

Расулуллоҳ (с.а.в.):

— Қиблани ўзгартирмаслик керак эди, — дедилар. Лекин «Яна эски ҳолингга қайт», деб талаб ҳам қилмадилар. Хайрлашар эканлар, ташриқ кунларида, аввалги сафардаги каби, Ақобада учрашишга келишиб олдилар.

Кундуз куни қабиладошлари билан бирга бўлиб, кечқурун одам оёғи тинганидан кейин секинсекин, биттаиккиталаб Ақобада тўпланмоқчи бўлишди. Ҳеч ким узоқ кутилмасин, ухлаб қолган киши уйғотилмасин, дейилди. Кетарда меҳмонлар кўнгилларида гапни очишли:

— Эй Оллоҳнинг расули, сизга бу ерда зиён-захмат етказилаётгани ва дилингизга озор берилаётганидан асло рози эмасмиз. Бизнинг юртимизга кўчиб ўтинг, ҳузур ҳаловатда, сизга ишонадиган, итоат қиласидан кишилар орасида яшанг. Ушбу таклифимизга кечқурун учрашганимизда узилкесил жавоб беринг, — дейишди.

Келишилган вақтда Расулуллоҳ (с.а.в.) амакилари Аббос билан биргаликда Ақоба томонга йўл олдилар.

* * *

Ясрибдан келган мусофиirlар ҳар доимгидай кечқурун алламаҳалгача сухбатлашиб ўтиришди. Сўнгра кўзлар юмила бошлади. Кўп ўтмай уйқуга кетишли.

Улар орасида ухлаб қолмасликка тиришиб, ўзгача ҳаяжон ичидай ўтирганлар ҳам бор эди. Улар шерикларининг ҳаммаси тўла ухлаб бўлгунича бир муддат кутишди. Кейин биттабитта бўлиб ўта эҳтиёткорлик билан, ҳатто бир-бирига билдиримай, ажralиб чиқа бошлаши.

Чунки бирон тасодиф или мусулмон бўлмаган шерикларининг уйғониб кетиш эҳтимоли ҳам йўқ эмас эди.

Зулҳижжа ойининг ўн биринчи (ёки ўн иккинчи) кунига ўтар кечаси эди. Осмонда ой ва юлдузлар чарақлаб туради. Атроф жимжит, теран сукунат чўккан.

Ақобага келганларида Расулуллоҳ (с.а.в.) амакилари иккалалари уларни кутиб турган эдилар.

* * *

Аввал Аббос сўз бошлади:

— Эй ҳазражликлар, Мухаммад бизнинг орамизда баланд бир мавқеъга эга экани сизларга ҳам маълум. Биз уни қабиладошларимиздан муҳофаза этиш учун ҳимоямизга олганмиз. Қавми орасида қанчалик шарафли инсон бўлмасин, ўз шаҳрида ҳимоя остида яшашга мажбур бўлмоқда. Шу боис у бизни ташлаб сизларнинг юртингизга кетишига қарор берди. Агар сизлар қилган таклифларингизга вафо кўрсатсаларингиз, уни ҳимоя қила олсаларингиз, нур устига нур. Бироқ агар уни ёлғиз қолдирсаларингиз ва оғир аҳволга солиб қўядиган бўлсаларингиз, ҳозироқ очишини айтиб, уни ўз ҳолига қўйинглар. Чунки уни қавми бундан кейин ҳам ҳимоя эта олади. (Имом Бухорий. 5/130.)

Аббоснинг сўзлари тўғри эмасди. Пайғамбарликларини эълон этгандаридан бери ўтган ўн йилдан ортиқроқ вақт ичидай Аббос жияни учун ҳеч нима қилмаган эди. Имон келтирмаган, лекин унга мададкор ҳам бўлмаган эди. Ҳеч бўлмаса, акаси Абу Толибнинг вафотидан сўнг уни ҳимоясига олиши мумкин эди. Ёки Тоифдан қайтган Расулуллоҳи (с.а.в.) паноҳига олганида, у бегона кишилардан ҳимоя сўрашга мажбур бўлмасди. Абу Толибнинг, Абу Лаҳабнинг ҳимоясини тан олган қурайшийлар унинг ҳимоясини рад этмасдилар. Устигаустак, у Абу Толиб сингари камбағал эмасди. Қурайшийлар орасида обрўэътиборга сазовор, бадавлат бир киши эди. Каъба хизматларидан «Сикоя», яъни, ҳожиларга сув тарқатувчилик лавозимини эгаллаган

Эди.

Аббос акаси Абу Толибга берган қарзи эвазига, то уни қайтиб олгунича, сикоя вазифасини акасидан сўраган, Абу Толиб бунга мажбуран рози бўлган эди...

Ясириб халқи номидан Асьяд ибн Зурора сўзлади. У Аббосга хитобан бундай деди:

— Эй бизга ишончсизлик билдирган одам! Пайғамбаримизни «инсонларнинг энг суюкли кишиси» дейиш билан нимани назарда тутганингни ёлғиз Оллоҳ билади. Биз бутун қариндош уруғларимиздан алоқаларимизниузиб гувоҳлик берамизки, бу зот Оллоҳнинг расулидир. Уни Оллоҳ жўнатгандир. Келтирган дини ҳам ҳақ диндир. Пайғамбаримиз ҳақида орзу қилган тинчлик хотиржамликни таъминлашга қўлимиздан келганича ҳаракат қиласиз. Буни биз рад этмаймиз.

Сўнгра Асьяд Расулуллоҳга (с.а.в.) ўгирилдӣ:

— Сиз ҳам гапиrint, ё Расулуллоҳ, ўзингиз учун нималарни истайсиз. Парвардигорингиз учун нималарни истайсиз?

Расулуллоҳ (с.а.в.) жавоб бердилар:

— Хурсандлик кезларида ҳам, ғамташвишли кунларида ҳам сўзимга кириш ва итоат этиш; етишмовчилик кунларида ҳам, мўлқўлчиликда ҳам ёрдам бериш; яхшиликка буюриб, ёмонликдан воз кечишга, Оллоҳ йўлида иш тутишга, бу йўлдан оздирмоққа урунувчиларга кулоқ тутмасликка, сизларнинг қошингизга борганимда ўз шахсингизни, оиласизни ва фарзандларингизни химоя қилганингиз каби, мени ҳам муҳофаза этишга ваъда беринглар.

— Жуда соз, ушбу истакларингизни бажарсак, буларнинг эвазига бериладиган мукофот қандай бўлади?

— Одлоҳнинг розилиги ва жаннати бордир.

— Баяйонудил розимиз. Лекин биз яхудийлар билан бир шартнома тузган эдик. Энди ушбу шартномани ҳам бузамиз. Сизнинг орзуистакларингизни бажо келтирган тақдиримизда, Оллоҳ сизни музaffer қилса, бизни ташлаб, яна қабиладошларингиз орасига қайтасизми?

— Йўқ, бўндан сўнг сизларнинг қонинг қоним, сизларнинг ҳаётингиз менинг ҳаётим, сизларнинг ўлимингиз менинг ҳам ўлимимдир. Мен сизларданман, сизлар мендансиз. Сизлар ким билан жанг қилсаларингиз, мен ҳам ўша билан жанг қиламан, ким билан муроса қилсаларингиз, ўша билан муроса қиламан.

Ясиридан Салим ибн Авфнинг ўғилларидан Аббос ибн Убода сўз бошлади:

— Эй ҳазражликлар, сиз бу одамга қандай ваъда бераётганингизни биласизларми? — деди.

— Ҳа, биламиз.

— Бу аҳдпаймонингиз билан оқу қора танли барча инсонларга қарши урушишга сўз бердингиз. Агар сиз бир кун келиб мол-мулкингизга, бойлигингида зиён-захмат етишидан, яқинларингизнинг бошига кулфат тушишидан кўркиб, Расулуллоҳни (с.а.в.) ёлғиз қолдиради ган бўлсангиз, ҳозироқ бу зотни ўз ҳолига қўйинг. Агар ўша пайтда уни ёлғиз қолдирадиган бўлсангиз, у ҳолда дунё ва охиратда мисли кўрилмаган разиллик ва расволикни қилган бўласиз. Агар ушбу таклифингизга, мол-мулкингизга зарар етиши ва яқинларингизнинг ўлдирилиши эвазига бўлса ҳам, вафо қила олсангиз, уни юрtingизга бошлаб боринг. Қасам устига қасамлар бўлсики, дунё ва охиратда қилиниши мумкин бўлган энг хайрли иш шудир, — деди.

Абул Ҳайсам Молик ибн Тайихон хайқирди:

— Биз бу битимга, молларимизга зиён етиши, яқинларимизнинг қиличдан ўтказилиши эвазига бўлса ҳам, амал қиласиз. Ё Расулуллоҳ, ваъдамизга вафо қилсак, бунинг мукофот нима бўлади?

— Жаннат бўлади.

Навбат Бароъ ибн Маърурга келди:

— Қўлингизни ташланг, ё Расулуллоҳ, мен қасамёд қиласанки, сиз санааб ўтган шартларни

албатта бекаму кўст бажарамиз. Сизни ҳақ Пайғамбар қилиб жўнатган Оллоҳга қасамлар бўлсинки, шахсимиз ва оиламизни қандай қўриқласақ, сизни ҳам шундай қўриқлаймиз. Ишонинг бизга, ё Расулуллоҳ, Аллоҳ ҳаққи, биз жангари халқ бўлиб, урушларда тажриба ортирганмиз. Шунинг учун сизни ҳар қандай душмандан муҳофаза этишга тайёрмиз.

Расулуллоҳнинг (с.а.в.) қўлларидан ушлаб олган Бароъ ушбу сўзларни Пайғамбарнинг кўзларига тикилиб сўзлаган эди. Шу онда у бу кўзлар қаърида жаннат боғларини кўраётганига асло шубҳа қилмас, ушбу дақиқаларда кўнглидан ўтаётган ҳис-туйғуларни ифода этиш учун ўзи каби битта эмас, мингта Бароъ ҳам етмас эди.

Шундан кейин Асъад ибн Зурора, Абул Ҳайсам Молик ибн Тайихон, Каъб ибн Молик... Расулуллоҳнинг (с.а.в.) қўлларидан ушлаб сўз бердилар. Уларнинг сўзларини бошқа мусулмонлар ҳам такрорладилар. Етмиш икки эркак ва икки аёл биринкетин, берган сўзига амал қилишини ва бу йўлда жонларини фидо қилишга ҳам тайёр эканини билдириди.

Шу зайлда байъат (қасамёд) маросими ниҳоясига етди.

Расули акрам (с.а.в.):

— Ораларингиздан ўн икки кишини вакил этиб тайинланг, — дедилар.

Тўққизтаси Ҳазраж, учтаси Авс қабиласидан, ҳаммаси бўлиб ўн икки номзод бир овоздан ёқланиб кўрсатилди. Улар қуидагилар эди:

ҳазражликлар:

1. Абу Умома Асъад ибн Зурора
2. Саъд ибн Рабиъ
3. Абдуллоҳ ибн Равоҳа
4. Рафиъ ибн Молик
5. Бароъ ибн Маъур
6. Абдуллоҳ ибн Амр ибн Ҳаром
7. Убода ибн Сомит
8. Саъд ибн Убода

9. Мунзир ибн Убода авсликлар:

10. Усайд ибн Ҳузайр
11. Саъд ибн Ҳайсама

12. Рафоа ибн Абдулмўнзир Расулуллоҳ (с.а.в.) уларга:

— Ҳаворийлар Ҳазрати Исога қавмлари номидан кафил бўлганлари каби, сиз ҳам қавмингиз номидан кафил бўласиз, мен ҳам ўз қавмимнинг мусулмонлари номидан кафилман, — деб марҳамат қилдилар.

Аммо улар, Ҳазрати Исонинг ҳаворийларини анча орқада қолдиражак, улар эришган шарафдан юксакроқ шоншараф, мартабаларга муюссар бўлажак эдилар. Ҳазрати Исо билан Ҳазрати Муҳаммад ораларида қандай фарқ бор бўлса, ҳаворийлар билан улар орасида ҳам шундай фарқ бор эди.

Улар «Нуқобай исна ашар» (Ўн икки вакил) деб аталадиган бўлишди.

Ясириб мусулмонлари шу тариқа, қоронги бир кечада, инсоният тарихининг баҳтли бир қарорига келган, уларга битмастуғанмас шараф, бехадбеадад саодат келтирадиган бир битимни тузишга муваффақ бўлишган эди.

Кечаги кунга қадар ҳам Арабистоннинг оддий бир шахри бўлган Ясириб бундан буён абадий ва мангу, муборак ва муқаддас бир шаҳар бўлиш унвонига эришган эди. Қиёмат кунига қадар ҳар бир мусулмоннинг юраги мазкур шаҳарнинг тошу тупроғига талпинажак, ҳар бир қарич ери коинот каби қадрли ва азиз бўлиб қолажак эди.

Битим тузишида иштирок этган ва ҳатто вакил этиб сайланишга муваффақ бўлганлардан Каъб ибн Молик кейинчалик бу битимни ҳаётидаги энг азиз хотира деб баҳолаган, Бадр жангига иштирок этишдан ҳам юксакроқ мартаба деб билган.

Макканинг гумроҳлари ширк ботқоғига тобора чуқурроқ ғарқ бўлиб, яна бир кечани мусулмонларни ҳақоратлаш билан ўтказаётган бир вақтида, Ясирибнинг мард йигитлари ушбу кечада имконият доирасидаги энг шарафли ишнинг уддасидан чиқишиди. Энди улар Расулуллоҳнинг (с.а.в.): «Сизнинг қонингиз менинг қоним, сизнинг ҳаётингиз менинг ҳаётим, сизнинг ўлимингиз менинг ўлимим», деган марҳаматларига лойик улуғ инсонларга айланишиди.

Ўзлари бу зотни эндигина кўришиди, аммо эллик йилдан бери у киши билан ёнма-ён яшаган одамлар ҳам фарқига бормаган жиҳатларини кўришиди ва Оллоҳнинг оламларга раҳмат этиб жўнатган улуғ Пайғамбарининг қадрига ҳақиқий етишиди.

Айни шу дамда тепаларида илоннинг вишиллашига ўхшаш бир овоз эшитилди:

— Эй халойиқ! Музаммамни ва собиийларни кўришни истаганлар бу ерга келсин, мана улар, сизларга қарши уруш очиш учун тайёр туришибди.

Овоз тобора кўтарилиб, ёқимсиз бир қичқириққа айланди. «Музаммам» деб Расулуллоҳни (с.а.в.) назарда тутган эди. Ўзларининг исмлари «Мухаммад» мақталган, мадҳга лойик кўрилган деган маъноларни ифодалар эди. Аммо мушриклар ҳозир у кишини бунинг бутунлай тескариси билан аташдан ҳам тап тортмаган эди. Бу сўзнинг маъноси «ёмон», «мақтовга номуносиб» демак эди.

Расулуллоҳ (с.а.в.):

— Мана, Ақобанинг олчоғи шу киши бўлади! Бу овоз Ибну Узайбнинг овозидир, — дедилар ва овоз келаётган томонга ўгирилдилар: — Эшиятсанми, эй Оллоҳнинг душмани, бу ердаги ишимни битиргач, сенинг таъзирингни бераман! — дедилар. Сўнгра яна биродарларига ўгирилдилар: — Энди тезда жойжойларингизга қайтинглар.

Аббос ибн Убода:

— Ё Расулуллоҳ, сизни ҳақ пайғамбар ўлароқ жўнатган Оллоҳга қасамлар бўлсинки, агар хоҳласангиз, эртага қиличларимизни қўлга олиб, Минодагиларга қарши отланамиз, — деди.

Расулуллоҳ (с.а.в.) уни бу фикридан қайтардилар:

— Биз бундай амр олмадик, дархол жойларингизга қайтинглар! — дедилар.

* * *

Чошгоҳ вақти ўтиб бораётган бир палла эди. Ясирибликлар тўхтаган жойга бир гуруҳ қурайшликлар келди. Абдуллоҳ ибн Убай ибн Салулни қидириб топишиди.

— Эшитишимизча, Муҳаммад ибн Абдуллоҳга юрtingиздан паноҳ бериш учун таклиф қилган эмишсизлар. Устига устак, биз билан уруш бошлишга қарор берган эмишсиз. Шуни яхши билингларки, биз сизлар билан урушишни асло истамаймиз, — дейишиди.

Ибн Салул бу сўзларни ҳайрон бўлиб тинглади. Қурайшликлар унинг шу ҳолатиданоқ бу гапларнинг шунчаки мишмиш эканини англашди.

Ибн Салул:

— Худо ҳаққи, гапларингиздан ҳеч нарса англамадим. Мен одамларимга ишонаман, қабиладошларим орасида бундай муҳим ишни мен билан маслаҳатлашмай қилишга ҳеч ким журъат эта олмайди. Бу масалада кўнгилларингиз хотиржам бўлаверсин, — деди.

Мўминлар бу сухбатга аралашмасдан, сукут сақлаб туришиди.

Ўртада бирон шубҳали ҳаракатнинг алломатлари қўринмасди. Боз устига, мушриклардан бир неча киши кетмакет қасам ичди, шундан кейин масала буткул ойдинлашгандай бўлди. Қурайшликлар:

— Жуда соз, модомики қасам ичар экансизлар, сизларга ишондик, — дейишиди.

Маккада ҳаж вазифасини адо этиб бўлгач, ясирибликлар ҳам тинчхотиржам юртларига қайтишиди. Энди Фахри Коинот пайғамбарамизнинг (с.а.в.) ташриф кунларини орзиқиб кута бошлишиди.

* * *

Амр ибн Жамух исмли ясириблик бир оқсоқ қария бор эди. Неча йиллардан бери «Манот»

деган бутини иззатикром билан уйининг тўрида сақлаб келади. Ҳар куни унинг қошига келиб, таъзим бажо келтиради. Яна бир неча киши ҳам худди у каби уйда бут сақлаб, ўшанга сигиниб юрарди.

Ўғли Муоз эса, имон келтирган, ҳатто Ақоба қасамёдида ҳам иштирок этган эди. Муоз исмли яна бир қариндошлари ҳам бор эди. Хуллас, икки Муоз биргалашиб, кунлардан бир куни Манотни ўғирлашди.

Амр ибн Жамух ўша куни тонгда ҳеч нарсадан хабарсиз уйқудан уйғонди. Нонушта қилди, сўнгра бутнинг қошига борди. Аммо... Манот жойида йўқ эди.

— Менинг Манотим қани? — деб ҳайқирди.

Ҳеч ким «мен кўрдим» демади.

— Бу қанақаси, Манот оёқ чиқариб қочиб кетдими бўлмаса?

Жаҳл билан уйидан чиқди. У ёқбу ёқни айланиб юрди. Бани Салама маҳалласига борганида, саросима ичида қотиб қолди. Бути ўша ерга тўқилган ахлатга қоришиб ётарди.

Дарҳол қўлига олиб, артибсуртиб тозалади ва уйига келтириб хушбўй атиrlардан пуркади, эски жойига қўйиб қўйди.

— Худо ҳаққи, сени ҳақорат қилган одам ким эканини билиб қолсан, дунёни кўзига тор қилар эдим! —деди ва тилига келган ширин сўзлар билан Манотнинг кўнглини кўтартгандай бўлди.

Амр ғазабдан титрабқақшар, илоҳга қарши бундай «пасткашлик» қилган кишиларнинг даҳрийлигига ҳайрон эди.

Эртаси куни ушбу воқеа яна такрорланди. Ниҳоят учинчи куни ҳам бутни жойидан топа олмагач, миясига қон урди. Бу иш аслида илоҳнинг эмас, Амрнинг устидан қулиш эди. Бутни сўнгги марта ахлатдан яна тозалаб ювиб, яна атир пуркар экан, қиличини унинг ёнига осиб қўйди.

— Худо ҳаққи, бу разиллик кимнинг иши эканини билмайман. Агар қўлингдан келса, мана, қилич, энди ўзингни ўзинг химоя. қилишга уриниб кўр! — деди дарғазаб бир алфозда.

Кечаси туш кўрди: бир итнинг жасадини топдилар, бутга боғладилар, бани саламаликлар ахлат тўқадиган, сувсиз бир қудуққа олиб бориб ташладилар...

Эрталаб уйғониб қараса, кечаги жойида фақат қиличгина турибди. Бутни қидира бошлади. Оҳироқибат яна уни ахлат тўқилган чуқурдан топди. Умрида бунақа ранжимаган, паришон бўлмаган эди.

— Эй Амр! — дея ўзига хитоб қилиб юборди. — Сен ақли расо, тушунган, бошқаларга ақл ўргатадиган бир одамсан, бу чиндан ҳам илоҳ бўлса, шундай аянчли ахволга тушармиди...Faflat уйқусидан уйғониш пайти келмадимикан энди, эй Амр!

Ўзининг ички хитобига ҳеч бир эътиroz билдира олмади. Сўнгра... оёқларининг остида ётган бутни олиб ерга урди: бут парчапарча бўлди.

— Агар илоҳ бўлсанг, итнинг ўлигига илашиб, ахлат тўқиладиган чуқурда нима қилиб ётибсан? — деб бакирарди у.

Оёқларининг остида ётган парчапарча ёғочларга қаради. Уларнинг қархисида «илоҳ» деб неча йиллар сигиниб келган эди, оқарган соchlари ушбу жаҳолат йилларидан қолган хотира, ахир.

— Қанчалик ахмоқ бўлган эканмана, — деб пўнғиллади.

ИМОН ЮРТИ ЯСРИБГА ҲИЖРАТ

Ясириблик мусулмонларнинг самимиyлиги ва садоқати Расулуллоҳни (с.а.в.) жуда ҳам мамнун қилган, энди мўминлар эркин нафас олиши мумкин бўлган бошпана топишларига жуда оз вақт қолган эди.

Ўша кунлардан бирида пайғамбаримиз бир туш кўрдилар. Тонг отгач, биродарларига:

— Тушимда хурмозор бир шаҳарга ҳижрат қиласханимни кўрдим. Мен бу шаҳар Йамома ёки Ҳажар бўлса керак, деб ўйлаган эдим. Яқинлашгач, бу шаҳар Ясириб эканига амин бўлдим. Оллоҳ сизларга қардошларни насиб эттириди, омонлиқда яшайдиган бир юрт берди, — деб муждаладилар.

Шундан кейин Маккада яширинча тайёргарлик бошланди. Кейинроқ айримлар ҳеч кимга билдирамай Ясириб йўлига чиқди. Орада Жахшнинг оиласи барча қариндош-уруғлари билан биргалиқда уйларини тарқ этиб, жами йигирма эркак ва саккиз аёл Ясириб сари йўл олди.

* * *

Абу Жаҳл, Аббос ибн Абдулмутталиб, Утба ибн Робиа бир куни Макканинг юқори қисмида айланиб юрганларида эшикларига қулф урилган ташландик уйларни кўриб қолишиди. Булар Жахш ўғилларининг уйлари эди. Ўтба: «Ҳар бир оила маълум муддат осойишта турмуш кечирсада, бир кун келиб ҳаловати бузилади...» маъносидаги бир байт ўқиди. Сўнгра:

— Жахш ўғилларининг маскани ҳам ҳувиллаб қолиб диди... — деди.

Абу Жаҳл:

— Куюнишингга арзимайди, эй Утба, отаси номаълум кишилар учун йиғланмайди, — деди. Сўнгра Аббосга ўгирилиб: — Унутма, эй Аббос, бу жиянингнинг кирдикорларидан биридир. Жамоамизни тарқатди, араблар орасидаги обрўйимизни тушириди, — деди.

* * *

Абу Салама Абдуллоҳ ибн Асад Расулуллоҳдан (с.а.в.) рухсат олган заҳоти йўл тайёргарлигини кўра бошлади. Хотини Умму Саламани бир туюга миндириди, қучоғига ўғли Саламани берди, ўзи эса, туюнинг жиловидан ушлаб, йўлга тушди.

Бани Муғирадан бир неча киши унинг йўлини тўсди.

— Хўш, йўл бўлсин, куёв? Ўзинг қаерга борсанг боравер, лекин бизнинг қизимизни ташлаб кет! Биз уни сенинг ихтиёрингга бериб қўймаймиз! — дейишиди, устига ёпирилишиди.

Нима қилмоқчи эканлари маълум эди. Бунча қўп одамга кучи етмаслиги ҳам аниқ.

Абу Салама зўрға қутулди ва Ясирига қочиб кетди. Иккинчи томондан Абу Саламанинг қабиладошлари бўлган Бани Асад келишиди. Кичик Саламани уларга беришни талаб қилишиди. Юзага келган жанжал оқибатида кичик Саламанинг қўли чиқди. Нихоят, Бани Асад устун келиб, болани олиб кетишиди.

Уч кишидан иборат оила шу зайл ҳар томонга тарқалиб кетди.

Абу Салама қочиб қутулди. Маккада қолса, мушриклар уии соғ қўйишимас эди. Умму Салама Бани Муғирага меҳмон бўлди. Бу мажбурий бир меҳмонлик бўлиб, унга нисбатан ёмон муомала қилинмасада, ўз ихтиёрига ҳам қўйишимас эди. Кичкина Саламана эса, отасининг қабиладошлари орасида қолди. Бундан кейин воқеалар қандай ривожланади, тарқалган оила қачон дийдор кўришади, бу ёғи ёлғиз Оллоҳга аён эди.

* * *

Умму Қайс тул қолган, аммо гўзал бир аёл эди. Бир куни эшиги тақиллади. У билан турмуш куришни истаган бир одамдан совчи эди.

— Ҳозир бундай нарсалар кўнглимга сифмайди. Фурсатини топдим дегунча, Ясирига кетаман, — деб жавоб қилиб қутулди.

Ўша чопар бир кундан сўнг айни таклиф билан яна келди, яна таклифи рад этилди. Таклифлар ҳеч тўхтамас, ҳар қандай истаги бажо келтирилиши билдирилар эди. Нихоят:

— Мен Ясирига қўчиб кетмоқчиман. У ерга ҳижрат қиласа, турмушга чиқаман, — дейишидан бошқа чора топмади.

Таклиф ижобий кутиб олинди. Бири Оллоҳ ва расулининг ризолиги учун, иккинчиси Умму Қайсга ўйланиш учун Ясиригача бўлган узоқ йўлни минг бир машақкат билан босиб ўтдилар. Тўй бўлди. Куёв мусулмонлар орасида «Умму Қайснинг муҳожири» деб танилди. (Фатхул

Бориј, 1/3; Муслим. Нававий шархи, 13/55. 136)

* * *

Бир йилга яқин вакт ўтган, Умму Салама эридан бирон хабар ола олмагани каби, зўрлаб тортиб олинган фарзандининг аҳволидан ҳам бехабар эди. Қабиладагилар иззатикромни жойига кўйишар, лекин қабиладан ташқарига чиқишига изн беришмас эди.

Эридан ва фарзандидан ажралган Умму Салама Абтох деган жойга бир неча марта бориб келди. Ҳар сафар борганида, кўзёши тўкиб аламидан чиқар эди.

Кунлардан бир куни яна Абтохга чиқди. Йиғлаб ўтирас, ёноқларидан аччиқаччиқ ёшлар оқар эди. Қариндошларидан бири уни бу аҳволда кўриб, ортиқ тоқат қила олмади:

— Бу бечора аёлни қачонгача қийнайсизлар? Бекорданбекорга ҳам эридан, ҳам фарзандидан жудо қилиш инсофданми?! — деди.

Бу сўзлар одамларга таъсир қилди. Умму Саламага:

— Истасанг, эрингнинг олдига кетавер, — деб рухсат беришди.

Изн берилган заҳоти Умму Салама йўлга тушмоқчи бўлди.

Бу орада Бани Асад ҳам жигаргўшасини келтириб қўлига берди. Умму Салама бир туяга миндирилди, қучоfiga ўғлини олди, ёлғиз ўзи йўлга тушди.

Танъим деган жойга келганида, Усмон ибн Талхага рўбарў бўлди.

— Йўл бўлсин, эй Умму Салама?!

— Ясирибга.

— Нега ёнингда ҳеч ким йўқ?

— Оллоҳ бор.

— Худо ҳаққи, сени ёлғиз қолдириб кетолмайман, — дея Усмон туянинг жиловидан ушлади.

Йўлга тушдилар. Соатларча йўл босдилар. Бир жойга етганда озмоз хордиқ чиқариш учун тўхташди. Усмон туяни чўқтириди ва ўзи нарироқ бориб турди. Умму Салама туядан тушиб бўлгач, келиб туяни етакладида, бориб бир дараҳтга боғлади. Ўзи ҳам юқорироқ бир жойга ўтиб ётди. Орадан бир неча соат ўтди. Умму Салама уйғонди. Усмон туяни етаклаб келиб, чўқтириди ва яна бир оз орқароққа чекиниб турди.

— Қани, мин туяга, эй Умму Салама, — деди.

Яна туянинг жиловидан ушлаб, йўлга тушдилар. Бутун сафар неча кунлаб шу тариқа кечди...

Ясирибнинг шундокқина бўсағасидаги Қубо номли қишлоққа яқинлашганларида Усмон туянинг жиловини узатди:

— Эй Умму Салама, эринг Абу Салама маскан тутган қишлоқ шу. Бу ёғига энди ўзинг етиб оласан, — деди.

— Минг ташаккур, эй Усмон! Оллоҳ сени паноҳида асрасин.

Усмон йўлни Макка сари солди.

Умму Салама унинг бу олижаноблигини ҳеч унумтас, йиллар ўтиб ҳам миннатдорлик ҳистайғуси билан эслаб юрар эди.

Усмон ўшанда мусулмон эмас эди. Яна йиллар давомида мушрик бўлиб қолажак, бу даражада эзгуликка тўлиқ қалби яна бутларга сифинишда давом этажак эди.

Умму Салама қишлоққа етиб келди. Кўп ўтмай Абу Салама хотини ва ўғли билан яна қайта дийдор кўришди.

* * *

Макка ҳар куни биттаиккиталаб хуфёна Ясирибга йўл олган аҳли билан хайрлашар эди. Аммо бу сафарги мухожирлар Ҳабашистонга ҳижрат қилганлар каби ғамгин ва паришон эмасдилар. Чунки Пайғамбарлар Султони (с.а.в.) уларнинг орқасидан етиб боришлиариға

ишенчлари комил эди.

Туғилиб ўсган шаҳарни ташлаб чиқиб кетиш оғир, албатта. Лекин имонида событ қолиши учун мўминларга бошқа йўл, бошқа чора қолмаган эди.

Яширинча кетишларига боис эса, мушрикларнинг қўлларига тушиб қолгудай бўлсалар, қамаб кўйилишлари аниқ эди.

БУЮК УМАРНИНГ МАККАНИ ТАРК ЭТИШИ

Умар ибн Хаттоб ҳам ҳижрат қилишга қарор берди. Илк мусулмонлардан Айюш ибн Робиа ва Хишом ибн Ослар билан Макка — Ясриб йўлини биргаликда босиб ўтишга келишиб олдилар. Расулуллоҳдан (с.а.в.) изн олинди. Эрталаб ҳали кун чиқмасидан олдин Танобуд деган жойда учрашишга қарор қилдилар. Танобуд Маккадан ўн чақирим узокда эди.

— Тонггача етиб бормаган киши кутилмайди. Борганлар йўлда давом этаверади, — дейишиди. Тайёргарлик кўриш учун уйуйларига тарқалдилар.

* * *

Масжиди Ҳарамда баланд бир овоз янгради. У ерда хозир бўлганлар чўчиб бошларини кўтардилар.

— Менга кулоқ солинг, эй халойик!

Албатта, ҳайқираётган одам Умар ибн Хаттоб эди. Зотан, ундан бўлак одам бундай ишга журъат қилмаган бўларди. Умар (р.а.) ўқёйини қўлига олган, қиличини қинига солган вазиятда турарди. Ҳамма унга дикқат билан қараётганини кўриб, шундай давом этди:

— Эй мушриклар! Мен ҳам ҳижрат қилишга қарор бердим. Ясриб шахрига кетмоқчиман. Орангизда онасини йиглатишга, хотинини бева, болаларини етим қолдиришга ҳавасмандлар бўлса, эртага кун чиқар пайтида Шарифга борсин, ўша ерда кутаман...

Бу эълон энг баланд пардаларда, кар ҳам эшитадиган даражада кучли товушла қилинди. Аммо кимсадан садо чиқмади. Умар бир оз кутди. Жавоб бўлавермади. Каъбани етти марта тавоғ этди. Атрофдагилар уни қузатиш билангина чекландилар. Тавофини тугатиб, шаҳдам одимлар билан масжиддан чиқиб кетди.

Орқада қолганлар унинг хаттиҳаракатидан ўзларича хulosса чиқардилар: «Жуда мард одамда шу Умар, осий бўлиши тугул, ундан баттар бўлса ҳам, унга ёмонлик қилишдан қочиш керак!..»

— Кўрмаяпсанми, Абу Ҳакам (Абу Жаҳл) ҳам лом-мим демадику!

— Осон эканми, ахир, бу лоф эмас, нақ Умарку?!

Ораларида шунга ўхшаш гапсўзлар ўтди, холос.

* * *

Айюш билан Умар (р.а.) Танодубда учрашилар. Ҳишом келмаган эди. Қарорга кўра, уни кутиб ўтирмадилар, дарҳол йўлга тушдилар. Ясрибгача бирон корҳол юз бермади. Шаҳарнинг Аволи деган жойида Умайя ибн Зайд ўғиллариникида меҳмон бўлдилар.

Кўп ўтмасдан Абу Жаҳл укаси Ҳорис билан бирга Ясрибга келди, Айюш ибн Робиани топди. У амакиларининг ўғли ва она бир укалари эди.

— Емон бир иш қилдинг, эй Айюш! Сен қайтиб Маккага бормагунингча, онанг сочини тарамасликка, ҳатто сояга ўтмасликка қасам ичди. Бечора онангни бу азобдан қутқаришинг керак, — дейишиди.

Айюш бу сўзларга ишонди. Ҳазрати Умар орага кирди:

— Эй Айюш, зинҳор уларнинг сўзларига ишонма. Алдаб, сени йўлдан урмоқчилар, биродар. Онанг сочи қуртқумурсқага тўлгач, тарашга, қуёшнинг қизигида қолиб бошидан кун ўтгач, сояга чекинишга мажбур бўлади. Менинг сўзимга кир, Маккага қайта кўрма.

Аммо Айош Ҳазрати Умарчалик иродали эмас, бунинг устига, унинг заиф жойидан ушлашган эди.

— Онам қасам ичибди, — деди ўқсиб.

— Алданма, бу гапларнинг ҳаммаси ғирт ёлғондир. Бу одамлар ҳозиргача доим ёлғон гапириб келганларини унутма!

Абу Жаҳл жиддий туриб яна аввалги гапини тақорлади:

— Онангга раҳм қил, эй Айош. Қуёш тифида ўтирибди... Қасам ичгана... Сояга чекинмаса, ахволи нима бўлади? Ким билади, балки ҳозир куннинг тифига дош беролмай хушидан ҳам кетгандир.

Аслида, ғурбат ҳиссидан, ватан ҳасратидан эзилган Айош кетиш тарафдори эди.

— Мен бу ерда сенга қарам бўлиб қолдим, эй Умар. Бориб ҳеч бўлмаса мол-мулкимдан олиб келай, — деди:

— Сўзим сўз, молимнинг ярми сенини бўлсин, биродар.

— Барибир улар билан бирга қайтиб кетмасам бўлмайди.

Ҳазрати Умар уни бу қароридан воз кечтира олмаслигини тушунди. Ночор:

— Дўстим, шу туям сенга. Ўзи зотдор, ювош. Бир минганингча, устидан тушма. Бирон шубҳали нарсани сезсанг, қочиб қол, — деди.

Йўлга отландилар. Айош онасини оғир ахволдан қутқариш ва ватан ҳасратидан ҳалос бўлиш хаёли билан хаяжонда, Абу Жаҳл билан укаси эса, уни бунчалик осонликча йўлдан урганларидан бехад хурсанд эдилар.

Сафар бехавотир давом этди. Абу Жаҳл бу ғамхўрлиги учун Айошни алқар, онанинг фарзанддаги ҳаққи ҳар қандай бошқа ҳақдан устун эканини қайтақайта таъкидлар эди. Йўлга чиқканларидан бери орасира сухбат Айошнинг онасига бориб тақалар, ҳар гал ёлғоняшиқлар устмауст тахланар эди. Абу Жаҳл:

— Энг охирги кун бошидан сув қўймагунларича ҳушига келмади шўрлик хотин, — деб хўрсинди.

— Шунчалик бўлгунча унга қараб ўтиравердиларингизми? Сояга чиқариб қўйсаларингиз бўлмасмиди?

— Неча марта сояга олдик, аммо кошки кўнса. Ҳушига келди дегунча, ўрнидан сакраб турадида, «Ёқдинг мени Айош!» деб бақириб, яна қуёшнинг тифига чопади...

Хорис қўшимча қилди:

— Аслида, ўйлаб қарасанг, биз нафақат онангни, сени ҳам кутқармоқчи бўлдик. Чунки онанг бевақт ўлиб кетса, сенинг бошингга бирон кулфат тушиши бегумон.

— Ким билади, сени қўрса, онанг боёқиши роса суюнса керак. Сен ҳам янги ҳаёт бошласанг, ажаб эмас.

Сафар шунга ўхшаш сухбатлар билан давом этди. Маккага яқинлашдилар. Олдинда Абу Жаҳл билан Хорис, Айош уларнинг орқаларида... Бир маҳал Абу Жаҳл:

— Бизнинг туямыз роса чарчади, туяларимизни алмаштирасак, нима дейсан? — деб қолди.

Айош бу таклифга рози бўлди ва туясини чўқтириди. Шу орада бир-бирларига маъноли қараб олган акаука тўсатдан унинг устига ёпирилдилар. Айош икки кишига бас келадиган даражада бакувват эмас эди. Икки дақиқа ўтибўтмай, оёққўли боғлоғлик ҳолда туяга юкланди.

Абу Жаҳл Маккага музaffer кўмондон каби керилиб кириб келди. Бир жиноятчини қўлга туширган шоввоздек, атрофидагиларга мағруона кўз ташлар, унга қараб турганларга:

— Ақлингиз бўлса, сизлар ҳам аҳмоқларнинг таъзирини мана шундай берасиз, — деб бақирап эди.

Дастлабки жазо сифатида Айошга юз қамчи урилди. Онасининг соч тарамасликка қасам ичгани ҳақидаги сафсатага ишонганига минг пушаймон бўлди. Қўлоёғи боғланган ҳолда қамаб қўйилди. Хижратга булар бирга чиқишига келишган Ҳишом ҳам тутилибқамалганини шу

ерда билди.

Қамоқ ҳаёти ўз номи билан қамоқ ҳаёти эди. Бу ерда ҳеч кимнинг беклардек кун кечиришига изн берилмас, тўхтовсиз равишда жабру ситам етказилар эди.

Ҳазрати Умарнинг (р.а.) насиҳатига қулоқ солмаган ва Абу Жаҳлдек бир ахлоқсиз мушрикнинг сўзларига ишонган Айюш бундан бошқача жазоланиши мумкин эмасди.

Ҳазрати Умар билан Абу Жаҳл икки қарамақарши қутбга ўхшардилар. Бири ҳақ ва адолатнинг, иккинчиси жаҳолат ва тушкунликнинг тимсоли.

Ҳақ ва адолат ғолиб келган жойда Умар, ширк ва фисқу фасод авжига минган жойда Абу Жаҳл ҳукм сурар эдилар...

Ҳазрати Умар ҳам, Абу Жаҳл ҳам ўzlари мансуб бўлган қутбнинг энг мукаммал вакиллари эдилар.

Ҳақ ва адолат мавзуида Ҳазрати Умарга, пасткашлиқ ва разолат хусусида Абу Жаҳлга бас келадиган киши йўқ эди.

Айюшнинг насиҳатга қулоқ солмагани, ўзбошимчалик қилгани мусулмонлар орасида нохуш қаршиланди. Неча йиллардан буён мусулмонларга ҳисобсиз азиятлар етказган Абу Жаҳлнинг сўзларига алдангани... ҳеч бир ақлга сиғмас эди. Тавба қиласа ҳам, кечирилмаслиги ҳақида баҳслашдилар, билатуриб ўзини ўтга ташлади, дедилар. (Ибн Касир. «Сияр», 2/220.)

* * *

Мусъаб ибн Умайр Саъд ибн Муознинг хонадонига келиб тушди. Асъад ибн Зурора эса, Расулуллоҳнинг (с.а.в.) амакилари Ҳамза ибн Абдулмутталиби мөхмон қилишга мушарраф бўлди. Расулуллоҳнинг (с.а.в.) нуридийдалари Руқайяга, унинг умр йўлдоши билан бирга, уйидан жой бериш шарафи Авс ибн Собитга насиб бўлди. Шу йўсин ватанини тарк этган ва Ясиридан бошпана излаб борганларига кутганларидан ҳам зиёда иззатикром кўрсатилди. Умр бўйи биргаликда яшаган қариндошлари, оталари, акалари, укалари, ҳамشاҳарлари уларни қувган бир пайтда, бутунлай бегона, нотаниш инсонлар томонидан «Оллоҳнинг бир неъмати» ўлароқ хурмат ва иззат, эъзозу қадр топишди.

Энди bemalol, тинчхотиржам ибодат қилиш имконияти яралди. Маккадаги каби, намоз ўқиш учун хилватроқ жой қидиришга тўғри келмас, мушриклар кўриб қолмасайди, деган ҳадик безовта қилмас эди.

Қаерга борилса, қаерга қаралса, чехраси гулгун, юзларидан имон ва самимият нурлари порлаб турувчи инсонларга дуч келинар эди.

Маккада имон келтириш айб, гуноҳ, жиноятдек бир гап бўлса, бу ерда имон келтирмаслик айб ва гуноҳ эди. Маккада мусулмонларга жабру зулмлар етказилган бўлса, бу ерда Исломга кирмаганларга заррача озор берилмас эди. Жаҳаннам ҳаёти тугаган, жаннат ҳаёти бошланган эди гўё. Майсазор узра саф тортиб жамоат бўлиб намоз ўқиётганларни кўрган кўзлар ёшланар, «Оллоҳим, шукрлар бўлсин, бизни шу кунларга ҳам етказдинг...» дер эдилар.

Бир пайтлар чидаб бўлмас азоб-уқубатлардан шикоят қилиш учун Расулуллоҳнинг хузурларига келган ва «Яқин келажакда Санъо шахридан Хадрамутга қараб йўлга чиққан кишиларга, қўйларига хужум қилиши мумкин бўлган бўридан бошқа ҳеч нарса ҳавф солмайди», тарзида жавоб олган Ҳаббоб ҳам мана энди осойишта ҳаёт кечира бошлади. Танасига қиздирилган темирлар босиб аёвсиз азоб берилган Умму Аммор ҳам, қарзингни охиратда оларсан, деб киноя қилган Ос ибн Воил ҳам энди тарихда қолиб кетгандек. Бундан буён Ясирида фақат мусулмонларнинг сўзи ўтар, айтганлари бўлар эди.

* * *

Бу орада Абу Бакр (р.а.) ҳам изн сўраб келди:

—Ё Расулуллоҳ, дўсту биродарларим биринкетин ҳижрат қилиб Ясирига кетишиди. Менга

ҳам ижозат берасизми?

— Шошмай тур, ё Абу Бакр. Оллоҳ таоло сенга яхши бир ҳамроҳ беришидан умид қилаётиман.

— Ё Расулуллоҳ, сиз билан бирга?..

— Ҳа, ё Абу Бакр.

Ҳазрати Абу Бакр ўзида йўқ хурсанд бўлди.

Шу кундан бошлаб уйидаги энг зотдор икки туюни алоҳида, самура дарахтининг барги билан боқишига киришди. Бундан буён ҳатто эркин нафас ҳам олиб бўлмайдиган бу муборак шаҳардан бир дақиқа бўлсада олдинроқ чиқиб кетадиган кунларини интизорлик билан кута бошлади.

СУИҚАСД ҚАРОРИ

Макка ҳувиллаб ётарди гўё. Мусулмонлардан Ҳазрати Абу Бакр, Али, Суҳайб ҳамда қамаб қўйилган ва тазиик остидаги яна бир неча кишигина қолишган, лекин улар ҳам бу ерни тарк этадиган кунларини орзикб кутишар эди.

Курайшлиқ зодагонларнинг боши қотди. Бу кўчишга улар бефарқ қараб туролмас эдилар. Мазкур муаммони узилкесил ҳал этиш учун Доруннадвада жиддий бир йиғилиш ўтказдилар. Мажлисга Бани Ҳошимдан факат Абу Лаҳабгина киритилди. Жами юзга яқин мушрик тўпланди. Абу Жаҳл, Утба, Шайба, Абу Суфён, Умайя, Надр, Абул Бахтарий, Замъя, Ҳаким, Ну拜их, Мунаббих ибн Ҳажжож ва шунга ўхшаганлар мажлиснинг тўрида.

— Биродарлар, — дея гап бошлади Абу Жаҳл, — кўриб турибсизлар, Муҳаммад йўлдан оздирган кишилар биринкетин орамиздан кетдилар. Ўзларига Ясиридан бошпана топдилар. Эртага Муҳаммад ҳам уларнинг орқасидан йўлга тушиши, балки у ерда биз бас келол майдиган бир қўшин тўплаши мумкин. Улар Ясирида заифлашиб қоладилар, бу ерда минг бир машаққат ичидан юритган даъволаридан воз кечадилар, деган бемаъни хаёлларга берилиб юрманглар тағин.

— Хўш, бу билан нима демоқчисан?

— Демоқчиманки, Муҳаммад ҳали ҳам орамиздадир. Агар бу ердан чиқариб юборсак, ортиқ уни қўлга туширишимиз ва ундан ўчимизни олишимиз мумкин бўлмай қолади. Дарҳол узилкесил бир қарорга келишимиз керак. Бу масалада сизлар қандай фикрдасизлар? Ҳар ким фикрини тортинасдан, очик-ойдин баён қилсин.

Дастлаб Абул Бахтарий сўзлади:

— Унинг оёқкўлларини кишанлаб қамаб қўяйлик, то ўла-ўлгунча ҳибс ҳаётини кечирсин. Зухайр ва Набиға каби шоирларнинг кунини солайлик бошига.

Бир чеккадан овоз чиқди:

— Тўғри фикр эмас бу!

Гап ташлаган киши эшикка яқин бир жойда ўтирад эди. Яхши кийинган, аммо ҳеч ким уни танимас эди.

— Кимсан ўзинг, эй қария? — дея сўрашди.

— Нажидданман, шаҳрингизга бир юмуш билан келган эдим. Ушбу йиғилиш ҳақида эшитдим. Фикрларингизни билиш ва, зарур бўлса, биргалашиш учун шу ерга келдим.

— У ҳолда бу фикр нимага нотўғри эканини тушунтир.

— Уни ҳибсга олсангиз, кўп ўтмай Ясиридаги дўстлари бундан хабардор бўладилар. Улар устингизга юриш бошлаб, то Муҳаммадни қутқармагунларича сизлар билан урушаверадилар. Бунинг оқибати яхши бўлмайди.

— Гапинг тўғри, эй қария...

Асвад ибн Робиа сўз олди:

— Мен уни Маккадан ҳайдаб чиқаришни таклиф этаман. Биздан ажралсин, бизни ўз холимизга қўйисинда, хоҳлаган томонига кетаверсин.

Қария ўрнидан сапчиб турди:

— Бу ҳам бўлмайди. Шунча йилдан бери унга тазиик ўтказдингиз, фойда бердими? Тобора иши илгарилади, холос. Энди агар тазиикдан халос бўлса, бутун араб қабилаларини қандай қилиб ўзига бўйсундириб олганини билмай қоласизлар. Бу ердан кетиб, кучкудрат йикқач, одамларига етказган зиён-захматларингизни унутиб, шундай қолдириб кетади, деб ўйлайсизларми?

Утба ибн Робиа:

— Маълум бўлдики, сен жуда ақлли, тажрибали киши экансан, яхшиси, энг маъқул фикрни ўзинг айтакол, —деди.

Қария вазминлик билан жавоб қилди:

— Албатта, мен ҳам фикримни билдираман. Фақат, яна кимдан қанақа фикр чиқади, билмоқчиман.

Абу Жаҳл сўз олди:

— Худо ҳаққи, мен ҳеч бирингиз кутмаган бир таклифни ўртага ташламоқчиман.

— Хўш, қандай таклиф экан у?

— Ҳар бир қабиладан аслзода, мард бир йигитни танлаб оламиз. Уларнинг ҳаммаси бараварига қилич билан ҳужум қилиб, бараварига зарба туширадилар. Шу билан бу масалага чек қўямиз. Унинг қони тўклигани учун ҳамма қабилалар бирдай жавобгар бўладилар. Шунда Абдуманоф ўғиллари ҳам бунча қабилага қарши интиқом даъвоси билан чиқишига журъат қилолмайдилар. Товон ҳақи олишга рози бўлишдан ўзга чора қолмайди. Биз ҳам товонини тўлаймизда, бутун мушкулликлардан қутуламизқўямиз.

Қария севиниб кетди:

— Мана бу бошқа гап. Бу одам жуда тўғри гапирди, энг маъқул йўл шудир. Бошқа ҳар қандай чора-адбир зое кетади.

Инсоният тарихида энг разил, энг малъун қарор шу тариқа чиқарилган эди. Абу Жаҳл билан ўша малъун қария мажлисни ўzlари хоҳлаган усулда олиб бориб, қўнгилларидағи режани тузишди.

Оллоҳ таолонинг муборак Байти ёнида Оллоҳнинг энг суюкли бандаси, энг буюк пайғамбарининг ўлим фармони имзоланди. Устига устак, «Доруннадва» деб аталадиган бу бино Расулуллоҳнинг (с.а.в.) катта боболари Кусай томонидан халқнинг муҳим масалалари ҳал этиладиган жой ўлароқ курилган эди.

Абу Жаҳл сўзида давом этди:

— У ҳолда дарҳол ҳаракатга ўтиш даркор. Масалани шу бугун кечасиёқ ҳал қилиб кўяқолайлик. Ҳамма ўз қабиласидан биттадан вакил сифатида мард йигитни кўрсатсин.

Кимdir даврадагиларни огоҳлантириди:

— Зинҳор бу ердан бирон шивир ташқарига чиқмасин. Бугун биз учун сўнгги фурсатдир.

Оғизлар маҳкам беркитилди, ақллар мард йигитларни қидира бошлади.

Доруннадва эшигидан хорғин бўлиб чиқдилар. Энди Муҳаммаднинг куни битди, деган хаёл оғушида мушриклар уййларига тарқалдилар.

Нажидликман деб даъво қилган у малъун қарияни ўша кунгача ҳеч ким кўрмаган, танимас эди. Ўша кундан кейин ҳам Маккада бошқа кўринмади.

«Ё Муҳаммад, бу кеча ҳар доим ётадиган тўшагингда ётмаслигинг керак». Жаброили амин бу илоҳий амрни етказиб, қурайшликларнинг машъум қарорлари хабарини билдириди. Ясириб шаҳрига ҳижрат қилиш фармонини келтирди.

Исро сурасининг 80-ояти ўлароқ Қуръондан ўрин олган ояти карима Пайғамбаримиз

(с.а.в.) қалбларига сингдирилди:

«Ва айтинг: «Эй Раббим, мени дуруст бир кириш билан янги юртимга киритгин. Дуруст бир чиқиш билан эски юртимдан чиқаргин ҳамда мен учун ўз даргоҳингдан мададкор бир қувват ато қилгин».

Пайғамбаримиз Мұхаммад (с.а.в.) Ҳазрати Алини чақирдилар.

— Бу кеча менинг түшагимда сен ётасан. Яшил рангли чойшабимни ёпиниб ухлайсан. Улар сенга ҳеч қандай зарап етказмайди, — дедилар.

Сүнгра ҳижрат фармони келганини билдирилар.

Үйларида мушриклар омонат қолдирған улбул қимматбаҳо ашёлар бор эди, биттабитта күрсатдилар, әгаларига топширишни үқтирилар. Шундан кейин пешин пайти үйдан чиқиб кетдилар. Күчаларда ҳеч ким йўқ эди. Қайлула вақти бўлгани учун ҳамма соясалқинга чекинган эди.

— Отажон! Расулуллоҳ (с.а.в.) келдилар!

Ҳазрати Абу Бакр ҳаяжонланиб ўрнидан туриб кетди.

Пайғамбаримиз (с.а.в.) бундай пайтда келадиган одатлари йўқ эди, ҳар ҳолда жуда муҳим ишлари бўлса керак.

Расулуллоҳ (с.а.в.) ичкари кирдилар. Муборак чехраларидан жиддий бир воқеа юз берганини уқса бўларди.

— Холи қолсак, ё Абу Бакр! — дедилар.

Ҳазрати Абу Бакр Асмо билан Ойишага қаради:

— Булар менинг қизларим, ё Расулуллоҳ, андиша қилмасангиз ҳам бўлади.

Набийи акрам (с.а.в.) ўтирилар.

— Оллоҳ таоло менга Маккадан чиқиш ва Ясрибга кўчиш изнини берди, — дедилар.

— Унда сизга йўлдош ҳам тайин этилгандир?

— Ҳа, йўлдош ҳам тайин этилди.

Ҳазрати Абу Бакрнинг кўзларидан тирқираган ёшлар унинг севинч даражасини күрсатар эди. Ойиша шу кунга қадар одам суюнганида йиғлашини кўрмаган, ҳозир илк бор кўриб туриши эди.

— Ё Расулуллоҳ, манави икки туюни шу сафар учун боқиб келаётган эдим, хоҳлаганингизни танлаб олинг.

Расулуллоҳ (с.а.в.) бош тортилар:

— Мен менини бўлмаган туюга минмайман.

— У ҳолда мендан совға бўлсин, ё Расулуллоҳ, —деди Абу Бакр.

— Совға сифатида ҳам қабул қилмайман.

Шунда Абу Бакр ҳолни тушунди ва:

— Мен уларнинг иккаласини саккиз юз дирҳамга сотиб олган эдим, — деди.

Набийи муҳтарам (с.а.в.) тўрт юз дирҳам тўлаб туюлардан бирини танлаб олдилар.

— Бу туюмга Қасва (кесик қулоқ) отини бераман, —дедилар.

Сафар режаси пишишиб олингач, пайғамбаримиз уйларига қайтдилар.

Расули акрам (с.а.в.) кетганларидан кейин Абу Бакр келишувга биноан Абдуллоҳ ибн Урайқитниги йўл олди. У Макка — Ясриб йўлини жуда яхши билар эди. Абу Бакр келганида, у қайлула уйқусини олиб ётган экан. Уйғотилди. Ичкаридан овоз берди:

— Ким у?

— Эшигингни очгин, кейин кўрасан кимлигимни, —деди Абу Бакр.

Сал ўтмай эшик очилди. Остонада Абдуллоҳ ибн Урайқит пайдо бўлди. Хавотирда чиқкан бўлса керак, эшиги тагида турган Абу Бакрни кўриб чехраси сал очилди. Ичкарига таклиф

қилди.

— Яккамаякка гаплашиш мумкин бўлган хилватроқ жойга ўтсак, — деди Абу Бакр. Абдуллоҳ жиддий бир масала муҳокама қилинишини англади. Хилватроқ жойга ўтдилар.

— Бу ер холи, кўнглинг хотиржам бўлсин, ё Абу Бакр, — деди Абдуллоҳ.

Шундай бўлсада Ҳазрати Абу Бакр пичирлаб деди:

— Бизни Ясирига бошлаб борасан.

— Қачон?

— Уч кундан кейин.

— Жуда соз. Неча кишилизлар?

— Икки киши.

— Иккинчинг ким?

— Муҳаммад ибн Абдуллоҳ.

— Тушунарли.

— Аммо бу гап иккаламизнинг ўртамиизда қолиши керак.

— Менга ишонавер, ё Абу Бакр.

Ҳазрати Абу Бакр ўзи билан бирга икки туюни ҳам етаклаб келган эди.

— Бу туюлар хозирча сенинг уйингда қолади. Уч кундан сўнг эрта тонгда уларни етаклаб бориб, бизни Савр тоғидаги фордан оласан ва биргаликда йўлга чиқамиз.

— Келишдик, ё Абу Бакр. Демак, уч кундан сўнг, душанба куни, эрта тонгда, Савр тоғидаги форда...

* * *

Оқшом қоронгулиги чўкиши билан Ҳабиби акмалнинг (с.а.в.) уйлари қуршаб олинди. Доруннадвада мажлис ўтказганларнинг кўплари шу ерда ҳозир бўлди.

Эҳтимол, тўсатдан ҳужум қилиш режасини тузган бўлсалар, ажаб эмас. Қўлига қилич олган мард йигитлар ҳам танланган, биттаикита бўлиб, бурчакбурчакларга ўтириб олишган эди.

Абу Жаҳлнинг жағи тинмас, баланд ва кинояли овозда:

— Эй ҳалойиқ, Муҳаммадга имон келтиринг. Агар унинг йўлидан юрсангиз, араблар ва араб бўлмаган инсонларга ҳоким бўласиз. Имон келтирмасангиз, ўлгандан сўнг жаҳаннамда ёниб кул бўласиз. Гапларим ҳазил эмас, жиддий, ўйлаб кўринг, — деб бақиради.

Расулуллоҳ (с.а.в.) ичкаридан жавоб қилдилар:

— Ҳа, бу гапларни мен гапирдим. Жаҳаннамга кирадиганлардан бири эса, сенсан...

Эҳтимол суюкли пайғамбаримиз (с.а.в.) уларга уйда эканларини яна бир бор билдириб кўйиш учун овоз бергандирлар...

Бир муддат ўтди. Пайғамбар (с.а.в.) Ҳазрати Али билан, оила аъзолари билан хайрлашдилар. Эшикни очдилар. Ёсин сурасини ўқидилар.

Хўш, уй атрофини ўраб олганлар нима қилишди? Ҳеч нима. Улар хусусида: «Ва биз уларнинг олдиларидан бир тўсиқпарда, ортларидан бир тўсиқпарда қилиб, уларни ўраб қўйдик. Бас, улар кўра олмаслар», оятида баён этилган ҳодиса рўй берди.

Чиндан ҳам уларни ғафлат босиб, пайғамбаримизнинг чиққанларини ҳеч ким пайқамай қолди. Гўёки улар бошқа бир оламда, пайғамбаримиз бошқа бир оламда... Бўлмаса, шундоққина ёnlаридан ўтиб кетдилар, оёқ товушларини ҳам ҳеч ким эшитмади...

* * *

Ҳазрати Абу Бакр мижжа қоқмай Расулуллоҳни кутиб ўтиради. Бу кеча ҳаётининг тақрорланмас, энг азиз сафарига чиқажак, пайғамбарлар имомига йўлдош бўлиш шарафига мұяссар бўлажак эди. Икки қўзи йўлда.

Кеч бўлиб, ҳаммаёққа сукунат чўкди. Мўлжалдаги вақт яқинлашгани сари Ҳазрати Абу Бакрнинг қалбидаги ҳаяжон тобора кучаяр, имон тўла юраги тобора тез, тобора тошқин ура

бошлаган эди. Кўзлари қоронғуликка тикилган. Нихоят, узокдан бир шарпа яқинлашиб келаётганини илғарилғамас, қўлини қўксига босди. Дарҳақиқат, ҳаяжонланишга ҳақли эди, чунки келаётган киши Оламларнинг Султони, ҳидоят имоми эди.

Расулуллоҳнинг (с.а.в.) эшикни тақиллатишларига ҳожат қолмади.

— Марҳамат қилинг, отаонам сизга қурбон бўлсин, ё Набийаллоҳ! — дея Абу Бакр оstonадаёқ кутиб олди.

Ҳазрати Абу Бакр йиққан бор пулини ҳамёнига солди. Озроқ егулик нарса ҳам олди. Уйнинг орқа томонидаги бир тешикдан кетмакет чиқдилар ва Макканинг жанубиғарб томонида жойлашган Савр тоғи томон йўл олдилар.

Тоққача уч чақиримча йўл эди. Тахминан бир соатларда босиб ўтса бўлади. Аммо кеча қоронғи, қўлларида чироқ ҳам йўқ. Йўлда из қолдирмай кетмоқчи эдилар. Шу боис Расулуллоҳ (с.а.в.) баъзан пойафзалларини ҳам қўлга олиб юришга мажбур бўлдилар. Зимистон кечада ялангоёқ тоққа тирмашиш осон эмас.

Форнинг оғзига келгандаридан, Ҳазрати Абу Бакр ижозат олиб, эҳтиёт учун ичкарига аввал кирди. Қўллари билан пайпаслаб, текшириб чиқди. У ёқбу ёғини тузатиб, ўтирадиган ҳолатга келтириди. Ичкарида йиртқич ҳайвон ёки заҳарли ҳашорат бўлиши мумкин эдида. Сўнгра таклиф қилди:

— Марҳамат қилинг, ё Набийаллоҳ!

Султони анбиё (с.а.в.) «Бисмиллоҳ...» дея ичкарига кирдилар. Сал ўтмай Ҳазрати Абу Бакрнинг тиззаларига бош қўйиб, уйқуга кетдилар.

Ҳаяжон, чарчоқ ва бахтиёрлик мужассам бўлган бу дақиқаларнинг ҳар бир сонияси Абу Бакр учун бир умрга тенг, бир умрга татирли эди. Коинот яратилганидан бери ҳеч бир инсонга бундай шараф берилмаган. Бу саодат дамларини тил билан ифода этиш у ёқда турсин, юрагига ҳам сифдиролмас эди.

Бирдан иликларигача қақшатган оғриқни ҳис этди. Бу оғриқ саодат дамларига ҳалақит бериб қолмасинда, дея орзиқди. Қимиrlамай ўтираверди. Лекин бутун вужудини титроқ босган эди. Тиззасига бошларини қўйиб ётган Расулуллоҳни (с.а.в.) безовта қилмаслик учун бу азобга дош беришга уринарди.

Акмали анбиё (с.а.в.) юзларига томган бир жуфт кўзёшидан уйғониб кетдилар.

— Нима бўлди, ё Абу Бакр?

Титроқ бир овозда:

— Оёғимни илон чакди, ё Набийаллоҳ! — дея жавоб қилди Абу Бакр.

Қачонлардан бери сокин ғорда бирдан ғалағовур пайдо бўлиши инида ётган илонни безовта қилган, ташқарига ўрмаларкан, инининг оғзини тўсиб қолган оёққа дуч келган эди. Бу оёқ Абу Бакрга тегишли эканини у жонивор қаёқдан билсин?!

— Бу ёққа узат оёғингни, — дедилар Сарвари коинот (с.а.в.).

Бир куни Дамашқ сафари чоғида юра олмай қолган туяларнинг оёқларини силаб қайта қувват бахш этган бу муборак қўллар бу дафъа «Ёри ғор»нинг (Фордаги дўстнинг) оёғига малҳам бўлди: У Зоти шариф оғизларидан озгина тупук олиб илон чаққан жойга суркадилар. Оғриқ таққа тўхтади.

Дамашқ сафари чоғида бу қўллар пайғамбар бўлишини билмаган Мухаммад ибн Абдуллоҳники эди, бугун эса, Сарвари анбиё эканини, оламларга раҳмат ўлароқ жўнатилганини билган Сайидул аввалин вал охирин Имомул Анбиё вал мурсалин Мухаммад Мустафо соллаллоҳу алайҳи васалламники эди. Аммо ҳар иккала марта ҳам бу муборак қўллардан шифони индирган зот Буюк Оллоҳдир...

Ҳазрати Абу Бакр бутун инсониятни жаҳолат ботқоғидан халос этиш учун келган пайғамбаримизга бениҳоя миннатдорлик туйғулари билан бокди.

— Минг ташаккур, отаонам сизга қурбон бўлсин, ё Расулуллоҳ, — деди.

Икки дўст ўз хаёллари билан банд бўлдилар.

* * *

Ҳазрати Али ётоқقا кириб, устига яшил чойшабни ёпди. Етишдан олдин ва эрталаб уйқудан уйғонганида пайғамбаримиз (с.а.в.) ўқишни тавсия этган дуони пичирлай бошлади:

«Рабб ўлароқ Оллоҳдан, дин ўлароқ Исломдан, пайғамбар ўлароқ Мұхаммаддан рози бўлдим. Мен учун бошқа бир маъбуд, бошқа бир дин, бошқа бир пайғамбар йўқ. Оллоҳим, сенинг лутфу караминг боис оқшомга етдик, сенинг лутфу эҳсонинг боис келгуси кунга етишамиз. Сен берган ҳаёт билан яшаймиз, сенинг ироданг билан ўламиз. Биз фақат Ўзингга қайтамиз».

Тўшакда Расулуллоҳнинг (с.а.в.) хидлари бор эди. Бу муборак хиддан маст бўлган Али кўп ўтмай қаттиқ уйқуга чўмди...

Али ётоқقا кирап экан, уйнинг атрофида пайғамбаримизни ўлдиришга қарор қилган мушрикларнинг айланиб юрганини ва бу ерда юзага келган вазият ўта жиддий эканини жуда ҳам яхши биларди.

Бу тўшакка кириш, бу чойшабни ёпиш бир жиҳатдан ўлимга тик боқиши демак эди.

Бироқ Расулуллоҳ (с.а.в.) унга: «Сенга бирон заҳмат етказа олмайдилар», деган эдилар. Бу башоратга у ўзининг исми Али эканига ишонгандай ишонар эди.

Уни мана шу шартлар остида Ҳабиби акрамнинг тўшагига ётқизган буюк Оллоҳ бу фидокорликнинг мукофотини ҳам албатта зиёда қилиб беражак. Улуғ Абу Бакрга «Ёри ғор»лик нақадар мислсиз бир шараф бўлса, мард ва фидокор Алига Расулуллоҳнинг тўшагида ўтказган бу кеча шупчалик қадрли эди.

Амаллар ҳисоб-китоб қилинадиган кунда, энг улуғ фазилат соҳиблари ҳам мана шундай бекиёс шарафга ноил бўлган Абу Бакр ва Алини кўрганда бармоқларини тишлаб қолишлари ажаб эмас. Ҳазрати Али бу муборак тўшакда хотиржам ухлар экан, Ҳазрати Абу Бакр ҳам тиззасига Расулуллоҳ (с.а.в.) бош қўйиб ётганидан бениҳоя баҳтиёр эди.

* * *

Уйнинг атрофини ўраб олганлар ҳануз Расулуллоҳни (с.а.в.) уйда деб билишар, бунга шубҳа қилишмас эди. Зўр ҳаяжон билан тонг отишини кутишарди. Уйга кечаси хужум қилишдан уларни қайтарган нарса, бир инсонни уйида ўлдириш ўта чиркин иш деб ҳисобланиши эди.

Қолаверса, шошишнинг зарурати йўқ. Қуш бўлсада, учирмасликка бел боғлаб келишган эди улар бу ерга. Йиллар давомида алангаланиб келган интиқом ўтини шу тариқа ўчиришмоқчи эди. Ахир барибир ушбу эшикдан чиқади, бошқа иложи йўқ. Ўша дамда бу гала бўрондек ёпирилади, бор кучини ишга солиб, унга хужум қиласи, шу тариқа ўн йилдан бери ҳар қандай қаршиликка қарамай юритиб келинган дъявога барҳам берилади...

Абу Жаҳл қиличини сийпалади.

— Сени мана шу кун учун саклаб келдим, буни ўзинг жуда яхши биласан, — деди.

Йигитлардан бири гап қотди:

— Сенинг ёрдамингизоқ ўзимиз унинг масаласини ҳал этсакчи?

Абу Жаҳл «бўлмайди» демоқчидек бошини сараксарак қилди:

— уни қирқ бўлакка парчаласангиз ҳам, бу қилич ўз вазифасини билади.

— Мұхаммадга сенингчалик адоват ҳиссини туйган бошқа бир одамни кўрмадик, ё Абул Ҳакам!

— Ишончинг комил бўлсин, бундан кейин ҳам асло кўрмайсан.

Хўрзининг қичқириги Абу Жаҳлнинг юзида ваҳшиёна бир севинч аломатларини уйғотди. Бир бурчакда кутиб турган Умайя оғирвазмин қадамлар билан унга яқинлашди.

— Турақол энди, хўрзлар қичқирди, — деди.

— Ҳа, энди унинг сўнгги уйғониши бўлади бугун... Убай ибн Халаф қаттиқ овоз берди:
— Ҳей Муҳаммад, тур энди, қолган уйқуни у дунёда давом эттирасан!..

Бу тонгни у алоҳида ҳаяжон билан кутди. Бу тонг қилинадиган ҳужумда Муҳаммаднинг ўлдирилиши хов бирда ўзи ҳақида имзоланган ўлим фармонининг бекор қилиниши демак эди. Пайғамбаримизнинг бир пайтлар, «Сен мени эмас, мен сени ўлдираман» деганларини ҳеч унута олмаган, қачон Расулуллоҳнинг номларини эшитса, «у сени ўлдиражак» деган бир овоз эшитилаётгандай бўлар эди.

У ҳам бу муаззам зафар нашидасидан баҳраманд бўлиш учун келган, аммо ичичидан тинчлик бермаётган бир туйғу уни бир оз чеккароқдан туриб томоша қилишга мажбур этган эди. Ҳар ҳолда, агар у ҳам жон аччиғида қаршилик кўрсатишга уриишиб, бу қаршилик асносида тасодифан Убайнин ўлдириб қўйиши ҳеч гап эмас эдида.

Ҳаяжон қанчалик зўр бўлса ҳам, вакт ҳар доимгидай ўз маромида ўтар эди. Кетмакет эшитилаётган хўрзларнинг овозлари қулоқларни тешиб юборгудай бўлди. Ер юзи секинаста ёриша бошлади, шафақ ортида туғилаётган қуёшни кутиб олиш тантанаси бошланган эди гўё.

— Тезроқ чиқақол энди, қуёш, сабркосамиз тўлаёздику.

— Ташвишланма, албатта чиқади... Чиқади ва... — Сўзларини давом эттира олмади. Ичкаридан аллақандай шарпа товушлари кела бошлади. Қўллар қиличларнинг сопига ёпишди. Бир оздан сўнг эшик очилиб... Али ибн Абу Толиб кўринди.

Абу Жаҳл олдинга отилди:

— Ҳой, сен кимсан, бир кўрайин?!

— Нима, мени танимаяпсанми?

— Оллоҳнинг қаҳрига учрагур, сени жуда яхши танийман, аммо у қаерда?..

— Ким у?

— Амакингнинг ўғли... Муҳаммад ибн Абдуллоҳ.

— Бу ерда йўқ...

— Ёлғон гапирма, эй Али, нима, бизни лақма деб ўйляяпсанми?

— Ишонмасанг, текшириб кўр.

Абу Жаҳл ичкарига қаради. Чиндан ҳам йўқ эди. Мушриклар телба бўлиб қолаёздилар.

Асаблар бузилди.

Унинг шу уйга кириб кетгани ҳам, қайтиб чиқмагани ҳам, айни чоқда, уйда йўқлиги ҳам хақ эди. Во ажабо...

— Шу уйга кирганини ўз кўзим билан кўрдим. Манот ҳаққи, кўрдим.

— Кеча кечқурун гапирганини эшиитмаган бўлсам, отамнинг боши итларга ем бўлсин!

Оқшомдан бери ҳаяжон билан, ваҳший бир орзу билан қилинган ҳисоб-китоблар беҳуда кетган эди. Алининг ёқасига ёпишишди.

— Қани, гапир, қаерга кетди?

— Кеча кечқурун чиқиб кетган.

— Ёлғон гапирма. Кечадан бери шу ердамиш.

Яна текшириб кўрилди. Яна қидирилди, аммо барча уринишлар зое кетди. Шу пайт кимдир телбанамо бакирди:

— Тезроқ Абу Бакрни қўлга олиш керак!

Дарҳақиқат, Пайғамбар (с.а.в.), уларнинг назарида,

Абу Бакр билан бирга бўлиши мумкин эди. Ҳаммалари ўша ёққа шошилишди. Эшикни Асмо очди.

— Отанг қаерда?

— Билмайман,

Дарғазаб Абу Жаҳл ўзини тутолмай, Асмонинг юзига бир тарсаки туширди. Бу тарсаки Асмонинг қулоғини йиртиб юборди, зирағи ҳам қаёққадир учиб кетди.

Зирак ҳали бориб ерга тушмасиданоқ маънавият оламида бу воқеа қайд этиб қўйилди. Асмонинг дафтарида ушбу тарсаки билан боғлиқ алоҳида бир шараф саҳифаси очилди. Чунки бу шунчаки бир тарсаки эмас эди. Оллоҳнинг энг суюкли бандасини Оллоҳнинг энг ашаддий душманларининг биридан мудофаа этиш йўлида тўқсунлик қилгани учун туширилган эди бу тарсаки... Унинг мукофотини бевосита Жаноби Ҳақ ўзи беражак, Асмони мамнун этажак.

Келганлар телбavorий одимлар билан у ердан ҳам чиқиб кетишиди.

— Эй халойик, эшитмадим деманглар, Мұхаммад ибн Абдуллоҳни ёки Абу Бакр ибн Кухофани ўликмитирими тутиб келган одамга юз тужа мукофот берилади!.. Жарчи бутун Маккага ушбу хабарни солди.

— Оҳ, кошки эди... — деганлар бўлди.

— Шундоққина бурунларининг тагида эканлигида масаласини ҳал қилмай, энди ғайратга минишибиди, —деганлар ҳам бўлди.

Хар бир қабиладан қўлида қилич ушлай оладиган йигитлардан иккитадан қуролланишиди. Ҳаммаёқни остинустин қилиб, қидира бошлишиди.

— Мана, сизлар қидираётган одамнинг изи мана бу бўлади, ёнидагиси эса ҳамроҳиники...

— У ҳолда ушбу изларнинг ортидан олға.

Мушрикларнинг юзларида мамнунлик ифодалари пайдо бўлди. Айни излар ортидан теззек юриб кетишиди.

— Излар манави ерда тугабди.

— Кўп валдирама, — деди Утба. — Улар қуш эмаски, қанот ёйиб учиб кетган бўлсалар.

Изтопар бирмунча ўйланиб қолди:

— Бу ёғига ялангоёқ кетишибди, — деди.

Яна илгарилашиди. Ниҳоят Савр тогининг этакларига этиб боришиди. Секинаста тоқقا тирмашиб юқорига чиқа бошлишиди. Бу ерда қидирилаётганларнинг изларини топиш игна билан кудук қазишга баробар эди. Шу билан бирга, бу одам ўз ишининг устаси эканини намойиш этар, мукофот тариқасида бериладиган юзта тужа унинг ғайратига ғайрат қўшар эди.

Ривоятларга қараганда, Расулуллоҳ (с.а.в.) дўстлари билан ғорга кириб кетгач, бир ўргимчак келиб горнинг оғзига ин тўқиб ташлаган экан.

Бўлмайдиган иш эмасди бу. Ҳазрати Абу Бакр, Расулуллоҳ (с.а.в.) ҳордиқ чиқариб бир оз роҳатлансинлар, дея жон куйдириб турган бир паллада чаққан илон ҳам кимни чақиб олганидан мутлақо бехабар эди. Ғор оғзини тўри билан беркитган ўргимчак ҳам кимга хизмат қилаётганини билмасди. Ойдайилда бирор тасодифан келиб қолмаса, инсон зоти қадам босмайдиган бундай жойларга ўргимчакнинг тўр тўқиши, албатта, табиий бир ҳолда.

Бу ўргимчак айнан ушбу вазифани адо этиш учун яратилган бўлса ҳам ажаб эмасди.

Ҳазрати Абу Бакр узокдан эласэлас эшитилаётган овозларни аниқлаш учун ғор оғзига қулоқ тутдию, пешонасида совуқ тер томчилари пайдо бўлди. Товушлар тобора шу ёққа яқинлашиб келар эди.

Кўп ўтмай, бир неча киши тўппатўғри ғорга қараб йўналди. Энг олдинда мудлижлик изқувар, қолганлар унинг ортида. Орада бешолти одимгина масофа қолди.

— Е Расулуллоҳ, анави одамлар оёғига қарасаям, бизни кўради.

Ҳазрати Абу Бакр ҳаддан ташқари ҳаяжонланар, аммо бу ҳаяжони ўзидан ҳам кўра қўпроқ Расулуллоҳ учун қайғураётганидан эди. Унга карши биронбир ахлоқсизлик қилиб қолинмасин, ишқилиб унга бирон озор етказилмасинда, деган ташвишда эди.

Ҳабиби акмал Мұхаммад Мустафо (с.а.в.) бир оз әгилдилар ва ўта вазминлик билан:

— Ҳеч сиқилма, Оллоҳ биз билан, — дедилар.

Ҳазрати Абу Бакр пайғамбаримизнинг овозларидағи

матонатни, руҳиятларидағи сабот ва жасоратни күриб, ўзини тутиб олди. Ахир, у пайғамбаримиз «сиқилма» дейдиган даражада ҳаяжон ва қўрқувга тушгани шубҳасиз эди.

Гор яқинига келган одам комил ишонч билан:

— Қидираётган одамларимиз мана шу атрофда. Шу ергача келганлари аник, лекин бу ердан ҳеч қаёққа кетмаган бўлишлари керак, — деди.

Умайя эътиroz билдириди:

— Бекор гап. Ахир, бу ерга одам оёғи етмагани шундоқ кўриниб турибдику.

Изқувар ҳам паст келгиси йўқ:

— Аммо бу одамлар қуш эмасларки, бундан бу ёғига учиб кетган бўлсалар?..

— Тушунарли, сен роса чарчабсан... Бу орада мушриклардан бири:

— Вақтимизни зое кетказяпмиз, — деб қолди. Истар-истамас у ердан қайтишди. Изқувар ҳамон:

— Шу ерда эканига аминман. Бу одамлар ўзўзидан ғойиб бўлишлари мумкин эмас, — дерди.

Аммо бу воқеанинг ягона изоҳи бор, у ҳам бўлса, Оллоҳ таоло суюкли пайғамбарини душманларининг ихтиёрига топшириб қўймасди. Ҳа, Буюк Оллоҳ Ҳабиби адабини душманларига таслим этмасликни ирова қилган бўлса, одамларнинг қўзи кўр, қулоғи кар бўлиб, ақли ишламай қолиши ҳеч гап эмас.

Улар кетгач, Ҳазрати Абу Бакр енгил нафас олди. Хурсанд бўлиб, Расулуллоҳнинг (с.а.в.) юзларига қаради. Расулуллоҳ (с.а.в.):

— Ё Абу Бакр, икки дўстга Оллоҳ таоло ҳам дўстлик қўлини узатиб турса, ким бизга таҳдид сола оларди? Улардан қўрқишга ҳожат қоларми? — дедилар.

Бу пайтда Макка ғалвирдан ўтказилди, остинустин қилинди. Қидирилмаган, текширилмаган биронта ҳам хонадон қолмади. Савр тоғидаги ғорни ҳисобга олмагандан, ҳаммаёқ ўта жиддийлик билан қараб чиқилди. Аммо улар ҳеч ерда йўқ, гўё қуш бўлиб учиб кетгандай эдилар...

Ҳазрати Абу Бакрнинг ўғли Абдуллоҳ тун ярмидан оққанида Савр тоғидаги ғорга келди. Отаси билан Расулуллоҳга (с.а.в.) кундузи бўлиб ўтган воқеаҳодисаларни бирмабир сўзлаб берди. Ўйдан овқат келтирган эди, берди. Шундан кейин, хали тонг отмасидан, туриб хайрлашди ва уйига қайтиб кетди. У кетганидан кейин, Ҳазрати Абу Бакрнинг чўпони Амр ибн Фухайра қўйлар сурувини ҳайдаб, Абдуллоҳ ўтган йўллардаги изларни йўқотди.

Бу қуйлар икки «Ёри фор»нинг сутга бўлган эҳтиёжларини ҳам қондирди.

Ғорга пайшанба куни кечқурун кирилган бўлса, жума, шанба ва якшанба кунлари ҳам шу зайл ўтказилди. Уч кун давомида ўйдан овқат ташиб турилди, янгиянги хабарлар келтирилди. Маккаликлар ҳамон уларни қидираётганлари, ҳануз умидсизланмаганлари билдирилди.

Учинчи куни овқатни Асмо олиб келди. Аммо овқат солинган халта билан мешнинг оғзини нима билан боғлашни билмай бир оз боши қотди. Сўнгра ҳеч иккиланмай белбоғини йиртиб, иккаласининг ҳам оғзини маҳкам боғлади. Расулуллоҳ (с.а.в.) уни кулимсираб кузатиб турар эдилар.

— Унга жаннатда икки белбоғ эҳсон қилинажак, — деб марҳамат қилдилар. Шу кундан бошлаб Асмо «Зотун нитоқайн», яъни, «Икки белбоғли хоним» деб аталадиган бўлди.

Овқатлар олинди. Кўп ўтмай Абдуллоҳ Ҳазрати Абу Бакрнинг олти минг дирҳамга яқин жамғармасини олиб келди. Отасига топшириб, видолашшида, қайтиб кетди.

Энди Абдуллоҳ ибн Урайқитни кута бошлашди. У туяларни олиб келса, шу билан бу тарихий сафар бошланажак эди.

Абдуллоҳ ибн Урайқит мушрик эди. Расулуллоҳ (с.а.в.) билан Ҳазрати Абу Бакринг қаердаликларини беш қўлдай биларди. Уларни топган кишига ваъда қилинаётган мукофот унга йўлбошловчилиги эвазига бериладиган ҳақдан камида ўн марта ортиқ эди. Шундай бўлишига қарамай, нима учун улар ҳақида мушрикларга хабар бермади, унга омонат қилинган сирни сақлади?..

Уларнинг қаерда эканларини билдириш Абдуллоҳ учун ҳеч қандай қийинчилик туғдирмасди. Ҳолбуки, йўл бошлаб бориш ғоят хавфли ва мушкул бир иш эди. Унинг устига, қурайшийлар билиб қолсалар, ҳужум қилишлари муқаррар бўлиб, йўлдаёқ ўлиб кетиши, жуда бўлмаса, ушбу иши учун аёвсиз жазоланиши ҳеч гап эмасди.

Камида тўрт юз олтмиш чақиримлик йўлни оғир шартшароитлар остида босиб ўтиш ва яна Маккага қайтиш ташвишичи? Олдинда камида йигирма кунлик мушкулотмашаққат бор... Лекин бу воқеликка қарамай, соғлом фикрли, дуруст ахлоқли инсон бўлган Абдуллоҳ ибн Урайқит пайғамбаримизга кўмаклашишга жазм этган эди.

* * *

Форда кечган уч кечаю уч кундуз гапсўзсиз, сукут сақлаб ўтиришмагандир, албатта. Аммо мазкур муддат давомида қандай сухбатлар ўтгани ҳақида маълумотлар сақланиб қолган эмас. Имом Бухорий ва бошқа муҳаддисларнинг китобларида Ҳазрати Абу Бакринг бу тарихий сафари ҳақида берилган маълумотларда ҳам форда бўлиб ўтган сухбатларга доир ҳеч гап йўқ. Пайғамбарларнинг энг буюги (с.а.в.) билан инсонларнинг энг улуғи (р.а.) ораларида сир бўлиб қолган бу воқелик бир қарашда том маънодаги мashaққат тўла кунлар эди. Аммо маъно жиҳатидан фавқулодда бой, сўз билан таърифлаб бўлмайдиган даражада файз ва баракага тўлиқ кунлар бўлган. Пайғамбаримиз ушбу воқеликни қисқагина шундай изоҳлаган эдилар: «Ҳеч сиқилма, Оллоҳ биз биландир...» Ва яна: «Эй Абу Бакр, икки дўстга Оллоҳ таоло ҳам дўстлик кўлини узатиб турса...»

Бу ўринда сукут сақлашдан ўзга чора қолмайди. Бу ерда оддий кўнгиллар қанот қоқолмайди. Расулуллоҳ (с.а.в.) ва у кишининг севимли дўстларидан бошқа жами инсонлар бу маъно оламининг орқасида саф боғлаб туришга мажбурдирлар.

Уч кун давом этган, аммо таърифи уч асрга ҳам сиғмайдиган бу ҳаётни оддий сўз билан баён этиш амри маҳолдир. Ҳазрати Абу Бакр шу боис бўлса керакки, ҳаётининг баҳтиёр дамлари ҳақида ҳеч кимга ҳикоя қилмасликни афзал кўрган эди.

Расулуллоҳ (с.а.в.) учун Меъроҷ кечаси қандай аҳамиятга эга бўлган бўлса, Ҳазрати Абу Бакр учун ҳам ушбу кунлар шунчалик азиз эди. Муҳаммад уммати орасида бошқа ҳеч ким бундай шарафга мұяссар бўлмаган, бўлмас ҳам эди.

Форда ўтказилган кунларнинг ҳар бир дақиқаси маъно жиҳатидан бир етук инсоннинг умрига teng эди. Ҳазрати Хадича онамиз уммат орасида илк имон келтириш шарафига сазовор бўлиб, қандай улуғ ва тенгсиз мартаба эгасига айланган эса, Ҳазрати Абу Бакр ҳам бу ҳижрат сафарида пайғамбаримизга йўлдош бўлишдек бекиёс бир мартабани қозонган эди. Бу дўстлик Исломдан олдин бошланган, умр бўйи энг мукаммал тарзда давом этган, вафотларидан кейин охиратда ҳам қалин дўст бўлиб қолишлири шубҳасиздир...

Инсонларга буюк ўрнак намунаси бўлган Ҳазрати Умардай улуғ зот Абу Бакринг форда ўтган бу баҳтиёр дамлари ҳақида бундай деган эди: «Худо ҳаққи, Абу Бакринг форда ўтказган ўша бир кечаси Умардан ва Умар оиласидан ҳам хайрлироқдир. Абу Бакринг форда ўтказган бир куни Умардан ҳам, оила аъзоларидан ҳам хайрлироқдир». (Ибн Касир. «Сияр», 2/237.)

* * *

Асмо бундай дейди:

«Отам пулларининг ҳаммасини олиб кетган эди. Бобом Абу Кухофа ранжиди.

— Уйлашимча, у сизларни оғир аҳволга солиб кетди, — деди.

Бобомнинг кўзлари ожиз эди. Бир халтacha чағир тош йиғдим. Отам пулларини сақлайдиган тўрвага солдим. Оғзини маҳкамлаб беркитдим. Сўнгра уни бобомга кўрсатдим, қўлларига тутқаздим.

— Каранг, бобожон, мана, пулларнинг ҳаммаси шу ерда турибди, — дедим.

Бобомнинг кўнгли жойига тушди.

— Жуда соз. Сизларга шунча пул ташлаб кетган экан, энди хотиржам бўлсан ҳам бўлаверади. Бу пуллар сизларга етиб ортади ҳам, — деди.

Холбуки, отам бизга ҳеч нарса қолдирмаган эди. Мен бу ишни бобомни юпатиш учун қилган эдим».

Ҳазрати Абу Бакр бу сафарга чиқаркан, болаларини пулсиз, оч ва беилож, паришон ҳолда ташлаб кетибдида, деб ўйланмаслиги керак. Пулининг ҳаммасини олгани билан уйида яна бир сурув тuya, қўй, озиқовқат ва кийимкечак қолдирган эди. У замоннинг шартшароитлари билан қиёсланса, бир оиланинг машнатига етарли даражада эди. Бугунги кун одами у пайтлардаги воқеаларга баҳо беришда ҳар нарса бозордан пулга сотиб олинадиган бугунги ҳолатга солиширилмаслиги керак. Бундан ташкари, Абу Бакр тез орада оиласини ҳам Мадинаға кўчириб кетиш ниятида эди. Дарҳақиқат, орадан ҳеч қанча вақт ўтмай, уларни ҳам ёнига олдирди. Мана шу сабаблар туфайли уйда пул қолдиришига зарурат йўқ эди.

Яна бир бошқа мулоҳаза шуки, Абу Бакрнинг йўлга олиб кетган бу олти минг дирхам пули эсларни йўқотиб қўяр даражадаги катта сарват эди. Бемалол бир неча кишини бой килиб юборадиган миқдор эди. Ким билади, эҳтимол йўлда уларни тутиб Курайшга қайтариб топширишни кўзлаган бирор гурӯҳга дуч келишар, шундай ҳол рўй берса, бу пулларни бериб кутулиб кетиш хаёли ҳам йўқ эмасди...

ГОРДАН ЧИҚИШ

Ниҳоят, кутилган соат келди. Абдуллоҳ ибн Урайқит туяларни келтирди. Савр ғорининг рўпарасида тўхтатди. Вақтни ўтказмасдан туяларга миндилар. Расулуллоҳ (с.а.в.) қўлларини кўтардилар:

— Мени йўқдан бор қилган Оллоҳга ҳамдлар айтаман. Оллоҳим, дунё балоларига қарши менга ёрдам бер. Зотингга нисбатан итоатли, дуруст хўйларимда мени саботли қил. Сенга суюкли бўлишимни насиб эт. Инсонларнинг қўлларига ташлаб қўйма... Заифларнинг Раббисан, менинг Раббим ҳам Ўзингсан. Осмонлару ерни ёритган, қоронғуликларни аритган, аввалгилару кейингиларнинг ишларини тартибга солган нурингга сифинаман. Ғазабинг келиб бошимга тушишидан асрashingни сўрайман!.. Неъматингнинг завол бўлишидан, интиқомингнинг келиб қолишидан, сен берган оғиятнинг балога айланишидан ва ҳар турли ғазабларингдан яна Сенга сифинаман. Кучим етган қадар сендан хушнудман, ё Парвардигор! Куч ва қувват фақат Сенингладир! — дея мурожаат қилдилар. (Ибн Касир. «Сияр», 2/234.)

Кейин сафар бошланди. Ўша куни рабиул аввал ойининг тўртинчи куни, душанба эди.

Макка шаҳрини кўриб қолиш имкони бор сўнгги жойда уловларини тўхтатдилар. Тушдилар. Қалбларидан хазин бир товуш тараала бошлади:

«Валлоҳи, сен Оллоҳ яратган энг хайрли шаҳарсан. Оллоҳ энг севган жой сенсан. Зўрлаб чиқарилмаганимда эди, сени асло ташлаб кетмас эдим». (Имом Термизий, 5/722.)

Бу жой Хазвара деган бир тепалик эди. Ҳаётларининг эллик уч йилини gox totli, gox aччиқ минг турли ҳолатларда кечирган юртлари билан шу тарз видолашгач, йўлда давом этдилар. Расулуллоҳ (с.а.в.) маҳзун, Ҳазрати Абу Бакр ҳам маҳзун. Эртаси то пешингача шу ҳолатда кетишиди. Бир тоғ тагига тин олиш учун қўнишиди.

Яқин орада бир чўпон пода боқиб юради.

— Бизга озгина сут бера олмайсанми? — деб сўрадилар Расулуллоҳ (с.а.в.).

— Берардим, аммо соғин қўйим йўқда, — деб узр сўраган бўлди чўпон.

— Соғиб қўрсақ, рухсат берасанми?

— Майли. Лекин бир қултум ҳам сут тополмасаларинг керак.

Расулуллоҳ (с.а.в.) бир эчкини тутдилар, дуо қилдилар, эчкининг эмчагини силадилар ва «Бисмиллоҳ...» дея соға бошладилар. Эчкисининг тизиллатиб сут бераётганини кўриб, чўпоннинг эси оғиб қолаёзди.

Сутдан ҳаммалари бир-бир ичдилар.

Чўпон ҳайрон эди. Ахир, бу эчки ҳам, худди бошқалари каби сут бермаслигини қатъиййан билардида.

— Оллоҳ ҳаққи, айт, сен кимсан ўзи? — деб сўради Расулуллоҳдан. — Қасам ичаманки, сенга ўхшаганини кўрмаганман.

— Айтаман, аммо сир сақлашинг лозим бўлади.

— Сир тутаман.

— Мен Муҳаммад Расулуллоҳман.

— Яъни, Курайш, динини ўзгартириди, сотди, деган одамлари сенмисан?

— Улар шундай дейдилар.

— Мен сенинг Пайғамбар эканингга шаҳодат этаман. Сенинг йўлингдан бораман, — деди чўпон.

— Ҳозир бунга кучинг етмайди. Кут, менинг муваффақият қозонганимни эшитганинг заҳоти ҳузуримга кел, — деб марҳамат қилдилар Пайғамбар (а.с.).

Бир муддат истироҳат қилишиб, сўнг чўпон билан хайрлашишиди.

* * *

Суроқа ибн Молик қурайшийлар Расулуллоҳни ёки ҳамроҳларининг ўлигини ё тиригини келтирганга юз тужа ваъда беришганини эшитиб типирчилаб қолган:

— Оҳ, қани энди шу ишни мен қилсан! — деб аҳд қилган эди.

Мудлиж қабиласидан бир неча киши билан суҳбатлашиб ўтирганларида, устларига биттаси кедди:

— Уч кишилик йўлчиларни кўрдим. Олдимдан соҳилга томон ўтиб кетишди. Муҳаммад ибн Абдуллоҳ билан шериклари бўлиши мумкин, — деб қолди.

Суроқа титради.

— Йўқ, улар эмас. Сен кўрганинг фалон-фалончилар бўлади. Сал олдин уларни кўрувдим, — деб ёлғонлади. Ортиқ ўтиромай қолди. Озгина гаплашган бўлдию туриб кетди.

Уйга бориб чўрисини чақирди:

— Отимни ҳозирла, силоҳимни ол, тепалик ортида мени кут, — дея тайинлади.

Чўп билан фол очган эди, афти буришиб кетди. Чунки, «бу ишни қилма» деган чўп чиқиб ўтирибди! Парво қилмади. Сал ўтмай, уйнинг орқа томонидан чиқиб, тепалик сари йўл олди. Кўлида фақат найза бор эди.

Тепаликдан ошиб ўтганида, отини сафарга шай ҳолда кўрди. Миндию йўлчиларнинг изларидан от солди. У шошарди. Ҳали даврадошларини ҳам бекорга алдамади. Ўртага қўйилган юзта тужа шерик чиқишини асло истамас эди у.

Олдиндагилар уч киши эдилар. Аммо уларга бас кела оламан деб хисобларди. Бунақа ишлар кўп бошидан ўтган. Нене можароларни кўрмади Суроқа...

Уларга хилват бир жойда етиб олиш учун отини роса чоптирди...

* * *

Хазрати Абу Бакр кимdir уларни таъқиб қилиб келаётганини сезди. Айтай деди. Кейин фикридан қайтди. Ким билади, у ҳам йўловчи бўлиши мумкин. Пайғамбар (алайҳиссалом)ни

ташвишга қўйиб нима қиласди?

Аммо орадаги масофа қискарган сари кўнглига хавотир инди. Қолаверса, у оддий йўловчига ҳам унча ўхшамасди.

— Ё Расулуллоҳ, бир отлик келяпти, яқин кепқолди, — деди нихоят.

Жаноби пайғамбаримиз орқага ўтирилдилар ва:

— Оллоҳим, уни тўхтат, — дедилар.

Бирдан отнинг оёқлари қумга ботиб қолди. Суроқа от устидан учиб, думалаб кетди.

Бу бир ажид ҳол эди. Ҳеч от оёғи ботадиган жой эмас. У ербу ерининг лат еганига ҳам қарамай, яна фолчўпларини олди. Яна «қилма» деган чўп чиқди. Орқасига қайтиб кетай деса, юз туя... Такрор отига минди, такрор учиб тушди. Яна турди, яна минди. Шу қадар яқинлашди, ҳатто Расулуллоҳнинг (с.а.в.) Қуръон ўқиётганларини эшита бошлади.

Пайғамбар (а.с.) ўтирилиб қараган эдилар, ўша заҳоти Суроқа учинчи марта учиб тушди. От яна тиззаларигача қумга ботиб кетди. Типирчилар, лекин оёқларини қумдан чиқара олмас эди.

— Ё Муҳаммад! Тушундим, бу ишлар тасодиф эмас. Сенинг алоқанг бор бу ерда. Бизни кутқар, — деди.

Суроқа шум фикридан қайтган эди. Қаршисида доимо иши юришиб, даъвосида тобора муваффақ бўлиб бораётган улуғ бир инсон турганига қатъийян ишонди. Келиш мақсадини самимиятла сўзлаб берди, пушаймонлигини изҳор этди. Сўнгра:

— Менга бир хат килиб беринг, — деди. Кейинчалик шу ёзув билан у ўзини танитмоқчи эди.

Расулуллоҳ (с.а.в.) Абу Бакрга:

— Истаганини ёзиб бер, — дея амр этдилар.

Бир суюк парчасини топиб, устига хат битиб, қўлига беришди. Суроқа уни ўқ халтасига солиб қўйди. Емак бермоқчи эди, қабул қилишмади. Бир ўқни узатиб:

— Йўлларингда менинг чорвамни боқиб юрган чўпонга дуч келасизлар. Шу ўқни бериб, хоҳлаган бир ҳайвонни олишларинг мумкин, — деди.

Яна қабул қилишмади.

— Унда сизларга қандай ёрдам берсан экан?

— Орқамиздан тушганлар бўлса, ўшаларни изларига қайтариб турсанг бўлди, — дейишди.

— Жуда яхши, хотиржам бўлинглар.

Ҳижрат йўловчилари олға босишли. Суроқа ортига қайтди.

* * *

Эрхотин Абу Маъбад билан Умму Маъбад Макка — Ясириб йўли устига бир чодир тикиб, йўлчиларга емакичмак сотиб кун кўрадиган бир оила эдилар. Қабилалари ўзи бошқа тарафда, бу ердан бир оз узокда эди.

Муборак йўлчилар етиб келишганида Умму Маъбад ёлғиз, эри йўқ эди.

— Салом сенга, эй Умму Маъбад!

— Салом сизларга, эй тоза юзли йўлчилар!

— Бизга сотадиган ниманг бор?

— Афсуски, ҳеч бир нарса қолмади. Илгаридаги қабилага қадар етиб олсаларингиз, ейишга улбул топасизлар.

Расулуллоҳнинг (с.а.в.) шу яқин ўртада ётган бир қўйга қараб турганларини қўриб, сўзига илова қилди:

— Оёғидаям туролмайдиган бир қўй... Юролмагани учун қолди бу ерда.

— Шуни соғишимизга изн берасанми?

Умму Маъбад лабини бурди:

— Валлохи, унинг жони бор, холос. Сут қаёқда. Аммо кўнгилларингиз синмасин, бир кўринглара.

Расулуллоҳ (с.а.в.) қўлларини қўйнинг сиртига қўйдилар. Дуо қилдилар. Қўй бирдан тетикланаверди. Идиш тўлгунча соғдилар.

— Ич, эй Умму Маъбад, — дедилар.

— Сен ич, эй нур юзли киши. Уни ичишга аввал сен лойиқсан.

Такрортакрор таклифлардан сўнг Умму Маъбад сутдан ичди. Сўнгра йўлчилар хам бир-бир ичдилар. Кейин яна соғиб, Абу Маъбад келса ичар, деган ниятда ўша ерда қолдирдилар. Хайрлашишаркан:

— Эй Умму Маъбад, бу қўйни сўйманглар, — деб тайинладилар.

* * *

Абу Маъбад қайтиб келгач, сутни кўриб ҳайрон бўлди. Чунки шунча сут берадиган соғин ҳайвонлари йўқ эди.

— Қаёқдан келди бу? — деб сўради хотинидан.

— Юзидан нур, қўлидан барака, дилидан раҳмат ёғилиб турган бир одам келди, анави қўйимизни соғди,— деб жавоб қилди Умму Маъбад.

— Кани, у одамни таърифлачи. Курайш ахтараётган одам шу бўлса керак.

Умму Маъбад Расулуллоҳни (с.а.в.) таърифлай бошлади:

— Нур каби порлок, гўзал ҳўйли, гўзал юзли бир одам экан. Корни катта эмас, боши кичик эмас, тоза юзли, қирмизига тортган кўзли, узунгина сочли. Овозида шиддат бор, кўзи сурмали, узун бўйинли, қалин соқолли, жим турганида викорли, сўзлашганида ҳикматли, гаплари тотли ва очиқ, беҳуда гап айтмайдиган, сувнинг оқиши каби майнин сўзлайдиган одам. Узокдан кўрилсаёқ инсонларнинг энг қийматлиси экани билинадиган, яқиндан боқилганида энг чиройлиси экани муҳаққақ бўлган бир зот. Узокдан кўрган айб тополмас, яқиндан кўрган бир кусур топмас. Икки шоҳ орасидаги бир шоҳ эди (уч киши эдилар). Лекин учаласининг ичидаги нур юзлиси, бўйи мўътадили бўлгани у. Биродарлари унинг атрофида парвона, сўзласа, тинглайдилар, амр этса, зудлик билан адо этадилар, хизматини қиладилар...

Абу Маъбад хотинининг сўзини кесди:

— Демак, эй Умму Маъбад, хойнаҳой бу киши Курайш ахтараётган одамнинг худди ўзгинаси. Дуч келсам, унга биродарлик таклиф қиласдим. Бутун кучим билан шунга интиlamан, — деди.

* * *

Умму Маъбад Расулуллоҳнинг (с.а.в.) тавсияларига кўра, у кучсиз, ҳолсиз қўйни сўймақдан воз кечди. Бундан бошқача қарорга келмасди ҳам. Чунки у зотнинг қўли тегиши билан жонланган, худди оёқларини боғлаб турган иплар бир-бир узилган эди.

Ўша кундан эътиборан бу қўй оиланинг барака манбаи бўлди. Энг каттиқ курғоқчилик паллаларида ҳам елинлари лимлим тўлиб, оиланинг сутга эҳтиёжини буткул қоплади. Расули муҳтарам (с.а.в.) уни соғган кунларидан бери йигирма саккиз йил бу оилага хизмат қиласди. Расулуллоҳдан (с.а.в.) бир ёдгорлик бўлиб қолди.

Умму Маъбад ҳар соғганида ҳижрат йўлчиларини хотирлар, ҳар дафъа: «Яхшиямки ақлим етиб, Расулуллоҳнинг тавсиясини тутганим», дея қўйнинг сағринини силаб қўяр эди.

* * *

Ясриб тарафдан бир чангтўзон кўтарилди. Ҳазрати Абу Бакр бундан ташвиш чекмади, чунки таҳлика у томондан келмасди.

Дарҳақиқат, у бир карvon эди. Карvon ахлидан бири шошиб келди. Зубайр ибн Аввом экан. Мамнунлик туйгуларила қучоқлашишди. Бундай бир сафар чоғи бунақа дўстлар билан кўришиш нақадар яхши ҳол!.. Ҳар икки тараф ҳам севинишди.

— Ясрибдаги мусулмонлар йўлга чиққанларингизни эшитишган, сабрсизлик билан

кутишяпти, — деди Зубайр.

Бу хабар Расулуллоҳни (с.а.в.) севинтириб юборди. Тез йўлга тушишни фойдали деб билдилар. Зубайр берган оқ либосларни кийиб, тез видолашиб, йўлга чикдилар.

* * *

«Ўлигини ё тиригини келтирганга юз туя...» дея катта мукофотнинг қўйилиши ҳижрат ҳодисасининг ҳар мажлису йиғинларда гапирилишига сабаб бўлган, ҳар ерда ҳар ким бу йўлчилардан баҳс этар, сўз қабиладан қабилага ўтиб, то Ясирига қадар етиб келган эди.

Ҳисоб-китоб қилинди, неча кунда Ясирига кириб келишлари тахмин этилди. Тонгнинг илк соатларидан эътиборан йўллар кўзланадиган бўлди. Каттакичик жуда қўп одам соатларча йўлга бокди. Туш иссиғи қизигунча нигоҳлар уфқларда кезди. Кўзлар толикди, аммо кутилаётганлардан дарак бўлмади.

Тушки истироҳатга чекилишди. Чунки бу иссиқда на йўл юриб, на уларни пойлаб бўлар эди. Эҳтимол аср саринлиги чўкса, келиб қоларлар, дейишли.

Оқшомга қадар жуда қўп инсонларнинг кўзи йўллар кезди, қотди.

Бу орада Султони Зишон (с.а.в.) жанобимиз «Омийм» деган жойга етиб келдилар. Шу ерда етмишга якин одамлари билан бирликда Бурайда ибн Ҳусайн Набиийи акрам (с.а.в.) жанобимизни учратди. Бир муддат сухбатлашдилар. Ҳазрати пайғамбаримиз унга Ислом динини англатдилар ва мусулмон бўлишга таклиф қилдилар.

Бурайда ҳамроҳлари билан бирга мусулмон бўлди.

Маккада йилларча давом этган муждалада қўлга киритилмаган буюк бир натижага бу ерда тезгина эришилган эди.

Хайвонларининг оз сут бераётганидан шикоят қилган эди, Расулуллоҳдан баракат дуосини олди. Оламлар Сарваридан Марям сурасининг баъзи оятларини ўрганди. Бошидаги матони найзанинг учига боғлаб, «Шаҳарга байроқсиз киришингиз уйғун бўлмайди», дея Жанобимизни кузатиб қолди.

ЯСРИБДА МУЖДА САСЛАРИ

Ясирибликларнинг ҳисоб-китоби аслида тўғри бўлган эди. Маккадан чиққан одам жиддий бир йўл босса, Ясирига фалон муддатда етиб келади, деган тахминида хато қилмаган эди. Фақат, улар эътиборга олмаган жиҳат — Жаноби пайғамбаримизнинг (с.а.в.) уч кун Савр тоғидаги ғорда туриб колишлари эди. Бундан, албатта, ясирибликларнинг хабари йўқ эди.

Иккинчи кун оқшомга қадар чўзилган кутишлар ҳам юзларга бир табассум келтирмади.

Учинчи кун эрта соатлардан бошлаб уйларнинг томларига чиқдилар. Хурмо дараҳтларига тармашдилар. «Оллоҳим, расулингни бизга соғсаломат қовуштири. Сен ҳар нарсага қодирсан...» дуолари Улуғ Мавлонинг даргоҳига юксалаверди.

Тушки иссиқ бошлангунга қадар илк мужда сасини баралла эълон этиш умидида сабрсизларча йўл қарадилар, қарадилар...

Дақиқалар, соатлар бир-бирини қуваларди. Яна кутилаётганлар кўринмади, яна эркин нафаслар олинмади. Кўзлар яна ҳорғин, кўнгиллар яна маҳзун ва андишали қолди.

Имомул анбиё валмурсалин жанобимиз эса, Зубайр ибн Аввомдан олган хабардан сўнг юришларини тезлаштирган, мўминларни бир он илгари фараҳлантириш, йўлини кутаётганларга бир он илгари қовушиш учун истироҳат муддатларини ҳам озайтирган эдилар.

Кун тиккага келиб, иссиқ забтига олганда одамлар қайлула уйқусини уриш учун томлардан тушди. Бу орада бир юмуш ила уйининг томига чиққан бир яхудий олисда келаётган оппоқ либосли йўлчиларни кўриб қолди.

— Мужда, эй Ясириб ҳалқи, кутган одамларингиз келаётир!.. — деб қичқирди. Овозининг борича қичқираверди.

Бирдан ҳамма қалқди. Эркагу хотин, болаю бақра яна томларга, дараҳтларга чиқди. Оқ либосга бурканган уч йўлчи тобора яқинлашишар эди.

Шаҳарга жон кирди.

— Оллоҳнинг расули келаётир!..

— Буюк Пайғамбар келяпти!.. — дея болалар ҳам қичқирақичкира, нашъа ичидан ирғишлийирғишилай, катталарнинг севинчига шерик бўлишар эди.

Яхудийлар Расулуллоҳга (с.а.в.) бирор зарар етказмасин тағин, деган андиша йилдирим тезлигига зеҳнларни қоплади. Зудлик билан қиличларини тутиб, жаноби пайғамбаримизни қаршилаш учун шошилдилар.

Бу сирада Сарвари Олам (с.а.в.) ҳам иссиқнинг ва чарчоқнинг таъсирила бир хурмо дараҳтининг соясида тин олишга тўхтаган эдилар.

Беш юзга яқин одам «Оллоҳу акбар!.. Отлоҳу акбар!..» дея Расулуллоҳга пешвоз чиқди.

Бир муддат сояда ҳордиқ чиқарган пайғамбаримиз Қубо қишлоғига келдилар ва Кулсум ибн Ҳидмнинг уйига меҳмон бўлдилар. Ҳазрати Абу Бакр Ҳудайб ибн Исоф хонадонига қўноқ бўлди.

Ўша кечада Қубо ҳалқи қишлоқларига тонгга қадар нур ёғилиб турганини кўргандай бўлди. Ҳеч бўлмаганда, Кулсум ибн Ҳидмнинг уйи ҳақиқий бир жаннат боғчасига айланган эди.

Маккада қолган инсонларнинг душманлик гүйғулари каби, энди қовушганлари ясирибликларнинг севгилари ҳам ўлчовга сифадиган даражада эмасди.

* * *

Энг оғир шароитлар остида юритилган диний таблиғ вазифаси энг сўнг чора қолмагунча ҳам тўхтатилмаган, жиддий шаклда ҳаётларига суиқасд тайёрлангани маълум бўлганидан сўнггина, бу вазифани ташқаридан туриб давом эттириш ниятида хижрат қилинган эди.

Ясириб мўминларининг, сизни ҳар қандай шароитда ҳам ўзимизни ва оила аъзоларимизни кўриқлагандай қўриқлаймиз, дея сўз берганларига қарамай, Расули акрам (с.а.в.) аввал барча мусулмонларни кузатиб бўлгачгина хижрат қилишлари ботаётган кемани энг охирда тарк этадиган Улуғ Дарға эканларидан эди. «Мен кетяпман, сизлар орқамдан борарсизлар», тарзида иш тутиш у Зоти Шарифнинг (с.а.в.) хаёлларига ҳам келмасди!..

Бу хижрат асносида истасалар эди, Жаброили амин у кишига йўлбошли бўлиши мумкин эди. Малаклар ҳеч заҳмат етказмай хоҳлаган ерларига элтиб қўйишарди. Шундай бир истак бўлганида, Улуғ Мавло Ҳабиби адабининг дуосини қайтармас, орзуини бажо келтирас эди.

Аммо бу зот ҳар турли машакқатларни бўйинга олиб, шундай таҳликали йўлчиликни танлаган, мушрик бўлишига қарамай, Абдуллоҳ ибн Урайқитни ўзларига йўлбошловчи килиб олган эдилар. Бу тутимларининг сабаби — ҳар турли ғовларни матонат илиа енгиб ўтишни ва қийинчиликларга чидашни максад қилиб олганларидан, ҳар ишни ўша ишнинг билағонига топшириш йўлини зеҳнларга жо этиш ғоясини кўзлашларидан эди.

Ишни билағонига қилдирилиши лозимлигини Ҳазрати Пайғамбаримиз бу ҳаракатлари билан англатмасалар, яна қандай англатишлари мумкин эди?!

* * *

Абдуллоҳ ибн Урайқит зиммасига юкланган вазифани тўлатўкис адо этди. Сўзида турган, дарҳақиқат, тақдирга лойиқ тарзда йўлбошловчилик қилган бу одамга ташаккур билдириб, ҳақини зиёда қилиш ҳам фойдадан холи эмасди.

Чунончи, уни мамнун этиб, кутганидан ҳам зиёда ҳақ тўладилар.

Суроқа ҳам Расулуллоҳга (с.а.в.) берган ваъдасида турди. Маккага қайтар экан, ҳамон ҳар томонда зўр бериб хижратчиларни қидириб юришганини кўрди.

— Йўл бўлсин? — деб сўрайди.

— Мухаммад билан унинг ҳамроҳларини топишга, — деб жавоб қилишади.

— Қойилман сизга. У бу ердан ўтадию, юзта туяни била туриб мен ўзимни кўрмаганга

оламанми? Суроқа ҳали ақлдан озгани йўқ. Қайтинглар, бошқа ёқдан ахтаринглар, яна қўлдан чиқазиб ўтирганглар. Аммо шуни яхши билингларки, у бу томонларга келгудай бўлса, юзта туженини бўлади!

Мушриклар қайтиб кетадилар. Улар бошқаларни қайтарадилар.

Суроқа чиндан ҳам бу йўлни беркитган, юзта туженини кетмакет келаётган гурухларни қайтариш усулини топган эди.

Расулуллоҳ (с.а.в.) Қубога етиб боргаилари ҳақидаги хабарни эшитгачина, кўнгли хотиржам бўлди.

Суҳайб кўпдан бери Расулуллоҳ (с.а.в.) билан биргаликда ҳижрат қилиш орзуида эди. Бироқ Буюқ Оллоҳ суюкли пайғамбаршшнг фақат Ҳазрати Абу Бакр билан ҳижрат қилиншни маъкул кўрди. Шу боис унинг бу орзуи ушалмай қолди. Расулуллоҳ (с.а.в.) ҳатто оила аъзоларини ҳам ўzlари билан бирга олиб кетмаган эдилар.

Расулуллоҳ (с.а.в.) кетганларини эшитган заҳоти у ҳам сафарга тайёргарлик қўра бошлади. Энди уни Маккага боғлаб турадиган ҳеч нарса қолмаган эди. Ўқёйини, керакли миқдорда озиқовқатини олиб, вақтни ўтказмай йўлга тушди.

Бироқ орқасидан эшитилган дағдағали овоз уни бир оз чўчитди:

— Йўл бўлсин, эй Суҳайб!?

— Сизлардан қутулмоқчиман... Парвардигоримга эркин тоатибодат қилиш мумкин бўлган бир жойга кетаётирман.

— Бу хунаринг ўтмайди, сени қўйиб юбормаймиз. Бу ерга қўлинг бўш келиб, сўнгра бойигинда, туз еган тузлуғишта туиуриб кет эканда.

— Мен бу ердан бутунлай кетмоқчиман.

— Биз эса сени ҳеч қаёққа жўнатмаймиз.

— Сизлар менга яқинлашгунингизгача бир нечтангизни ер тишлатиб улгураман. Ўқ отишка мерган эканимни яхши биласизлар. Билмаганлар синаб кўрсин. Шундан кейин қиличимни оламанда, бир томчи қоним қолгунча курашаман. Истасангиз, марҳамат, келинг. Аммо инсоф қилсангиз, бошқа таклифим ҳам бор.

— Қанақа таклиф экан у?

— Шу кунгача йиқкан мол-мулкимни бераман. Эвазига мени ўз ҳолимга қўясим.

— Сўзларинг жиддийми, эй Суҳайб?

— Менку жиддий айтяпман, лекин сизлар ҳам жиддият билан сўз беришингиз лозим.

— Гапимиз гап. Таклифишта розимиз. Орқага қайтиб, Суҳайбнинг уйига келишди.

— Шу ерни қазинглар.

Дарҳол қазий бошлашди. Кўп ўтмай юзларда мамнунлик ифодаси пайдо бўлди.

— Мана, уйимдаги бор давлатим шу. Бундан ташқари, менинг номимдан фалон хотиннинг олдига борсангиз, икки халта омонатим бор, сизларга беради. Бошқа гапингиз йўқми?

— Биргина гапимиз қолди: истаган жойингта омонэсон етиб ол, эй Суҳайб. Худо ҳаққи, сен сўзингнинг устидан чиқдинг, биз ҳам ваъдамизга хиёнат қилмоқчи эмасмиз.

Суҳайб Маккани тарқ этди. Дарҳақиқат, ҳеч ким уни безовта қилмади.

Расулуллоҳ (с.а.в.) кетганларидан бир неча кун ўтгач, одамлар Али ибн Абу Толибни «Абтоҳ» деб аталувчи жойда, тепалиқда кўрдилар.

— Ким амакиваччамга омонат қўйган бўлса, келиб мендан олсин, — дерди у.

Эгалари келиб омонатларини олдилар. Расулуллоҳнинг топшириқларини бажариб бўлгач, Али ҳам «Қайдасан, Ясириб» дея дарҳол йўлга тушди. Кечалари юриб, кундузлари яширинар эди.

Расулуллоҳ (с.а.в.) дастлаб Кулсум ибн Хаддмдан хурмо ёядиган жойни ҳадя этишини сўрадилар. Намозгоҳ қилмоқчи эдилар. Кулсум бу таклифдан боши осмонга етди. Нуроний юзли пайғамбаримиз ўша ерда намоз ўқий бошладилар. Мўминлар билан сўққабош Саъд ибн Ҳайсаманинг уйида учрашардилар.

Кубо қишлоғида масжид қуришга бел боғладилар.

— Менга Хоррадан тош олиб келинглар, — деб бу юрдилар. Мўминлар дарҳол ишга киришишди. Бир зумда тошлар уюлиб кетди. Шу аснода пайғамбарлар султони Мұхаммад Расулуллоҳ (с.а.в.) масжиднинг қибла деворини шахсан ўзлари чиздилар, сўнгра қўлларига бир тошни олиб, ушбу деворнинг пойдеворига қўйдилар.

Хали ҳам шу қишлоқда меҳмон эдилар. Лекин илк иш ўлароқ бир ибодатхона қуришни лозим топдилар. Масжид пойдевори инсоният эришиши мумкин бўлган энг устивор имон ишқи туйғулари билан қўйилди. Бу масжиднинг қурилишини режалаштирган ва унинг тамал тошини қўйган инсон эса, пайғамбарлар имоми, улуғ Расулуллоҳ (с.а.в.) эдилар.

Пайғамбаримиз ёри ғор биродаларига ўгирилдилар:

— Сиз ҳам бир тош қўйинг, ё Абу Бақр.

Ҳазрати Абу Бақр бажонудил рози бўлдилар.

Тош келтириб, жаноби пайғамбаримиз (с.а.в.) қўйган тошларининг ёнига қўйдилар.

— Сиз ҳам бир тош қўйинг, ё Умар.

Ҳазрати Умар ҳам бир тошни олиб Ҳазрати Абу Бақр тошининг ёнига қўйди.

— Ё Усмон, бир тош қўйинг.

У ҳам қўйди.

Шундан кейин Расулуллоҳ (с.а.в.):

— Ҳамма тошини қўйсин, — деб буюрдилар.

Шу йўсинда масжиднинг деворлари Оллоҳ розилигидан бошқа ҳеч нарсани умид қилмаган камсуқум инсонлар томонидан қад кўтара бошлади.

Бир неча кун ичидәёқ Кубо масжида қуриб битказилди. Улуғ ҳидоят йўлининг бекиёс йўлбошчиси энди намозларини шу ерда ўқий бошладилар.

— Хушхабар, ё Расулуллоҳ, Али келди! Пайғамбаримиз фидокор Алини қўзёшлари билан кутиб олдилар, қаттиқ қучоқлаб, бағриларига босдилар.

Алининг роса чарчагани шундоққина қўриниб турарди. Аммо у ҳам оғир машаққатлар энди орқада қолганини ҳис этган, Оллоҳнинг нафакат инсоният, балки бутун коинотга раҳмат килиб жўнатган Расули Зишони билан дийдор қўришгач, чарчоғини ҳам унуган эди. Ҳолбуки, неча кунлар яёв юриб босиб ўтилган йўллар уни роса ҳолдан тойдирган, оёқлари қавариб, ёрилиб кетган эди.

Алининг ёрилиб кетган оёқларини қўриб Жаноби Пайғамбаримиз шафқат ва марҳамат дарёси бўлган қалбларидан отилиб чиққан қўзёшларини тўхтата олмадилар. Муборак қўллари билан Алининг оёқларини силадилар. Али бу қўлларнинг тафтидан енгил тортиб, бир зумда оғриқ ҳам босилди.

Расулуллоҳ (с.а.в.) чиқиб кетганларидан кейин Маккада содир бўлган воқеаларни бирмабир сўзлаб берди. Омонатларни эгаларига топширганини билдириди. Сўнгра эндини мусулмонликни қабул этган бир бева аёлнинг меҳмони бўлди.

Шу аснода Суҳайб ибн Синъон ҳам етиб келди. Расулуллоҳ (с.а.в.) билан дийдор қўришди.

Пайғамбаримиз уни:

— Жуда тўғри иш тутдинг, баракали олдисотди қилдинг, эй Суҳайб! — дея тақдирладилар.

Суҳайб бу гапдан ҳам ҳайрон, ҳам хурсанд бўлиб кетди.

— Ё Расулуллоҳ. Маккадан чиққанимдан буён ҳеч ким мендан олдинга ўтиб кетмади. Хойнаҳой бу хабарни сизга Жаброили амин етказган бўлса керак, — деди...

Қисқа вақт ичида қуриб битказилган масжиднинг илк имоми Расулуллоҳнинг (с.а.в.)

шахсан ўзлари бўлдилар. Бу масжид дунё тургунча туражак, мўминларнинг қалбида алоҳида, муборак, муқаддас ўрин тутажак эди.

Неча йиллардан буён Ясириб шахрида бир яхудийнинг қули сифатида хизмат қилиб келаётган Салмон бир куни дараҳт устида хурмо териш билан банд эди. Хўжайини дараҳтнинг тагида турарди. Шу аснода хўжайинининг бир қариндоши келди. Мезбон унга жой кўрсатди.

—Хафаҳол кўринасан, — деди.

—Тўғри топдинг.

—Нима бўлди?

— Маккада пайғамбарлик даъвоси билан чиққан одам Қубога келганмиш. Ҳозир Авс қабиласи ҳам, Ҳазраж қабиласи ҳам унинг атрофида парвона.

Салмон бу сўзларни эшитар экан, ҳаяжондан қулоқларигача қизариб кетди. Дараҳтдан сакраб пастга тушди, келган одамнинг ёқасига ёпишди.

— Нима дединг, нима дединг? Худо ҳаққи, гапларингни яна бир қайтаргин!

Шу заҳоти Салмоннинг орқасига қамчи тушди.

— Сенинг нима ишинг бор? Тур, йўқол бу ердан!.. Салмон ўзини тутиб олди ва орқага чекинди. Оқшом тушгунга қадар ўтган соатлар йиллардай чўзилиб кетганга ўхшарди. Нихоят ишини тугатиб ижозат олгач, бир оз хурмо олиб Қубога йўл олди.

Расулуллоҳни (с.а.в.) топди, келтирган хурмоларини олдиларига қўйди.

— Анчамунча садақа беришим керак эди аслида. Оз бўлса ҳам, кўпдай кўринг, — деди.

— Мен садақа олмайман, — деб жавоб қилдилар Расулуллоҳ (с.а.в.) ва Салмон келтирган хурмоларни дўстларига тарқатиб бердилар.

Бир муддатдан кейин Салмон изн сўраб ташқарига чиқар экан, «бу биринчи», дея минғирлаб қўйди ўзича. Қоронғу кечада Ясирибга йўл олар экан, «яна иккитаси қолди», дер эди ўзига ўзи.

ЯСРИБГА ҲАРАКАТ. ИЛК ЖУМА НАМОЗИ

Ривоят қилинишича, Расулуллоҳ (с.а.в.) Савр тоғидаги ғордан чиққанларида рabiул аввал ойининг душанба куни бўлган. Қубога ўн икки кун деганда, яъни, ўн бешинчи рabiул аввал куни етиб келганлар. У кун жума куни эди. Қубода ўн тўрт кун дам олгач, айни йигирматўққизинчи рabiул аввалга тўғри келган жума куни яна отланиб, Ясириб сари йўлга чиққанлар.

Орада тўрт чақиримча масофа бор эди. Атрофларида Маккадан кўчиб келган муҳожирлар ва Ясирибда уларни қучоқ очиб кутиб олган ансорлар. Пайғамбаримиз ҳижрат сафарига чиқиш олдидан сотиб олган Қасва исмли туяларига минган эдилар. Орқа ўркачига Ҳазрати Абу Бакрни мингаштириб олдилар.

Салим ибн Авф оиласи маскан тутган «Рауна» деб аталувчи жойга етиб келганларида вақт қоқ туш эди. Туяларини тўхтатиб, пастга тушдилар. Ҳамма пешин намозини ўқишга тайёргарлик кўра бошлади. Ҳолбуки, Пайғамбаримиз (с.а.в.) Ислом динида ҳафтада бир марта адо этиладиган жума намозини ўқимоқчи эдилар.

Дастлаб суннат намози ўқилди. Пайғамбаримиз оёққа қалқдилар. Диққат билан тикилиб турган саҳобаларига қаратса илк жума хитобини қилдилар:

— Эй инсонлар, сизларни нажотга элтадиган амалларни бажаришда хушёр бўлинг. Шу нарсани яхши билингки, барчаларингиз вақтисоати келиб фоний дунёдан кўз юмасиз, сурувингизни чўпонсиз қолдирасиз. Сўнграқиёмат куни Раббимиз сизларга пардасиз, таржимонсиз шундай дейди: «Менинг расулим сенга келиб динимни етказмадими? Мен сенга мол-дунё бериб эҳсон қилмадимми? Ўзинг учун нималар қилдинг?» Шунда бандаси бечора ёнатрофга аланглайди. Қарайдики, ҳеч ким йўқ. Олдига қараса, жаҳаннамдан ўзга ҳеч нарса

кўринмайди. Шундай экан, кучингиз етганича, бир хурмонинг ярмини биродарингизга бўлишиб бериш орқали бўлса ҳам, ўзингизни дўзах ўтидан қутқаришга ҳаракат қилинг. Чунки у ерда яхши амаллар эвазига унинг ўн мислидан етти юз мислигача ажр берилади. Ассалому алайкум ва роҳматуллоҳи ва барокатух...

Сўзларини тугатиб, Муҳаммад Расулуллоҳ (с.а.в.) ўтирилар. Қисқа муддат дам олгач, яна ўринларидан турдилар ва қуидаги тарзда гапира бошлидилар:

— Ҳамду сано Оллоҳгадир. Унга ҳамду санолар айтаман. Ундан ёрдам сўрайман. Нафс балосидан, гуноҳлардан қочиб Оллоҳга сифинамиз. Оллоҳ бандасини ҳидоятга эриштиrsa, ҳеч ким уни йўлдан оздира олмайди. Жаҳолат ботқоғига чўқтирганини эса, ҳеч ким қутқара олмайди. Мен гувоҳлик бераманки, Оллоҳдан ўзга ҳеч бир илоҳ, маъбуд йўқдир. Ёлғиздир, шериги йўқдир. Энг гўзал калом Оллоҳ таолонинг муқаддас китобидир. Оллоҳ кимнинг юрагини ушбу китоби билан зийнатлантириша, куфрдан қутқариб Ислом динига киргизса ва у Оллоҳнинг китобини бандаларининг сўзларидан устун қўйса, саломатга, саодатга эришибди демакдир. Чунки у сўзларнинг энг гўзали, энг таъсирчанидир... Оллоҳ севган нарсани севинг. Оллоҳ таолони чин юракдан, бутун борлиғингиз билан севинг. Оллоҳнинг каломидан, уни зикр этишдан зерикманг. Қалбингиз нафсингизга асир тушмасин. Чунки Қуръон Оллоҳнинг яратган нарсаларидан танлангани ва сараланганини ифода этади. Оллоҳ таоло китобида амалларнинг энг хайрлиси, итоатнинг энг қадрлиси, сўзларнинг энг таъсирчанини баён этиб, инсонларга етган турлитуман ризқларнинг ҳаром ва ҳалоли унда белгилангандир. Шундай экан, Оллоҳга тоатибодатларингизни давом эттиринг, унга ҳеч нарсани шерик қилманг, уни жондилингиз билан севинг. Тилларингиз сўзлаган чиройли сўзларингизни амалда тасдиқлаб, Оллоҳга садоқат кўрсатинг. Юрагингизни Оллоҳнинг розилигига уйғун севги туйғуси билан тўлғазинг. Ҳеч шубҳа қилмангки, Оллоҳ таоло амрининг бузилишидан ғазабга келади. Салом бўлсин сизларга, эй дўстларим.

Сўнгра Расулуллоҳ (с.а.в.) имомлик қилдилар, икки ракат намоз ўқидилар. Кеча намозларидагидай, баланд овозда ўқидилар.

Шу зайл илк жума намози ўқилди. Ислом дини вужудга келганидан буён ўтган йиллар ичида илк бор улкан бир жамоат, ҳеч бир хавфхатарсиз, ташвишсиз намоз ўқиди.

Намоз ўқиб бўлингач, Улуғ Йўловчи яна туюга миндилар. Ёриғорларини яна орқага мингаштирилар. Иккала томонлари мўминлар билан қуршалган ҳолда Ясириб сари йўл олдилар.

Пайғамбаримиз Қасванинг жиловини қўйиб юборган эдилар.

Йўллар, уйларнинг томлари одамларга тўлиб кетган. Эркагу аёл, каттаю кичик, болабакра — ҳамма хурсанд.

Болалар:

— Расулуллоҳ келдилар!.. Оллоҳнинг пайғамбари келяптилар!.. — деб тинмай бақириб-чақирап эдилар.

Ёш қизлар: «Толаъ албадру ъалайна мин саниятил вадоъ...» деб бошланадиган байтларини қўшиқ қилиб куйладилар:

Вадоъ тепаликлари узра (ўн тўрт кунлик) ой кўринди.

Оллоҳга даъват этувчи пайдо бўлгач,

бизга ҳам шукр қилиши вазифаси тушиди.

Эй Оллоҳнинг расули, сен бизнинг орамизга юксак

бир дин билан келдинг,

Келдингу бизларга шараф бердинг...

— Эй Оллоҳнинг расули, уйимизга марҳамат қилинг!.. Сизга хизмат қилишни шараф деб билгувчи бир оиласининг меҳмони бўлмайсизми?..

Ўта самимийлик билан қилинган бу таклифга Расулуллоҳ (с.а.в.) қандай жавоб бера олардилар?..

Ҳар бирининг кўнгли самимият ва севгига тўлиқ инсонларни қандай рад этадилар? Қандай қилиб уларга: «Йўқ, сизларнига киришни истамайман», дея олардилар? Бинобарин уларнинг кўнгилларини ранжитмаслик учун туяларининг жиловини қўйиб юбордилар. Қаерга қўниш масаласини хал қилишни илоҳий даргоҳ ихтиёрига топширдилар.

Йўл ўртасида туриб, туяning жиловига осилиб:

— Ё Расулуллоҳ, мана бизнинг уйимиз, ичкарига марҳамат қилинг, бизни бу шарафдан маҳрум этманг!.. — дея ёшли кўзлар билан ёлворган инсонларнинг дилларини оғритиб бўлармиди?

Ҳар гал уларга: «Туяни ўз ҳолига қўйинглар. У ўзига буюрилганини бажаради...» деб жавоб берардилар.

Туя жимгина йўлида давом этар, чапга, ўнгга қарайқарай илгарилар эди.

Ниҳоят Нажжор ўғилларининг уйларига яқинлашишди. Туя кейинчалик Набийий акрам масжид қурдирган, бугун қад ростлаб турган очик жойга етганида чўқди.

Расулуллоҳ (с.а.в.) туядан тушмадилар. Туя турди, бир оз олдинга юриб яна орқага қайтди ва ҳалиги жойга чўқди. Бўйини чўзиб, бўкира бошлади. Шундагина:

— Иншаоллоҳ, манзилимиз шу жайдир, — дея туядан тушдилар пайғамбаримиз (с.а.в.).

Атрофларида амрларини кутиб турган одамларга ўгирилдилар:

— Бу ерга энг яқин уй кимники? — деб сўрадилар.

Абу Айуб Холид ибн Зайд отилиб чиқди:

— Менинг уйим, ё Расулуллоҳ, мана, шундоққина олдимизда.

Шундан кейин хотини билан биргалиқда туяning устидаги юкни, эгаржабдуқни туширдилар ва азиз меҳмонларни уйларига бошлаб кирдилар.

Султони анбиё пайғамбаримиз Бани Нажжор қизларининг «Биз Бани Нажжор қизларимиз. Муҳаммад бизга қўшни бўлганидан баҳтиёрмиз», дея ўқиган шеърларини тинглаб, Абу Айубнинг уйига кирдилар.

Абу Айуб Оллоҳнинг расулини меҳмон қилиш шарафига мұяссар бўлганидан фоят хурсанд эди. У ҳам бошқа мусулмонлар каби ушбу шараф тожи унинг бошига кийгизилишини орзу этган эди. Қубо қишлоғидан шу ергача жилови қўйиб юборилган ҳолда оғироғир қадам босиб келган түя ҳар бир уй олдидан ўтар экан, ҳаяжони кучайган, ниҳоят унинг уйи олдидан ўтаётганида:

— Оллоҳим, энди тўхтат бу туяни!.. — дейишдан ўзини тия олмаган эди.

Аммо бу воқеликдан нафақат Абу Айуб ва Умму Айуб, балки бутун Нажжор ўғиллари, бутун мадиналик мусулмонлар хурсанд бўлдилар.

Расулуллоҳ (с.а.в.) ҳар уйга бирданига меҳмон бўлолмасдилар, албатта. Шу боис бу масалани ҳал этишни Буюқ Оллоҳга ҳавола қилган эдилар. Ҳар нарсага қодир бўлган Оллоҳга ишонишдан ўзга баҳт бормиди мўминлар учун!

Кўчаларда хамон «Расулуллоҳ келдилар!.. Оллоҳнинг улуғ пайғамбари шаҳримизга файз киритди!..» деган овозлар эшитилиб турарди.

ҲИЖРАТ ЮРТИДА ЗАФАРЛАР

*Атрофни ўраб олган хушбўй ваҳий қучоги,
Малаклар ила бирга Жаброил келган чоги,
Таъсис бўлди у ерда буюк ирфон ўчоги,
Бир ёнда шонли Бадр, бир ёнда Уҳуд тоги,
Қароргоҳи Набийдир Мадинанинг тупроги.
Кўнгил у ерда топур шифони ҳар дардига,
У ердан йўл топилур Раббимнинг жсаннатига.*

*Минг салом, минг таҳийя у шаҳарнинг аҳлига.
Хоҳланг «Яслиб» дейсизми, хоҳланг, гўзал «Мадина»,
Танлагандир юртп дея Ҳабиби адабига.
Нур гулидир саҳроси, нурдир яшил қуббаси,
Малакларга ўрнакдир ҳам Ҳазраж, ҳамда Авси.
Абу Бакри, Умари, Зайнаби ва Ойишаси...
Бир ўлкаки, масжиди — гўзал жсаннати багчаси.
Ўша ердан юксалди жаҳонга аzon саси.*

* * *

Мадинанинг Бани Нажжор маҳалласидаги болохонали муборак уй...

Унинг бошқа уйлардан фарқли бир аҳамият қозониши мумкинлиги шу кунгача ҳеч кимнинг тушига ҳам кирмаган эди. Ҳатто хонадон соҳиби Абу Айуб Холид ибн Зайднинг ўзи ҳам неча соатлар аввал бу уйда фаришталар Набийлар Султони пайғамбаримизни (с.а.в.) кутиб олиш шодиёнасига тайёргарлик қўрганларини хаёлига келтирмаган. Бу хонадонда Оллоҳнинг энг охирги ва энг буюк пайғамбари меҳмон бўлади. Унинг бу ерда тўхташини, бу ерда қўним топишини, бир қараганда, уй соҳиби Абу Айуб истади, аммо хақиқатда буюк Оллоҳ тақдир этган эди...

* Эскидан «Яслиб» деб аталиб келган бу шахар Ҳазрати Расулуллоҳга (с.а.в.) иккинчи ватан бўларкан, ўша кунлардан бери «Пайғамбар шахри» маъносида «Мадинатун Набавийя» кискача «Мадина» деб атала бошланди. (Мухаррир изохи.)

Бошини кўтарган ҳолда бир ўнгга, бир чапга буриб илгарилаётган тужа бу хонадоннинг остонасига ўз хоҳиши билан чўкмаган эди. Зеро, Набийлар сарвари бу тужа хусусида: «Унга тегманглар, у маълум бир вазифага маъмурдир», деб таърифлаганлар. Бинобарин, белгиланган жойдан бир қадам ҳам у еқбу ёққа ўтиб кетиши имконсиз эди. Бутун дунё бирлашса ҳам, уни шу чўккан жойидан бошқа бир ерга чўқтиrolmasdi.

Бошига баҳт қуши қўнганини кўриб, кўзлари севинч ёшларига тўлган Абу Айуб тушда ҳам кўрилмайдиган бир толенинг ўзига насиб этганини ниҳоят ҳис эта бошлади. Пайғамбаримизга:

— Эй Расулуллоҳ, сиз лутфан юқорига чиқинг, мен аёлим билан пастда турақоламиз, — деди.

— Эй Абу Айуб, бизга ва бизни кўргани келганларга қулайроқ ер пастки қаватдир...

Эътиrozга ўрин қолмади. Эру хотин шу кечада Расулуллоҳ (с.а.в.) жойлашган хонанинг устида қандай ётиб ухлашларини тасаввур этдилар. Хонанинг бир бурчагига қисилиб ётишдан бошқа чора йўқ эди. Аммо иш шу билан битмади. Обдаста ағдарилди. Дарҳол ёпинчиқ кўрпаларини сув устига ташладилар. Пастга чакка ўтиш хавфи такапукаларини чиқараёзган эди. Ҳеч кимга насиб бўлмаган саодат бу кечада уларга насиб этган, энди қўлдан келганча хурмат ва икром кўрсатиш лозим бўлган бир пайтда, тепаларидан чакка ўтказиб юборилса... Ахир, Набийлар сарвари ўша заҳоти уйқуга толган бўлсаларда, йўл чарчоғи ҳали кетмаган эди.

Уйда ёпинадиган бошқа ҳеч нарса йўқ эди.

Абу Айуб билан хотини шу кечада неча бор уйғонди. Ҳар уйғонганида «Расулуллоҳ (с.а.в.) пастимида ётибдилар, биз бўлсак, у кишининг устларида бемалол дам олиб ётибмиз», деган хижолатли туйғу ҳеч тинчлик бермасди.

Тонг отгач, Расулуллоҳга (с.а.в.) яна юқорига чиқишини таклиф этишди. Расули акрам (с.а.в.) яна айни жавобни бердилар. Бу кез Абу Айуб одоб, имон ва виждан азобидан сизиб чиқкан бир ифода билан:

— Сиз пастда қоларкансиз, биз юқорига чиқа олмаймиз, эй Расулуллоҳ — деди. Бу самимий ифодалар ўринлар алмашиши учун гўзал бир восита бўлди.

Нонушта қилинди. Күёш бир микдор кўтарилилди. Бани Нажжор оиласидан ёшёш қизлар

даф (чилдирма) чалиб, бир овоздан:

«Нажжор қизларимиз биз, не баҳт, не саодат! Қўшни бўлдилар бизга пайшмбар Муҳаммад (с.а.в.)», байтини ўқий бошлиашди. Набийий акрам (с.а.в.) ташқарига чиқдилар, кулимсираган ҳолда:

— Сизлар мени яхши кўрасизларми? — дея сўрадилар.

— Ҳа, эй Оллоҳнинг расули, яхши кўрамиз, — деган жавоблар янгради.

— Оллоҳга қасам, мен ҳам сизларни яхши кўраман. Валлоҳи, сизларни севаман. Оллоҳ шоҳид, кўнглим сизлар биландир, — дедилар Сарвари Олам (с.а.в.) тўлқинланиб.

Расулуллоҳ (с.а.в.) зиёратга келганлар билан кўришдилар. Мадинани айлангани кўчага чиқдилар. Ўрин бўлди дегунча дўстларига Ислом динининг аҳкомидан оғиз очардилар.

Бу орада яхудий олимларининг катталаридан Абдуллоҳ ибн Салом ҳам Расулуллоҳнинг сұхбатларини эшитиб қолди.

— Эй инсонлар, ораларингизда саломни ва саломлашишни йўлга қўйинг. Мехмонларингизга икром кўрсатинг. Қариндош-уруғингизга ҳурмат билан муомала қилинг. Ҳамма уйқуга кетса, сиз Оллоҳга ибодат қилинг, саломатлик или жаннатга киргайсиз! — дер эдилар у зот.

Сўзи гўзал, дилбар, нутки виқорли бир шахсият эдилар. Абдуллоҳ у ердан кетар экан, ичида типирчилаган бир туйғу тилга кирди: «Бу чеҳранинг эгаси ёлғончи бўлолмайди».

Ўша кечакида Хўйай ва Абу Ясир исмли икки яхудий акаука, уйларига сўлғин бир ҳолда қайтишди. Бошлари эгик, қўллари толғин, ияклари осилиб кетган. Гўё даҳшатли бир нарса рўй бергандек ё бирор нохуш хабар олгандек ёки ҳақоратлангандек.

Хўйайнинг қизи Сафийя ҳар оқшом отасини йўлдаёқ қаршилар, қучогига отилар эди. Бу оқшом ҳам узоқдан кўрибоқ чопқиллаб келди, аммо отаси гўё ҳеч нарса кўрмагандай ёнидан ўтиб кетди.

Ичкини киришди. Сассизсадосиз ўтиришди. Вақт хийла ўтди, лекин кўзларидаги сўлғинлик ўзгармади. Ниҳоят, Абу Ясир тилга кирди. Бошини кўтармасдан, ердан кўзини узмай, сўз бошлади:

— Сенингча, ўша одам ҳақиқатан шумикан? Хўйай ғамгин, кин аралаш оҳангда жавоб қилди:

— Асло шубҳам йўқ, мутлақо ўша...

— Яъни, уни танидинга, аминмисан шунга?

— Ҳа.

— Хўш, энди нима қилиш керак деб ўйлайсан? Бирор фикринг борми?..

— Душманлик ва кин, — деди Хўйай. — То ўлгунимча, ўлигим билан мозорга киргунимча кин ва душманлик қиласан...

Шу ерда гапи узилди.

Сафийя ҳам бу гапларни эшитди, лекин ҳеч нарса англамади. Ўлгунича душманлик қилинадиган одам ким эди? Унинг гуноҳи не? Отасига, амакисига ёки оила аъзоларига нима ёмонлик қиласан?

«Ким бу одам, отажон? Бизга нима ёмонлик қиласан?» — Сафийянинг кўзларida шу саволлар ёзилган эди. Бу кўзлар бир оз сўнгра амакисига ҳам тикилди, аммо жавоб топмади. Отасидан, амакисидан садо чиқмади. Қани қовоқлари очилса. Аксинча, тишлари ғичирлар, ҳамон ҳузурсиз бир ҳолатда эдилар. Сафийя бу вазиятда бирон жавоб олиш имкони йўқлигини англади.

Орадан кунлар ўтди. Сафийя уйларига келган бир неча яхудий билан отасининг сұхбатларини эшишиб қолди. Тушунишича, шаҳарларига бир пайғамбар келган. Маккада уни сиғдирмаганлари учун Авс ва Ҳазраж қабилалари уни бу ёққа таклиф қилишибиди. Ҳозир Бани Нажжор маҳалласига ўрнашган эмиш.

Мехмонлардан бири:

— Кўпдан бери кутаётганимиз пайғамбар шу эмас ми? — деди.

Хуйай юраги сиқилган ҳолда:

— Ҳа, ўша, — деди.

— Нимага унда жим турибмиз? Нега дарҳол имон келтирмаяпмиз? Қачондан бери арабларни у билан қўрқитаётган эдикку!..

Хуйай унга «санқовлик килма» дегандай маънода:

— Бу одам Ҳорун пайғамбарнинг наслидан эмас, яъни, сен ўйлаётган яхудийлардан эмас. Биз эса, ўз наслимиздан, динимиздан бўлмаган пайғамбарнинг кетидан эргашмаймиз! — деди.

Шивиршивир шу тариқа давом этди.

Асьад ибн Зурора келганини хабар қилишган эди, Набийи акрам (с.а.в.) уни эшикда кутиб олдилар:

— Марҳамат, эй Асьад, ичкари кир!

Асьад бир садр келтирган экан, шунга ишора қилиб:

— Буни сиз учун ясаттирдим, эй Оллоҳнинг расули, устида ётиб, истироҳат этарсиз, девдим, — деди.

Расулуллоҳнинг (с.а.в.) чеҳраларига қувонч аломатлари инди. Ҳадя Расулуллоҳни севинтирганини кўриб, Асьаднинг кўзлари ёшланди. Сайидул анбиё ҳазратларининг бундай арзимас хизматга шу қадар мамнун бўлишларини кутмаган эди.

Аммо пайғамбаримизни хурсанд қилган нарса моддий қиймати жиҳатидан арзимас бўлмиш садр эмас, балки уни ясаттириб, ҳадя қилган инсоннинг самимияти ва нозик туйғуси эди.

Садр саж дарахтидан ясалган, хурмо новдалари ила тўқилган, устига бир бўйра солинган.

Самимий ва холис ниятда қилинган бу ҳадядан пайғамбаримиз (с.а.в.) ҳақиқатан жуда ҳам хурсанд бўлган эдилар. Шу кундан эътиборан то умрларининг охиригача Асьаддан азиз эсдалик сифатида шу садрда ухладилар.

* * *

Абу Айуб билан хоними хонадоннинг муборак меҳмонига таом тайёрлаб, дастурхон тузишар, ортган қисминигина баракот тилаб ўзлари ейишар эди. Бошқа мўминлар ҳам қараб туришмади. Улар ҳам покиза ният ила овқатлар тайёрлаб, Абу Айубнинг уйига келтиришар, Оллоҳ розилигига эришиш умидида Сарвари анбиёга тортиқ қилишар эди.

Илк сафар ўн ё ўн бир ёшлардаги бир бола таом келтирди.

— Эй Оллоҳнинг расули, бу овқатни онам бериб юбордилар, — дея маъсум кўзларини пайғамбаримизга тикиб, оstonада туриб қолди.

— Отинг нима? — деб сўрадилар Расулуллоҳ.

— Зайд ибн Собит...

Эртанги куннинг буюги Зайд... Оллоҳнинг китобини илк бор расман қоғозга тушириб, Ислом умматига абадий хотира қолдирадиган Зайд... Расулуллоҳнинг саҳобалари орасида Ҳазрати Абу Бакр ва Умарлардан (р.а.) илк бора Қуръони Каримни бир жойга тўплаш, ёзиш вазифасини олишга лойиқ кўрилган Зайд... Сўнгги нафасигача бу саодат тожига доғ туширмай яшайдиган ва эртага Роббул Оламийн хузурига «хатла битилган илк Қуръон» билан борадиган шарафли инсон...

Келтирган овқати сутга нон тўғраб ва сариёғ солиб тайёрланган таом эди, Зайд у ердан

қалби меҳрға тўлиб қайтди. Кетидан Расулуллоҳнинг раҳмат ва баракот тилаб қилган дуолари Олий Девонга етказилди.

— Яхши бор, Зайд. Асрлар давомида сенга қўнгил тўла ҳурматлар ва саломлар етиб турсин!..

Пайғамбарлар имоми (с.а.в.) «Бисмиллоҳ» деб энди таомга кўл чўзган ҳам эдиларки, Саъд ибн Убода тирит билан қайнатма гўшт олиб келиб қолди.

Расулуллоҳ (с.а.в.) Абу Аййубнинг уйида эканлар, ҳамма қўлдан келганича иззатикром қилгиси келар, пайғамбарга хизматларини таклиф этишар, Оллоҳдан раҳмат ва баракотлар тилашар эди.

Бир куни Абу Аййуб идишни олгани кириб, хоними тайёрлаб берган саримсоқли таомга Расулуллоҳ кўл теккизмаганларини кўрди. Расулуллоҳ (с.а.в.) изоҳ бердилар:

— Ичида саримсоқ бор экан.

Абу Аййуб пайғамбаримизнинг нима демоқчи эканларини тўла тушунмади.

— Саримсок ҳаромми, эй Расулуллоҳ! — дея сўради хавотирланиб.

— Йўқ, аммо мей емайман. Чунки мен сен кўрмайдиган ва гаплашмайдиган Жаброили амин билан рўпарамарўпара сўзлашаман, — дедилар.

Шундан кейин Расулуллоҳнинг дастурхонларига пиёзли ва саримсоқли овқатлар кўйилмади.

* * *

Хижрат сафари чоғи ўркачидаги Расулуллоҳни келтирган тия мутлақо бир фариштанинг, буюк бир эҳтимол ила, Жаброили аминнинг идораси остида эди. Келиб чўккан жойи эса, Коинот Эгаси тарафидан «Масжиди Набавий» сифатида тайин этилди. Буюк Мавло пайғамбарлар имомининг (с.а.в.) шу ерда ибодат қилишини, муборак вужудининг шу ерда қолишини хоҳлаган эди.

Пайғамбар (с.а.в.) бир куни Мадина катталарига тия чўккан майдонни кўрсатиб, масжид қуриш учун сотиб олмоқчи эканларини айтдилар.

Муоз ибн Афро:

— Бу ер менинг ҳимоямдаги Саҳл ва Сухайл исмли икки етим болага қарашлидир. Мен уларнииг қўнглини оламан, бу ерни эса Оллоҳ ризоси учун бераман, — деди.

Бу таклиф қабул этилмади. Мадиналикларнинг, ҳатто майдон эгалари бўлмиш етим болаларнинг самимий таклифлари ҳам рад этилди. Ҳазрати Абу Бакрдан (р.а.) қарз олиб, ернинг ҳақини бердилар.

Шундай қилиб, Расули акрам (с.а.в.) бир масжид қуриш учун озгина ерни ҳам пулларига сотиб олдилар.

Муоз билан дўстларининг таклифлари моддий жиҳатдан рад этилди. Лекин иш бу билангина битмас эди. Бундан бу ёғи энди кдолбларнинг асроридан воқиф бўлган Буюк Мавлонинг йўриғи ила бошқариладиган, маънавият оламидаги муомала унга кўра юритиладиган бўлди. Оллоҳ таоло бу таклиф эгаларининг мақсадғояларини биларди. «Майдонни биздан ҳадя сифатида қабул этинг», деяётганлар бу сўзларини тил учида айтяптиларми ёки чин қўнгилдан айтяптиларми — таклифларга Олий Девонда шу томондан қараладигай, шу жиҳатдан баҳо бериладиган бўлди.

Масжид қуриладиган майдонда бир неча туп хурмо бор эди, кесилди. Илгари у ерга кўмилган бирикки мушрикнинг қабри очилиб, суяклари бошқа жойга кўчирилди. Ер текисланди. Бир ёндан ғиштлар қуиила бошланди.

* * *

Расулуллоҳ Мадинани шарафлантирган илк кунларда мусулмон бўлганлардан бири Умму Сулайм хоним эди, Эри Молик Исломни қабул этмади. Ўн ёшга қадам босган бир ўғиллари бўлиб, исми Анас эди. Умму Сулайм ёлғизгина Анасининг ҳам Исломга киришини истарди.

Хақиқий маънода одам бўлишини орзу қиласарди. Шу сабабдан унга шаҳодат калимасини айттиришга, Мухаммад Оллоҳнинг қули ва элчиси эканига ишонтиришга ҳаракат қиласарди. Эри Молик бундан норози эди. Ўзи Умму Сулаймнинг мусулмонликни қабул қилганига қарши, энди ўғилчасини ҳам шу йўлга етаклаётгани сабр косасини тўлдирди.

— Ўғлимнинг эътиқодини бузма, — деди. Хотини бунга жавобан:

— Мен унинг эътиқодини бузмаяпман, — деди.

Эру хотин орасида чиқсан муросасизлик охири бориб жанжалга а11ланди. Бақирчакири сўкишлардан кейин Молик уйдан чиқиб кетди. Иттифоқо, йўлда бир душманига дуч келиб, урушиб кетишди ва Молик ҳалок бўлди.

Анас етим, Умму Сулайм бева қолди. Умму Сулайм Исломни қабул қилишига қаттиқ қаршилик кўрсатган эрининг ўлимига кўп маҳзун бўлмади. Фақат бундан буён динининг буйруқларини bemalol адо қиладиган ва бу масалада унга ҳеч ким тўскинлик қилмайдиган бўлди.

Бу орада Расулуллоҳ (с.а.в.) тутинган ўғиллари Зайдни Абу Рофий деган бир мадиналик билан қўшиб, йўлга чиқардилар. Улар Маккага бориб, у ерда қолган бола-чақаларини олиб келишлари керак эди.

Абдуллоҳ ибн Салом Маккадан келган азиз меҳмонни бир мартағина кўрган, сухбатини олган, қалбида кенглик ва роҳат ҳис этган эди. Бир муддат кутди, тараддулланди. Аммо кунлар ўтган сайин у зотга тобора яқинлик сезаверди.

Бугунги ишни эртага кўймаслик керак. Айниқса, бундай муҳим бир масалага лоқайдлик қилиш яхшилик келтирмайди. Отасининг ва бобосининг эшигини қоқиб, «Қани, юринглар энди...» деган ажал бир куни яна келиб қолса, «Эй воҳ!..» деган билан иш битмайди, қабоҳат фақат ўзига оид бўлади...

«Қатъий қарорга келиш учун бир бориб кўришинг керак, эй Ибн Салом!» деди ўзига ва ўйчан одимлар ила йўлга тушди.

Анчадан бери сўнгги пайғамбарнинг зуҳур этиши кутилмокда эди. У зот Мадинага кўчиб келмасларидан олдиноқ жуда кўп сифатларини Таврот орқали танирди. Шаҳарга келган кунлари уни оломон орасида кўрди, қалбида, бундай одам ёлғончи бўлмайди, деб қаноатланди. Иккинчи бор кўрганида ва сўзларини эшитганида, бу қаноати янада мустаҳкамланди.

Кабиладошлари бўлмиш яхудийларнинг бу ишга қарши чиқишлиарни биларди. Ўзларидан бўлмаган пайғамбарга икки дунёдаям ишонмасликлари аниқ. Бир неча йил аввал Тавротни ўқиган отаси Саломнинг: «Чиқадиган бу пайғамбар Ҳорун авлодидан бўлса, унга имон келтираман ва уни қўллабқувватлайман, акс ҳолда, инкор этаман», дегани ҳануз хотирида. Эҳтимол отаси бу сўзни ўғлига эртага тутиши лозим бўлган йўлни ўргатиш учун сўзлагандир.

Отаси аллақачон ҳаётдан кўз юмиб кетди. Тирик бўлганида ҳам имон келтирмаслигини ўша вактда маълум қилган. Лекин бу келган киши ҳақиқатан пайғамбар бўлса, унга имон келтирмаслик қандоқ бўларкин? Йилларча Таврот ўқиди. Агар Тавротни ўқиш унга қайсарлик ва инкор келтирса, билатуриб Ҳаққа қарши чиқишни ўргатса, Таврот ўқимайдиган жоҳиллардан ҳам жоҳилроқ саналмайдими? Ҳеч бир аҳмоқ билатуриб ўзини оловга ташлаган одамдан ҳам аҳмоқроқ бўлолмайди, ахир.

Ишни тез ҳал этгани маъқул. Яхудийларнинг тазиқи бошланса, балки бундай муҳим масалани ҳал этолмай қолиши мумкин. Ҳисоб куни Жаноби Ҳаққа: «Яхудий қавмдошларимнинг сўзидан чиқолмадим, шунинг учун имон келтиrolмадим», дейдими? Ақлдан бўладими шу иши? Шояд бу келган киши пайғамбар бўлмаса, масала ўзўзидан ҳал бўларди...

Абдуллоҳ ибн Салом мана шундай ўйлар оғушида Абу Аййубнинг эшигига келиб қолди.

— Мехмонингиз билан кўришмокчиман, — деди.

Набиййн акмал (с.а.в.) ҳазратларига хабар берилди.

Абдуллоҳни ичкарига даъват этдилар. Ҳолаҳвол сўралгач, Абдуллоҳ асл мақсадга ўтди:

— Ё Муҳаммад, сен пайғамбарликни даъво қиляпсан! Изн берасанми?! Бир неча савол берсам?

— Хоҳлаганингнисўра, — дедилар Расулуллоҳ(с.а.в.).

— Қиёмат аломатларидан биринчиси нима?

— Инсонларни шарқдан ғарбга сурадиган оташдир.

— Жаннатга киргандарнинг илк емиши надир?

— Балиқ жигарининг осилиб турган қисми.

— Бола нима учун отага, онага тортади?

— Эркак суви аёлникидан ўтиб, устун келса, бола отага, аёлнинг суви эркакнидан ўтиб, устун келса, онага тортади.

Ҳар уч саволга олинган жавоб ибн Саломни тўла қониқтириди. Абдуллоҳ яна кўплаб савол бериши мумкин эди, чунки охирги пайғамбар сифатлари ҳақида анчагина маълумотга эга эди. Аммо, инсоф билан қараганда, шунинг ўзи ҳам кифоя эди. Бошқа нарса сўрамади.

— Мен гувоҳлик бераманки, ё Муҳаммад, сиз Оллоҳнинг расулисиз, — деди.

Расулуллоҳнинг (с.а.в.) юзларида мамнунлик нишоналари пайдо бўлди. Ҳануз йўл чарчоғидан фориг бўлмаган эдилар, деса бўларди. Тавротни ўқийвериб сув қилиб ичиб юборган бир яхудий олимни ўз истаги билан келиб имон келтириши бутун чарчокдарини тарқатиб юборди.

Абдуллоҳ уйига қайтиб, оила аъзоларини тўплади.

— Сизларга яширин ва муҳим хабарим бор, — деди. Қариндош-уруғлари сергакланишди.

— Нима экан у?

— Ҳаётимнинг энг муҳим ва энг саодатли қарорини бердим.

— Тинчликми?

— Оллоҳнинг охирги пайғамбари билан танишдим ва унинг динини қабул қилдим.

— Ростданми? — деб ажабланди аммаси.

— Албатта, ростдан.

— Қандай қилиб Мусонинг динини тарқ этдинг? Оллоҳнинг ғазабидан кўрқмайсанми?

— Мен Мусо пайғамбарнинг динини тарқ этганим йўқ, аксинча, унинг амрини ва умматига қилган васиятини бажо келтирдим. Бу келган пайғамбарни Мусо, энг сўнгги келадиган пайғамбар, деб муждалаган эди. Унга имон келтириш бизнинг вазифамиздир. Агар имон келтирмасак, Тавротнинг хукмини поймол этган бўламиз ҳамда Мусо пайғамбарнинг васиятига амал қилмаган бўламиз.

— Яхшилаб текширдингми? Тағин адашаётган бўлмагин?!

— Текширдим, аммажон, синаб ҳам кўрдим. Боз устига, уни кўраркўрмас, эски қадрдонимдай танидим. Мунозара ортиқ давом этмади.

Ўша куни кечки овқатга Абдуллоҳнинг уйига йиғилганларнинг ҳаммаси янги динга — Исломга кирдилар.

Абдуллоҳ у кеча бир туш кўрди. Таърифи битмас даражада кенг ва кўркам бир боғ, боғ ўртасида булатларни тешиб ўтгудай бир устун қад ростлаган. Ўзи ҳам бу устун тагида турган эмиш. Бир садо эшитди:

— Қани, шу устунга чиқ!

— Мен бунга чиқолмайман.

Бу орада ўртада бир ёрдамчи пайдо бўлди. Абдуллоҳнинг либосидан тутиб кўтарди. Абдуллоҳ унинг воситасида bemalol юқорига чиқа бошлади. Чиқди, чиқди. Ниҳоят, тепадаги тутқичга ёпишди. Ва маҳкам ўрнашиб олди... Айни садо яна:

— Бу тутқични маҳкам ушла, — деди.

Уйғонганида, қалбида ҳузурхаловат ҳис этди. Пайғамбар (с.а.в.) ҳузурларига шошилди. Кўрган

тушини ипиданигнасиғача ҳикоя қилиб берди.

Расулуллоҳ (с.а.в.) унга кулимсираб, тушини таъвил этдилар:

— Бое Ислом динидир. У устун Ислом устунидир. Ёпишганинг тутқич эса, то ўлгунингча Исломда қолишингга аломатдир, — деб мужда бердилар.

Кечаги муҳим қарорининг нақадар тўғри ва ўринли экани маънавий оламда ҳам тасдиқланган эди. Абдуллоҳнинг кўнгли ҳузур ва сукунатга тўлди. Илмининг фойдасини ибн Салом шундай кўрган эди.

Ўша кунлари нозил бўлган бир оятда: «Куфр келтирганлар: «Сен пайғамбар эмассан», дейдилар. Айтгинки: «Сизлар билан менинг ўртамиздаги даъвони ҳал этишга Оллоҳнинг шоҳидлиги ва Китоб илмидан хабардор (киши) кифоядир», (**Раъд сураси, 43-оят**) дейилди. Бу оятдаги «Китоб илмидан хабардор (киши)» деганда Абдуллоҳ ибн Салом ва у кабилар назарда тутилганига шубҳа йўқ.

* * *

Макка. Расулуллоҳ (с.а.в.) бу шаҳарни тарқ этганларидан бери у кишидан тузукроқ хабар ололмаган икки қизлари бир кеча эшикларининг оҳиста сасла тақиллаётганини эшитдилар. Шу қадар оҳиста, эшик қоқаётган одам гўё, кўшнилар эшитмасин, деяётгандай эди.

Опасингилни бирдан ҳаяжон қоплади. Тун ярмида ким ҳам келиши мумкин?! Бирбирларига тикилдилар ва эшикка яқинлашдилар.

— Ким у? — дея сўроқладилар.

— Мен Зайдман.

Шивирлаб айтилган бу калималар опасингилдаги қўрқувни бир онда кетказди. Кўнгилларини севинч қоплади. Овоз эгасини дарҳол танидилар. Эшикни очдилар.

— Қалайсизлар, Умму Гулсум, Фотима?

— Яхшимиз, эй Зайд, ўзинг ҳам омонмисан? Отамдан нима хабар бор?

Зайд Жаноби Расулуллоҳнинг (с.а.в.) саломларини етказди. Ўзларини Мадинага олиб кетмоқ учун келганини тушунтируди.

Нихоят яхши хабарлар келди, қўнгилларга сув сепилди.

Тайёргарлик узоқ чўзилмади. Умму Гулсум, Фотима, пайғамбаримизнинг хотинлари Савда, энага (Зайднинг хотини) Умму Айман, ўғли Усомалар ҳозирлик кўриб, тез орада йўлга чиқилди.

Бошқа тарафдан Абу Бакрнинг ўғли Абдуллоҳ онаси ва синглиси Ойишани олиб, улар ҳам Мадина сари йўл олишди.

* * *

Пайғамбаримиз (с.а.в.) Мадинада яшай бошлаганларига бир ой бўлганида Қубо қишлоғидан эски танишлари — бир неча мусулмонлар кириб келди. Юзларини ғам босган, қўзларида маҳзунлик. Одатда дўст дўстни кўрса севинади, аммо дўсти ғамташвишда бўлса, қандай севинади одам?

— Салом бўлсин сизга, эй Оллоҳнинг пайғамбари!

— Сизларга ҳам салом бўлсин, эй қуболик мўминлар.

— Аччиқ хабар билан келдик, ё Набийаллоҳ. Кулсум ибн Ҳидм вафот этди...

Хақиқатан ҳам аччиқ хабар эди. Бу хабардан Расулуллоҳ (с.а.в.) ғамгин бўлдилар. Қубода Кулсумнинг уйида меҳмон бўлган эдилар. Биродарларини олиб, тезда йўлга чиқдилар.

Кулсум, кўп мушриклар қатори, умрини бутпарастлиқда ўтказган, соchlарини бутга сажда қилақила оқартирган одамлардан эди. Аммо ҳаётининг охирги йилида Макка тарафлардан эсан ширин бир шамол унга янги бир ҳаёт ва рух ҳадя қилди. Бу шамол унинг кўзларини очди, кечгача олдида бош қўйиб, ибодат қилган бутлари бирор илоҳ бўлолмаслигини, улар оддий тош ёки қуруқ ёғочина эканини англади.

Сўнгги йил пушаймонлик йили бўлди. Ўтган кунларининг зарар ила, зиён ила ўтганини

фақат шаҳодат калимасини айтган онида, Маккадан эсган ширин шамолнинг ҳидини жигарларига сингдирганидан кейин англади. Ақлини ишлата олган инсонлар каби яшамаганини, ўзини яратган Раббини ўйламасдан ҳаёт кечирганини тан олди. Шу кунга қадар илоҳ деб билган бутларига ҳақорат назари ила қарамагунча роҳат қила олмасди, синдириб парчаламагунча хузур топа олмасди.

Ўлим кунининг астасекин яқинлашиб қолганини ўйлаши уни кўзларда ёш ила Раббининг улуғ даргоҳига олиб кетди. Жуда кўп кишилар хуррак отиб ухлаётган соатларда мағфират тилаб ёлворишлар ила инграб турди.

Меҳмоннавоз бир зот эди. Мусофириларга икром қилиб хушланадиган, йўловчиликарга ёрдам бериб хузур топадиган бир табиат соҳиби эди. Аммо бир куни келиб Оламларнинг султони, Пайғамбарлар имоми ҳам унинг уйида меҳмон бўлишини ҳатто хаёлидан ўтказмаган эди. Лекин тақдир бу йўлда кўринди, дунё ва охиратнинг танҳо Жаноби унинг эшигига келди. Қарийб икки ҳафтача бу уй Расулуллоҳнинг (с.а.в.) нафаслари ила, муборак борлиқдари ила янгидан иншо этилди, коинотнинг қалби бу уйда ура бошлади.

Кулсум бир жума куни Расулуллоҳни (с.а.в.) Мадинага кузатаркан, ҳаётининг охирги ойини яшаётганини билмаган эди, албатта. Бир ой бурун Кулсум Оламларнинг султонини саломат юрти бўлмиш Мадинага кузатган бўлса, мана, энди Расулуллоҳ (с.а.в.) уни яна бир саломат юртига, абадий хузур ва сукунат оламига малакларнинг шериклиги ва йўлдошлигида кузатиб қўйдилар. Кулсум Оллоҳнинг расулини имконияти борича иззатлади, хурмат қилди, Улуғ Оллоҳ ҳам расулига икромда бўлганни шаънига лойик бир шаклда икром ила хурмат этажақ, кутганидан зиёда эътибор қилажак.

Улуғ Оллоҳ расули энг муҳтоҷ бўлган онида уни меҳмон қилган, икром кўрсатган инсонни унутиб, мукофотсиз қолдирамиди? Бундай бўлишини ҳатто фараз ҳам қилиб бўлмайди. Зотан, Расулуллоҳ (с.а.в.) пайғамбаримиз, Кулсумни хос бир омонатинг ўлароқ охират оламига йўлчи қилгин, дея Раббиларига мурожаат қилас, раҳматинг ила, мағфиратинг ила, лутфинг йла ва қараминг ила муомалада бўлгин, деб ёлворар эдилар.

Расулуллоҳ (с.а.в.) бир ой олдин ўз қўллари билан қурган ва Кубо қишлоғининг азиз аҳлига ҳадя этган масжидда Раббиларининг хузурида туриб, асҳобларига имом бўлиб, намоз қилдилар. Топтоза қўллар, топтоза кўнгиллар ташиған эди бу масжиднинг тошларини. Бу масжиднинг пойдеворларида факат Оллоҳга қуллик туйғуси ётади, эришилмас даражада бир хурмат ва севги бу муборак бинонинг пойдеворларига жойлашган эди.

Кулсумни кўринишида қора тупроққа, аммо ҳақиқатда жаннат боғларидан бир боғчасига ўз қўллари билан кўмган Расули кибриё маҳзун бир кўнгил ила Кубони тарқ этдилар. Қисқа бир вақт таниш бўлишди, аммо абадиятга қадар унutilмайдиган бир хотира қолди Кулсумдан.

Кулсум жазо ва ҳисоб кунида Расулуллоҳ (с.а.в.) хузурларида «Қубодаги уй соҳиби» ўлароқ муносиб жой олади, иншаоллоҳ.

Расулуллоҳ (с.а.в.) қизлари ила кўришишлари жуда ҳаяжонли бир сахна эди.

Оталарига ўлим ҳукмини ўқиган Макка шахридан бундай оппаосон чиқиб, Мадинадек бир имон юртига қазосизбалосиз етишиш ҳазилакам гап эмасди. Умму Гулсум ва Фотима бир неча кун давом этган чарчоқли ва ҳаяжонли йўлчилик энди ортда қолганидан ва севикили оталарининг бағрига олингандаридан севинч кўзёшларини узок вақт тўхтата олмадилар.

Руқия сал олдинроқ эри Усмон ибн Аффон билан бирга хижрат қилиб келган эди. У ҳам ҳамшираларини бир-бир бағрига босди, яқин бир йилдан бери кўрмаган опасингилларини тўйатўя ҳидлади, тўйатўя йиглади.

Энди Маккада опалари Зайнаб қолди. У холаваччаси Абул Осга тур^мушга чиқсан эди. Ундан Мадинага фақат салом келди. Ўзи қачон келади, қачон отасини кўради — номаълум эди.

Күйилган ғиштлар қуриб, масжид қурилиши бошланди. Расулуллоҳ (с.а.в.) биринчи тошни ўз қўллари билан қўйдилар. Ундан кейин пайғамбаримизнинг амрлари ила Абу Бакр, Умар, Усмон, Али (р.а.) галмагал биттадан тош қўйдилар.

Сўнгра ҳар кимга келтирган тошини қўйишга изн бердилар. Пойдевор маълум бир баландликка етгач, ғишт тера бошлашди.

Ғиштлар хийлагина катта, бир донасини бир киши базўр қўтарадиган даражада оғир эди. Расулуллоҳ (с.а.в.) ғиштни ҳам, тупроқни ҳам ўzlари ташидилар. Йилларча бу хотирани ривоят қилган шоҳидлар у зотнинг чангга, тупроққа беланган муборак вужудларини доим қўриб тургандек гапиришар эди.

Зилзамбил ғиштларни елкага қўйиб ё қўлтиқлаб иншоот сари борарканлар, Сарвари олам (с.а.в.) «Оллоҳим, бу ташиётган юким Ҳайбарнинг хурмоси ё бошқа ҳосили тўла юк эмас. Қасам ичаман Раббимга, бу янада тоза, янада хайрли бир юқдир...» маъносига яқин бир байтни айтардилар, мўминлар ҳам у зот билан бирга айни шу байтни севинч билан такрорлашарди.

Вужудлар масжидга тупроқ ва ғишт ташийди, кўнгиллар бу масжидда сажда қилинадиган Роббул Оламийнга йўналган. Севинчла такрорланаётган бу байтлар кўнгилларнинг энг теран гўшаларида жо бўлган туйғуларни, тушунчаларни ифодаламоқда эди.

Ха, бу замин, бу тупроқлар янада хайрли, янада покизадир. Ҳайбар яхудийлари оламни фасодга тўлдиришга бир сармоя ўлароқ тўплаган юк билан бу тупроқларни тенглаштириб бўлармиди? Ҳайбарнинг хурмолари Оллоҳнинг бир неъматидир, инсонларнинг қорнини тўйғазарди, холос. Аммо бу тупроқ ва бу ғиштлар билан иншо этиладиган масжид қиёматгача мўминларнинг севикли ибодатгоҳига, зиёратгоҳига айланажак ва «Пайғамбар масжида» унвонига эга бўлажак. Бу масжидда ўқилган бир намоз бошқа масжидларда ўқилган минг намоздан афзал бўлажак, йиллаб гуноҳларга ботиб кетган қалблар бу ерга келиб ҳурмат юзасидан саждага бош қўяжак ва онасидан туғилгандек покиза ҳолга келажак эди. Бундай бир масжиднинг тошитупроғи Ҳайбарнинг ёмонлик ва фасод учун йиғилган юкларидан албатта хайрлироқ бўлади.

Набийи акрам (с.а.в.) баъзан: «Оллоҳим, ҳаёт фақат охират ҳаётидир. Ансорни ҳам, муҳожирни ҳам ёрлақашингни тилайман», маъносида байт ўқир эдилар. Баъзан бу байтда сўзлар ўзгарар, «Оллоҳим, мукофот охиратда ўзинг берадиган мукофотдир. Ансорга ҳам, муҳожирга ҳам сахийлик қилишингни, икромэҳсон этишингни тилайман», дер эдилар ва қучоқларидаги ғиштга муборак пешона терлари тўкилсада, юзларида табассум ила ишлар эдилар. У зотнинг бу ҳолатлари ҳеч бир манфаат кўзламасдан, холис Оллоҳ ризоси йўлида тер тўкаётган пок қалбли инсонларга ғайрат бериб, охиратда эришиладиган қийматли мукофотни кўз олдиларига келтириб қўярди.

Иш кизғин давом этаркан, мўминлардан бири: «Пайғамбар ишляяпти, бизлар ўтирамизми? Бу ҳолимиз ожизларга ярашадиган ҳол бўладику», маъносида байт ўқиди. Атрофдагиларга ёқиб тушди бу байт. Иш ораси энди ҳамма: «Лаъин қоадна ваннабиййу йаъмал...» байтини такрорлай бошлади.

Бу байтпи ким билади неча марта такрорлади Аммор... Ғиштга бораётганида ҳам, ғишт кўтариб қайтаётганида ҳам оғзидан шу байт тушмади. Мадиналик бир ишчи бу байтни илк бор Аммордан эшитиб, гўё ўзига киноя қилинаётгандек туюлди. Такрорланган сари унинг жиғига тега бошлади.

— Менга қара, Сумаййанинг ўғли, — деди, — эрталабдан бери нима деб шивирлаётганингни билиб юрибман. Бас қил, етар энди. Йўқса, шу таёқ билан бурнинг ни ўлчаб қўяман.

Аммор унга маъсум назар билан боқди. Ақлига, ҳатто хаёлига ҳам келмайдиган тарзда баҳоланган эди унинг сўзлари. Ҳолбуки, бу сўзларни сўйлаган сари Расули кибриёга яна бир одим яқинлашаётгандек ҳис қилар, у зотнинг борлиқларини ташқарида эмас, қалбининг

теранликларида тасаввур этаётган эди.

Бироқ бояги одамнинг гапини Набийий акрам (с.а.в.) ҳам эшитдилар, шу сабабли Амморнинг: «Мен бу байтда сени назарда тутмаганман», дейишига ҳожат қолмади.

— Бу одамлар Аммор билан нимани тортишадилар? Аммор менга кўз қароғим каби яқиндир, — дедилар.

Эҳтимол Расулуллоҳ (с.а.в.): «Амморни кўзимнинг қораҷӯғини асрагандек асрайман, унга урилган таёқ менга урилгандекдир...» демоқчи бўлгандирлар. Пайғамбарлар имоми саййидимизнинг бу илтифотлари учун Аммор ҳатто бурнига таёқ тушишига ҳам севинчла рози бўларди.

Имони мустаҳкам экани хоссатан Қуръон оятларида баён қилинган Аммор ҳақида Набийлар сарвари яна: «Аммор бопшдан тирноғигача имон билан тўладир, имон унинг иликларигача киргандир», дея марҳамат қилганлар. Саййидимизнинг бу кунги илтифотларини эшитган

Амморга энди қўркув ва ташвиш ҳеч нарса бўлмай қолди!

Аммор бой эмасди. Оллоҳнинг ва расулининг ризоликларига эришиш йўлида бирон сарфҳаражат (эхсонинъом) қила олмаган. Аммо имкони бўлганида кўп нарсасини эмас, ҳамма нарсасини ҳеч ўйламасдан берадиган даражадаги бир севги билан пайғамбарамизга боғланган эди. Абадий саодатга у зотнинг иршоди ила эришган, ахир. У зот ўл деган жойда ўлиш у учун бир шараф ва обрў масаласи зди.

Аммо бу илтифотдан Амморнинг боши ғуур ила кўтарилилди, шукр туйғуси билан, миннат ҳисси билан эгилди. Кўнглининг энг теранликларидан келган, ҳеч қандай ёмон ҳис кирлатмаган соф ва тиник сўзлар малакут оламига юксалди: «Оллоҳим, сенга ҳамд айтаман ва шукр қиласман...»

Шивирлаб айтилган бу биргина жумлага айни тиниқликда бўлган бир неча томчи кўзёши ҳамроҳ бўлди. Лекин буни бирон киши сезмади. Чунки бу иссиқда, оғироғир тошларни таширкан, шундоқ ҳам пешоналардан резареза тер тўклилаётган эди.

Бу терлар ҳам, бу кўзёшлар ҳам эртага айриайри, шу билан бирга, ўзаро мусобақалашаётгандек қиймат қозониб, Набийий ақмал ҳазратларининг: «Ким Оллоҳ ризоси учун бир масжид қурса, Оллоҳ ҳам унинг учун жаннатда бир кўшк қуради», деган муждалари рўёбга чиқажак. Хуллас, масжид қурилиши Оллоҳ ризоси учун олинган нафаслар, Оллоҳ ризоси учун ташланган қадамлар, ташилган ғиштлар, қорилган лойлар ҳамроҳлигига давом этарди.

Бир неча кун ўтди...

— Буни қаранг, ё Расулуллоҳ, мени ўлдиради булар, ўзлари кўтара олмайдиган юкларни менга юклашити,— деб қолди Аммор.

Дарҳақиқат, ҳамма биттадан ғишт ташиса, унинг орқасига иккита юклашибди. Терлаб-пишиб кетган, чанг ва тупроқ тер билан қоришиб ажиб бир тусга кирган, бу тус юк остида хориган вужудга айри бир ранг қўшар эди. Ҳазрати пайғамбарамиз (с.а.в.) кулимсирадилар.

Бу ҳолатни кўрган ва келажакда «Мўминларнинг онаси» унвонини оладиган Умму Салама (р.а.) айтади: «Расулуллоҳ (с.а.в.) саййидимизни унинг соchlарига қўнган чангтупроқни қоқаётган ҳолатда кўрдим. Дердиларки: «Шўринг қурсин, эй Суммаййанинг ўғли... сени ўлдирадиганлар булар эмас, сени ўлдирадиганлар йўлдан озган бир жамоатdir».

Анча кейин Ҳидоят имоми бўлмиш жанобимиз (с.а.в.) атрофдагиларга қараб:

— Амморни осий бир жамоат ўлдиради, — дедилар.

Амморнинг ичида бир учқун жизиллагандек бўлди...

Нималиги номаълум, қисқа бир муддат ичида келиб кетадиган бир учқун. Кейин: «Мен ҳам инсонман, ҳақ узра бўлай, ҳақ йўлда ўлай, қандай ўлсан ҳам», деган хаёлдан лабларида бир кулимсираш сезилди. Зотан, дунёнинг охири ҳам ўлим билан битмайдими, ахир?

Бу ўйфикрлар Амморнинг зеҳнини машғул қилар экан, Расулуллоҳ ҳазратларининг (с.а.в.)

қўллари унинг елкасини силар эди:

— Эй Сумаййанинг ўғли, ҳаммага биттадан мукофот бўлса, сенинг мукофотинг икки баробар берилади. Дунёдан энг сўнгги насибанг эса, бир ичишлик сувли сут бўлади. Сени йўлдан озган жамоат ўлдиради, — дедилар яна.

Бу сўзлар масжидда ишлаётган ишчилар орасида ёйилди. Нигоҳлар Амморга айрича бир маъно ила боқа бошлади. Қачон содир бўлишини ёлғиз Оллоҳ биладиган хосиятсиз бир мужодала ва бу мужодалада Амморнинг жонига қасд қиласақ осий бир жамоатнинг хаёли келди кўнгилларга. Демак, Аммор табиий бир ўлим билан ўлмаяжак, дунёдан охиратга шаҳидлик унвонини ҳам олиб, оддий инсон етишиши мумкин бўлган энг устун мартабани қозониб кетажак.

Қандай ажиб қисмат...

Демак, бу оиланинг ҳар бир аъзоси шаҳид бўлажак. Олий Девоннинг жазо ва ҳисоб-китоби учун қурилган кунда «шаҳидлар оиласи» сифатида боражаклар ҳузури Мавлога...

Йилларча аввал дастлаб онаси Сумайя, кейин отаси Ёсир мушрикларнинг қўлида инграбинграб жон берган эдилар. Ислом байроби кўтарила бошлаган йилларнинг илк икки шаҳиди бўлишдек барҳаёт бир ном қозонган эдилар. Ёлғиз қолган Амморнинг имонига Оллоҳ ва расули биргаликда гувоҳлик берган. Коинот чеврасида бундан ҳам ортиқ гувоҳлик топиб бўладими? Амморнинг ўзи ҳам бир пайтлар куфр йўлига қайтмагани учун исканжага тобеъ тутилган. Ҳаётининг охирги дамларида эса*ҳақнинг ва адолатнинг тарафини тутгани учун жонига қасд қилинажак.

Дунёning ҳеч бир нарсасига соҳиб бўлмаган, бироқ дунё эвазига ҳам топиб бўлмайдиган бир шарафни кичик қалбидаги имон билан, ҳурмат билан, муҳаббат билан топган Аммор!.. Асрлар берисидан сизга севгиларимиз, ҳурматларимиз ва саломларимиз!..

Мадинада Қуръондан илк нозил бўлган сура Бақара сураси бўлди. Вақтивақти билан, турли ҳодисаларга алоқадор ўлароқ оятлар тушар, Расулуллоҳ (с.а.в.) Маккада бўлганидек, бу оятларни қайси сурага ва қайси оятдан олдин ва кейин ёзишларини асҳобларига билдирад эдилар. Бу ҳам пайғамбаримизнинг қалбларига келган илҳом натижасида бўлаётгани шубҳасиз бир ҳақиқат эди.

Мадинадаги яхудийларга аждодларига берилган неъматларни эслатиб келган оятлар Бақара сурасидан жой олди: «Эй Бани Исроил, сизларга инъом қилган неъматимни эсланглар ва Менга берган ваъдаҳдга вафо қилинглар. Шунда мен ҳам аҳдга вафо қиласман. Ва мендангина қўрқинглар. Сизлардаги нарсани (Тавротни) тасдиқ этган ҳолда нозил қилган нарсамга (Қуръонга) имон келтиргинглар. Уни биринчи инкор қилувчилардан бўлманглар. Ва оятларимни қиймати оз нарсаларга алиштирумлар ва мендангина эҳтиёт бўлинглар. Ҳақни ботилга аралаштирумлар ва билган ҳолингизда ҳақни беркитманглар. Намозни тўқис адо қилинг, закотни беринг ва рукуъ қилгувчилар билан бирга рукуъ қилинг. Одамларни яхшиликка чорлаб, ўзларингизни унутасизларми? Ҳолбуки, ўзларингиз китоб (Таврот) тиловат қиласизлар. Ақлларингизни юргизмайсизларми? Сабр ва салот (намоз ўқиш) билан мадад сўранглар. Албатта, у (намоз ўқиш) оғир ишдир. Магар ўзларининг Парвардигорларига рўбарў бўлишларини ва шубҳасиз унга қайтажакларини биладиган шикастанафс зотларга (оғир эмасдир). Эй Бани Исроил, сизларга инъом қилган неъматимни ва сизларни бутун оламдан афзал қилган пайтимни эсланглар. Бирор бирор томонидан ҳеч нарса ўтай олмайдиган, ҳеч кимдан оқлов қабул қилинмайдиган ва (гуноҳлари учун) эваз ҳам олинмайдиган — ёрдам берилмайдиган Кундан қўрқинглар» (Бақара, 40 — 48).

Яхудийларга Бақара сурасида илк хитоб ана шундай бошланди. Одоб ҳудудидан тажовуз этмасликлари ана шундай тавсия этилди. Улар Расулуллоҳни (с.а.в.) танишлари ва имон келтиришларининг ўзгача бир қий

мати бор эди. Чунки келиши кутилаётган пайғамбарни бутун васфлари билан танишларини

ва дарҳол унга имон келтиражакларини илгарироқ кўп маротаба такрорлаб юардилар. Боз устига, уларнинг бу охирги пайғамбарга имон келтиришлари ҳақида то Ҳазрати Мусо (а.с.) замонларида боболаридан олинган бир аҳд бор эди. Бу аҳдга вафо қилсалар, икки мисл ажр ва мукофотни бериши хусусида Оллоҳнинг ваъдаси бор эди. Чунки улар, аввало, Ҳазрати Мусога ишонган ва Оллоҳ юборган аҳком билан амал этган бўлсалар, кейинчалик Ҳазрати Муҳаммадга (с.а.в.) ишониб, таблиғ этаётгандарини қабул қилган бўлардилар. Ҳар иккала пайғамбарни юборган ҳам Оллоҳ таоло экани ва ҳар икки пайғамбар ҳам бир Оллоҳга ибодат қилишга чақиргани учун, агар эргашган тақдирларида, мукофотни икки ҳисса олишлари табиий эди. Бордию Расулуллоҳни (с.а.в.) биринчи бўлиб улар инкор этсалар, унда жуда ёмон бўлади. Чунки баъзан инсонлар: «Кутилаётган пайғамбарни яхудийлар билардилар. Бу келган ўша пайғамбар бўлса, яхудийлар ундан чекинишармиди?» тарзида ўйлаши мумкин эди.

Ҳайҳот, яхудийлардан факат Абдуллоҳ ибн Салом ва унинг оила аъзоларигина имон келтирди, бошқалари ҳеч журъат қила олмади. Боз устига, ҳозирданоқ фитнафасодни бошлаб: «Сизларни зўр бир сехр қилдик. Ҳеч ўғил кўрмайсизлар энди ва шу тариқа қисқа вақт ичидан наслингиз ер юзидан йўқолиб кетади», деб мўминларга руҳий таъсир этишга урина бошлаши.

Чиндан ҳам орсиз, фитна ва фасод ахли бўлмиш яхудийларнинг қўлидан бундай бир иш келмаслиги аниқ, аммо кучлари етганида, бундай пасткашликка ҳам ҳеч тараддуд этмасдан борган бўлардилар.

Бу ташвиқот мўминлардан бир қисмининг кўнглига таъсир кўргазгандек ҳам бўлди. Улар шундай ҳол бўлиши мумкинлигига тўла ишонмасалар ҳам, айни чокда, қатъий шаклда рад ҳам қилмаётган эдилар. Лекин ҳазрати Абу Бақр ва Умар (р.а.) кабилар бундай ташвиқотларга асло парво қилмаганлари шубҳасиздир.

* * *

Расулуллоҳ (с.а.в.) ўзларини кўриш учун келган Умму Сулаймга изн бердилар. Бутун сармояси самимият бўлган бу аёл ичкари кирди. Бир боланинг қўлидан тутиб олган. Боланинг қўзларида зукколик балқиб туарди.

—Марҳамат, эй Умму Сулайм, хуш келдинг, — дея қаршиладилар Сарвари олам.

—Хушвақт бўлинг, эй Оллоҳнинг расули,—деди.— Сўнгра сўзини шундай давом эттириди:
— Ё Набийаллоҳ, Мадиналиклар сизга ҳадялар бердилар, бир нарсалар икром этдилар. Менинг эса, берадиган ҳадям, икром қилишга арзигулик бирон нарсам йўқ. Шу кичик Анас менинг ўғлимдир. Зукко бир бола. Буни бир ҳадя ўлароқ қабул этинг, сизга хизмат қилсин.

Бу самимий ифодалар пайғамбаримизни тўлқинлантириб юборди. Мамнуният ила қабул этдилар. Ўн ёшлардаги Анас бундан буён Расулуллоҳнинг (с.а.в.) хизматларида, у Зоти Шарифнинг тарбияларида етишадиган бўлди.

Умму Сулайм у ердан Набийийи акмалнинг (с.а.в.) дуоларини олиб айрилди. Аслида, берилган ҳадялар навбатга қўйилса Умму Сулаймнинг ҳадяси ҳеч қачон иккинчи ўринга тушмаган бўлар эди.

* * *

Бир куни Расулуллоҳ (с.а.в.) саҳобалари билан сухбат қуриб ўтирган эдилар, кучли забардаст одам ичкари кирди. Озгина хурмо олиб келибди.

— Сизни пок инсон деб эшитдим. Яхши инсонга шу хурмоларни ҳадя этгим келди, қабул қиласизми? — деди

Пайғамбаримиз унга:

— Ҳадяни қабул этамиз, — дея жавоб бердилар. Саҳобаларига тутиб, сўнгра ўзлари ҳам ея бошладилар. Пайғамбаримиз бу одамни илгари бир марта Кубо қишлоғида кўрган эдилар. Ўшанда у садақа дея бир миқдор хурмо келтирган эди.

Бир оз сухбатлашиб ўтирида, кетаркан, негадир: «Буниси иккинчиси», деб қўйди.

Бу одам неча йиллардан бери охирги пайғамбарни кутаётган Салмон эди...

Абу Зарр Ислом динини қабул этганини Маккада илк бор очиқчасига ифода этгач, устмауст икки кун баданлари қўкарибқабариб кетгунича калтакланган, сўнгра Расууллоҳнинг (с.а.в.) қўрсатмалари билан Фифор қабиласига қайтиб, Маккага бошқа келмаган эди. Султони анбиё ҳазратларининг (с.а.в.) Мадинага ҳижрат қилганларини эшишиб, энди ўзининг ҳам йўлида бирон тўсиқ қолмаганини ҳис этди ва тайёргарлигини кўриб, йўлга чиқди. Пайғамбаримизнинг ҳузурларига келди. Энди Расууллоҳнинг (с.а.в.) амрлари остида ҳаракат қилишдан бошқа ўйфикари йўқ эди. Дунёдан матлаби ёлғиз шу бўлиб колди.

Эски номи «Ясриб» бўлган Мадина шаҳрининг обҳавоси маккалик муҳожирлар учун ноқулай эди. Аслида, Мадинанинг маҳаллий аҳолиси ҳам шаҳарларининг обҳавосидан мамнун эмас эдилар. Муҳожир мўминлар гарчи маккаликларнинг зулмидан халос бўлган бўлсаларда, юраклари ҳали ҳам Макка севгиси ила тўла эди. Туғилиб ўсан, севинчлиқайғули қўпгина хотираларига гувоҳ юртни унтиш осонми, ахир?..

Шу сабабли Расууллоҳ (с.а.в.) орачира қўлларини кўтариб: «Оллоҳим, сен бизга Маккани севдирганингдек, ҳатто ундан ҳам каттароқ севги билан Мадинанида севдир. Оллоҳим, ўлчовларимизга, тарозиларимизга барака бер. Мадинани бизнинг сиҳатимизга мувофиқ ҳолга келтир. Безгакни Жухфа дарасига кўчир», дея ёлворар эдилар.

Масжид қурилиши асносида унга девордармиён қилиб Расууллоҳга (с.а.в.) уй ҳам қурилаётган эди. Бу ҳовли қизлари ва завжаларига мўлжалланди.

Бу орада Асъад ибн Зурора бетоб бўлиб колди. Йўтал тутар, зўрға нафас олар эди. Пайғамбаримиз орачира бу вафоли дўстни зиёрат этдилар ва шифолар тиладилар.

Бир куни қайғули хабар келди. Асъад вафот этибди. Набийи акрам (с.а.в.) кўп маҳзун бўлдилар.

Асъад Маккада пайғамбаримиз билан кўришган ва Ислом динини қабул этган илк олти мадиналиқдан бири эди. Мадинада илк бор кичик бир масжид иншо этган ва, бир ривоятга кўра, пайғамбаримизнинг ҳижратларидан аввал мадиналик мўминларни тўплаб жума намозларини у қилдирган, мадиналикларнинг пайғамбаримиз билан ҳар галги учрашувларида у иштирок этган, сайланган ўн икки вакилдан бири эди.

Мусъаб ибн Умайр Мадинага Куръон ва дин муаллими ўлароқ келганида, уни Оллоҳнинг ва расулининг азиз бир омонати сифатида қабул қилган, уйидан жой берган, кечакундуз у билан бирга ҳаракат этиб, ҳижрат бошланишидан олдиноқ Ясриб шаҳрини мўминлар учун

«Имон ва Ислом юрти» ҳолига келтирган эди. Ақобада пайғамбаримиз (с.а.в.) билан қилинган аҳдлашувларнинг энг кўзга кўринган қийматли шахсияти Асъад эди. Исми каби ўзи ҳам энг бахтиёр, энг саодатли инсон бўлига шарафига ҳақиқатан лойик бир зот эди.

Аммо... Расууллоҳга (с.а.в.) ва у кишининг севгиларига тўймасдан, хизматидан кўнгли тўлмасдан дунёдан айрилгани бир ҳақиқат эди. Ўлим тўшагида ичини тўлдирган нарса дунёдан айрилиқ изтироби эмас. Аммо Ҳддоят имомидан (с.а.в.) айрилишнинг отashi қалбии ёқди. Узоқ йиллар бут олдида эгилавериб букилган белларини Расууллоҳ (с.а.в.) ёрдамларида тўғрилаб, ҳаётининг кейинги даврини керагидай фойдали ўтказган, орқасидан Расууллоҳнинг (с.а.в.) кўзларини ёшлантирадиган даражада азиз бир хотира қолдирган, асрлар кейин келадиган мўминлар ҳавас қилиб, ҳурмат ва кўзёшлари ила қутляжаклари бир шараф ва саодатнинг соҳиби ўлароқ ўтган эди дунёдан...

Набийи акмал ҳазратларининг (с.а.в.) кўзларининг нури Руқайя ҳам Мусъабдан кейин унинг уйини шарафлантирган, ҳафталар, ойлар давомида Асъаднинг уйи бир хонаи саодат бўлган ва бу уйнинг деворлари Руқайяниң хушбўй ҳидли нафаслари билан, Ҳабиби Худо ҳақида қилинган сұхбатларнинг нури билан безанганди эди.

Ажал ўқи отилмаган, такдир ва тайин этилган ҳаёт муддати тугамагаи бўлганида эди, Жаноби Расууллоҳга (с.а.в.) тўйибтўйиб хизмат этиб қолиш учун ким билади яна нималар

қилмаган бўлар эди.

Масжиди Набавийнинг ёнига қурилаётган, Расулуллоҳга (с.а.в.) мўлжалланган хоналарнинг тезроқ битишини жондилдан истарди. Бу орзуи рўёбга чиқмасдан дунёдан айрилаётганини англагач, ўзидан кейин қолаётган уч қизини завжаларига оид хоналарда парваришлашни пайғамбаримизга васият этди. Хоналар битган бўлганида, эҳтимол бир хонасида лоақал бир кечада қолишини у зотдан илтимос қилган бўларди.

Юрагининг охирги уришида тилидан «Мухаммад Оллоҳнинг расулидир» сўзи чиқди. Зотан, мусулмон бўлганидан бери охирги сўзининг мутлақо шу муборак калима бўлишини тилар эди. Орадан ўн йил ўтиб... ха, оламларнинг ва хусусан ўзининг саййиди бўлмиш Расули акрамга (с.а.в.) ўн йил сўнгра қовушиш учун охирги нафасини берди. Дунё ҳаётида Оллоҳнинг расулига Мадинани бир имон ва тинчлик юрти ўлароқ ҳозирлаган эди. Улуг Мавлонинг ҳам унга охиратни бир хузур ва икром юрти ўлароқ ҳозирлаши ва пайғамбарига қилинган бу қийматли хизматни ўз шаънига лойиқ тарзда мукофотлаши аниқ.

Набийи акрам (с.а.в.) уни ўз қўллари билан ювдилар ва кафандилар. Бақиъ қабристонига омонат қўйиши учун йўлга чиқилди. Жанозани пайғамбарлар имоми Расулуллоҳ (с.а.в.) олиб бора дилар. Гўё у бораётган оламда унга энг мустасно мақомни шахсан ўзлари танламоқчи бўлгандек, кутиб олишга келган малакларга ва бутун малакут оламига уни танитмоқ, «Асьад сизга Оллоҳнинг расули тарафидан топширилаётган энг азиз омонатлардан биридир», дейдигандек бир ҳолатда эдилар.

Асьадни кабрга Оллоҳ яратган энг муборак қўллар қўйди. Рахмат малаклари уни ҳақиқий бир омонат ўлароқ, лойиқ бўлган иззат ва икром билан қарши олдилар.

Бақиъ қабристонига дафн қилинган илк мусулмон Асьад ибн Зурора бўлди.

Асьад бу жойнинг илк ва азиз меҳмони бўлажак ва кейинчалик ажали етган қардошларини малаклар ила биргалиқда кутиб олажак эди.

* * *

Асхоби киром Асьаднинг қабрига тупроқ ташлаш билан машғул бир пайтда сал четроқда ўтирган Расулуллоҳ (с.а.в.) елкаларини очдилар, орқаларида одамга: «Кел, кўр», дегандек қарадилар. Бир неча одим орқада турган одам гўё бу таклифни кутиб юргандек, шошапиша яқинлашиб эгилди ва икки кураклари орасида хол ва тук қоришиғидек кўринган майин қизғиши парчага дикқат билан бокди. Кейин эса, Расулуллоҳнинг (с.а.в.) олдиларига ўтиб, қўлларидан тутдида:

Мен шаҳодат бераман, сиз Оллоҳнинг охирги пайғамбарисиз. Сиз келтирган ҳамма иарса рост ва ҳақдир,— деди.

Бу одам эронлик Салмон эди. Оташпастликдан кутулиш ва Оллоҳ рози бўлган динни топиш учун йилларча аввал ота уйини тарқ этган ва бу йўлда узоқ вақт папазларга ва усқуфларга хизмат қилган, кейинчалик сарсонсаргардон бўлиб, охири Ясрибга келтирилиб, бир яхудийга қул сифатида сотилган Салмон...

Кўп йиллар олдин хизматида бўлгани бир папаз (поп) унга: «Энди сени дунёда омонат қилиб топширадиган бирон кимса йўқ. Аммо келиши жуда яқин бўлган бир пайғамбар борки, сояси бошинг устида десам ҳам бўлади...» дея охирги пайғамбар ҳақида баъзи маълумотларни берган ва, айниқса, садақа олмаслигини, ҳадяни қабул этишини ва икки кураги орасида нубувват муҳри борлигини айтган эди.

Салмон Расулуллоҳга (с.а.в.) Кубода садақа дея хурмо берган, пайғамбаримиз қабул этмаган эдилар, кейинроқ Мадинада ҳадя деб тақдим этганини олиб еган эдилар. Энди нубувват муҳрини ҳам кўрса...

Пайғамбаримизнинг бир дўстлари вафот этганини эшитгач, шояд шу баҳонада кураклари орасини кўриб қолсан, дея қабристонга келди, Фахри Олам (с.а.в.) саййидимизнинг орқаларига туриб олди. Айни ўша дамда пайғамбаримиз орқаларини очиб: «Кел, кўр», деб ишора қилдилар.

Энди Салмоннинг ҳеч шубҳаси қолмади: излаганини топган, узоқ йиллар елкасида кўтариб юрган оғир юқдан бир зумда кутулгандек бўлган эди.

Чуқур бир нафас олди. Расули кибриёнинг (с.а.в.) қўзларига табассум билан боқди. Бу нигоҳ билан умри бўйи чеккан бутун изтироблари, бутун жафолари ичидан сизиб чиқиб кетганини ҳис қилди. Гўё кучли эсган бир шамол руҳининг теранликларигача кириб ва жисмини эзар ҳолатдаги изтиробларини учирив олиб кетгандек бўлди. Бу нигоҳла жаннат боғларида сайр қилиб юргандек туйғулар билан тўлган эди ичи.

Усти ёпилаётган қабрга тараддуздиз кира оларди шу онда. Чунки излаганини топган эди. Расулуллоҳга (с.а.в.) тўйибтўйиб хизмат қилишдан бошқа дунёда ҳеч бир орзуи қолмади. Бундан кейин яшаяжаги қирқ беш йил давомида бундан бошқа мақсади бўлмади ҳам.

* * *

Бани Нажжор вакиллари пайғамбаримизнинг ҳузурларига келиб:

—Ё Набийаллоҳ, ўзингизга маълум, Асьад ибн Зурора бизнинг қабиладан эди. Энди унинг ўрнига бир вакил тайинланг, — дейишиди.

— Сизлар менинг тоғаларимсиз. Унинг ўрнига сизларнинг вакилингиз менман, — дея жавоб бердилар Ҳабиби Мавло саййидимиз. Бу муомала билан ҳам Бани Нажжорни севишларини, ҳам Асьаднинг дўстлигига кўнгилларида мустасно бир ўрин берганларини кўрсатган бўлдилар.

* * *

Асьад ибн Зуроранинг вафоти яхудийларнинг янги бир фитна билан ўртага отилишларига сабаб бўлди. Дарҳол оғизлари очилди: «Ҳақиқатан пайғамбар бўлса эди, шундай яқин биродари дарров ўлиб қолармиди?» дея бошладилар.

Қандай маъносиз, ғалати бир сўз эди бу!

Холбуки, шу яхудийлар Мусо ва Хоруннинг (а.с.) вафотларини қабул қиласидилар, уларнинг пайғамбарликларига ҳам ишонадилар. Уларнинг ўлимлари пайғамбарликларини инкор этмайди, Расулуллоҳнинг биродарларининг ўлиши қандай қилиб у зотнинг пайғамбарликларига соя ташлайди?!

Бундай бетайин сўзлари оғизданоғизга ўтиб пайғамбаримизнинг (с.а.в.) қулоқларига ҳам етиб келди. Пайғамбаримиз ачиниб кетдилар. Имон келтирмаслик учун шу қадар кулгили ҳолатларга тушадиган қайсарларнинг бу ҳаракатлари ҳақиқатан ачинарли эди.

— Абу Умоманинг (яъни, Асьаднинг) вафоти жуда ёмон талқин қилинди. Пайғамбар бўлганида дўсти ўлмас эди, деяётган эмишлар. Холбуки, мен ўзимга ҳам, бир дўстимга ҳам келган ўлим фармонини орқага суролмайман, — дея марҳамат қилдилар.

* * *

Масжид иншоси ниҳоясига етди. Учта эшик қўйилди, эшикларнинг чеккалари тош билан ўралди. Эшиклардан бири бугунги қибла деворига тўғри келади. Бир эшик «Боби Раҳмат», бошқаси «Боби Жибрийл» деб номланди. Расулуллоҳнинг (с.а.в.) хоналарига очиладиган эшик «Боби Жибрийл» эди.

Масжиднинг усти хурмо шохлари ва пўстлоқлари билан ёпилди. Ерга шағал тошлар тўшалди. Безак ўлароқ ҳеч нарса қилинмади. Эни тақрибан қирқ беш, бўйи қирқ метр эди.

Мехроб Куддус томонга БайтулМақдисга қаратилди. Аммо пайғамбаримизнинг кўнгиллари намозда Каъбани қибла қилиш орзуи билан тўла эди. Орачира қўзларини самога тикиб: «Оллоҳим, қалбимдагини ўзинг биласан», дегандек Масжиди Ҳарамга йўналиш амрини кутаётгандарини арз этардилар.

Мадинага келганларига етти ой бўлганида, пайғамбаримиз (с.а.в.) уй соҳиби Абу Айуб алАнсорийга ташаккур билдириб, ўз хоналарига кўчиб ўтдилар.

* * *

Бир куни Ҳазрати Абу Бакр (р.а.) Расули акрамни зиёрат этди:

— Ё Расулуллоҳ, қизингиз Фотимани ўзимга сўраб келдим, — деди.

Ҳазрати Фотима, розийаллоҳу анҳо, у кунларда ўн саккиз ёшда эдилар. Ҳазрати Абу Бакр эса эллик бирэллик икки ёшда. Бу турмушни орзу этиши Султони анбиёга (с.а.в.) яна ҳам яқин бир қариндошлиқ алоқасини ўрнатиш истагидан эди. Илгарироқ қизи Ойишани (р.а.) пайғамбаримизга унаштирган, шу тариқа Сарвари оламга ҳам куёв, ҳам қайнота бўлиш орзуиди эди.

Расулуллоҳ (с.а.в.) бу таклифни қабул этмадилар. Ҳазрати Абу Бакр (р.а.) Пайғамбар алайҳиссаломнинг ўзини жуда севишиларини биларди. Рад жавобини берганларидан тушундики, бунда мутлақо бир ҳикмат бор.

Бир неча кундан кейин айни истак билан Ҳазрати Умар (р.а.) ҳам мурожаат қилди ва айни рад жавобини олди. Ва у ҳам бунда бир ҳикмат бўлса керак, деган тушунча ва ишонч билан айрилди.

Дўстларидан бири бундай таклифни Ҳазрати Алига (р.а.) қилди:

— Ё Али, Ҳазрати Фотиманинг қўлини сўрасанг бўлмайдими?..

Ҳазрати Али бу таклиф эгасига маъноли қараб:

— Абу Бакр билан Умарнинг рад этилганларидан хабарим бор, — деди ва қўшимча қилди:

— Ҳолбуки, ҳар иккалалари ҳам инсонлар орасида пайғамбаримизга энг яқинидирлар...

— Нима қипти? Сен Расулуллоҳнинг қариндошларисан. Уйланадиган ёшга аллақачон етгансан. Сен ҳам бир маротаба сўраб кўр. Рад жавобини олсанг, Абу Бақр ва Умар нимани йўқотган бўлсалар, сен ҳам ўшани йўқотасан, холос...

Бу сўздан кейин Ҳазрати Али туриб Набийлар султонининг (с.а.в.) ҳузурларига борди. Бироқ гапни нимадан бошлашни билолмай, хиёл муддат жим ўтириди. Унинг мушкулини Расулуллоҳнинг (с.а.в.) ўзлари осон қилиб қўяқолдилар:

— Ё Али, мендан Фотимани сўраб келдингми? — дедилар.

Мақсад ҳосил бўлган эди. Ҳазрати Алининг (р.а.) кўзларидан: «Менинг ҳам айтмоқчи бўлганим, аммо уялганимдан гапира олмаётган нарсам шу эди», деган маънони уқса бўларди. Миннатдор нигоҳла боқиб, ҳаяжон ва мамнуният сезилиб турган ва одоб билан безалган бир ифода ила:

— Ҳа, деди.

Бундан кейин ичидаги бўронларнинг йўналиши ўзгарди. Қандай жавоб олар экан? Муборак лаблардан чиқажак сўз то қулоқларига етиб келгунча сабри етармикан?!?

Расулуллоҳнинг (с.а.в.) юз ифодаларида рад жавобидан асар йўқ эди. Мамнун эмасликларини кўрсатувчи бирон аломат ҳам сезилмасди.

Султони Анбиё ўринларидан туриб, ичкари кирдилар. Қизлари Фотимага, жиянлари Али уни сўраётганини билдирилар.

Ҳазрати Фотиманинг юзи гул рангини олди. Бошларини эгдилар, жавоб бермадилар.

Бир муддат кейин Ҳазрати Али Расулуллоҳнинг (с.а.в.) ҳузурларидан бундай неъматни насиб этгани учун Оллоҳга ҳамд айтиб чиқди. Тўй кейинроқ қилинадиган бўлди.

Сирма ибн Анас кекса бир одам эди. Илгаридан ўзича мустақил бир ҳаёт тарзини яшаб келар, бундай ҳаётни танлаши Ҳазрати Иброҳим алайҳиссаломнинг дини бўйича яшаш орзуидан эди.

Уйининг бир чеккасини ибодатгоҳ қилиб айирган ва жунуб ё хайз ҳолида бўлганларни бу ибодатгоҳга яқинлаштирмас эди. Бутларни тарқ этганини кўрганлар унинг ибодатхонасига келиб:

— Сен ўзингча нима қилдим деб ўйлаяпсан, эй Абу Қайс? — деб сўрасалар, Сирма

хотиржам:

— Иброҳимнинг Раббига ибодат қиляпман, — деб жавоб қиларди.

У ростгўй бир одам эди. Шеър айтиш қобилияти ҳам бор эди. «Агар бошқалар иш бошига келса, уларга ҳасад этманг. Бироқ сиз амир бўлсангиз, адолатли муомала қилинг», деганини эшитганлар бор.

Расулуллохнинг (с.а.в.) Мадинага келганларини эшитган заҳотиёқ қизиқиб, ўзи шахсан бориб кўришди. Фахри Олам саййидимизнинг ёnlаридан чиқаркан, қидирганини топган ва янги бир ҳаётга қадам қўяётган инсондай мамнуният балқиди юзларида. Бу янги диннинг инсонга фақат яхшилик ва саодат келтиришига ишонди, кўпдан бери ўзи «Иброҳимнинг дини» деб юрган, бироқ аслини, асосини билмагани ҳақ динни танлади, англади. Қолган умрини энди мусулмон ўлароқ ўтказажак эди.

* * *

Умму Сулайм ақлли ва тадбирли аёл эди. Бир куни Абу Талха унинг эшигини тақиллатиб келди. Учтўрт кун аввал уйланиш таклифини қилган, энди шунинг жавобини олгани келган эди.

— Марҳамат қилинг, эй Абу Талха! — дея қаршилади Умму Сулайм.

— Сенга уйланиш таклифи қилган эдим, эй Умму Сулайм.

— Худо ҳаққи, эй Абу Талха, сўзни чўзмокчи эмасман. Сиздек одам рад этилмас. Бироқ мен мусулмон бўлдим, сиз бўлсангиз, мусулмон эмассиз, бутга топинасиз. Шу сабабли сиз билан турмуш кура олмайман.

— У бир илоҳdir, ахир.

— Йўқ, у илоҳ эмас. Сизга фойда ҳам, зарар ҳам бера олмайдиган бир ғўладир. Сиз топинаётган ўша бутни фалон дурадгор ясадими? Ўтга ташласангиз, ёниб кетишини билмайсизми?

Абу Талха бу тарзда қаршиланишини ҳеч кутмаган эди. У ердан ўйга чўмган ҳолатда қайтди. Умму Сулаймнинг тик айтган сўzlари қалбига ўқдек қадалди. Ҳа, ўша бутни дурадгор кесибрандалаб шакллантирганини инкор эта олмайди. Ёғочнинг бир ғўласи ўлароқ келтирилган, сўнгра кесибйўниб оддий бир бут шакли берилган. Аммо бу ҳолга келгач, ёғочликдан чиқиб, илоҳлик риоясига юксалган эди, ахир. Энди у ғўла эмас, ёғочга алоқаси йўқ ортиқ...

Бир неча кун шундай ўй-хаёллар билан кезиб, бир куни яна Умму Сулаймнинг эшиги ёнига келиб қолди. Яна айни таклифни қилди, жавоб яна ўшандай бўлди:

— Мен мусулмон бўлдим, эй Абу Талха. Сиз билан турмуш қуриш менга ҳалол эмас. Агар мусулмон бўлсангиз, сизга бораман ва маҳр ҳам сўрамайман.

Абу Талха ўйлаб кўришга изн сўради. Кейинги келишида, энди қатъий қарорини берган эди. Умму Сулаймнинг олдида калимаи шаҳодатни айтди. «Оллоҳдан бошқа ҳеч бир илоҳ йўқлигига, Мухаммад (с.а.в.) Оллоҳнинг қули ва расули эканига ишондим ва гувоҳлик бераман», деди.

Шундай қилиб, жудаям орзу этгани уйланишнинг тўсиги ўртадан кўтарилиди.

Шуни ҳам таъкидлаш лозимки, Абу Талха уйланиш учунгина мусулмон бўлган эмасди. Ўйлади, текширди, бутларнинг ҳақиқатан ҳам бир тош, ёғоч бўллаги эканини англади ва уларни бирмабир ўз қўли билан синдириб парчалади. Бундан бу ёғига умр бўйи самимий бир мусулмон ўлароқ қолиб, Ҳазрати Пайғамбар (с.а.в.) тақдирлайдиган ва табриклайдиган ҳаёт тарзини яшаб ўтажак эди.

Умму Сулайм аҳдини унутмади:

— Тур, эй Анас, — деди у ўғлига, — Абу Талха билан турмуш қуришга қарор берганимни қариндошларга етказ.

* * *

Мўминлар энди нима қилиб бўлмасин Мадинада яшашни исташар, аммо Макка зодагонлари бунга йўл қўймасликка тиришишар эди. Айниқса, Авс ва Ҳазраж қабиласидан

мусулмон бўлмаган баъзи кишилар маккаликларнинг дўқпўписаси остида қолди. Оралариюта қўшилган мўминларни Мадинадан ҳайдаб чиқаринглар, акс ҳолда, бошларингга бало келса, биздан кўрманглар, деб қўрқита бошлишди. Қўшин тўплаб Мадииага хужум қиласиз, ана унда хўлу қурук баравар ёнади, деб хабарлар жўнатишар, тадбирли бўлишга чақиришар эди.

Аммо энди кеч эди. Чунки бу ерда энди мўминларнинг сўзи кесарди. Натижада, мадиналик мушриклар икки ўт орасида қолиши. Юртларига келиб жойлашган мўминларга ҳам: «Жўнанглар, бориб оталарингнинг даласини ҳайданглар, бу ерда сизларга нима бор?!» дейишга курблари етмасди, маккалик мушрикларга ҳам: «Қани, даф бўлинглар, ким бўлибсизларки, бизга дўқ урасизлар!..» дея олмасдилар.

Сарвари анбиё ҳазратлари (с.а.в.) неча йиллардан бери имон машъалини сўндириш учун курашаётгандарнинг жим турмаслигини билардилар. Бу орада Мадинага таҳдид ёғдирилаётганининг хабарини олдилар ва шу захоти мўминларни яна ҳам кучли ҳолга келтириш истагида ораларида хусусий маънода бир қардошлиқ қуришга қарор бердилар.

Араблар қариндошлиқ боғларига, қавмият туйғула рига ниҳоятда боғлиқ бир миллат эди. Кейинроқ «маккалиkmадиналик» айирмачилиги қўзиб, мусулмонларнинг ораси бузилиши мумкин эди. Ҳакиқатан ҳам, ҳозиргача чиққан жанжаллар аксарият арзимас учқунлардан оловланган, ҳақ ёки ноҳақни айрмасдан, ҳар ким акрабосининг ва қавмининг тарафини ола бошлар эди.

Мўминлар бир-бирига қардош қилинса, оқибати гўзал бўлиши аниқ эди. Шу сабабли пайғамбаримиз (с.а.в.) бир куни Умму Сулаймнинг уйида бир маккалик, бир мадиналик қилиб «муҳожир — ансор қардошлиги»ни таъсис этдилар.

Умму Сулайм, араб одатига кўра, ўртага ичидаги кофур бўлган бир товоқ олиб келди. Бир-бирига қардош қилинган ҳар икки киши қўлларини бу товоққа ботириб, қардошлиқ аҳдини туздилар. Бу қариндошликтининг натижаси ўлароқ, бири вафот этиб қолса, иккинчиси унга меросхўр бўлиши керак эди. Бир-биrlарига ҳар соҳада ёрдамчи бўлиб, моддий ва маънавий дастак вазифасини адо этишлари лозим эди.

Бу қардошлиқ туфайли маккаликлар анчагина ғариблиқдан кутуладиган бўлдилар. Энг яқин қариндошдан ҳам яқинроқ бир қардошга эришганини билиб, қўнгиллари роҳат топди. Мадиналиклар эса, уларнинг йиллар давомида олган Қуръон илмидан, дин ахлоқидан фойдаланадилар энди.

— Кел, эй Абу Бакр!.. Сен ҳам кел, эй Хорижа!

Иккиси ҳам келди. Қўлларини товоққа ботириди. Расулуллоҳ (с.а.в.) уларга Оллоҳ йўлида қардош бўлганларини таъкидладилар. Икки одам бўлиб келган Абу Бакр билан Хорижа энди бу ердан қардош бўлиб, қўлни қўлга бериб чиқишиди.

— Кел, эй Хаттоб ўғли Умар!.. Ва, эй Итбон ибн Молик, сен ҳам кел!

Улар ҳам қардош қилинди. Ҳаммани айрича, ширин бир ҳаяжон қоплаган эди. Бир оз сўнгра Расулуллоҳ (с.а.в.) тарафларидан ким билан қардош қилиниш ҳаяжони...

Ана шундай давом этган маросим ниҳоясида:

Усмон ибн Аффон — Авс ибн Собит

Талха ибн Убайдуллоҳ — Каъб ибн Молик

Мусъаб ибн Умайр — Абу Айуб алАнсорий

Абдураҳмон ибн Авф — Саъд ибн Рабиъ

Абу Убайда ибн Жарроҳ — Саъд ибн Муоз

Аммор ибн Ёсир — Собит ибн Қайслар... қўлниқўлга бериб айрилдилар. Ҳар муҳожирга бир ансор қардош бўлган эди. Шу орада бир маҳзун овоз эшитилди:

— Ё Расулуллоҳ, менга бир қардош бермадингиз.

Дўйстларидан барчасига қўлидан тутадиган бир қардош берилган эди, нега унга берилмасин?

Набийи акрам (с.а.в) жанобимиз табассум қилиб, унга ўз қўлларини узатдилар:

— Сенинг қардошинг мен бўлай, эй Али, — дедилар.

Энг охирига қолганга энг буюк қардош насиб этган, сабр эвазига ҳолва қозонган эди. Бундай қутлуғ бир маросим уйида бўлганидан айниқса Умму Сулайм ниҳоятда мамнун эди. Бу бир оддий ҳодиса эмас, ахир. Бундай муҳим бир иш учун Расули кибриё (с.а.в.) унинг уйини танлашлари Умму Сулайм оиласига ҳурматларидан ва муҳаббатларидандир, бу ҳодиса Оллоҳ таолонинг унга бир икроми бўлди.

Саъд ибн Рабиъ янги топган қардоши Абдураҳмон ибн Авфни қўлидан тутиб, уйига бошлаб келди.

— Эй қардошим, мана, уйим. Дарҳол иккига бўламиз, ярми сеники бўлади. Икки хотиним бор. Боқ, қайсинисини ёқтиранг, талоқ қиласман, никоҳингга оласан, — деди Саъд.

Абдураҳмон табассум билан:

— Молинг ҳам, оиланг ҳам ўзпнгга муборак бўлсин, биродарим. Сен менга бозорни кўрсатиб қўйсанг, бўлди, —деди.

Биргаликда Қайнуқоъ бозорига бордилар. Абдураҳмон бир оз юриб, олдисотди учун оломон ичига кириб кетди.

Оқшом меҳмон бўлиб қоладиган уйига ўша куни топган фойдасидан бир микдор ёғ ва қатиқ олиб қайтди.

Шу кундан эътиборан Расулуллоҳ (с.а.в.) хузурларидан чиқди дегунча бозорга йўл олар, савдосотиқ билан машғул бўлиб, қардоши Саъд ибн Рабиъ оиласига юк бўлмасликка ҳаракат қиласан.

Муҳожир ва ансор ўртасида қурилган қардошлиқ эт билан тирноқ, кўз оқи билан қораҷӯғи орасидаги боғлиқлик даражасида қувватли бўлган эди. Бундай ҳолатда ким муҳожирларни мадиналиклардан айира олади? «Боринг, ишингизни қилинг, Ясриб сизнинг отангиздан қолган далами?...» дейишга кимнинг ҳадди сиғади? Энди Макка мушрикларининг таҳдидларидан бирои фойда чиқиши ҳакида сўз ҳам бўлиши мумкин эмас эди.

Мадиналик мусулмонлардан Саъд ибн Убода бирикки кун кўринмади. Касал бўлиб қолганидан хабар топган Расулуллоҳ (с.а.в.) бир эшакка миндиларда, ёиларига Зайднинг ўғли Усомани олиб, bemорни зиёрат мақсади билан Саъднинг маҳалласига йўл олдилар.

Йўлда бир тўп оломонга дуч келдилар. Мусулмон, мушрик ва яхудий аралаш ўтириб олиб гаплашишаётган экан. Пайғамбаримиз (с.а.в.) ўша ерга етганда уловни тўхтатдилар. Эшак тўхтаган жойида бирикки депсинди. Йигилганлар ичидан Абдуллоҳ ибн Убайй ибн Салул чопонининг бари билан бурнини беркитиб:

— Бизни бу ерда чангга ботирма, — деди.

Пайғамбаримиз (с.а.в.) жамоатга салом бердилар.

Уларни Оллоҳнинг бирлигини қабул этишга чақирдилар, бир микдор Қуръон ўқидилар.

Ибн Салул гапга аралашди:

— Эй киши, айтгандаринг жуда яхши нарсалар. Аммо булар чиндан ҳам ҳақ ва тўғри бўлса, бизни безовта қилма, йўлингдан қолма, сенинг олдингга ким борса, буларни ўшаларга тушунтирасан. Мусулмонлардан Абдуллоҳ ибн Равоҳа унинг сўзини бўлди:

— Эй Оллоҳнинг пайғамбари, сиз биз ўтирган жойга марҳамат қилинг. Биз сизнинг сухбатингизни ва Қуръон ўқишингизни ёқтирамиз. Бизнинг орзуимиз шудир, —деди.

Ўнгсўлдан қувватловчи турли овозлар эштилди. Бу ахволда ўртада бир жанжал чиқиши турган гап эди. Набийий акрам (с.а.в.) орага кириб, оломонни тинчлантиришга уриндилар. Ниҳоят овозлар жим бўлди ва пайғамбаримиз у ердан кетдилар.

Саъд ибн Убода ётоқда экан. Расулуллоҳ (с.а.в.) келганларининг хабари берилган заҳоти ичини бир севинч коплади, таъриф этилмас туйғулар унинг руҳини ўради.

Келган азиз меҳмон унга шифолар тиладилар. Суҳбат асносида йўлда бўлган ҳодисани англатдилар. Абдуллоҳ ибн Убаййнинг қўпол муомаласини айтиб бердилар.

— Хафа бўлманг, ё Расулуллоҳ, — деди Саъд, —унинг қусурига парво қилманг. Сиз таблиғ қилаётган бу диннинг хушхабари бизга етиб келган пайтларда Ясириб халқи уни раис қилиб кўтармоқчи, бошига тож кийдир моқчи бўлиб турган эди. Оллоҳ таоло сизга берган неъмати билан унинг раислигини тўсиб қўйгач, аввал кўрган ҳурмат ва эътиборини йўқотди, мана шу нарса унга оғир келди.

Расулуллоҳ (с.а.в.) Саъдинг уйидан қайтиб келаётганларида йўлда бир йигитчани учратдилар. У бир қўйни сўйган, энди терисини шилиш билан овора, лекин ҳеч уддалай олмаётган эди. Пайғамбаримиз унинг яқинига келдилар.

— Қани, ўтиб турчи, сенга буни қандай қилишни кўрсатаман, — дедилар.

Йигитча нарироқ чекилди, Расули акрам (с.а.в.) кўлларини тери билан эт орасига суқиб, терини ажратта бошладилар. Кўлтиқ остига келгунга қадар ажратдилар. Йигитча мамнунийт билан кузатиб турарди. Бир томонни шилиб кўрсатгач, чеккага ўтиб:

— Мана шундай қил, — дедиларда, яна йўлда давом этдилар.

* * *

Абдуллоҳ ибн Саломнинг мусулмон бўлгани хабари ҳали яхудийларга етиб бормаган эди. Бир куни Абдуллоҳ пайғамбаримизнинг (с.а.в.) ёnlарида эканида яхудийларнинг зиёратга келаётгани маълум бўлди. Ибн Салом:

— Ё Расулуллоҳ, яхудийлар тухматчи, фасод чиқаришдан хушланадиган бир миллатdir. Менинг мусулмон бўлганимни эшитсалар, турлитуман ёмон гапларни айтадилар. Илтимос, бундан олдинрок улардан мен ҳақимда сўраб кўринг, — деди ва ўзи чеккага ўтиб яшириниб турди. Яхудийлар келишди:

— Ассомуалайка, ё Мұхаммад!¹ — дейишди тилларини буриб.

— Ва алайкум, — деб жавоб қилдилар Расули акрам (с.а.в.).

Ўтиришди. Ҳолаҳвол сўралди. Гап орасида Расулуллоҳ (с.а.в.):

— Абдуллоҳ ибн Салом қандай одам? У ҳақида қандай фикрдасизлар? — деб сўрадилар.

— У бизнинг саййидимиз, улуғимиз. Отаси ҳам оталаримизнинг саййиди бўлган. Энг яхшимиз, энг олимимиз удир, — деб жавоб қилишди яхудийлар.

Бу сўздан кейин Абдуллоҳ беркинган жойидан чиқди:

— Эй яхудийлар, Оллоҳдан қўрқинг ва сизга келган бу динни қабул этинг. Оллоҳга қасам ичаманки, сиз унинг пайғамбар эканини биласизлар. Мен унинг Оллоҳ юборган пайғамбар эканига имон келтираман ва тасдиқ этаман. Яъни, уни Тавротдаги васфлари билан танийман ва сизга ҳам таниятпман, — деди.

— Ёлғон гапиряпсан, эй Салом ўғли!

— Сен ахлоқсиз, ёлғончисан!..

— Зотан, ҳар доим бошимизга бир фитна чиқариб юрасан...

Ҳар оғиздан бу каби овозлар... Салгина аввал «энг яхшимиз, энг олимимиз» дея таърифланган ибн Саломга энди бу қадар нафратли муносабат...

Абдуллоҳнинг гапи тўғри чиқди: қандай қавм эканларини қисқа вақт ичидан ўзлари исботлаб беришди. Лисони ҳоллари ила гўё: «Бизга ишониб бўлмайди. Қандай муомала қилишимизни ҳеч ким билмайди. Ҳозир ок деган бўлсақ, кетидан қора дейишимиз ҳам мумкин», дегандек бўлишди.

Абдуллоҳни «саййидимиз» деганлар гўё улар эмас.

Расулуллоҳнинг (с.а.в.) хузурларига имон келтириш учун келишмаган эди, дарҳакиқат, имон келтирмасдан кетишиди.

* * *

Бир куни кечаси Мадинада қаттиқ шовқинсурон бўлиб қолди. Одамлар чўчиб уйкудан уйғонишиди. Айримлар шовқин келаётган тарафга югорди. Йўлда Расулуллоҳга (с.а.в.) дуч келишди. У зот Абу Талханинг «Мандуб» деган отига миниб олган эканлар.

— Кўркманглар, ҳеч нарса бўлгани йўқ. Хавотир олманглар, ҳеч гап йўқ, — дердилар отдан тушаётib. — Мандуб мукаммал от, шамолдек елди ўзиям.

Ажабланарли ҳол. Ахир, Мандуб чопқир от эмасди. Тўғрироғи, шу пайтгача унинг тузуқкуруқ юрганини ҳам ҳеч ким кўрмаган. Балки пайғамбар (с.а.в.) отнинг ёмон юришига кесатиб шундай дегандирлар? Йўқ, ўхшамайди. Расулуллоҳнинг бу сўзлари тақдирловчи сўзлар эди. У зотнинг сўзлари чин ҳақиқат эди.

Шовқин кўтарилганида нима бўлганини билиш учун ҳали одамлар йўлга тушмасиданоқ Набийи акрам (с.а.в.) яқин қўшнилари Абу Талханинг отига миниб, гумбурлаган жойга қушдек учиб бориб, билиб қайтаётган эдилар. Дарҳақиқат, Мандуб Расулуллоҳ мингандарида гўё оёқлари ечилиб кетгандек учди.

Шундан кейин Абу Талха қачон Мандубни минса, шамол каби елар, чопқир бир от бўлган эди.

Кичкина Анасли пайғамбаримизга (с.а.в.) хизматчи қилиб берган Умму Сулайм оиласига Оллоҳ тарафидан берилган мукофотларнинг биттаси шумикан, ажабо??!

Масжид қурилиб битгач, пайғамбаримиз (с.а.в.) намозни фақат ўша ерда ўқийдиган бўлдилар. Шу пайтгача намоз вақти кирганида қаерда бўлсалар, ўша ерда адо этардилар. Баъзан бир хурмо дарахтининг соясида, баъзан бирор уй девори тагида, ҳатто баъзи вақтлар қўй кўраларида ҳам ўқир эдилар.

Юмушлардан холи мўминлар намоз вақти яқинлашганида масжидга келишар, кутиб туришар эди.

Ишлик мўминларга, умуман, эркагу аёл барча мусулмонларга намоз вақтини билдириш ва намозга чақириш учун нимадир қилишга эҳтиёж сезилди.

Пайғамбаримиз (с.а.в.) бу мавзуда саҳобалари билан маслаҳатлашдилар. Аввал жамоат билан ўқиладиган намознинг фазилатлари ҳақида гапирдилар. Кейин намоз вақтини қандай қилиб ҳалққа билдириш масаласини ўртага ташладилар. Кимdir қўнғироқ чалишни маслаҳат берди. Бошқа биттаси, баланд бир жойда олов ёқиши керак, деди. «Нимадир чалиш керак ёки бирор байроқ тиқайлик», деган таклифлар ҳам бўлди. Лекин ўша куни буларнинг ҳеч бири мақбул кўрилмади. Ҳозирча «Ассолату жамеъа!» (Намоз жамлайди) деб чақиришда давом этадиган бўлишди. Аммо, маълумки, Жаноби Ҳақ уларга келажакда энг чиройли бир йўл кўрсатади.

Мадиналик мусулмонлардан Абдуллоҳ ибн Зайд туш кўрди. Яшил либосли бир киши, кўлида қўнғироқ бор эмиш.

«Эй Оллоҳнинг қули, қўнғироғингни менга сот», дебди Абдуллоҳ.

«Нима қиласан?»

«Шуни чалиб, ҳалққа намоз вақтларини билдираман».

«Мен сенга янада гўзалроқ бир йўлни кўрсатаман, хоҳлайсанми?»

«Албатта».

«Намоз вакти кирганида баланд овоз билан бундай дейсан: «Оллоҳу Акбар, Оллоҳу Акбар. Оллоҳу Акбар, Оллоҳу Акбар, Ашҳаду алла илаҳа иллаллоҳ. Ашҳаду алла илаҳа иллаллоҳ, Ашҳаду анна Мұхаммадаррасуллоро. Ашҳаду анна Мұхаммадарросуллоро. Ҳайя ъалассолаҳ. Ҳайя ъалассолаҳ. Ҳайя ъалалфалаҳ. Ҳайя ъалалфалаҳ. Оллоҳу акбар. Оллоҳу акбар. Ла илаҳа иллаллоҳ».

Абдуллоҳ уйғонди. Яшил либосли кишининг айтганлари аниқтиниқ эсида қолган эди. Турсолиб Расулуллоҳнинг хузурларига чопди.

— Эй Оллоҳнинг элчиси, бир туш кўрдим... — дея бир бошдан гапириб берди.

Пайғамбаримизнинг қалбларига бу тушнинг илоҳий бир таълим эканини англатувчи

роҳатбахш бир түйғу келди.

— Инишооллоҳ, бу түғри ва содик тушдир. Билолга ўргат буни. Шу сўзлар билан намоз вақтини эълон этсин. Чунки унинг овози сеникидан жаранглироқдир.

Абдуллоҳ Билол билан бирга бир уйнинг томига чиқдилар. У тушида ўрганган калималарни айтиб турар, Билол эса, бу муборак жумлаларни жарангдор овозда такрорлар эди:

— Оллоҳу акбар, Оллоҳу акбар...

* * *

Умар ибн Хаттоб уйғонган бўлсада, ҳали тўشاқдан турмаган эди. Мадина узра «Оллоҳу акбар. Оллоҳу акбар...» садолари тараала бошлади. Шунда у ўрнидан сапчиб турди. Шошилиб, кийимини кияркиймас эшикка қараб чопди. Аёлининг:

— Нима бўлди, эй Хаттоб ўғли, қаёққа шошяпсиз? — деган саволига ҳам жавоб бермасдан, масжидга югурди. Билол аzonни тугатган ҳам эдики, либосининг бир учи ерга судралган ҳолда Умар ҳансирақ кириб келди.

— Сизни элчи қилиб юборган Оллоҳга қасамки, Билол айтган аzonни тушимда эшитдим, — деди у.

Бу сўзлар пайғамбаримизни (а.с.в.) баттар мамнун қилиб юборди.

— Бу неъмати учун Оллоҳга ҳамд бўлсин! — дедилар.

* * *

Расулуллоҳнинг масжидларига аёллар ҳам чиқишар эди. Жамоатга қўшилиб, намоз ўқишарди. Пайғамбар (с.а.в.) белгилаган тартибга кўра, олдинги сафда эркаклар, кейин болалар, кейин эса, аёллар туришарди. Кўпгина эркакларнинг кийимлари ночор эди. Рукуга эгилганларида авратлари очилиб кетмаслиги учун баъзилари кийимнинг бир учидан ушлаб туришга мажбур эди. Шу туфайли Набий (с.а.в.) аёлларга эркаклар рукудан тургунларича бош кўтармасликни, эркакларга эса, намоз тугаб, аёллар тарқалиб кетгунларича ўринларидан қимирламасликни буюрдилар.

Бир сухбат орасида у Зот бундай дедилар:

— Азон айтишда ва биринчи сафда туришда қанчалик савоб ва мукофот борлигини билсалар эди, одамлар ўзаро талашиб қолмаслик учун қуръа ташлашдан бошқа йўл топмасдилар. Агар намознинг биринчи такбирига етиб олишнинг савобини билсалар, мусобақа қилаётгандек чопиб келган бўлардилар. Хуфтон ва бомдод намозларида қандай ажрларга эришишларини билсалар эди, эмаклаб бўлса ҳам масжидга келган бўлардилар.

* * *

Қубо қишлоғида бир-бирларига қариндош бўлган икки оила орасида жанжал чиқиб, уриша бошлишди. Бу хабар Мадинага етиб келганида Пайғамбар (с.а.в.) саҳобаларига:

— Туринглар, ўша ёққа борамиз, яраштириб қўяйлик, — дедилар ва бир неча саҳобалари билан йўлга тушдилар. Қишлоққа етиб келгач, Амр ибн Авф уругларини тўплаб, уларни яратиштириб қўйдилар, дардлариға ҳамдард бўлдилар.

Намоз вақти кирган бўлишига қарамай, Пайғамбарнинг (с.а.в.) ҳали ҳам қайтмаганларини кўрган Билол Абу Бакр ҳазратларининг олдига келиб:

— Эй Абу Бакр, намозни ўқиб беринг, — деди. Шундан бошқа чора ҳам йўқ эди. Ҳазрати Абу Бакр меҳробга ўтиб, намозни бошлади. Улар намоздалик пайтларида Расулуллоҳ ҳам етиб келдилар ва дарҳол сафга қўшилиб, имомга иқтидо қилдилар. Пайғамбарнинг келганини сезганлар чапак чалиб Абу Бакрга билдиromoқчи бўлишди. У эса бу ишоратларни сезмай, намозни давом эттираверди. Ниҳоят, орқасига қайрилиб қараб, Расулуллоҳнинг ҳам намозда турганларини кўрди. Пайғамбаримиз имомликка ўтиб, намозни охирига етказдилар. Салом бергач, жамоатга қаратса бундай хитоб қилдилар:

— Эй мўминлар, намозда сиз тарафдан муҳим бир иш содир бўлди — чапак чалдингизлар. Билингларки, чапак чалиш аёлларга хосдир. Агар намозда бирон нарсани билдиришга эҳтиёж

сезсаларинг, «Субҳаноллоҳ» денглар. Шунда имом эшитиб қарайди, ҳолатдан бохабар бўлади. Ва сен, эй Абу Бакр, мен ишора қилсан ҳам, намозни тугатишингга нима монелик қилди?

Ҳазрати Абу Бакр одоб билан:

—Абу Күҳофа ўғлиниңг Пайғамбарга имомлик қилишга ҳақки йўқ, — деб жавоб берди.

Маккада никоҳи ўқилган Ҳазрати Ойиша ҳали ҳам отасининг уйида эди. Ҳали ёш экани сабабли тўй кечиктирилган эди. У балоғат ёшига етгач, Ҳазрати Абу Бакр Расулуллоҳга (с.а.в.) Ойишани уйларига олиб кетиш вақти келганини билдириди. Онаси Умму Румон Ойишани кўчадан чақириб, аёллар йифилган уйга олиб кирди.

—Хайрли бўлсин, муборак бўлсин! — дея қутлайқутлай, аёллар унинг соchlарини тарай кетдилар. Кейин онаси Умму Румон уни қўлидан ушлаб, Расулуллоҳнинг хузурларига олиб борди:

—Эй Расулуллоҳ, бу сизнинг хонимингиздир. Муборак бўлсин! — деди.

Умму Румон бир муддат тургач, пайғамбаримиздан рухсат олдида, уйига қайтди.

Тўй маросимисиз ва зиёфатсиз ўтган бу муборак никоҳ пайғамбаримизнинг (с.а.в.) Мадинага келганларидан етти ой кейин (шаввол ойида) содир бўлди.

Шаввол ойи Расулуллоҳнинг Ҳазрати Ойишага (розийаллоҳу анҳо) уйланишлариdek саодатли ҳодиса орқасидан иккинчи севинчга йўл очди: Зубайр ибн Аввомнинг аёли, Ҳазрати Ойишанинг опаси Асмо ўғил кўрди. Чақалоқни йўргакка ўрашиб, Набийий акрам (с.а.в.) хузурларига олиб келдилар. Султони анбиё пайғамбаримиз бир хурмо олиб, оғизларида яхшилаб чайнадиларда, чақалоқнинг оғзига солдилар, танглайини қўтариб қўйдилар. Кейинчалик Абдуллоҳ ибн Зубайр номи билан шуҳрат топадиган бу чақалоқнинг оғзига кирган илк нарса пайғамбаримизнинг тупуклари ва чайнаган хурмолари эди.

Абдуллоҳ ҳижратдан сўнг муҳожирлар орасида туғилган илк ўғил чақалоқ эди. Бундан фақатгина Зубайр оиласи эмас, балки барча мусулмонлар севиндилар. Бундан буён яхудийларнинг: «Биз сизларни сеҳрладик, энди сизлардан ўғил бола туғилмайди», деган сўзларининг заррача қиймати қолмади.

Ҳазрати Ойиша янги чақалоққа хола бўлган эди ва жияни Абдуллоҳга қаттиқ меҳр қўйди. Ўзи фарзанд кўрмади, аммо жиянига бўлган шу муҳаббати туфайли уни «Умму Абдуллоҳ» деб атай бошлишди.

Келажақда уни бундан ҳам юксак шараф кутарди. Улуг Оллоҳ Набийий акмал пайғамбаримизнинг (с.а.в.) барча аёллари қатори уни ҳам «Уммул мӯминин» унвони ила мукофотлайди.

* * *

Билол (р.а.) янги вазифасини завқ билан бажарар эди. Бор овози ила «Оллоҳу акбар», деб Оллоҳнинг буюклигини кунда беш марта оlamга эълон этар, бунга ҳеч ким тўсқинлик қилмас эди.

«Оллоҳ бирдир» дегани учун исканжага олган, қийнаб қон қусдирган, дунёни кўзига коронғу қилган Умайя ибн Халаф қани? Қани, энди келиб, «Учир овозингни!» деб кўрсинчи.

Билол қўлинни қулогига қўйиб, то Макка қўчаларигача, Умайя ибн Халафнинг уйигача эшилтиromoқчидек бўлиб, жондиддан «Оллоҳу акбар, Оллоҳу акбар», деб бор кучи билан ҳайқиради.

Бир сафар бомдод намозига аzon чақириш учун келганида, Сарвари анбиё пайғамбаримиз ҳали уйқуда эканлар. Эшик олдида тўхтади. «Ассолату хойрум минаннавм» (Намоз уйқудан афзалдир) деб овоз берди. Пайғамбаримиз (с.а.в.) бу сасдан уйғониб, мамнун бўлдилар ва:

— Эй Билол, шу сўзларингни доим бомдод намози аzonига қўшиб айт, — дедилар.

Сўзлари Билолга оид, зарурати Оллоҳнинг расули тарафидан тасдиқланган бу жумла то Қиёматга қадар ҳар бомдод намозида янграяжак ва Билолдан унutilmas хотира сифатида ёд этилажак.

Бу орада пайғамбаримизнинг (с.а.в.) ушбу муборак сўзлари ҳам қалбларга жо бўлди:

— Аzonни эшитганда: «Эй Оллоҳим, эй бу нуқсонсиз даъват ва ўқиладиган намознинг эгаси Раббим, пайғамбаримиз Муҳаммадга васила ва фазила мартабаларини насиб эт. Уни Ўзинг ваъда қилган мақоми маҳмудга етказ», деган кишини охиратда шафоатимга оламан.

Шундан кейин асҳоби киром Расули акаримнинг яна бир таълимотлари ила, аzon айтилаётганида муazzиннинг айтганларини айнан такрорлайдиган бўлишди. Фақат «Ҳайя ъалассолаҳ» ва «Ҳайя ъалалфалаҳ»дан кейин «Ла хавла ва ла қуввата илла биллаҳ», дейишар эди.

Масжиднинг бир тарафида усти ёпиқ бир супа бор эди. Бу супани Пайғамбар (с.а.в.) кимсасиз, бўйдоқ мўминларга ажратдилар. Шу ерда ётиб турувчилар бошқа мўминлар жўнатиб турадиган емишлар билан кун кечиришарди. Уларнинг вазифалари Қуръоннинг маъноларини англаш, Расулуллоҳнинг ҳадисларини тинглаш ва ўрганиш эди.

Бошпаналари ўша суна бўлгани учун уларни «Асҳоби суффа» (супа аҳли) деб аташди.

Усома бир муддат ташқарида ўйнади. Кейин чопиб пайғамбаримизнинг уйларига киаркан, йиқилиб тушди. Юзи ёрилиб, қон оқа бошлади.

— Тур, эй Ойиша, Усоманинг юзини тозала, — дедилар пайғамбаримиз (с.а.в.).

Аммо Ойиша рағбат кўрсатмади. Усома қора танли эди, бунинг устига, чанг босган юзига қон чапланиб, бир ғалати бўлиб кетган. Уни кўриб, Ҳазрати Ойишанинг юзи буришди. Расулуллоҳ (с.а.в.) қайта буюриб ўтирамдилар. Ҳазрати Ойишанинг бу қилигини унинг ёшлигига йўйдилар ва ўзлари туриб бориб, Усомани қучдилар. Юзини ювдилар, жароҳатига лабларини қўйиб, қонни сўриб олдиларда, тупуриб ташладилар. Кейин:

— Усома қиз бўлсайди, уни чиройли кийинтириб, келин бўлгунича харажатини ўзим кўтарардим, — деб қўйдилар.

Абдуллоҳ ибн Убайй ибн Салул Мадинада таникли кишилардан эди. Ҳатто Расулуллоҳ (с.а.в.) ҳижрат этишлари арафасида Мадина аҳли уни ўзларига раис қилиб

сайламоқчи бўлиб туришган эди. У агар Исломни қабул этса, яхши натижалар кўлга кириши мумкин, деган ўйда пайғамбаримизга (с.а.в.):

— Эй Расулуллоҳ, Абдуллоҳ ибн Убаййнинг олдига борсангиз, яхши бўларди, — дейишди.

Пайғамбаримиз (с.а.в.) бу таклифни қабул этдилар. Эшакка миниб, ёнларига бир неча саҳобаларини олиб, ибн Убаййнинг маҳалласига қараб йўлга тушдилар.

Абдуллоҳ ибн Убайй меҳмонларни очиқ юз билан қаршиламади.

— Сал нари тур, валлоҳи, эшагингнинг ҳиди кўнглимни айнитяпти, — деди атай қитмирлик билан.

Одатда, ҳеч ким бундай кутиб олинмасди. Бу сўзлар тарбия қўрган одамнинг гапи эмас. Ибн Убаййнинг қўшниси Абдуллоҳ ибн Равоҳа пайғамбаримизнинг жавобларига ўрин қолдирмади:

— Оллоҳга қасамки, сенинг ҳидингдан Расулуллоҳнинг эшакларининг ҳиди яхшироқдир.

Абдуллоҳ ибн Убайй жаҳли чиқиб, сўқинди. Бирпасда иккалови солиша кетди. Бир-бирларига мушт туширишар, ҳатто пойафзалларини отишар эди. Пайғамбаримиз орага тушиб, уларни ажратиб қўйдилар.

Бу келувдан ҳозир бир натижа чиқмаслигини билиб, у ерни тарқ этдилар.

Жума намози энди Масжиди Набавийда ўқила бошлади. Пайғамбаримиз (с.а.в.) хутбада қисқа ва сермазмун ифодалар ила мўминларнинг ақлларига ва руҳларига хитоб этардилар. Намоздан мўминларнинг қалблари покланиб чиқарди.

Жума намози куннинг энг қизиган пайтига тўғри келарди. Далада ё боғда ишлайдиганлар тўғри ўша ердан келишарди. Уларнинг жундан тўқилган кийимларидаги ҳид ҳавони айнитиб, иссиқ кунда нафас олишни баттар қийинлаштиради. Расулуллоҳ (с.а.в.) бу вазиятни тузатишга киришдилар. Мўминларни ҳафтада тсамида бир марта ювинишга, имкон бўлса, жума куни алоҳида бир либос кийиб масжидга чиқишига ва хушбўй атирлардан сепишга даъват қилдилар. Жума кунлари масжидда юзага келаётган нохуш вазият шу йўл билан йўқолди.

Ўша кунлари Макка мушрикларининг Расулуллоҳга (с.а.в.) суиқасд уюштириш эҳтимоли маълум бўлди. Асҳоби киром хушёр тортди. Хоссатан, Пайғамбар (с.а.в.) тадбир билан ҳаракат қилиш заруриятини ҳис этдилар. Кечаларни бедор ўтказишга мажбур бўлдилар.

Бир кеча уйқусизлик сўнг ҳаддига етганида, у Зоти Шарифнинг кўнгилларидан: «Қани энди дўстларимиздан биронтаси келсаю мен бир оз ухлаб олсан», деган истак кечди. Кўп ўтмай ташқаридан қиличнинг шарақшуруғи эшишилди. Пайғамбаримиз:

— Ким у? — деб сўрадилар. Таниш бир овоз:

— Менман, эй Расулуллоҳ. Саъд ибн Абу Ваққосман, — деди. Сўнгра якинроқ келиб, мақсадини баён этди: — Эй Расулуллоҳ, ёнингизда қоровул бўлиб турсам, сиз озгина дам олсангиз, деган эдим.

Фахри коинот (с.а.в.) ҳазратлари Оллоҳга шукр этиб, дарҳол уйқуга толдилар.

Бир неча кун давом этган бу хушёрик балки тўсатдан қилиниши мумкин бўлган хужумнинг олдини олгандир. Балки мўминларни хавотирга солиб, безовта қилган у хабар янгиш бўлгандир. Ҳар ҳолда, кўнгилсиз ходиса рўй бермади.

* * *

Бир кеча Усайд ибн Ҳузайр ва Аббод ибн Бишр шом намозидан кейин кетмасдан, хуфтонгача масжидда колишди. Хуфтонни ўқигач, Пайғамбар (а.с.в.) билан сухбат қуришди. Кейин рухсат сўраб, уйларига кетишиди.

Икки биродар Пайғамбар (а.с.в.) хузурларидан чиқиб манзил томон кетар эканлар, олдиларида бир нур пайдо бўлди. Улар юрган сари нур ҳам илдамлар, йўлларини ёритиб борар эди. Икки ўртоқ қадамлари қаерга тушаётганини, нимани босаётганларини кўриб туришарди. Улар ажралгач, нур ҳам иккига ажралди. Бири Усайднинг, иккинчиси Аббоднинг йўлига шуъла ташлаб, уйларигача кузатиб қўйди. Кейин нур ғойиб бўлди. Икки дўст буни Оллоҳнинг икроми деб билди.

Расулуллоҳ (с.а.в.) Мадина ҳалқини, яъни, мусулмони мусулмон бўлмаган барчасини бир танбир жон этмоққа ният қилдилар. Бу билан ташқаридан кутилаётган хужумларга қарши Мадинага кучли ички осойишталиқ ўрнатилиши мумкин эди. Яхудийларнинг катталари билан учрашдилар. Икки томонга фойда берадиган бир шартнома уларга ҳам лозим эди.

Бу шартномада: мусулмонлар ва яхудийларнинг ўз динларида эркин бўлишлари, шаҳарни ҳар қандай хужумлардан биргалashiб мудофаа этишлари; бир-бирининг душмани бўлган бирон қабила билан шартнома тузмаслиги; қурайшликларга ёрдам берилмаслиги; зулм ва ҳақсизлик қилганларни ҳимоя этмаслиги; бирон келишмовчилик чиқса, Расулуллоҳга мурожаат этишлари лозим, деган муҳим моддалар бор эди.

Мадина кечаги кунга нисбатан янада қувватли, янада осойишта ҳолатга келди. Муҳожирлар билан ансорлар ўртасида биродарлик вужудга келиши билан мусулмон бўлмаган мадиналиклар билан яхудийлар орага солиши мумкин бўлган фитнафасоднинг олди олинган бўлса, бутун Мадина ҳалқи қаттиқ эътибор берган бу шартнома туфайли ташқи муносабатларда ҳам мавқеълари хийла кўтарилди.

Ҳазрати Абу Бакр, Билол ва Амир ибн Фуҳайра қаттиқ бетоб бўлиб қолишди. Иситма хуруж қилган чоқларда Абу Бакр ҳушидан кетар, алаҳсираб: «Ҳар инсон оила аъзолари орасида тонг оттирад, ҳолбуки, ўлим унга чакмонининг камаридан ҳам яқинроқдир», маъносидаги байтни такрорлар эди.

Ёнида ётган Билол ҳам шундай ҳолатда эди. «Ох, бир тунгина бўлса ҳам, димоғимда майсаларнинг ҳидини туйиб, Макка водийида тунасам эди. Бир кунгина бўлса ҳам, Мажаннанинг суви бошида меҳмон бўлсан... Шома ва Тоғил тепаликларини кўрармикинман...» каби байтларни ўқир, баъзан бу байтлар кетидан: «Оллоҳим, Утба ибн Робиага, Шайба ибн Робиага, Умайя ибн Халафларга лаънат ёғдир. Улар бизни вафо юрти бўлган бу шаҳардан қандай суреб чиқарган бўлсалар, Сен ҳам уларни раҳматингдан чиқар», деб дуоибад этар эди.

Беморларнинг зиёратига келганлар орасида Ҳазрати Ойиша ҳам бор эди. У ҳам, бошқалар қатори, bemorлардан ҳолаҳвол сўрар, кўпинча улардан жавоб ололмас, алаҳсираб ўқилган шеърларни тинглабтинглаб қайтиб кетар эди.

Бир куни яна уларни кўриб қайтаркан, уларнинг аҳволидан Расулуллоҳни хабардор этди:

—Қаттиқ иситма тутиб, на бировнинг гапини тушунадилар, на ўзларининг гапларини англайдилар, — деди. Набийи акрам (с.а.в.) Улуғ Оллоҳга юзландилар:

— Оллоҳим, Маккани севдирганинг каби, ҳатто унданда устун бир севгила Мадинани ҳам бизларга севдир. Тошторозуларимизга баракот бер. Келган бу оғатни Жуҳфага кўчир, — дея дуо қилдилар.

* * *

Расулуллоҳ бир сафар намоз инсонни поклаши ҳақида гапирдилар. Бу сухбат асносида: «Албатта, намоз ёмонлик ва бузуқликдан сақлайди», маъносидаги оят мўминларнинг қалбига яна бир марта нақш этилди. Пайғамбаримиз (а.с.в.) сўзларида шундай давом этдилар:

—Биронтангизнинг эшигингиз олдидан оқиб ўтадиган ариқ бўлсаю ҳар куни унга беш марта тушиб ювинсангиз, танангизда кир қоладими?

—Йўқ, кир қолмайди, эй Набийи аллоҳ, — дейишиди.

—Беш вақт намоз мана шу ариқ кабидир. Бу намоз воситасида Оллоҳ гуноҳларни, хатоларни ювади, — дедилар.

Расули кибриё пайғамбаримиз (с.а.в.) таҳоратдан мавзу очдилар:

— Бир мусулмон таҳорат олар экан, юзини ювганида, қўзи билан қилган гуноҳлари тўқилади. Қўлларини ювганида, қўллари билан қилган гуноҳлари тўқилади, оёқларини ювганида, гуноҳнинг устида ташлаган қадамлари афу этилади. Натижада инсон гуноҳ қилмагандай покиза ҳолга келади. Умматим Қиёмат куни маҳшарга таҳорат олганда ювадиган аъзолари нурли бўлиб келади. Бу нурни зиёдалаштиromoқчи бўлганлар шуни билиб ҳаракат қилсин, — дедилар.

Расулуллоҳ (с.а.в.) таҳоратда мисвок ишлатиб, оғиз ва тишларни тоза тутишнинг маънавий жиҳатдан фойдасини тушунтирар эканлар:

—Мўминларга оғир бўлмаганида, ҳар таҳоратда мисвок ишлатишга буюрган бўлардим, — дедилар.

Буларни эшитган ва Расулуллоҳни яқиндан таниганлар ҳақиқатан ҳам Фахри коинот пайғамбаримизнинг ҳар таҳорат олганда мисвок ишлатишларини эсладилар.

Ўша куни масжиддан чиққанларнинг кулоқларига қўйилиб қолган мана бу сўзларнинг умри абадийдир:

— Бир кишининг жамоат билан ўқиган намози уйида ёки бозорда ёлғиз ўзи ўқиган намозидан йигирма бешараҷа устундир. Киши уйида чиройли таҳорат олгач, жамоат билан намоз ўқиши мақсадида масжид томон йўлга тушса, ташлаган ҳар бир қадами уни бир даражада юксалтиради, ҳар бир қадамда битта гуноҳи тўқилади. Намозда турганида, фаришталар: «Оллоҳим, унга марҳамат қилгин», дея қайтақайта мурожаат этдилар. Бу ҳол у киши кейинги намозни кутиши муддатида ҳам давом этади.

* * *

Усома яна бир куни ўшандагидай алфозда кириб келди. У кўча чангитиб роса ўйнаган,

юзлари вўжалақ бўлиб кетган, тер ва тупроқ қоришиб, қараб бўлмайдиган ҳолга келган эди.

Набийий акрам (с.а.в.) уни қўрдилару ювинтириб қўйиш учун ўринларидан қўзғалдилар. Аммо бу гал Ҳазрати Ойиша сал илгарироқ сапчиб турдида:

— Менга қўйинг уни, ё Набийяллоҳ, ўзим ювинтираман, — деди.

Набийлар сарварининг юзларида мамнуният ифодалари балкди. Табассумга йўғрилган бир овозда:

— Эй Ойиша, уни сев, чунки мен уни севаман, — дедилар.

Сал ўтмай Усома озода бўлган эди. (Имом Термизий, 5/677.)

* * *

Бир куни жаноби Расулуллоҳ (с.а.в.) масжиднинг қибла тарафида озгина тупукни қўриб қолдилар. Кўнгиллари ғашланди. Қўлларидағи калтак учи билан олиб ташладилар. Сўнgra жамоатга ўгирилиб:

— Ичларингда ким ўзидан Оллоҳнинг юз ўгиришини истайди? — деб сўрадилар.

Бошлар қўйи эгилди, кимсадан жавоб чиқмади. Жанобимиз саволларини тақрорладилар:

— Ким у ораларингизда ўзидан Оллоҳнинг юз ўгиришини орзу қиласидиган?

Яна садо чиқмади. Учинчи марта сўрагакларида:

— Ҳеч қайсимиз орзу қиласидиган, ё Расулуллоҳ, — дейишди тўпланганлар.

— Намоз ўқигани турган кишига Оллоҳ таоло раҳматини қибла томондан юборади. Шунинг учун ҳеч ким қиблага қараб тупурмасин. Ўнг тарафига ҳам тупурмасин. (Тупургиси келиб қолса,) чап томонига чап оёғи турган жойга тупурсин. Агар жой тор бўлса, — дедилар ва бўйинларига ташланган рўмолнинг учига тупуриб қатладиларда: — Шундай қилсин, — дедилар.

Бунинг маъноси рўмолчасига тупурсин демак эди.

Кимнинг туиургани номаълумлигича қолди.

— Менга озгина атири келтиринглар.

Ёш йигитча ўрнидан турди, бирпастдан кейин ҳовучида атири билан кириб келди. Пайғамбар жанобимиз (с.а.в.) қўлларидағи калтак учини атирга ботирдилар ва у билан тупук тушган жойни сийпалаб қўйдилар.

* * *

Бир неча киши масжидга келганида намоз аллақачон бошланган, энди рукуга борилаётган палла эди. Чопқиллаб келиб намозга қўшилиб олишиди. Жанобимиз (с.а.в.) намозни тугатгандан кейин жамоатга ўгирилдилар.

— Нимага чопдиларинг бунаقا? — деб сўрадилар.

— Намозга етиб олишга шошилдик, — деб жавоб қилишиди.

— Бошқа сафар бундай қилманлар. Ҳузур ва хотиржамлик билан, вазминсалобатли одимлар билан келинглар намозга. (Хатто кеч қолган бўлсангиз ҳам.) Етишган қисминизни жамоат билан ўқинг, олдинроқ ўқиб қўйилган қисмини кейин ўзингиз тугатиб қўйинг, — дея марҳамат қилдилар.

* * *

Макка...

Бир замонлар «Агар Оллоҳ менинг бу касалимга шифо бериб, тузалиб кетсам, ибн Абу Кабшанинг (яъни, пайғамбаримизнинг) таъзирини бериш бўйнимга қарз бўлсин. Маккада унинг худосига ибодат қилинмайди!» дея қасам ичган Абу Ухайҳа орадан кўп йиллар ўтганига қарамай, оғир дарддан қутула олмади.

Ўғли Холид мусулмон бўлгач уйдан чиқиб кетганича лоакал бир бора қайтиб келмади. Қўлига тушсаку, ўзи билади нима қилишини: аввал роса таъзирини беради, кейин қизиқиб қолган бу янги динингни тарқ эт, отабоболарингнинг эски динига қайт, деб буюради.

Аммо, на чора, Холид уйига келмади. Бу ёқда касали ҳам ёқасини қўйиб юбормаяпти. Шам каби кунданкунга эриб битди Абу Ухайҳа.

Нихоят бир куни... ҳаҳа, бир куни ажал ўқи отилди. Сўнгги нафас олиндию Оллоҳга ва расулига душман бўлган бирининг ҳаёт дафтари ёпилди охир...

Азоб фаришталари келди, унинг ҳabis руҳини танасидан жудо этдилар ва Оллоҳнинг расулига душманлигининг ҳисобини сўраш учун олиб кетдилар.

— Сизлар кимсизлар? Мен Абу Ухайҳаман, Макканинг энг кўзга кўринган шахсларидан эканимни дуч келган одамдан сўрашларингиз мумкин! — ҳам дея олмади.

Ҳақиқатан, Макка шаҳри куфрнинг бошчиларидан бўлмиш нуфузли шахсиятларнинг биридан жудо бўлган эди. Айни чокда, мусулмонлар ҳам ашаддий душманларининг биридан кутулдилар. Холид ибн Сайд отасининг ўлимидан хабар топмади. Хабар топганида ҳам ҳеч хафа бўлмасди. Яъни, ўғлини ҳақ йўлдан қайтаришдан бошқа иши бўлмаган, Ислом динини туғилган жойида бўғишга ҳаракат қилган бундай инсоннинг ўлими хафа бўлишга ҳам арзимас эди.

* * *

Мадина...

Бир гурух мусулмон аёллар пайғамбаримизни зиёрат қилгани келди.

— Эй Оллоҳнинг расули, эркаклар доимо сизнинг ёнингизда қийматли сұхбатларингизни тинглайдилар. Аммо биз аёллар бундан маҳруммиз. Эркаклар сұхбатингиздан баҳра оладилар, биз эса, қуруқ қолганмиз. Биз учун ҳам бир кунни тайин этсангиз ва бизга ҳам динимизни ўргатсангиз, — дедилар. Аёлларнинг бу таклифи маъқул кўрилди.

— Фалон куни фалончи хотиннинг уйида тўпланинглар, — дедилар.

Ўша кун келгач, Пайғамбар (а.с.в.) айтилган ерга бордилар, аёлларга ўз вазифалари хусусида маъруза қилдилар. Сұхбат мобайнида уларга сабрли бўлишни тавсия этдилар.

— Ичингиздан бирингизнинг мабодо учта фарзандингиз оламдан ўтган бўлсаю бунинг аламларига сабр этган бўлсангиз, бу сабрингиз учун жаҳаннамдан тўсгувчи бир парда бўлади, — дедилар.

Аёллардан бири сўради:

— Иккита фарзандидан айрилган бўлсачи?

— Унга ҳам шундай, — деб жавоб қилдилар пайғамбаримиз (а.с.в.). Эшишиб ўтирганлар фарзанд сони эмас, балки кўрсатилган сабртоқат муҳим эканини тушуниб етдилар.

Сұхбатлари унча узун бўлмади. Зеро, пайғамбаримиз (с.а.в.) кўп гапиришни ёқтирас эдилар. Аммо «келиши билан кетиши бир бўлди» дейишлирага ҳам ўрин қолдирмадилар. Чунки ким билан сұхбат қилмасинлар, уни зериктириб қўймаслик, қалбини, руҳини қондириш каби мақсадлар у зотнинг асосий мақсадларидан бири эди. Бевақт, беўрин, маъносиз гаплар гапириш табиатларига зид ишлардандир. Чанқаган тупроқ сувга қандай муҳтож бўлса, тингловчилар ҳам сұхбатга шундай бир эҳтиёжлари борлигини сезмагунча биронбир маъруза қилишни тўғри деб билмасдилар, аммо таблиғ этилиши лозим ҳақиқат бўлса, аввал тингловчиларнинг етарлича диққатназарларини ўзларига жалб қилиб, кейин асл масалани тушунтирадилар. Ҳар хил ишлов бериш учун темирни аввал қиздириб олиш лозим бўлганидек.

Дарҳақиқат, Расули кибриё жаноблари (с.а.в.) аёлларга: «Сизларга ҳам англатмоқчи бўлган нарсаларим бор», деб уларни бир ерга тўплаб маъруза қилишлари ҳам мумкин эди. Аммолекин уларнинг бундай сұхбатларга ичдан эҳтиёж сезишларини ва маданий бир жасорат ила келиб шундай истаклари борлигини ўз оғизлари билан арз этишлари муҳим эди. Чунки пайғамбаримиз шунақа сұхбатларгина кўпроқ фойдали бўлишига ишончлари комил эди.

Бундан буён Расулуллоҳ (с.а.в.) ҳафтанинг маълум кунларида аёлларга хусусий маърузалар қиладилар, аёллар ҳам Набийий акрам ҳазратларининг (с.а.в.) факат ўзлари учун қиладиган

бундай маъruzаларини тинглашга мушарраф бўладилар.

Бир одам пайғамбаримиздан (с.а.в.) ёрдам сўраб келди:

— Бу одамга ёрдам беринглар, мутлақо ажру мукофотини топасизлар, — дедилар Сарвари олам. Сўнгра қўшиб қўйдилар: — Мўминлар бир-бирлари ила деворлари гишт билан ўралган бино каби бўлиши керак. — Бармоқларини бир-бирига чалишибтириб, мана бундай дея ишорат қилдилар. Яна давом этдилар: — Мўминлар шафқат ва марҳамат борасида бир-бирларига нисбатан ягона вужуд кабидирлар. Шундайки, бу вужуднинг биронбир жойида оғриқ ёки зарар пайдо бўлса, ўша вужуднинг бошқа қисмлари ҳам бу оғриқни баҳам қўрадилар, беҳаловат бўлади. Бир мусулмоннинг бошига мусибат тушса, бошқалар ҳам бунга чора топиши лозим...

Тул аёлга ёки фақир кимсага ёрдам бериш учун ишласа, кундузлари рўза тутиб, кечалари ибодат қиласидан киши каби мақбул бўлишини англатдилар. Бу орада:

— Ҳар бир мусулмон киши садақа бериши лозимdir, — дедилар.

Фақир мусулмонларнинг нигоҳлари пайғамбаримизга (с.а.в.) қадалди: «Қандай қилиб садақа берайлик, ўзимиз садақага муҳтож ҳолдамизку?» деган маънода жовдиарди бу қўзлар. Ораларидан бирлари кўпчиликнинг ҳис-туйғуларига таржимон бўлди:

— Ё Расууллоҳ, инсон садақа берадиган бирон нарсага эга бўлмаса, нима қилсин? — дея сўради.

— Ишлаб топади. Ҳам ўзи ишлатади, ҳамда садақа беради.

Бу сафар бошқа томондан савол келди:

— Бунга ҳам кучи етмасачи, нима қилади?

— Унда муҳтож одамларга билак кучи билан ёрдам қилсин.

— Бунинг ҳам иложини қилолмасачи?

— Яхшиликни амр ва тавсия этади.

— Буни ҳам қила олмасачи?!

— Шарр ишлардан ўзини тияди, бошқаларга заар бермайди. Бу ҳам ўша одам учун садақадир.

Кейин Пайғамбар (с.а.в.) савол бердилар:

— Дараҳтлар ичидаги япроқларини тўқмайдиган ва бу ҳоли ила мўмин инсонга ўхшайдиган бир дараҳт бордир. Қани, айтингчи, бу қайси дараҳтдир? Бир бошдан санай бошлашди. У ёнбу ёндан ҳар хил дараҳт номлари айтилди, аммо ҳеч бириники тўғри чиқмади. Ва ниҳоят:

— Ўзингиз айтинг, эй Оллоҳнинг расули, — дейишиди.

— Хурмо. Ҳаммаларинг энг кўп кўрган, энг кўп билганларинг дараҳтдир.

Саҳобийлар жавобни узоклардан қидиришгани боис топа олишмаган эди.

Набийи акрам (с.а.в.) бу мавзуда бундай изоҳлар қилдилар:

— Мўмин кишининг ҳолати ҳақиқатан ҳам ажабланарли, ҳайратомуздир. Ўзига хуш ёқувчи, севинтирувчи бир ҳодиса рўй берса, Раббига шукр қиласи. Бу эса, ўзи учун хайрли бўлади. Қийинчилик, мусибат каби ҳодисалар етса, сабр этади. Бу ҳам унинг учун хайрли бўлади.

Ўтирганлар масалани бу томондан ўйлаб кўргач, япроқларини ҳеч бир мавсумда тўқмайдиган хурмо дараҳти билан чин мўмин орасидаги ўхашликни жуда яхши англаш етдилар. Бириси иссиқсовуқ мавсумларда ҳам баргларини тўқмай ямяшил қолса, иккинчиси хурсанд ва хафа қилгувчи ҳодисалар қаршишида шукр ва сабр ила ўзини мувозанатда сақлаб, ҳар икки ҳолда ҳам фойда топади, савоб олади. Бундай мувозанатни сақлай олмаганлар ва Оллоҳ берган неъматга қовушганида ҳаддидан ошиб кетган, бирон мусибат келса, ёқасини йиртиб додфарёд кўтариб, сабр кўрсатмай, ҳар икки ҳолатда ҳам савобдан маҳрум бўлаётган инсонлар йўқ эмасди.

Ўша куни масжиддан чиқаётганлар Ҳазрати Пайғамбардан (с.а.в.) бундай муборак сўзларни эшитдилар:

— Оллоҳу таоло бир қулини севса, Жаброилга (а.с.) ваҳий этади: «Мен фалончи бандамни севдим, сен ҳам севгин», дея амр қиласди. Ҳазрати Жаброил ҳам ўша кишини яхши кўради. Сўнг само аҳлига: «Оллоҳу таоло фалон қулини севади, сизлар ҳам уни севингиз», дея хитоб қиласди. Само аҳли ҳам уни севади. Бунинг кетидан эса, ер юзида Оллоҳни севувчи инсонларнинг қалбларига унинг севгиси жойлаштирилади.

Расулуллоҳ ҳазратларининг сұхбатларидан баҳраманд бўлганлар ўша куни рухлари тўйган, кўнгиллари ювилган, юзлари топатоза, порлоқ ҳолда уйларига қайтдилар.

Умар ибн Хаттоб ҳам уйига томон йўл оларкан, ўғилчали Абдуллоҳ унинг қўлига осилди.

— Отажон!

— Нима дейсан, ўғлим?

— Пайғамбаримиз япроқлари тўкилмайдиган дараҳтни сўрадиларку?..

— Ҳа, ҳа. Хўш?..

— Мен ўша заҳоти унинг хурмо дараҳти эканини билдим, — деди Абдуллоҳ севинчдан кўкка сапчигудек бўлиб.

— Жуда яхши, аммо нега айтмадинг?

— У ерда ҳамма мендан катта эди, уялдим.

— Айтганингда бошим осмонга етарди. Бирор менга қизил тую ҳадя этса ҳам, бунчалик севинтирумасди.

Отаўғил шу тарзда сұхбатлашасұхбатлаша келдилар уйларига. Умар ибн Хаттоб фикрли, зеҳнли ва одобли ўғли борлигидан ғоятда мамнун ва баҳтиёр бўлди.

* * *

Бир куни пайғамбаримиз Муҳаммад алайҳиссалом бир қанча асҳоблари билан бирга яхудийларнинг олдига бордилар ва уларни Ислом динига даъват этдилар. Имон келтирсалар, бериладиган савобнинг буюклигини тушунтирудилар. Юз ўғирсалар, чекадиган азобларнинг шиддатини ҳам хабар бердилар. Аммо яхудийлар ҳалибери имон келтирадиганга ўхшашмасди.

— Келтирган бу янги дининг ҳақ дин эмас, — дейишиди.

Муоз ибн Жабал сўзга аралашди.

— Эй яхудийлар, қасам ичаманки, сизлар унинг Оллоҳнинг расули эканини биласизлар. Унга пайғамбарлик вазифаси берилмасдан аввал сизлар билан қилган баҳс мунозараларимизда бизларга нима деганларингизни эсланг. Келадиган янги пайғамбарни барча сифатларию хусусиятлари ила биламиз, демабидингиз? У келса, унга имон келтирамиз ва сизларнинг кунингизни кўрсатамиз, деб юрганлар сизлар эмасми?

Рофи ибн Хураймила бошини тебратди:

— Биз ҳеч қачон ундан демаганмиз. Оллоҳу таоло Мусонинг китоби Тавротдан кейин ҳеч қандай китоб туширмаган ва ҳеч қандай пайғамбар ҳам юбормаган, — деди.

Ёнида турган дўсти Вахб ибн Яхудо «тўғри айтмоқда» деган маънода бошини иргаб, унинг гапини тасдиқ этди.

Шундай қилиб, аввалги ҳолларини биладиган ва бу ҳакиқатларни улардан неча маротабалаб эшитиб юрган инсонлар қаршисида ҳамда ўзлари тўласича таниб турганлари ҳақ пайғамбар ҳузурида кўрабилатуриб инкор этарканлар, ҳатто юзлари қизармади. Аммо бу юзлар эртага ҳисоб ва жазо кунида қизаражак, пушаймонлик терларини тўкажакдир.

Роббул Оламийндан пайғамбаримизга ваҳий олиб келиш вазифаси юқлатилган фаришта Жаброили амин (а.с.) Сарвари коинотнинг қалбларига ушбу оятларни ваҳий этди:

«Яхудийлар Оллоҳнинг қадрини керагича (кераги Қадар) тақдир этмадилар. Чунки улар: «Оллоҳу ҳеч бир инсонга ҳеч бир нарса нозил қилмагандир», дедилар.

Уларга деки: «Мусонинг инсонларга бир нур ва ҳидоят ўлароқ олиб келган ва сиз уни бўлакбўлак (коғоз) вараклар ҳолида ўзингизга ёққанини эълон қилиб, аммо кўп қисмини яширганингиз Китобни (Тавротни) ким нозил қилди? Сиз ва оталарингиз билмаган нарсалар

сизга ўргатилгандир». Эй расулим, сен: «Уларни туширган Оллоҳдир», де. Кейин уларни тарк эт, ботил гапсўзлари билан овуниб туратурсинлар» (Анъом, 91).

Бу оят уларга таблиғ этилган дамда ҳам уларнинг ҳолида бир ўзгариш сезилмади. Яхудийларнинг юzlари яна қизармади. Чунки уларнинг мақсадлари ҳақни қидириб, ҳаққа боғлиқ бўлиш эмас эди.

* * *

Икки киши бир-бири билан тортишиб қолиб, иккиси ҳам жуда ёмон асабийлашди. Ҳатто шундайки, бирининг бўйин томирлари ёрилиб кетар даражада бўртиб, юзининг ранги ва шакли ҳам ўзгариб кетди. Пайғамбаримиз (с.а.в.) уларни қўраркўрмас:

— Мен бир калима биламан, шояд бу одам ўшани айтса, ичидаги аччиқланиш дафъ бўлади. Ўша калима: «Раҳмати Илоҳийадан қувилган шайтоннинг шарридан Оллоҳ паноҳига сифинаман» (Аъзу биллаҳи минашшай тонир рожийм) сўзидир, — дедилар.

Пайғамбаримизнинг бу сўзларини эшитганлардан бири ўша одамнинг ёнига борди. Расулуллоҳдан (с.а.в.) ўрганганларини унга такрорлади ва:

— Шайтондан Оллоҳга сифин, — деди.

Халиги одам косасида гилдираб ўйнаб турган кўзларини унга бурди:

— Менда ғайритабиий бир ҳол кўряпсанми? Жинни манмики шайтондан паноҳ тилайдиган ҳолга тушган бўлсам? Сен мени ўз ҳолимга қўй, — деди.

Келган киши изига қайтди. Шу пайт пайғамбаримиз (с.а.в.) ёnlаридағиларга:

— Мард, паҳлавон деб кимга айтадилар, биласизларми?! — дея ҳайқирдилар.

— Паҳлавон деб курагини ҳеч ким ерга теккиза олмаганга айтилади, — деб жавоб қилишиди.

— Йўқ, — дедилар улуғ Пайғамбар (с.а.в.), — асл паҳлавон жаҳли чиққанда ўзига ҳоким бўлган кишидир.

Инсон ўзини қўлга олиши осонми? Аммо ҳақиқий тарози ишлайдиган Олий маҳкамада энг зўр паҳлавон сифатида ғазабини боса олганларнинггина тоши босади.

Қирқ маротаба мағлуб бўлса ҳам, ҳеч нарса бўлмагандек яна оёққа турадиган, яна ўша иддао билан майдонга отиладиган нафсининг қаршисида доимо уйғоқ, доимо бардам ва қарорли бўлиш ҳар кимнинг ҳам қўлидан келмайди. Кўнгиллар юз йиллар қаърида қолиб кетган бир хотирани Қуръон оятларидан топиб чиқарди. Пайғамбарлардан Юсуф (а.с.) ҳам: «Мен нафсимни айбисизdir, яхшидир, деб ёнини олмайман. Ҳеч шубҳа йўқки, нафс доимо ёмонликка чорлайди», демаганмиди!?

* * *

Бир куни Пайғамбар (с.а.в.) бомдод намозидан кейин кўрган тушларини айтиб бердилар:

— Қора танли, сочи тўзғиган бир аёлни кўрдим.

Мадинадан чиқиб кетди ва Жуҳфада тўхтади, — дедилар.

Буни нима маънода таъбир қиларкинлар, дегандай нигоҳлар у Зоти шарифнинг оғзиларига қадалди. Нихоят изоҳ берилди:

— Мен бу рўёни Мадинадаги вабонинг Жуҳфага улоқ тирилганлиги маъносида тушундим, — дедилар.

Бу тушнинг ҳақиқатини эртагаёқ ҳалқнинг ўзи кўзи билан кўради, ичидан яшайди ва ҳақиқат эканига шоҳид бўлади.

Чиндан ҳам ўша куниёқ эса бошлаган ёқимли шамол эски Ясриб ҳавосини янги Мадина ҳавосига алмаштириди. Мадина бутунлай бошқа мадина бўлди. Бу шамол шаҳарга ҳеч қачон чиқмаслик шарти билан жойлашиб олгандай ўзбошимчалик қилаётган золим бир иллатни ҳеч қачон қайтиб келмайдигандай қилиб суриб кетди. Тўшакларда михланиб ётганлар руҳларига бу шамол янгиланиш берди, ичичларига қадар тўйибтўйиб нафас олишнинг нақадар фараҳли эканини ҳис этдилар. Баҳор кела бошлаган сайин дарахтларнинг қупқуруқ таналарига сув

югуриши каби ҳаётбахш эди бу ҳолат. Ҳар тарафни куйдириб, сиқиббўғиб қўядиган ҳавоси билан танилган Ясриб шахри бундан буён гўзал, тоза ҳавоси билан, ёқимли шамоллари билан хотиралардан жой олгувчи Мадина шахрига айланди. Севгили пайғамбарини Макка мушрикларининг зулмларидан қутқарган Оллоҳ энди уни Ясриб безгагига ташлаб қўярмиди ҳеч?!

Чунки коинотнинг юраги бу ерда урмоқда эди. Борлик оламиининг ягона соҳиб ва эгаси Жаноби Ҳақ Ҳабиби адибини Ясрибдай касаллик ўчоғида эмас, балки руҳларга фараҳлик бергувчи Мадинадай бир шаҳарда сақлашни мурод этиб, севгили пайғамбарининг дуосини қабул этди ва бу касалликни у ердан бартараф қилди.

Бундан сўнгра пайғамбаримиз Мадинани севажак, муҳожирлар ҳам севажаклар ва Маккадан кўра ҳам кўпроқ Мадинага боғланажаклар эди.

* * *

Мадина мусулмонларидан Абу Масъуд кунлардан бир куни хизматчисидан жаҳли чиқиб, қўлига илинган калтак билан савалай кетди. Урган сари ғазаби жўшиб, янада кўп, янада тез ура бошлади. Бирдан янграган шиддатли овоздан ўзига келди.

— Эй Абу Масъуд, шуни билиб қўй!..

Бу ким бўлди? Нима истайди ўзи? Овознинг шиддатидан ҳатто қўлидаги калтакни ҳам ерга тушириб юборди. Аммо ҳали ҳам ғазабда ва асабий эди.

Ҳалиги овоз яна бир бор гумбурлади:

— Эй Абу Масъуд, билиб қўй!..

Мажбуран қайрилиб қаради, қаради юзи қипқизил бўлди. Қалбини буткул эгаллаган ғазаб бир онда хижолатга айланди.

Ҳамиша кулимсираб юрадиган, кўрган киши яна бир бор қўришни орзу қиласиган бу муборак юзга ҳозир шундай бир ҳайбат ўрнашган эдики, Абу Масъуднинг иликларигача титраб кетди. Бу чехра эгаси Мадинага келганидан бери сұхбатларини Абу Масъуд бир неча бор тинглаган, аммо бу даража кескин ва амirona бир овозлари ҳам борлигини кутмаган эди.

Одиммаодим яқинлашар эканлар, Пайғамбар (с.а.в.): «Эй Абу Масъуд, билиб қўй!..» деб тақрорлар эдилар. Ниҳоят, Абу Масъуд ёнларига борди. Боши эгик, хижолатда, ўзига берилажак хукмга рози айбдор вазиятида кута бошлади. Пайғамбар (с.а.в.) сўзларини бундай тамом қилдилар:

— Эй Абу Масъуд, билиб қўй: Оллоҳу таолонинг сенга нисбатан қудрати сенинг шу хизматчига нисбатан қудратингдан кўра устундир!

Қилган ишидан пушаймон бўлган инсон жавоб берди:

— Эй Оллоҳнинг расули, бундан буён ҳеч қачон ҳеч қайси хизматчини урмайман. Бу хизматчим эса, Оллоҳ ризоси учун ҳур ва озоддир.

Севгили пайғамбаримиз дедилар:

— Агар уни озод қилмаганингда, сенга мутлақо жаҳаннам оташи илашар, сени паришон қилар эди. (Муслим, 3/1280.)

Хизматкор эса, янги бир ҳаётга эришиб, ҳурриятини қўлга киритди. Оламларнинг сарвари бўлмиш пайғамбаримизга (с.а.в.) мамнуният тўла қўзлар билан боқди.

Абу Масъуд бу ҳодисани дўстларига айтиб берганида, қўпларнинг юзи ўзгарди. Ҳар ким бир миқдор алам ҳис этди. Чунки хизматчини фақат Абу Масъуд савалаб турмасдида. Бинобарин, пайғамбаримиз (с.а.в.) айтган жазо ёлғиз Абу Масъудга тегишли эмас эди. Аммо хизматчи танбеҳдаккига ҳақиқатан лойиқ бўлсачи? Буни аниқлайдиган бир чегара борми?

Ниҳоят бу мавзуда аниқ бир маълумотга эга бўлиш ва ҳаракатларини шунга кўра қилишни истаганлардан бири келди ва ҳамманинг қўзи олдида:

— Эй Оллоҳнинг пайғамбари, хизматкоримни неча маротаба кечиришим керак? — деб сўради.

Пайғамбаримиз (с.а.в.) бу саволни жавобсиз қолдирдилар. Эҳтимол бу ишни уларнинг ўз вижданларига ҳавола қилмоқчи бўлгандинлар? Саҳобийлар бу зотнинг: «Сизлардан бирингиз ўз нафсига хуш ёқадиганини мўмин қардошига ҳам орзу этмагунича ҳақиқий маънода мўмин ҳисобланмайди», деганларини билишарди. Бу сўралган саволга ҳам шу муборак сўзлар нури остида ўzlари жавоб топишлари лозимлигига ишорат қилгандирлар? Яъни: «Мен ҳам бир хизматчи бўлишим мумкин ва ўзимга қандай муомала этишларини орзу этаман?» дея хаттиҳаракатларини ҳисоб-китоб қилиб кўришларини истагандирлар?

— Эй Оллоҳнинг иайғамбари, хизматкоримни неча маротаба маъзур кўриб афв этишим керак?

Яна жавоб бермадилар. Бу саволни эшитмадилар гўё...

«Саволингиз жавобини мен Абу Масъудга айтдимку, ахир. Сизлар ҳам ундан бошқачароқ ҳукмга лойиқ эмассизлар».

Балки Буюк Пайғамбар (с.а.в.): «Оллоҳнинг сени қай даражада маъзур кўришини истасанг, сен ҳам хизматчингга шунчалик маъзур кўр, маъносида бир хулоса чиқариб олишларини истагандирлар? Аммо савол бергувчи бу мавзуни мутлақо Набийи акмалга (с.а.в) хал этдиришни хоҳлар ва шунга қарор қилган эди. Эҳтимол у, ҳамма ўз тушунчаси бўйича йўл тутишидан кўра, энг салоҳиятли оғиздан чиқадиган фармонни тинглаши хайрлироқдир, дея ўйлар? Балки бу мавзуда ўзининг тушунчаси етарли эмасдир ёки илоҳий бир амр остида тақрортакрор сўрагиси келаётгандир. Ишқилиб, учинчи бор яна сўради:

— Эй Расулуллоҳ, хизматкоримни неча маротаба маъзур кўриб, афв этишим керак?

Бу сафар пайғамбаримиз унга юзландиларда, донадона қилиб:

— Ҳар куни етмиш маротаба! — дедилар. (Термизий, 4/336.)

Жовдираган нигоҳлар бир-бирига қадалди. Бошлар

бу таҳдидкорона хитобдан беихтиёр икки ёққа тебранди. Яқиняқингача оғир ишларга мўлжалланган, хўрланган ва бўларбўлмас баҳоналар ила таёқ еб келган хизматкорлар бундан буён эмин-эркин нафас оладиган, атрофга бошларини бемалол кўтариб қарайдиган ва ёмон сўз эшитмайдиган бўлдилар. Набийлар султони (с.а.в.) бу мавзуни бир оз ойдинлатиш учун кўшимчалар қилдилар:

— Улар сизларнинг оғанииларингиздир. Оллоҳ уларни сизга ёрдамчи ўларок берган экан, оғаниилар ўртасида қандай муомала лозим бўлса, шундай муомала қилинг. Ҳар ким ўзи ейдиган таомдан унга ҳам едирсин, ўзи кийган кийимлардан кийдирсин, кучи етмайдиган ишларга буюрмасин. Бордию унга оғир иш таклиф қилиб қолса, ўзи ҳам ёрдамлашсин. Ичингиздан биронтангиз хизматчисига беихтиёр қўл кўтариб қолса, Оллоҳни хотирласинда, дархол қўлинни туширсин...

Бу насиҳатлар ўша ерда ҳозир бўлганларнинг қулоқларига исирға каби тақилди. Суҳбатда иштирок этмаган, аммо ўша кундан кейин ўзларига қилинаётган муомалаларнинг ўзгарганини кўрган хизматчи ва чўрилар бу ҳолга ҳеч тушуна олмадилар. Аммо кейинчалик буни Оллоҳнинг пайғамбари томонидан эсанг тутли, раҳмат шамолларига боғладилар, унинг бир лутф ва икроми эканини англаб етдилар. Энди хонадонларда қул ва чўриларга янада инсофли, янада марҳаматли ва шафқатли муносабат қилинадиган бўлди. Қул ва чўрилар хўжайинлари ўзларига «ўғлим», «қизим» каби шириң сўзлар билан мурожаат эта бошлаганларини сездилар.

* * *

Ҳазрати Умар (р.а.) билан бирга ҳижрат этган, аммо Абу Жаҳл билан укасининг ҳийлаларига алданиб Маккага борган Айёш ибн Робиа ва ҳали Маккадан чиқмай туриб қўлга туширилган Салама ибн Ҳишом ҳибс этилган эдилар. Бундан ташқари, ҳижрат қилиш имконини топа олмаган бир қанча мўмин Маккада қаттиқ тазииклар остида эди.

Бир бомдод намозида Пайғамбар (с.а.в.) иккинчи ракатда рукуга эгилдилар. Сўнгра рукудан тургач, саждага бормай, қўлларини кўтардилар:

— Оллоҳим, Салама ибн Ҳишомни, Айёш ибн Робиани ва қийноқ остида қолган бошқа мўминларни сен ўзингўтқар. Оллоҳим, сен ҳам Мудор қабиласига тазиикингни орттири. Юсуф пайғамбар даврида берганинг очлик, қийинчилик каби, уларга ҳам йўқчилик бер, — дея дуо этдилар. Кейин «Оллоҳу Акбар» деб сажда қилдилар. Намозни тугалладилар.

Бундай дуолар бомдод намозидан то хуфтон намозигача давом этиб, бир неча кун такрорланди.

* * *

Абдуллоҳ ибн Убайй Расулуллоҳни (с.а.в.) ёмон кутиб олганидан ҳеч пушаймон эмас эди. Зиёратга келган инсонни бу шаклда қаршилаш тарбиясизлик, ҳурматсизлик эканини, албатта биларди. Араб урфодатларига қўра, меҳмонга икром кўрсатилиши лозим. Бу хунук ва қўпол хаттиҳаракатларини ҳеч ким асло кечирмас.

Бир куни мадиналиқ бир неча мўмин уни кўргани келишди. Имон келтиришни таклиф қилишди. Аммо Ибн Салул бундай таклиф қилганларнинг оғзига урди:

— Ораларингиздаги бир гуруҳ аҳмоқларга ўхшаб биз ҳам имон этайликми? — деди.

Унга англатилдики, имон келтириш аҳмоқлик эмас, аксинча, ҳақиқий ақлли киши Оллоҳни бир деб билиши ва Ҳазрати Мухаммадни (с.а.в.) пайғамбар деб қабул қилиши лозим. Яна айтилдики, қилиб турган ва яна давом эттириш ниятида бўлган бу ҳаракати бузғунчиликдан бошқа нарса эмас. Аммо Ибн Салул бу огоҳлантиришларни қабул этмади:

— Бизнинг мақсадимиз Ясирида сизлар бузган тартибтузумни янгидан тиклаш ва тузатишга ҳаракат қилишдир. Ақлларингиз бўлса, бу буюк сўзларга қулоқ соласизлар, — дея жавоб берди.

Ибн Салулдай бир кимса йўлга кирмаслигига қаноат ҳосил қилган ҳолда у ерни тарк этдилар.

* * *

Ҳавоси кунданкунга яхши бўлиб бораётган Мадинада аввалдан сув тақчиллиги масаласи бор эди. «Румо» деб аталган қудукдан бошқа чучук сувли қудуклари йўқ ҳисоби. Румога эса, бир яхудий хўжайин. Мусулмонлар у ердан хоҳлаганча сув ололмасдилар. Яхудий сувини пулга сотар, текинга ҳеч ким бир томчи ҳам сув ичолмас эди. Пайғамбаримиз (с.а.в.) ҳам бу қудук сувидан бир гал ичган ва хушланган эдилар.

— Бу қудукни сотиб олиб, ўзи қатори бошқа мусулмонларнинг ҳам идишларини тўлдириб, эвазига жаннатда янада хайрли бир қудукқа соҳиб бўлишни ким хоҳлайди? — дея хитоб қилдилар бир куни.

Бу муборак хитоб тезда таъсирини кўрсатди. Яъни, орадан ҳеч қанча вақт ўтмасданоқ Ҳазрати Усмон (р.а.) қудук эгаси яхудийнинг ҳузурига борди. Қудукни сотгин, деб таклиф қилди. Яхудий кўнмади.

—Ҳеч бўлмаса ярмини сот! — деди.

—Ярмини қанақа қилиб сотаман?

— Қудукдан бир кун сен фойдаланасан, бир кунмен.

Йўли топилганидан яхудий севинди:

— Мана бу бошқа гап! Бундай қилса бўлади. Нархини бозорга сол, — деди.

Натижа шу бўлдики, Ҳазрати Усмон унинг ҳовучига ўн икки минг дирҳамни санаб солиб қўйди.

Шундан кейин Ҳазрати Усмонга тегишли кунларда сувга харидор бирданига ортиб кетди. Мўминлар келиб икки кунлик эҳтиёжларига етарли сувни олиб кетардилар. Қудукқа яхудийнинг хўжайинлик галида ҳеч ким келмай қўйди. Нарх ҳам бирданига тушиб кетди. Яхудий шошиб қолди. Харидорни ўзига тортиш учун у ҳам нархини туширди. Барibir бўлмади.

Чунки шериги Усмон навбати куни сувни текинга тарқатаётган эди.

* * *

Илк мусулмонлардан Усмон ибн Мазъун ибодатга муккасидан кетган одам сифатида танилган эди. Дунёга ҳеч майли қолмаган. Ягона фикри мўлқўл ибодат қилиш ва ибодатларига тўсиқ бўлувчи ҳар нарсани ҳеч ўйланиб ўтирмай тарк этиш. Уйланган, аммо фақат сўзда уйлангандек. Оилали, аммо оила ҳаётини юритмасди, бўйдоқдек яшарди. Назарида, оила ҳаёти уни ҳақ йўлдан чиқарадигандек, охират ҳаётига ҳам халақит қилаётгандек бўлар, фикриёди ўзини бу ҳаётга олдириб қўймаслик эди. Бу ишда шундай чуқурлашиб кетдики, ҳатто эрлик ҳис-туйғусини ўлдирадиган, ҳеч қачон оила ҳақида ўйламайдиган машъум бир йўлни ҳам синааб кўрмоқчи бўлди. Бу ишини Оллоҳга қулиш йўлида қўядиган қутлуғ қадам деб билди.

Унинг ичдан келган бу орзуи секинаста ёнидагиларга ҳам таъсир этиб, асҳобдан баъзи ёшлар бу йўлни танламоқчи ҳам бўлди.

Ниҳоят бир куни Усмон пайғамбаримизга (а.с.в.) дардини очди. Нима қилмоқчилигини айтди. Аммо шиддатли қайтариққа учради. Қатъийдан бундай бир машъум ишни қилмаслик буюрилди. Усмоннинг фикрига эргашган ёш мусулмон йигитлар ҳам бу режаларидан тезда воз кечдилар.

Усмон эса, уйида яна ибодатда давом этди. Бир куни пайғамбаримиз (с.а.в.) унинг уйи ёнидан ўтарканлар, эшигининг икки четига икки муборак қўлларини тираб туриб, бундай дедилар:

— Эй Усмон, Оллоҳ сени бир руҳбон' қилиб яратмаган. Эй Усмон, Оллоҳ мени ҳам руҳбонлик таълими учун юбормаган. Эй Усмон, шуни яхши билиб ол: Оллоҳнинг менга берган вазифаси руҳбонликни ўргатиш иши эмасдир. — Сўнгра сўзларида давом этиб, ушбуларни қўшимча қилдилар: — Оллоҳ хузурида энг хайрли дин қулайликни амр этадиган пок Ислом динидир.

Пайғамбаримиз унга: «Буткул ибодатга берилиб кетган бу ҳаётингни тўғри деб топмадим», демоқчи эдилар.

Усмон эса, кўп ибодатдан бошқа нарсани ўйлайдиган ҳолда эмасди. Ахир, Оллоҳ рози бўладиган диний ҳаётни энг чиройли шаклда ўргатувчи Буюк Пайғамбарнинг шахрида яшаса... Бундан ташқари, ўзи шу Буюк Пайғамбарга эмикдош бўлса... Намозларини бу зотнинг орқасида туриб ўқиса... Энг муҳими — ҳақ дин ила мушарраф бўлган бўлса... ибодатини у кўпайтирмай ким кўпайтирсин?! Бошқалардан бир неча баробар кўп ибодат қилиб, охиратга оламолам намозлар олиб кетиш қандай яхши!..

Шу орада Усмоннинг таъсирида янада кўпроқ ибодат қилиб қолиш ғайратига минган яна уч йигит Набийий акрамнинг (соллаллоҳу алайҳи васаллам) уйда йўқ пайтларини пойлаб туриб, хонаи саодатларига келди ва аёлларидан пайғамбаримизнинг уйдаги ибодатларини ўрганди. Аммо олинган жавоб уларни мутлақ қониқтирумади. Тасаввурларида бошқача — ниҳоятда кўп бўлиши керак эдида. Бунчалик ибодатни оз деб билишди.

— Албатта, у Оллоҳнинг расули, шундай экан, унинг ҳеч қандай гуноҳи йўқ. Дунёси ҳам, охирати ҳам кечирилган, таъминланган. Оллоҳу таоло нега кўп ибодат қилмадинг, деб пайғамбарини оташга ташламайдику, ахир! Бизларчи? Бизга бу ибодатларнинг ўзи кифоя қилармиди? Бу қадар оз ибодатларимиз нажот топишимизга етарлимикан?

Бу саволга учовининг ҳам жавоби бир хил бўлди: «Йўқ! Асло!» дейишди. Улардан бири:

— Шу кундан эътиборан мен тунлари ухламайман, фақат ибодат қилиб чиқаман, — дея қасд этди.

— Мен уйланмайман, — деди иккинчиси.

— Мен кунларимни доимо рўза тутган ҳолда ўтказаман, — деди учинчиси.

Йигитлар пайғамбаримизнинг (а.с.в.) хотинлари ва қизларининг кўз ўнгидаги шундай қарорга келиб, у ердан айрилишди.

Расулуллоҳ (с.а.в.) уйга келиб, бу хабарни эшитдилару кўнгиллари хижил бўлди. Дархол

масжидга кирдилар. У ерда ўтирганларга ҳам воқеани англатиб, бундай хитоб қилдилар:

— Шуни яхши билингларки, сизларнинг ичингиизда Оллоҳдан энг кўп қўрқадиган киши менман. Шу билан бирга, мен рўза тутаман ҳам, тутмаган қунларим ҳам бўлади. Тунлари ибодат қиласман, аммо ётиб ухлайман ҳам. Аҳли аёлим билан оиласвий ҳаётни ҳам юритаман. Менинг йўлим ва суннатим мана шудир. Менинг сунна тимдан юз ўтирган эса, мендан эмасдир.

Дарҳақиқат, ибодатнинг шакли, вақти, миқдори доимо у зот қўрсатганидай бўлиши керак эди. Бошқа бирорлар ўртага чиқиб қўрсатган шакл, вақт ва миқдорга ўз ақлича аралashiши, уларни кам деб ҳисоблашига хожат йўқ ва бундай ҳаракат маъносиз, хато ҳаракат бўларди. Оллоҳнинг пайғамбари У бўлганидан кейин Оллоҳга ибодат қилиш йўлини қўрсатиш ҳам Унга оид бўлиши керак эмасми?

Масала шу тариқа ҳал қилинган бўлди. Пайғамбаримиз (с.а.в.) уйларига келган ҳалиги уч йигитга ҳам, бошқа мўминларга ҳам энг гўзал ва энг яхши бир шаклда дарс бердилар. Аммо Усмон ибн Мазъуннинг бу воқеадан хабари йўқ, у уйида ибодати билан машғул эди.

Бир куни Усмоннинг хотини Ҳавла хоним Расулуллоҳнинг (с.а.в.) уйларига келди. Аҳволи паришон. Пайғамбаримиз аёллари ундан ҳол сўрадилар. Ҳавла эри Усмоннинг буткул бир бўйдоқ йигитдай ҳаёт кечираётганидан, эрхотинлик алоқасини тамоман тўхтатиб қўйганидан шикоят қилди.

— Кечалари узунданузоқ намоз ўқийди, кундузлари тинимсиз рўза тутади, — деди.

Кечкурун Расули акрам уйга қайтганларида хотинларидан бу хабарни эшилдилар. Дархол Усмонга одам жўнатдилар. Усмон ҳам ҳаялламай етиб келди.

—Чақиртирган экансиз, эй Оллоҳнинг расули, — деди.

—Эй Усмон, сен менинг суннатимдан юз ўтиргингми?!

Бу савол қаршисида Усмон сесканиб кетди:

—Оллоҳ сақласин! — деди шошапиша. — Мен сизнинг суннатингизни маҳкам ушлаб, шунга кўра яшашга кечакундуз ҳаракат қилиб ётибманку.

—У ҳолда шу ҳақиқатни билиб ол, эй Усмон: мен ҳам ухлайман, ҳам намоз ўқийман. Ҳам рўза тутаман, ҳам овқат ейман. Аёлимга яқинлик ҳам қиласман. Эй Усмон, Оллоҳдан қўрқ, шуни унутмаки, аёлингнинг ҳам сенда ҳаққи бордир. Никоҳнинг елкангга юклаган вазифаларини бажар. Келган меҳмоннинг сенда ҳаққи бордир, уларга бир нарсалар икром эт. Ўз нафсингнинг ҳам сенда ҳаққи бордир, вужудингни керагича дам олдир. Рўза тут, аммо тутмаган қунларинг ҳам бўлсин. Тунлари ибодат ҳам қил, дам ҳам ол.

Унга айтилган бу тавсиялардан сўнг пайғамбаримиз (с.а.в.) ҳаммага тааллуқли ушбу муборак сўзларни айтдилар.

— Курбингиз етадиган амалларни қилишга аҳамият беринг. Шуни яхши билингки, Оллоҳу таоло сизнинг амалларингизга эваз беришдан зерикмайди, аммо сиз зерикасиз. Оллоҳу таолога амалларнинг энг хуш ёқадигани — оз бўлса ҳам, давомли бўлганидир.

Зерикиш ичра қилинган ибодатнинг фойдаси бўлмаганидек, тартибсиз, аммо кўп ибодатдан оз бўлсин, давомли ва тартибли қилинган ибодат янада хуш эканлиги шу тариқа билиб олинди.

Усмон ҳам Расулуллоҳнинг (с.а.в.) бу тавсияларига кучи етганича амал қилиш нияти билан у ердан айрилди. Орадан бир неча кун ўтиб Усмоннинг хотини Ҳавла чиройли, ясантусан кийинган ҳолда пайғамбаримизнинг (а.с.в.) аёллари зиёратига келди. Энди хўжайини Усмон ҳам секинаста оиласвий ҳаётни яшай бошлаган эди.

Орасира эндингина балогат ёшига етган бир яҳудий йигитча масжидни супурибсидириб турарди. Учтўрт кун кўринмай қолди. Жаноби пайғамбар (с.а.в.) хавотир олиб, кетидан суриштиридилар. Касал бўлиб қолган экан. Расулулоҳ (с.а.в.) дархол бирикки дўстлари ҳамроҳлигига яҳудий болани зиёрат қилгани бордилар. Оллоҳдан шифо тиладилар. У ёқбу

ёқдан анча сұхбатлашиб ўтиришди. Нихоят пайғамбар алайхиссалом йигитчага мусулмон бўлишни таклиф этдилар.

Йигит не деб жавоб қиласини билмай, отасининг кўзларига термулди. «Нима қил дейсиз, отажон?» дегандек илтижо маъноси бор эди унинг бу қарашида.

Отаси ҳам касалликдан кунданкунга шамдек эриб бораётган ўғлига қаради. Ҳали ўн гулидан бир гули очилмаган, эндиэнди йигит бўлиб келаётиби, шу ёшида дунё билан видолашса... Ўлим томон қадамбақадам яқинлашаётганини кўзи очик ҳар бир инсон кўриб турарди. Дунёдан насибасини ололмаган гўдакнинг ҳеч бўлмаса охирати порлоқ бўлсин...

Шуларни хаёлидан кечираркан, ота шафқат ва марҳаматомуз бир овозла:

— Ўғлим, Абул Қосимга итоат эт, — деди.

Йигитча ҳам шундай жавобни кутиб тургандай, ша

ходат калималарини айтиб, мусулмон бўлди.

Бир оздан кейин Ҳазрати Пайғамбар (с.а.в.) у ердан кетарканлар, йўлйўлакай:

— Бу йигитни жаҳаннамдан кутқарган Оллоҳга ҳамд этаман, — дедилар.

* * *

Анас бир оқшом уйга кеч келди. Онаси Умму Сулайм хавотирланиб ўтирган экан.

— Каерда қолдинг, ўғлим, — дея қаршилади.

— Пайғамбаримиз мени бир ерга жўнатдилар, — деб жавоб қилди Анас фахр ила.

— Кимга жўнатдилар? Нима иш билан?

— Бу бир сирдир, онажон. Пайғамбаримизга оид бир сир.

Умму Сулайм ўғлининг катта одамлардай бўлиб қолганидан мамнуният сезди:

— Ундай бўлса, ҳеч кимга айтакўрма, ўғлим. Бир сир ўлароқ қолсин, — деди.

Нима эди бу сир?

Пайғамбаримиздан, Анасадан ва хабар жўнатилган кишидан бошқа ҳеч ким кейинчалик ҳам бу сирдан хабардор бўлмади. Ҳаттоки Анас узоқ йиллар кейин, оппоқ соқолли бир чол бўлиб, ўлим тўшагида ётганида ҳам ўша омонатга хиёнат қилмади. Самимият ила хизматини қилиб турган Собит алБунонийга дедики:

— Ўша сирни ҳозиргача ҳам бир кимсага айтмадим. Агар уни ҳаётимда кимгадир айтишим мумкин бўлганида, уни албатта сенга айтардим. Аммо бу энди абадий бир сир ўлароқ қолади... (Муслим, 4/1926.)

* * *

Мадиналик мусулмонлардан Саъд ибн Муоз бир куни умра қилиш нияти билан Маккага ўйл олди. Шаҳарга етиб келгач, эски таниши Умайя ибн Халафнинг уйига тушди, Умайя Мадинага келса, Саъднинг меҳмони бўлар, Саъд доим Умайянинг ёнида қолар эди.

Сұхбат мобайнида Саъд Каъбани тавоф этмоқчи эканини айтди.

— Кайси пайт тавоф қилсан яхши бўлади? — деб сўради.

Энг муносиб вақт пешиндан кейин ҳамма қайлула уйқусига кетган пайт деб топилди. Бирга чикишди, Каъбага боришди. Саъд тавоф қила бошлади. Аксига олиб, Абу Жаҳл ҳам ўша ерда экан. Кўзларига уйқу келмай чиқсан, шекилли.

— Ким бу одам? — деб сўради Умайядан.

— Ясиридан Саъд ибн Муоз, меҳмоним, — деди Умайя.

Абу Жаҳлнинг тепа сочи тикка бўлди. Саъднинг қаршисига чиқди:

— Менга қара! — деди ўшқириб. — Сен шу онда истаганингча Каъбани тавоф қиляпсан. Ҳолбуки бизнинг жамоатимизни тўзитиб кетган Мухаммадга ва шерикла рига шаҳарларингдан бошпана бериб, ёрдам қилдиларинг. Қасам ичаманки, агар Умайянинг ҳимоясида бўлмасайдинг, бу ердан соғомон чиқиб кетолмасдинг.

Саъд ибн Муоз Абу Жаҳлнинг бу тарбиясизларча муомаласи қаршисида асабийлашди.

— Агар сен менинг Каъбани тавоғ этишимга тўсқинлик қиласиган бўлсанг, мен ундан баттарроғини қиласман!

— Нима қила олардинг?

— Шом тижорат йўлини кесиб қўяман.

Умайя орага кирди:

— Эй Саъд, гапингни қайтиб ол. Қаршингдаги одам бу водий халқининг каттаси ва хўжайини.

«Эй, қуриб кетсин бунақа хўжайин, ер ютсин бундай каттани!» деда хаёлидан кечирди Саъд, Сўнгра:

— Эй Умайя, — деди қизишиб. — Ҳеч шубҳа қилмагинки, У келтирган дин кунданкунга тарқалиб кенгайиб, уфқларгача ёйлади. Бу ерларда ҳам диннинг ҳукми ўтадиган бўлади. Ҳеч ким бу диннинг ёйилишига монелик қила олмайди.

Умайя унинг сўзини бўлди:

— Эй Саъд, токи биз тирик эканмиз, бу ерларга у оёқ босолмайди. Сен ҳам буни билиб қўйгин!

Даҳанаки жанг тобора авжга минди. Саъд ҳам ўзини тутолмай қолди.

— Сенга келсак, эй Умайя, — деди, — мен Оллоҳнинг расулидан сени ўлдиришларини эшитдим.

Умайянинг ранги оқариб кетди.

— Маккада ўлдирапканми? — деб сўради.

— Унисини билмайман, — деди Саъд, — аммо бу сўзни шахсан ўзларидан эшитдим, ишонавер.

— Ўзи ўлдирапмишми?

— Уни ҳам билмайман.

Энди меҳмондорчилик бўлмаслиги тайин, на меҳмон сифатида Саъднинг ва на мезбон сифатида Умайянинг бунга кайфияти қолди. Шу боис Саъд ўша ердаёқ туясига миндида, «Қайдасан, Мадина?» деда жўнаб кетди.

Можарони кузатиб турган Абу Жаҳл оловга яна ўтин қаламоқчи бўлдими:

— Нима гап, эй Умайя, бирдан оқариббўзариб кетдинг? — деда ўсмоқчилади.

— Эшитмадингми ясирибликнинг сўзларини, эй Абул Ҳакам?

— Эшитдим, нима бўлиби?

— Мени, ўлдираман, дебдику.

— Айтса, айтар. Келибоқ ўлдираётгани йўқку.

— Аммо, биласанки, Муҳаммад ёлғон гапирмайди.

Абу Жаҳл асабийлашди:

— Ёлғон гапирмаса, бор, сен ҳам унинг динига кир, қани, нега турибсан?!

Умайя боши эгилган холда:

— Унинг динига кирадиган бўлганимда, сен билан маслаҳатлашиб ўтирмасдим, — деди ва хомуш уйига йўл олди.

Үйида хотини хавотирла кутиб олди.

— Сенга нима бўлди, ўйчан кўринасан?

Умайя бўлган воқеани айтиб берди. Хотинининг кўнглидан «Муҳаммад ёлғон гапирмайди» деган сўз билан бирга, бир аччиқ фифон сизиб ўтди.

«Энди қочиб кутулолмасанг керак», деган маънода эрининг юзига қаради.

Умайя хотинидан бир гап кутиб ўтирмай, қарорини билдириди:

— Энг яхши чора Маккадан ташқарига чиқмаслик.

* * *

Жума намозларига Расули акрам (с.а.в.) катта аҳамият берардилар. Бир куни яна бу мавзуда тўхталиб, бундай дедилар:

— Ким чиройли таҳорат олиб, жума намози учун масжидга келиб, жимгина хатибга қулоқ солиб тингласа, унинг икки жума ораси қилган гуноҳлари кечирилади, хам уч кун ортиғи билан. Лекин ким хутбага керагича эътибор қилмаса ва, масалан, ўйнаб ўтиrsa, беҳуда иш қилган ва мукофотдан маҳрум қолган бўлади. Жума куни масжидларнинг эшикларига фаришталар келиб ўтиради, келганларни навбат билан қайд этиб боради. Илк келганлар бир туюни қурбонлик қилгандек савоб оладилар. Кейинроқ келганлар бир сигир, ундан кейингилар шоҳли бир қўчкор қурбон қилгандек ҳисоб қилинадилар. Тўртинчи гуруҳ товуқ, бешинчи гуруҳ эса, тухум садака қилгандек савобга эришиб, Оллоҳга яқинликни орзулаган инсондек муомала кўрадилар. Имом хутба ўқиши учун минбарга чиққанида, малаклар ҳам дафтарларини ёпиб, масжидга кирадилар ва хутбани тинглайдилар.

Пайғамбаримиз жума намозига алоҳида бир кийим кийишни одат қилган эдилар. Хутба ўқийдиган жойда жамоатга қараб ўтириб, аzonни эшитар, кейин туриб бир хурмо устунига таяниб, Оллоҳга ҳамд ила бир ваъз бошлар, мўминларга тавсиялар қилас, яхшилик ва саодатга олиб борадиган йўлларни кўрсатар, барча мўминлар ҳақига дуолар қилас, эдилар.

Хутба орасида қисқа бир муддатга ўтириб, кейин яна турардиларда, ҳамд ила бошлаган хутбаларини давом эттиардилар.

Хутбадан кейин жамоатга имом бўлиб, икки ракат фарз намоз ўқирдилар. Сўнгра Султони анбиё (с.а.в.) бундай деган эдилар:

— Ким жумадан кейин намоз ўқимоқчи бўлса, тўрт ракат намоз ўқисин.

Баъзан пайғамбаримиз (с.а.в.) ўзлари уйда икки ракат намоз ўқиган пайтлари хам бўлган. Натижада Расулуллоҳнинг (с.а.в.) асҳоблари фарзни ўқигандан кейин тўрт ёки олти ракатдан намоз ўқий бошлаганлар. Баъзилар тўрт, баъзилар олти ракат ўқирди. Вақтнинг бўш ё тифизлигига қараб, баъзан тўрт, баъзан олти ракат ўқийдиганлар ҳам бор эди.

Бир сухбатда Расулуллоҳ (с.а.в.) яхши амалларнинг дунёда ҳам нажот василаси бўлишини англатдилар:

— Сиздан аввалги умматлардан уч киши биргалиқда йўлга чиқди. Кечани ўтказиш учун бир ғорга кирди. Иттифоқо, тоғдан бир тош тушиб, ғорнинг оғзини бер китиб қўйди. Буни кўргач, ўзаро шундай дейиши: «Қилган бирон яхши амалларимизни айтиб, Оллоҳ таолодан мадад сўрашдан бошқа бизни бирон нарса қутқара олмайди». Улардан бири бундай деди: «Оллоҳим, менинг кекса онам ва отам бор. Уларни едирмасдан ичирмасдан олдин болаларимга ҳам, ҳайвонларимга ҳам бир нарса бермасдим. Бир куни ўтин олиб келиш учун кетган эдим. Кечроқ қайтдим. То овқат тайёр бўлгунча, ухлаб қолишибди. Уйғотишга ҳаддим сифмади. Иккинчи ёқдан, овқатни оиласдан улар емасдан олдин беролмасдим ҳам. Товоқни қўлимдан кўймай, уларнинг уйғонишлигини тонггача кутиб чиқибман. Болаларим атрофимда йиғлашади. Ниҳоят отаонам уйғондию сутларини ичириб, қўнглим тинчилини. Оллоҳим, бу ишни сенинг розилигинг учун қилганимни тасдиқ этанг, бизга кенглик бер, бу тошдан келган балони кетказ», деди. Бу ҳикоядан кейин тошхиёл сурилиб тирқиши пайдо бўлди. Лекин қутулиб чиқиб кетиш учун у кифоя эмасди. Ҳамроҳлардан иккинчиси сўз бошлади: «Оллоҳим, амакимнинг бир қизи бор эди. Инсонлар ичида менга ундан севиклиси йўқ эди. Бир аёл қанчалик севилиши мумкин бўлса, мен ҳам уни ўша даражада севардим. Кўнглим тусаган ишни қилмоқчи бўлдим, кўнмади. Ниҳоят юртимизга қурғоқчилик келдиу уни менга муҳтоҷ қилди. Орзуимни бажаришга кўниш шарти билан унга юз йигирма динор бердим. Қабул этди. Энди мақсадимга етай деб турганимда: «Оллоҳдан кўрк ва муҳримни ноҳақлик билан, никоҳсиз бузма», деди. Дарҳол орқага чекилдим, берган пулимдан ҳам воз кечдим. Оллоҳим, буни сенинг розилигинг учун қилганимни тасдиқ этсанг, бизга кенглик бер ва бу тошдан келган балодан халос қил», деди. Тош яна бир оз сурилди. Лекин очилган тирқишига ҳали ҳам одам сифмасди. Шунда учинчиси

хикоясини бошлади: «Оллоҳим, мен бир неча ишчи ишлатдим. Ҳаммасига ҳақларини бердим. Аммо ичларидан бириси ҳақини олмади, ташлаб кетди. Мен унинг ҳақини ишлатдим, ҳатто шу даражадаки, натижада анчамунча молга соҳиб бўлдим. Маълум вақт ўтгач, олдимга келди ва: «Эй Оллоҳнинг бандаси, менга бер ҳақимни», деди. «Кўриб турганинг шу тuya, сигир, қўй ва хизматчилар сеникидир», дедим. «Эй Оллоҳнинг бандаси, мени мазах қилияпсанми?» деди. «Мазах қилмаяпман, булар сеники», дедим ва аҳволни тушунтиридим. Ҳалиги одам ҳеч нарса қолдирмасдан ҳаммасини олиб кетди. Оллоҳим, буни сенинг розилигинг учун қилганимни қабул этсанг, бизга кенглик бер ва бу тошдан келган балодан бизни халос қил», деди. Шу пайт тош яна бир оз очилди ва у ердан чиқиб кетдилар...

* * *

Расулуллоҳ (с.а.в.) Муоз ибн Жабал билан қаёққадир кетаётган эдилар. Ёлғиз иккалалари. Расули акрам (с.а.в.) бирдан:

— Эй Муоз! — деб чақириб қолдилар.

— Лаббай, эй Оллоҳнинг расули!

Бирон нарса десалар керақ, деган қаноатда Муоз кутди, бироқ пайғамбаримиздан бошка садо чиқмади. Шу ҳолда анча жим кетдилар. Энди ҳеч нарса демасалар керак, деб ўйлаган ҳам эдики:

— Эй Муоз! — деб қолдилар яна.

— Лаббай, ё Расулуллоҳ. Амрингизга мунтазирман. Лекин у яна бехуда кутди: анча юриб қўйғанларига қарамай, бир оғиз ҳам сўз айтилмади. Энди умидини узган пайтда учинчи марта хитоб янгради:

— Эй Муоз!

Бошқа одам бўлганида... Аммо чақираётган Оллоҳнинг расули эди, Оллоҳнинг расули эса, мақсадсиз бир ишни қилмайди! Шу боис бу гал ҳам интизорлик или жавоб қилди:

— Лаббай, ё Расулуллоҳ...

Шунда Пайғамбар (с.а.в.):

— Бандалар устида Оллоҳ таолонинг ҳаққи нима эканини биласанми? — дедилар.

— Оллоҳ ва расули яхши билади, — деди Муоз.

— Оллоҳнинг бандалари устидаги ҳаққи ибодат қилишлари, ҳеч бир нарсани унга шерик қилмасликларидир.

Сўз шу ерда тугади. Йўлчилик давом этди.

— Эй Муоз! — дедилар яна Сарвари олам (с.а.в.).

— Лаббай, ё Расулуллоҳ!

— Бандалар буни қилганлари тақдирда Оллоҳ таолонинг устида бандаларнинг ҳаққи нима бўлади, биласанми?

— Оллоҳ ва расули яхшироқ билади.

— Уларга азоб бермаслигидир.

— Бу хушхабарни инсонларга етказсамда, севинсалар, майлими, ё Расулуллоҳ?!
— Унда улар танбал бўлиб қолишади...

Суҳбат шу ерда тўхтади. Сафар давом этарди. Набийийи акрамнинг (с.а.в.) асл мақсадлари — аввал диққатни жалб қилиб, айтилажак сўзни Муознинг зеҳнига мустаҳкам жойлаштиromoқ эди. Шунчаки эшитиб қўядиган гап эмасди булар. Бундай бир усуслни қўллашдан муродлари энди англашилди. Ҳарҳолда, бу сўзлар асрлар кейин келадиган умматга ҳам айни софлик ичиди етказилиши учун айтилган эди. Зеҳнларга жойлаштириш учун энг қулай ва самарали чоратадбир эди бу.

Бир оз яна юргач, ерга чўкишди. Муоз вужуди Расулуллоҳнинг (с.а.в.) муборак вужудларига тегатега ёнма-ён қилган бу сафарининг завқини ҳеч қаердан топа олмас, бу саодатни ҳеч бир нарса эвазига алмаштиришни истамас эди.

Аммо иш бу билан тугамайдигандай эди. Набийийи акрам (с.а.в.) Муознинг қўлидая тутдилар:

— Эй Муоз, Оллоҳга қасамки, мен сени яхши кўраман. Ҳар намозингдан кейин мутлақо ушбу дуони ўқишингни тавсия этаман: «Оллоҳим, сени зикр этиш, сенга шукр қилиш ва сенга чиройли ибодат қилишим учун менга мадад бер».

Муоз кўзларининг ичига қараб гапираётган Расулуллоҳнинг (с.а.в.) бўйинларига ёпишиб қучоқлаб олай деди. Оллоҳнинг энг улуғ расули, яна бунинг устига қасам билан, уни севишини айтиётган эди! Ичидаги ҳаяжонни, севинчни англата олиш учун Муознинг бир эмас, минг тили бўлса ҳам, яна етмас эди. Кўзларининг ичигача бир иссиклик сингди. Кейин ёш томчилари ҳолида окди бу севинч ифодалари. Расулуллоҳнинг унга маҳсус тавсия этган дуоларни поклик ичра Мавлосига айтаркан, лаблари ҳаяжон ва севинчдан титрар эди.

Муоз бу сафарни қалбининг энг тубида азиз бир хотира ўлароқ сақлади. Ўқиган ҳар намозининг орқасидан қўлларини қўтариб, Расулуллоҳнинг қўлларига тегиб турибди, деган хаёл ва тушунча ила «Эй Муоз, валлоҳи, мен сени яхши кўраман» сўзларини эшитаэшига, ўргатилган у дуони такрор этди: «Оллоҳим, сени зикр этишим, сенга шукр қилишим ва сенга чиройли ибодат қилишим учун менга мадад бер».

Муоз ҳаётининг охиригача бу дуода давом этди. Ўша сафарнинг хотирасини умри бўйи қалбининг теранликларида, фақат ўзига хос бир тарзда асррабавайлари. Ўлим тўшагида ётганини, дорул бақога кўчиш вақти етганини англаҳис этган пайтида у ширин хотирани ўзи билан мозорга олиб кетишга кўнгли рози бўлмади. Кўз ўнгида ўша муборак сафар қайтадан жонланди. Гўё Набийийи акрамни (с.а.в.) орқаларидан қучоқлаган: «Сизни ташламайман, сиздан айрилмайман, ё Расулуллоҳ!» дея ёпишиб олгандай...

Ўйга чўмган кўзлари бир муддат шундай қолди. Кейин бу сафарни бутун тафсилоти билан гапириб берди...

Энди иккинчи бир сафар бошланаётган эди. Яна Расули акрам (с.а.в.) ҳамроҳликларида, яна у зотнинг изларидан давом этувчи абадий ҳаётнинг, охират оламининг сафари...

Муоз (р.а.) охират оламига ана шундай хотиралар ҳамроҳлигига кўчди.

* * *

Мадиналик мусулмонлардан жуда факир бир киши Расулуллоҳ (с.а.в.) хузурларига келиб, ёрдам истади.

— Уйда ишга ярайдиган ҳеч нарсанг йўқми? — деб сўрадилар Сарвари Олам.

— Битта кўрпамиз бор, — деди у одам, — ярмини остимизга тўшаймиз, ярмини устимизга ёиамиз. Яна бир идишимиз бор.

— Уларни менга келтир. Бориб олиб келди. Пайғамбар (с.а.в.) уларни қўлларига олдиларда, атрофдагиларга кўринарли даражада баландга қўтариб:

— Бу иккисини сотиб олмоқчи бўлган борми? — деб эълон қилдилар.

— Мен уларга бир дирҳам бераман, — деди кимdir.

— Бир дирҳамдан кўпроқ берадиган йўқми?

Овоз чиқмади.

— Бир дирҳамдан ортиқроқ берадиган йўқми? — деб яна сўрадилар.

Яна ҳеч кимдан жавоб бўлмади. Пайғамбаримиз учинчи марта такрорладилар. Бу гал бошқа бир киши:

— Мен икки дирҳамга оламан, — деди.

Пайғамбаримиз кўрпа билан идишни унга бериб, пулни

олдилар. Ҳалиги одамга:

— Бу икки дирҳамнинг бирига егулик бирон нарса олда, оилангга едир. Иккинчисига бир болта сотиб олиб, менинг олдимга кел, — дедилар.

Одам кетди ва болта олиб келди. Пайғамбаримиз уни ўз қўллари билан сопладилар.

— Бор, ўтин олиб келиб сот. Ўн беш кунгача сени кўрмайин, — дедилар.
Бояги одам чиқиб кетди.

* * *

Ўша кунлар бўлса керак, Расулulloҳ (с.а.в.) ёнларида ҳозир бўлган еттисаккиз саҳобий билан кўришарканлар, бирдан сўраб қолдилар:

— Оллоҳга ва расулига байъат қилмайсизларми (ҳар амрига бўйсуниш ҳақида сўз бермайсизларми)?

Ҳамма ҳайрон бўлди. Умр бўйи ҳар бир буйруқларини бажаришга сўз берганларига ҳали ҳеч қанча бўлмаган эдида.

— Биз сизга байъат қилган эдик, ё Расулulloҳ, —дейишди.

Пайғамбаримиз бу гапни гўё эшитмадилар.

— Оллоҳнинг расули билан аҳдлашмайсизларми? —дедилар.

Яна ўша жавоб берилди. Бундай бир аҳдлашув бўлгани, ҳали кўп вақт ўтмагани ҳам эслатилди. Пайғамбаримиз яна эшитмагандек, учинчи марта таклифни тақорорлаганларидан кейин саҳобийлар қўлларини узатдилар.

— Биз сизга ҳар амрингизни бажаришга сўз берган эдик. Бу гал қандай иш учун байъат қиласиз, эй Оллоҳнинг расули? — дея сўрашди.

Шунда Жаноби Пайғамбар (с.а.в.):

— Оллоҳгагина қуллик қилишга, унга ҳеч нарсани ширк қўшмасликка, беш вақт намозни ўқишишга ва менга итоат қилишга сўз беринглар. Ҳамда... — дея бир муддат тўхтаб турдиларда, пиҷирлаган овозда қўшимча қилдилар: — Ҳамда ҳеч кимдан бирон нарса истаманг, тиланманг.

Расули кибриёнинг (с.а.в.) бу тавсиялари шу ерда ҳозир бўлганларга ҳақиқий маънода таъсири этиши аниқ эди. Улардан бири бўлмиш Авф ибн Молик орадан йиллар ўтиб, бу ходиса билан алоқадор хотирасини англатар экан, бундай деган эди: «От устида турганда қамчиси тушиб кетганлар бўларди, аммо уни олиб беришни ҳам ерда турганлардан илтимос қилишмас эди» (яъни, ўзлари тушиб олишарди).

* * *

Салмон мусулмон бўлганидан бери фурсат топган заҳоти масжидга келар, Расулulloҳнинг (с.а.в.) орқаларида намоз ўқиши саодати или шарафланиб қайтар эди. Жума намозларига кела олмаган пайтлари ҳам бўлди, ичи ёнди. Бунинг изтиробини чекар экан, қулларга жума намози фарз эмаслигини ўргангач, бир оз хотиржам тортди. Оллоҳнинг энг охирги пайғамбарининг даъватини қабул этганлардан бўлишдек бир баҳт ичидан яшарди. Аммо айни чокда, бировнинг кули эди. Эҳ, уни куфр ҳаётидан қутқариб имонга қовуштирган Улуг Мавло бир кун келиб қулликдан ҳам қутқариб, ҳурриятини қўлига берармикан?!

Шу онда хўжайнини билан ўрталарида бирон келишмовчилик ё норозилик йўқ эди. Салмон кўрсатилган ишларни исталганидан ҳам чиройли бажаарар, шунинг учун ҳеч ким унинг ибодатларига аралашмас эди.

* * *

Муҳаррам ойининг ўнинчи куни яҳудийларда бир ўзгариш кўрилди: улар емасичмас эдилар. Расулulloҳ (с.а.в.) сабабини сўрадилар:

— Оллоҳ таолонинг Мусони (а.с.) Фиръавндан, аскаридан қутқарган кундир бу кун.

Шунинг учун рўза тутамиз, — деб жавоб беришди.

Пайғамбари замон (с.а.в.) саҳобаларига ўғирилдилар:

— Биз Мусога улардан ҳам яқинроқмиз, унга дўст бўлишга улардан кўра лойикроқмиз, — дедилар ва ҳамон ўша куниёқ рўзага ният этдилар. Асҳоби киромга ўша кунни рўза билан ўтказиши буюрдилар.

Кейинги йили Ҳазрати Мусога яна ҳам боғлиқликнинг бир аломати ўлароқ ўша кундан олдинги ва кейинги кунларни ҳам кўшиб, Муҳаррам ойининг тўққизинчи, ўнинчи ва ўн

биринчи кунларини рўзадор ҳолда ўтказишни мақсад қилиб қўйдилар.

* * *

Абу Зарр ҳаётида бир куни шундай ҳодиса рўй берди, ундан олган сабоғи умрига татигулик бўлди. Бу баҳонада эса, Ислом динининг инсонлар ўртасидаги муносабатга доир яна бир олижаноб хукми жорий бўлдики, барча мўминлар то қиёматгача ҳаётларида бу хукмга қатъий риоя этажаклар.

Хуллас, Абу Зарр қора танли бир одам билан жанжаллашиб қолди. Уртада қаттиқ гаплар ўтди. Абу Зарр унга ҳатто:

— Онанг араб эмас сенинг, эй қора хотиннинг ўғли! —деб юборди.

Бу сўзлар у одамга ҳаддан ташқари оғир келди. Дарҳол Расулуллоҳнинг (с.а.в.) хузурларига бориб шикоят қилди. Пайғамбаримиз Абу Заррни чакирдилар:

— Эй Абу Зарр, сенда жоҳилият ахлоқи бор экан. Қандай қилиб бир инсонни онасига қараб айблайсан?

Абу Зарр ўзини оқламоқчи бўлди:

— Эй Оллоҳнинг расули, кимнидир сўкса, онаси ё отасини сўқадида, деди. Бу эътиroz билан у иккинчи бор хатога йўл қўйди.

Пайғамбаримиз унга аввалги сўзларини такрорладилар.

Абу Зарр бу иккинчй танбеҳдан кейингина ўзига кела олди.

Дарҳақиқат, ҳалиги одам унга оғир сўзлар айтган бўлиши мумкин, лекин Расулуллоҳ (с.а.в.) комилликни ундан кутаётган эдилар. Чунки Абу Зарр Ислом динини ilk қабул қилганлардан бўлиб, бу динга кўнгилдан боғланиб кетган эди. Бинобарин, Пайғамбари замон (с.а.в.) Абу Заррда энди ўжар ва қўпол бир одамни эмас, кечиримли, меҳрибон ва муомалали инсонни кўрмоқчи эдилар. Тўғри, у одамга унинг айтганига қарагаида ўн баробар қаттиқ гапириш ҳеч қийин эмас, аммо бу иш нафсга эргашиш, шайтоннинг чақиригини қабул этишининг бир натижаси бўларди, холос. Расулуллоҳнинг (с.а.в.) тарбиялари остига кирган бир инсон билан бундай қўпол муомала орасида бирон муносабат бўлиши мумкинми?

Қолаверса, у одамнинг қўполлигига жавобан бу ҳам оғир сўзлар айтса, албатта рози бўлади, нафси шодланади, лекин кечирса, Оллоҳнинг розилигига эришиб, яхшилик ва фазилат йўлида гўзал ўрнак бўлади.

Бир инсонни кимдан туғилганига қараб айблаш жоҳилият давридан қолган аянчли бир иллат сифатида энди асло такрорланмаслиги керак эди. Қорани ҳам, окни ҳам Оллоҳ яратганини билатуриб, Абу Зарр бундай муомаласи билан қусурни кимга ағдараётганини ўйлаб кўрдимикан?

Дунёга қайси онадан ва қайси отадан келишини ким тайин эта олибдики, бу одам ҳам Абу Заррнинг ҳақоратига йўлиқмаслик учун отаонани танлай олади? Ким ўзининг қора ёки оқ рангда дунёга келишига аралаша олганки, бу одамнинг онаси ҳам ўз рангини тайин этсин?

Шундай экан, бу одамни онаси, унинг ранги ва миллатидан айблаш қайси ўлчовларга сигади? Бунга жоҳилият ахлоқи дейилмаса, нима дейилади, ахир??!

Пайғамбаримиз унга: «Сенда жоҳилият ахлоқи бор экан», дер эканлар, мана шуларни тушунтироқчи эдилар.

Ҳолбуки, Абу Зарр ким эди? Калтакланишини билатуриб, мушриклар хузурида, Ислом динини қабул этганини ilk бор ҳайқириб эълон қилган бир одам! Унинг Ислом динидан бошқа ўлчови бўладими?

Пушаймон бўлди Абу Зарр. Ўшандан кейин то ҳаётининг сўнгтигача бировни онаси ёки отаси туфайли айбламади.

* * *

Бир хотин Расулуллоҳни излаб, масjidга келди. Дардини айтиб, шифо тилашларини сўрамоқчи бўлган экан. «Марҳамат, гапир, қулоғим сенда», деган маънодаги қарашиб билан кутиб

олдилар. Хотин бундан жасоратланди, мақсадини бемалол айта олишига қаноат ҳосил қилди.

— Эй Оллоҳнинг пайғамбари, мен тутқаноқ касалига йўлиқканман. Илтимос, бу касалликни аритишини сўраб Оллоҳга дуо қилсангиз. Келишдан мақсадим шу эди,— деди.

Хазрати Пайғамбарнинг (с.а.в.) жавоблари уни катта имтиҳон остонасига олиб келиб кўйди:

— Истасанг, сабр қил, бунинг эвазига сенга жаннат берилади. Истасанг, сенга оғият берилиши учун Оллоҳга дуо қиламан.

«Истасанг, дунёроҳатини, истасанг, охират ҳузурини танла», деганлари эди бу.

Бир онда дунё ҳаёти кўз ўнгидагавдаланди. Кичик бир қизча... тўлақонли бир аёл... тушунча ва муомаласи оғирбосиқ комил бир инсон... бели букилган кекса кампир... ва ниҳоят елкалар устида охирги сафарга кетаётган бир фоний...

Бу муҳокама жуда қисқа вақтда кечди. Қарорини шахсан ўзи, азму иродада тўла бир овоз ила берди:

— Сабр қиламан!..

Қисқагина бу жавобдан Расулуллоҳнинг (с.а.в.) юзларида нур жилваланди ва шуълалар пайдо бўлди, мамнуният излари кўринди. Бу жавоб мустаҳкам бир имонга, соғ бир тушунча ва ниятга далолат қиласарди. Дунёнинг фонийлигига ҳақиқатан ишонган, охиратни боқий деб билган бир инсонгина шундай жавоб қила оларди.

Расулуллоҳ (с.а.в.) эккан иршод уруғлари ҳозирданоқ кўкариб куртак ота бошлаган эди.

Аёл яна бир муддат турдида, сўнг бошқа бир нарса илтимос қилди:

— Ё Набийаллоҳ, тутқаноқ тутган пайтида баданим очилиб қолади, шундан уяламан. Дуо қилинг, баданим очилиб қолмасин,— деди.

Пайғамбар (с.а.в.) кўл очиб, дуо қилдилар. Масала ўша ердаёқ ҳал бўлди. Пайғамбаримизнинг бу ниёзларининг рад этилмаслиги аниқ эди.

Аёл келган тарафига қайтиб кетар экан, жаннати аёл эканига ишонган бир зот орқасидан ҳавас билан қараб қолди...

У кўздан ғойиб бўлгач, Расулуллоҳ (с.а.в.) шерикларига бундай изоҳ бердилар:

— Мўминга келган ҳар мусибат туфайли Оллоҳ таоло унинг яхшилигини ортиради. Ёки ёмонликларидан бирини ўчиради. Гарчи бу мусибат оёғига тош ботиши ё тикан кириши бўлса ҳам.

* * *

Бомдод намози ўқилди. Жамоат нигоҳи Пайғамбарга (а.с.) қадалган. Гўё «суҳбатингизни соғиндинк», деяётгандек. Расули акрам (с.а.в.) асхобларини кўп интизор қилмадилар. Босиқвазмин оҳангда, чертибчеришиб сўз бошладилар.

— Қиёмат куни инсонлар энг аввал намоздан сўроқ қилинадилар. Улуғ Оллоҳ хамма нарсани жуда яхши билгани ҳолда малаклардан: «Қаранг бандамнинг намозига, ҳаммасини ҳам ўқибдими ёки ўқимаган намозлари ҳам борми?» деб сўрайди. Қарайдилар. Ўқимай қолдирган намози бўлмаса, «Намози тўлиқ», деб ёзадилар. Бордию ўқилмай қолган намозлари борлиги қайд этилса, унда Оллоҳ таоло: «Қарангчи, кўшимча нафл намозлари борми?» дейди. Қаралади. Агар нафл намози бўлса, Улуғ Мавло: «Бандамнинг қазо намози ўрнини нафл намозлар билан тўлдиринг», деб марҳамат қилади. Ундан кейин бошқа амаллари ҳисоб-китоб қилинади. Инсон умрини қайси йўлда ўтказгани, илми билан нима амал қилгани, молини қандай топиб, қаерга сарфлагани, баданини қайси йўлда қаритгани ва ҳоказо саволларнинг жавобини бермагунча, қиёмат куни турган жойини тарк эта олмайди. Қиёмат куни энг аввал уч тоифа ҳисоб-китоб қилинади: Бири дунё хукмiga кўра шаҳид ҳисобланган одам. У Оллоҳ таолонинг ҳузурига келтирилади. Улуғ Мавло унга берилган неъматларни хотирлатади. У ҳам бу неъматларга эришганини эътироф этади. «Ҳўш, бу берилган неъматлар эвазига нима қилдинг?» «Сенинг йўлингда жанг қилдим ва оқибатда жонимни бу йўлда бердим, шаҳид бўлдим». «Ёлғон

айтяпсан. Сен аслида фалон одам жасур, қаҳрамон десин деб жанг қилдинг, кутганинг гаплар сен ҳақингда айтилди. Шундай қилиб орзуингга эришган бўлдинг. Энди бу ерда сенинг биздан оладиган нарсанг қолмади». Кейин буюрилади: юзтубан судраб олиб борилади ва дўзахга отиласди. Иккинчи тоифа илм ўрганган ва бошқаларга ўргатган, Куръон ўқиган бир одамдир. У ҳам хузури Илохийга келтирилади. Оллоҳ таоло унга ҳам неъматларини эслатади. У ҳам бу неъматларни эътироф этади. Кейин ўзаро бундай саволжавоб кечади: «Бу неъматлар эвазига сен нималар қилдинг?» «Илм ўргандим, ўргатдим ва сенинг розилигинг учун Куръон ўқидим». «Ёлғон айтяпсан. Сен аслида олим десинлар, дея илм ўргандинг. Куръонни чиройли ўқир экан, десинлар учун ўқидинг. Кутганинг гаплар сен ҳақингда жуда кўп айтилди. Орзуингга эришдинг ҳисоб». Кейин буюрилади: юзтубан судралиб, жаҳаннамга ташланади. Учинчиси Оллоҳ бой қилиб қўйган, турлитуман мол-мулк берган кимсадир. У одам ҳам келтирилиб, неъматлар эслатилади. У ҳам бу неъматларга эришганини эътироф этади. «Хўш, бу неъматлар эвазига сен нима қилдинг?» «Сен сарфлашни буюрганинг ҳеч бир йўлни қолдирмадим, ҳар бирини доим сенинг розилигинг йўлида сарфладим». «Ёлғон айтяпсан. Сен аслида фалончи жуда сахий десинлар, деб бу ишларни қилдинг. Орзу қилганларинг айтилди. Бу ерда биздан оладиган нарсанг қолмади». Кейин буюрилади: у одам ҳам юзтубан судралиб, дўзахга элтилади. ...Эй асхобим, энди айтингчи, сизнингча, «муфлис» деб кимни айтилади?

— Бизнингча, муфлис пулимоли бўлмаган кишидир, ё Набийаллоҳ!

Пайғамбаримизни бу жавоб қониктирмади. Сўзларини бундай давом эттиридилар:

— Менинг умматимдан асл муфлис шундай кишидирки, қиёмат куни ўқиган намози, тутган рўзаси, берган садака ва закоти билан келади. Шу билан бирга, фалончини сўккан, фалончига тухмат қилган, фалончининг молини еган, бошқа бирисининг қонини тўккан, яна бирини урган бўлади. Яхшилик ва савобларидан унга берилади, бунга берилади, устидаги ҳақлар тўланмасдан яхшиликлари тугаб қолса, уларнинг хато ва гуноҳларидан олинниб, бу одамга юкланади. Кейин эса, гуноҳи савобидан оғир келиб қолган бу одам дўзахга ташланади. Мана, умматимнинг муфлиси шудир. Шу билан бирга, бир киши чиройли амаллар қилиб Парвардигорига яқинлик ҳосил қиласди. Ҳаттоқи Жаноби Мавло уни севги ва ризоси ила ўрайди. Қиёмат куни ҳисоб-китоб қилинар экан: «Сен шу хатони қилдинг, шу айб ишни бажардинг», дея унга эслатилади.[^] У одам ҳам ҳамма қилганини қабул ва эътироф этади. Ўшанда Оллоҳ таоло: «Мен дунёда сенинг гуноҳларингни, айбларингни яширдим, бугун эса кечиб юбораман», дея марҳамат қиласди. Шундай қилиб, у одам нажот топади. Етти тоифа инсон бор, ҳеч бир соя бўлмайдиган қиёмат кунида уларни Оллоҳ таоло хусусий ўлароқ ўз Арши соясида қўланкалатиб роҳатлантиради. Булар: адолат билан хукм қилган амир (бошлиқ); Оллоҳга ибодат севгиси билан ўсган ўспирин; қалби масжидларга боғлиқ инсон; Оллоҳ йўлида бир-бирларини севган, бу севги ила бир орага келган, бу севги ила айрилган икки инсон; обрўли гўзал бир аёл тарафидак шаҳвоний мақсад учун чақирилгани ҳолда: «Мен Оллоҳдан қўрқаман», деган ва бу таклифни рад этган инсон; ўнг қўли берганини чап қўли билмайдиган даражада яширин садака қиласидиган инсон; ёлғиз ўзи қолганида Оллоҳ таолони эслаб кўзлари ёшга тўлган одам... Эй асхобим, сизлардан ҳар бирингиз билан Роббул Оламийдн қиёмат кунида гаплашади. Ўртада таржимонсиз гаплашади. Инсон ўшанда ўнг томонга қарайди. Фақат дунёда қилган амалларини кўради. Чап томонига қарайди, яна амалларини кўради. Олдига қараса, қархисида жаҳаннам бор...

Расулуллоҳ (с.а.в.) буларни айтгач, бир зум тин олдиларда сўзларида шундай давом этдилар:

— Ҳар ким қилинган амални кичик кўрмасдан, бир хурмонинг ярмиси билан бўлса ҳам, дўзах ўтидан сақланишнинг имконини қилсин.

Расулуллоҳ (с.а.в.) сухбатни шу ерда тутгатдилар.

Кўнгиллар ҳақиқатан ҳам дунёдан айрилиб, бошқа бир оламда кезиб, кўрқибититраб, ҳам

яна умидвор бўлган эди. Қудрати ҳамма нарсани қамраган Улуг Мавлонинг хузурида ожиз бир кул ўлароқ ҳисоб бера олиш, бу ҳисобдан ёруғ юз билан чиқа олиш осон эмасди.

Келишига ҳеч шубҳа бўлмаган бир Кунда ёруғ юз билан ҳисоб бера олиш учун бу дунёдаликдаёқ енгларни шимариб ғайрат қилиш лозим эди. Қиёмат бошланганида ҳатто ўз дардига чора топа олмай қоладиган инсонларнинг ризоси учун эмас, Оллоҳ ризоси учун иш қилиш лозим бўларди.

Масжиддан чиққанларнинг ҳар бири пок бир ният билан, асло риёкорлик қоришмаган ёруғнурли тушунчалар билан тарқалишди. Набийий акрамнинг (с.а.в.) бу сухбатлари қўзларни ёшлатиб, қўнилларни ларзага келтирган эди. Эшитганларнинг ҳар бири гўё эритилиб, уйуйларига янгидан қолипга қуилгандек буткул ўзгариб тарқалди.

* * *

Орадан бир неча кун ўтиб, Ҳазрати Абу Бакр (р.а.) йўлда Ханзалани учратдилар. Ичидарди бор одамдек хомуш эди.

— Қалайсан, Ханзала?

— Унча эмас, — деди у мужмал қилиб.

— Нега?

— Мунофиқ бўлиб қолдим.

— Аминмисан шунга?

— Албаттада.

— Нима деяётганинг биласанми ўзинг? Нима бўлди, тушунтириброқ айт!

— Ўзинг биласан, эй Абу Бакр, биз пайғамбаримиз хузурларига кўп борамиз, У жаноб бизга охират оламидан, жаннату жаҳаннамдан гапирсалар, кўзим билан кўргандек, ўша оламда яшаётгандек бўлиб ўтираман. Бироқ ул зотнинг ёnlаридан чиқиб, оиласма қайтишим билан айтилган нарсаларни унутиб, шу олам ташвишларига кўмилиб қоламан. Қисқаси, пайғамбаримиз олдиларида бошқача, бу ёқда бошқача яшаётгандекман. Мунофиқ бўлмай нимаман? Менинг уйқумни қочирган нарса шу.

Ҳазрати Абу Бакр унинг ҳолатини тасдиқ этдилар:

— Оллоҳга қасам, бу ҳол ёлғиз сенинг бошингда эмас, ҳаммамиз шу аҳволдамиз, эй Ханзала!

— Мен бу ҳақда Расулуллоҳга айтмоқчиман.

— Унда бирга борамиз.

Боришли, Расули кибриё жанобимизнинг хузурларига киришди. Ханзала ҳаммасини гапириб берди. Пайғамбаримиз жим эшитдилар, сўнгра дедилар:

— Жоним қўлида бўлган Оллоҳга қасам, агар менинг ёнимдаги ўша ҳолатни давом эттира олганингиздами эди, тўшакларингизга ётар маҳал кўчаларда кезиб юрар экансиз, малаклар келиб сиз билан кўшқўллаб кўришар эди. Лекин, эй Ханзала, тавсия этаман: бу ҳолатни авайла, узмасликнинг пайида бўл, вақтивақти билан давом эттир...

Ханзаланинг кўнгли ёришиб, анча таскин топди. Расулуллоҳнинг (с.а.в.) энг яқин дўстларики шу ҳолатга тушаётган бўлса, кўрқмаса ҳам бўларкан. Зотан, Расулуллоҳ (с.а.в.) инсоннинг тоқати етадиган нарсаларни ўйлаб: «Эй Ханзала, бу ҳолатни вақтивақти билан давом эттир», деб марҳамат қилган эдилар. Пайғамбаримиз хузурларидан чиқар экан, энди у «мунофиқларга ўхшаб қоляпманку», деган бояги ҳисдан тамомила фориғ бўлган эди.

Кейинчалик Ханзала Расулуллоҳнинг (с.а.в.) Усмон ибн Мазъунни чақириб. «Сенда хотинингнинг ҳам ҳаққи бор...» дея уни танқид этганларини эслади. Тўғрида, модомики дунёда яшаётган экансан, бу оламдан тамомила алоқани узиб ҳам бўлмайдида.

Ханзала уйида бола-чақалари билан машғул экан, ичини тирнаган бир кун аввалги оғриқни бу сафар сезмади.

* * *

Ўн беш кун менга кўринма, деб жўнатилган одам юзида мамнуният балқиб кириб келди. Пайғамбари зишон жанобимиз уни кўриб табассум қилдилар. Нималар билан машғул бўлганини сўрадилар.

— Ё Расулуллоҳ, айтганингиздек ўтин тўпладим, келтириб сотдим. Бугунгача ўн дирҳам пул йиғдим. Оиламга озуқа ва кийим олдим, — деди у.

Буни эшитиб Пайғамбаримиз (а.с.в.) хурсанд бўлиб кетдилар:

— Сенинг пешона тери тўкиб турмушингни тебратишинг қиёмат куни юзингда тиланчиликнинг доғлари пайдо бўлишидан хайрлидир. Тиланиб бир нарсалар сўрашга уч тоифа кишилар лойикдирлар: агар ниҳоят даражада фақир бўлсалар, тўлаш жуда қийин бўлган қарзга ботиб қолсалар ва яна қариндошнинг хун ҳаққи юкланиб қолса... жоиздир.

Масжидга бир одам кирди, бир бурчакка ўтди ва намоз ўқий бошлади. Жаноби пайғамбаримиз (с.а.в.) учтўрт киши билан сухбат қуриб ўтирган эдилар. Ҳалиги одам намозини ёв қувгандек шошқалоқлик билан ўқир, бошини саждага қўярқўймас кўтарар эди. Бирпасда намозини тугатиб, даврага келди. Салом берди. Жанобимиз унга алик олдиларда, орқасидан:

— Қайт, бошқатдан намоз ўқи, чунки сен намоз ўқимадинг ҳисоб, — дедилар.

Одам индамади. Бориб, айни намозни бошқатдан ўқиди. Келганида, саломига алик олинаркан, олдинги амр яна такрорланди:

— Қайт, намоз ўқи, чунки сен намоз ўқиган бўлмадинг.

У одам яна бир нарса демади, яна айни шитоб билан намозини ўқиди, тугатди, келди. Учинчи марта намозга қайтарилиганида самимий бир ифода билан деди:

— Сизни пайғамбар қилиб юборган Аллоҳга қасамки, бундан бошқача намозни билмайман. Бундан чиройлироқ ўқиши илмига ҳам эга эмасман. Намозимни қандай ўқий, менга ўргатинг, ё Расулуллоҳ.

Жаноби пайғамбаримиз (с.а.в.) тушунтира бошладилар: ,

— Намозга турганингда «Оллоҳу акбар» деб такбирайт. Кейин ўзингга осон бўлган, ёдлаган жойингдан Қуръон ўқи. Сўнгра рукуъга бор ва ҳаракатсиз туриб қолгунингча рукуъ ҳолида тур. Кейин тиклан ва бир оз ҳаракатсиз тик тур. Ундан кейин саждага бор. Саждада ҳам қимирламасдан бирпаст кут. Ундан кейин ўтири. Кут, дарров иккинчи саждага кетиб қолма... бутун намоз давомида шундай қил. Шошилма.

Хдлиги киши энди намозини худди Расулуллоҳ (с.а.в.) таърифлаганларидек тарзда ўқиш учун масжиднинг бир чеккасига ўтди.

Намоз мўминнинг Парвардигорига қуллиги ифодасидир. Шунинг учун ҳам у хузур ва сокинлик билан ўқилиши лозим. Тўғри, дуруст, буюрилганидек ўқилса, намоз инсонни ёмонликлардан, бузуқликлардан узоқ тутади, асрайди. Намознинг бошидан охиригача Жаноби Мавлонинг хузурида юзланиб тургандек туриш керак.

Пайғамбаримиз (с.а.в.) бу ҳолатни тушунтириш учун асҳобларига қарадилар:

— Оллоҳ таоло бундай марҳамат қиласи: «Мен намозда ўқиладиган Фотиха сурасини бандам билан ўз орамда иккига тақсим этдим. Ярмиси менга, ярмиси унга оидdir. Бандамга эса, у нима истаса, шу берилажак». Инсон намозда: «Ҳамд Оламларнинг парвардигорига маҳсусдир», деганида, Оллоҳ таоло: «Бандам менга ҳамд айтди», дейди. «У Раҳмон ва Раҳмлидир», деганида, «Бандам менинг улуғлигимни эътироф этди», дейди. «Сенгагина ибодат қиласиз, Сендангина мадад сўраймиз», деганида, «Мана шу мен билан бандам орасида бўлган қисмдир. Бандамнинг сўрагани унга берилади», дейди. «(Ё Раббим) бизни неъмат эҳсон қилган бандаларингнинг йўли бўлмиш тўғри йўлга ҳидоят айла, ғазабга дучор бўлган ва залолатга йўлиққанларнинг йўлига эмас», деганида, «Мана бу қисм бандамга оид бўлганидир. Бандам сўраган нарса унга берилажак», дейди.

Сайидул анбиё ҳазратларининг бу айтганларига кўра, бир инсон намоз ўқир экан, Оллоҳ

таоло билан сўзлашгандек бўлади. Оллоҳ таоло фақат бир ракатнинг ўзида уч бор «Бандам сўраган нарса унга берилади», деса, энди намознинг аҳамияти ҳақида бошқа сўзга эҳтиёж ҳам қолмайди. Энди банданинг вазифаси намозни жиддият билан ўқиши. Намозда «Сенгагина ибодат қиласиз, Сендангина мадад сўраймиз», дер экан, бу сўзни кимга айттаётганини идрок этиши лозим. Ҳузури илоҳийда туриши, Раббига ибодатини манзур этиши, унинг ҳузурида бошини саждага кўйиши лозим. Қалбини Парвардигори билан алоқаси йўқ нарсалар, намоз ўтаётган кишига ярашмайдиган тушунчалар билан банд этиш, машғул қилиш инсонни йўлдан оздирадиган ҳолатлардир. Бундай ўқилган намоз инсонни қандай қилиб ёмонликлардан ва бузуқликлардан қайтарсин?!

* * *

Мадиналик учтўрт мусулмон бир роҳиб билан сухбатлашар эди. Эндирина ўспиринлик чоғига етишган Салама ибн Салама у одамни кўрибоқ таниди ва эски бир воқеани хотирлади.

Бир неча йил бурун уни шу уйларининг ёнида ёниб гапираётганини кўрган эди. Охиратдаги азобга йўлиққандан кўра, гуриллаб ёнаётган тандирга отилишни афзал кўрадиган одамга ўхшар эди у. Сўзларини ҳайронлик билан тинглаётгандарга у Макка тарафни кўрсатиб, ана шу ердан бир пайғамбар чиқади ва менинг бу сўзларимга шоҳид бўласизлар, деган эди. Ҳаяжон билан айтган бу сўзлари Саламанинг хотирасига жуда қаттиқ муҳрланиб қолган экан, ҳозир уни кўрибоқ эслади.

— Ўшанда Макка тарафдан пайғамбар чиқади, деб айтган сен эмасмидинг?

— Ҳа, мен эдим.

— Ўша Пайғамбарга имон келтирамиз ва сизларнинг таъзирингизни берамиз, деганчи, ким эди?

— Ҳа, биз эдик, — деди у бўشاшибигина.

— Хўш, унда нега имон келтирмаяпсизлар? — деди Салама.

Роҳиб анчагина туллак экан.

— Тўғри, лекин, — деди чайналиб, — бу сизларнинг одамингизда, биз кутаётган пайғамбар эмас...

Хануз томирларида ўспиринлик қони қайнаб турган Салама бу ориятсиз роҳибнинг бўғзига ёпишишга тайёр эдию, лекин ўзини босди. Қизиги, ўша кунги самимият ҳам, бугунги туллаклик ҳам бир одамга оид эди. Оллоҳнинг ўзи асрасин бунақа мунофиқлиқдан.

* * *

Боғга кириб қўлига тушган тошни хурмо дарахтига отаётган бола елкасига тушган қўлни ҳис этгунга қадар завқи оламжаҳон эди. Ҳар отганида бирикки хурмо тўкилиб, у югуриб борар, олибоқ оғзига тиқар, еб бўлиб, яна тошбўронни бошлар эди. Қўлга тушганини англағач, юрагини кўркув босди ва пушаймонда қолди.

— Энди қилмайман, амакижон!..

Лекин бу сўз етарли бўлмади.

— Бу сенинг биринчи тош отишинг эмаску? — деди ҳалиги одам ва ёқасидан тутганча масжидга олиб келди.

— Ё Расулуллоҳ, — деди у одам, — бу болага кучимиз етмаяпти. Хурмоларга тош отишдан бошқа иши йўқ.

Жаноби Расулуллоҳ (с.а.в.) болага қарадилар.

— Үғлим, хурмоларга нега тош отасан?

— Егим келди...

— Энди бундай қилма, остига тўкилганидан е, — дедилар Сарвари олам. Кейин бошини силаб, «Оллоҳим, бу боланинг қорнини тўйғаз!» деб дуо қилдилар.

* * *

Ўша воқеадан бир неча кунгина ўтиб, кўзёшларини артиб, масжидга бир бола кириб келди ва Расулulloҳга (с.а.в.) яқинлашди. Ўксинишларини зўрға тийиб:

— Эй Оллоҳнинг пайғамбари, қорним жуда очқаб, бир боғга кирдим. Дарахтга зўрға чиқиб, бир хурмо шодаси уздим. Бир қисмини еб, қолганларини чўнтағимга жойладим. Эгаси тутиб олиб тоза қалтаклади. Устига устак, кўйлагимни ечиб олди, — деди ва яна йиғлаб юборди.

Расулulloҳ (с.а.в.) у одамни айттириб келдилар. У салом бериб кирди ва сўралгач, боланинг айтганларини такрорлади.

Пайғамбаримиз унга:

— Бир болани уришдан олдин у билмаган одобни ўргатиш ва қорнини тўйғазиш керак. Энди унга кўйлагини қайтариб бер, — дедилар.

Бояги одам боланинг қўлидан тутиб олиб кетди. Кўйлаги қайтариб берилди, қорни тўйғазилди. Чиройли сўзлар билан кўнгли олинди. Шу билан бирга, бир замбил хурмо эҳсон қилинди.

Бир куни Абу Талха уйига жуда маҳзун қиёфада қайтди. Умму Сулайм уни кўриб ташвишга тушиб қолди.

— Нима бўлди? Нега хафа кўринасиз? — деди қайғуриб.

— Жаноби Пайғамбаримизнинг овозлари менга жуда паст эшитилди. Қоринлари очлигини пайқадим. Бир нарсалар жўнатсанакмикан?.. Уйда ейдиган ниманг бор? — деди у.

Умму Сулайм дарров иккита арпа нон қўтариб чиқди. Рўмолчага ўриб, Анаснинг белига боғладида:

— Бўлақол, Расулulloҳга олиб бор, — деб тайнлади.

Анас келганида Набийи зишон жанобимиз масжидда ўтирас эдилар.

— Абу Талха юбордими сени? — деб сўрадилар Сарвари олам.

— Ҳа.

— Емак биланми?

— Ҳа, иккита нон бериб юборишиди, — деди у.

Пайғамбаримиз (с.а.в.) ёнларидагиларга қараб, «Қани,

юринглар, кетдик», дедилар. Ҳаммалари бирга турдилар. Анас улар келишаётганини билдириш учун югуриб кетди.

Абу Талха пайғамбаримиз катта бир жамоат билан келаётгандарини эшитиб, ташвишланиб қолди. Уларга, уйда бунча одамга етарли овқат йўқ эди, деб бўлмаса... Ичкарига, Умму Сулаймнинг олдига кирди.

— Ишимиз чатоқ, онаси, уйда ейдиган нарса йўқлигига... — деди у.

Умму Сулайм сокинлик билан:

— Оллоҳ ва расули ҳар нарсанинг яхшисини билади, деди.

Абу Талха ноилож ташқари чиқиб, келганларни кутиб олди:

— Марҳамат, ё Расулulloҳ. — Ва Сарвари оламга яқинлашиб хижолатомуз пичирлади:

— Эй Оллоҳнинг расули, биз юборган нон фақат ўзингизга етадиганча эди.

Расулulloҳ (с.а.в.) табассум қилдилару, ҳеч нарса демадилар. Келиб, иккалалари ичкари киришиди.

— Эй Умму Сулайм, — дедилар пайғамбаримиз, — уйингда нима бўлса, келтир.

Анас орқали жўнатилган нон келти^{йиб} қўйилди. Умму Сулайм унинг устига ёғ идишдан бир миқдор ёғ қўшиб қориштирди. Кейин пайғамбаримиз бир дуо ўқидиларда:

— Эй Анас, ташқаридагилардан ўн кишини чақир, — дедилар.

Ўн киши келиб ўтиришиди ва тўйгунча ейишди. Улар туриб, яна ўн киши кирди. Улар ҳам еб, чиқишиди. Шундай қилиб, Анас еттисаккиз марта одам чақирди. Ҳар гал ўнтадан кириб

тўйгунча овқат еганларини ўз кўзлари билан кўрдилар. Одамларнинг оч эканлари аниқ эди. Дастурхонга ҳам ўша нондан бўлак ҳеч нарса қўйилмади. Лекин товоқдаги емак камаймас, ҳатто ундан ҳам кўпроқ қўринар эди.

Ҳамма тўйиб чиққач, пайғамбаримиз ҳам «Бисмиллоҳ» айтиб ея бошладилар. У зот ҳам қоринларини тўйғазиб, турдилар.

Сўнг дуо қилиб, шундай баракали зиёфат учун ташаккур айтиб қайтдилар. Бу воқеа Абу Талха оиласи учун унтилмас бир хотира бўлиб қолди. Кейин улар ҳам ўтириб, овқатнинг қолганини бисмиллоҳ билан тановул қила бошладилар.

* * *

Асҳоби киром бир сухбат кутар эди. Ҳабиби Худо (с.а.в.) анча кундан бери улар билан сухбат қурмаган, сухбатни эса, соғинишган эди. Темирни қизифида босмоқчи бўлишди. Тўқни овқатлантириш, сувга қонган инсонга шарбат ичириш қийин. Аммо Набийи акрам саййидимиз асҳоби киромдаги чанқоқликни очиқравшан кўриб турадилар.

— Бани Исроилда уч киши бор эди, — деб бошладилар сухбатни у зот. — Бири олабула этли, бири кал, учинчиси эса кўр... Оллоҳ таоло уларни бир имтиҳон қилишни хоҳлади ва бир фариштани жўнатди. Фаришта ҳалиги олабула этлининг ёнига келиб:

«Нимани энг кўп орзу этасан?» деди.

«Гўзал бир ранг ва чиройли бир танани. Инсонлар жирканадиган бу суратдан қутулсам... Ҳамиша шуни орзу этаман», деди.

Фаришта уни бир марта силаган эди, ўша ондаёқ истаганидек қиёфага кириб тусландиқолди. Фаришта сўради:

«Қайси молни энг кўп севасан?»

«Туяни», деди у.

Энди туғай деб турган ургочи тую берилди. Фаришта:

«Оллоҳ сенинг учун бу туяни баракотли қилсин», деб дуо қилди ва қайтди. Ҳалиги одам севинчдан боши осмонга етар ҳолатга тушди.

Фаришта калнинг олдига келди:

«Сен энг кўп орзу этган нарса нима?» деди.

«Чиройли сочим бўлса ва одамлар жирканадиган ҳолатдан қутулсам... мана шу энг кўп орзу этган нарсам», деди у.

Фаришта уни ҳам силаган эди, ўша заҳоти у одам тузалиб қолди. Чиройли бир соч берилди унга.

«Энди сен яхши кўрган молни айт. Қай бирини энг яхши кўрасан?»

«Сигирни», деди.

Унга ҳам туғай деб турган сигир берилди. «Оллоҳ сенинг учун бу сигирни баракотли қилсин», деб дуо қилдида, фаришта у ердан ҳам қайтди.

Ниҳоят кўрнинг олдига келди:

«Энг кўп орзу этган нарсанг нима?» деди унга.

«Кўзларни, — деди кўр. — Қани энди Оллоҳ менга қўришни насиб этса».

Фаришта уни ҳам силаган эди, унинг ҳам кўзлари кўрадиган бўлди.

«Энг кўп севган молинг қайси?»

«Қўй», деди у.

Унга ҳам туғай деб турган бир қўй берилди. Сўнг фаришта дуо қилиб қайтди.

Орадан йиллар ўтиб, берилган ҳайвонлар туғди, кўпайишди. Қилинган дуонинг баракотидан водий тўла туяга, яна бири водий тўла сигирга, бошқаси водий тўла қўйларга эга бўлди. Ҳаммалари ҳаётларидан мамнун. Орзуларига эришган. Шунда бир куни фаришта баданига оқ тушган одамнинг олдига айнан унинг аввалги ҳолида — олабула этли инсон қиёфасида келди.

«Жуда факир одамман, мусо фирмандар, чорасиз қолдим. Манзилга етиб олишим учун аввало Оллоҳдан, қолаверса, сендан умид қиласан. Сенга бундай гўзал кўркни, бундай қаддиқоматни берган, бу қадар мол эҳсон қиласан Оллоҳ ҳаққи, менга бир туюнгни берсанг, тики манзилимга етиб олсан», деди.

Бирдан у одамнинг кайфияти бузилиб, хўмрайиб қаради:

«Менинг зарур ишларим шунчалик кўпки, қайси исига улгуришимни билмайман. Сенга ҳозир ёрдам беролмайман», деди бош чайқаб.

Шу сўзлардан кейин фаришта атайди:

«Мен сени танигандек бўляпман, — деди. — Сен бир замонлар одамлар жирканадиган олабула танли бир киши эмасмидинг? Устигаустак, факир ҳам эдинг, шекилли? Оллоҳ сенга бу неъматларни баҳш этмаса, қаердан олардинг?»

«Янглишяпсан, — деди бояги одам, — мени бошқа бировга ўхшатяпсан, шекилли. Бу мол менга отабобомдан мерос колган».

«Ёлғонни ямламай ютдингку. Омин, Оллоҳ сени эски ҳолингга қайтарсин», деб фаришта дуо қилди, ҳалиги одам шу заҳоти эски ҳолига кайтди. Молу мулк бир хаёлдек бўлиб қолди.

Фаришта у ердан чиқиб, кал одамнинг олдига ўша калнинг эски қиёфасида келди. Унга ҳам дардини «тўқди». Биринчи одамга айтганларини унга ҳам айтди. Ундан ҳам аввалгининг жавобларига ўхшаш жавоб олди. Унга ҳам:

«Агар ёлғон айтаётган бўлсанг, Оллоҳ сени асл ҳолингга қайтарсин», деб дуо килди, унинг ҳам қўлидан неъмат кетди. У ҳам худди аввалгидек бир факир одамга айланди. Молу мулкидан асар ҳам қолмади.

Фаришта шундай қилиб, кўрнинг олдига равона бўлди. Унинг олдига худди аввалги қиёфасида, кўр инсон шаклида келди.

«Мен факир бир одамман, мусо фирмандар, чорасиз қолдим. Манзилимга етиб олишим учун ёрдамингга муҳтожман. Кўзларингнинг нурини қайтариб берган Оллоҳ ҳаққи, менга бир қўй ҳадя қил», деди ўтиниб.

Бу одам унга чинданам ачиниб, қўмак беришга ошиқди.

«Рост сўзлайсан, чиндан ҳам мен илгари кўр эдим. Оллоҳ менга кўзларимни қайта эҳсон этди. Оллоҳ ризоси учун ҳадя этганим бўлсин. Шу билан мушкулинг осон бўлса, мен розиман», деди.

Шунда фаришта унинг елкасига қокди ва:

«Молинг ўзингга буюрсан. Бу сизларга Оллоҳ таоло тарафидан бир имтиҳон эди. Сен Улуг Мавлонинг ризосига ноил бўлдинг. Биродарларинг эса, ғазабга дучор бўлдилар», деди.

Расулуллоҳ (с.а.в.) сўзлаган бу қиссада ўзини билган инсон учун кўп ибратлар бор эди.

* * *

Бир куни бомдод намози ўқиб бўлингач, Расулуллоҳ (с.а.в.) саййидимиз кўрган тушларидан сўз очиб қолдилар:

— Мен уйқуда эдим, одамлар қатор қилиб олдимдан ўтказила бошлади. Ҳар бирининг эгнида кўйлак. Баъзилариники қўксига ҳам етмас даражада, баъзилариники ундан ҳам калта. Шу орада менга Умар ибн Хаттоб кўрсатилди. Унинг кўйлаклари ерни супурадиган дара жада узун эди.

— Буни нимага йўйдингиз, ё Расулуллоҳ?..

— Дин туйғусига йўйдим, — дедилар Сарвари олам. Ёшланган кўзлар бу гапни эшишиб ўтирган Ҳазрати

Умарни (р.а.) излаб топди, томоша қилди. Чунки бир вақтлар диннинг энг катта душмани мана шу Умар эди, дейилса, ким ҳам ишонарди?!

* * *

Яна бир куни Расулуллоҳ (с.а.в.) асхоб даврасида ўтирган чоқларида ваҳий ҳолатига

тушиб, муборак қалблари кўичилик мўминлар интизор кутаётган бир ишга изн берувчи ояллар билан тўла бошлади. Асхоб Қуръон оялларини эшишишга интиқ ҳолда қилт этмай ўтиради. Пайғамбаримиз (с.а.в.) уларни кўп қуттирмадилар. Узларига келибоқ, индирилган ваҳийни уларга маълум қилдилар:

«Хужумга учраётган зотларга мазлум бўлганлари сабабли (жанг қилиш) изни берилиди. Албатта, Оллоҳ уларни ғолиб қилишга қодирдир. Улар ўз диёрларидан фақатгина «Бизнинг Парвардигоримиз (ягона) Оллоҳдир», деганлари учун қувилган зотлардир» (Ҳаж, 39 — 40).

Расули зишон (с.а.в.) жанобимиз бу оялларни ўқиганлари замон кўзларда бир ажиб нур порлади. Қалбларда қатқат йиғилиб қолган юк чуқур бир нафас олиш билан ташқари отилгандек бўлди. Кўз билан кўриб бўлмайдиган, бироқ қаттиқ аламизтиробларга тўла бу юк кўп йиллардан бери йиғилиб ётган эди.

Бу юк ўн уч йил тош қотиб ётган эди, энди кўчди гўё. Лекин ўзи бир пулга қиммат, дўзахга ўтин бўлишдан бошқа ҳеч бир қиймати бўлмаган кишиларнинг ҳақоратларига, мазахларига, исканжаларига қарши битмастуғанмас бир сабрбардош билан тўла эди, ахир бир кун кўчиши керак эди, энди кўчди. Энди муштга қарши мушт, қиличга қарши қилич билан жа*воб бериш имкони очилган, жанг изни берилган эди. Энди уларнинг барча ҳақоратлари, одобсизликларига қарши қад ростлаш, дарс бериш пайти келган эди.

Оллоҳдан бу изн келгач, Расулуллоҳ (с.а.в.) мушрикларнинг кўп йиллик душманлик харакатларига қарши бир тадбир сифатида Шом йўлини назорат остига олишга қарор бердилар. Амакилари Ҳамзанинг амрига ўттиз кишилик суворий ажратдилар. Бир оқ байроқ бериб, дуо қилдилар ва йўлга кузатиб қўйдилар.

Мақсадлари Макка карвони қайтятимий ўқми эканини аниқлаш ва уларга таҳдид солиш эди. Гуруҳ фақат маккалик муҳожирлардан иборат бўлиб, улар мушрикларнинг жафосини хўб тортган кишилар эди. Улар бу вазифани бажонудил қабул қилдилар. Яна шуниси муҳимки, улар ҳозиргача Оллоҳ ризоси учун сабр этган бўлсалар, энди Оллоҳнинг изни ва ижозати билан, яна Унинг розилиги учун бу вазифани бажаришга киришдилар. Бу изн берилмаганида, улар охирги нафаслари қолгунча ҳам яна сабр қилишлари, бардошла кутишлари мумкин эди. Улар шундай одамлар эдиларки, агар шу онда изн бекор қилингани билдирилса, сидқидил билан бўйсуниб, қайтишлари ҳам қийин эмасди.

Улар йўл бўйи Маккада кечган ҳаётларини хотирлаб, пайғамбаримизнинг сухбатларини эслаб кетишиди. Оллоҳнинг китобидан ояллар, суралар ўқишиди. Бу йўлга Оллоҳнинг ризоси учун чиққанларини бир зум бўлсада, унутишмади.

* * *

Абу Жаҳл уч юз киши ҳимоясида Маккадан олиб чиққан карвонини эсономон Шом тупроғига етказиб боришига муваффақ бўлган эди. Савдосотик қилинди, танишлар билан кўришилди, ейилдиичилди. Шунча йўл заҳматларига яраша кўлга киритилган фойда ёмон бўлмаган эди. Энди фақат саломат Маккага етиш, тўрт кўзла кутаётган яқинлари билан қовушишгина қолди.

Ебичиб, қайтиш тадорикига тушилди. Туяларни жўштириш учун шеърлар ўқилди, ҳикоялар айтилди, биринкетин шароб косалари бўшатилди. Ҳатто йўлга тушиб ҳам хурсандчилик тўхтамади. Туяга миниб олган Абу Жаҳл орасира ёнидаги кўздан шароб қуйиб ичиб олар, сўнг йўл заҳматини унутиб, узоқларга чўзилиб кетган қум сахросига беписанд назар ташлаб қўяр эди. Баъзан ортига қараб, унинг амри билан ҳаракат этаётган карвондан шавқланиб кетар эди. Ниҳоят у кўзада қолган охирги қултум шаробни ҳам ичиб тугатиб, орқасидан келаётган одамни имлаб чакирди.

— Ол буни, менга шароб тўла кўза келтир.

— Хўп бўлади, Абул Ҳакам.

Абу Жаҳл энди дам бериш пайти келмадимикин, деб карвонга боқди: ҳақиқатан ҳам

чангтупроққа беланган юзларда бир ҳорғинлик акс этар, туялар зўрға қадам ташлар эди.

— Тўхтанглар!

Бу буйруқни орқадагиларга етказиш учун яна кимдир такрорлади. Туялар тўхтаб, юклар туширила бошлади. Энди дам олиш керак эди. Аммо...

—Бу нимаси?! — Абу Жаҳл бир оз олдинроққа узаниб боқиб, ҳайрон қолди. Олдинда бир карвон кўринарди. Тижорат карвони деса, отлиқлар тобора яқинлашиб келаётирлар. Юклари ҳам йўқ. Қўли дарҳол қилич бандига ёпишди. Қарокчиларку!.. Яна кўзларига ишонмай, қўлини пешонасига қўйиб қарашга мажбур бўлди.

—Вой падарлаънат, булар, ахир... Макка қочоқларику? — дея шивирлади у. Бунинг орқасидан оғзидан шалоқ сўзлар чиқиб кетди. Ўзи ҳайратдан донг қотди. Орқадан етиб келгланлар ҳам уларни таниб, дарҳол саф бўлиб тизила бошлашди. Мудофаага ўтмай илож йўқ. Қаршиларидан келаётган отлиқларнинг бошида ҳаммага таниш хошимий наслидан бўлган одам кўзга ташланар эди. Уни Ҳамза ибн Абдулмутталиб дердилар. Абу Жаҳл у мусулмон бўлган кун тарихини ўзининг бошида қолган чандиқдан яхши эслар эди.

—Ҳай, сизлар нима хоҳлайсизлар? — деб бақирдиу.

—Нимани хоҳлашимизни биздан яхшироқ биласизлар! — деган жавоб бўлди.

Жавоб очиқ бўлмади, аммо бундан ҳам очиқ жавоб бўлмасди. Абу Жаҳл бу бир ҳовуч одам қаршисида осонгина таслим бўлиб, «Мана, туялар, юклари билан сизларники бўлақолсин, фақат ўзимизга тегманг», дейдиган одам эмасди. Қолаверса, ёнида уч юз кишилик ёрдамчиси бор. У беихтиёр қўлини қиличига чўзди.

—Сизларни бирмабир қиличдан ўтказиб, каллаларингни Масжиди Ҳарамга олиб борарадиму, қўлимни қонга булғагим йўқ. Яхиси, даф бўлишларингни тавсия этаман.

—Биз ҳам худди шу гапларни сенга айтамиз, эй Абу Жаҳл! Фақат, каллалар Масжиди Ҳарамга эмас, Мадинага олиб борилади.

Сўзлар борган сари шиддатланиб, қиличлар қинидан чиқишига унчалик кўп вақт қолмади ҳисоб.

Мусулмонлар борйўғи ўттиз киши эди. Ҳар бири ўн кишига қарши жанг қилиши керак. Душманларнинг олдида гўё бир ҳовучдай. Бироқ қалбларида имон бор эди. Ичларида йиллар бўйи тортилган азоб, кўрилган ҳақоратларнинг интиқоми қатланиб ётарди. Устига устак, мушриклар билан жангга изн берилди, майдонни уларга ташлаб кетгилари келмасди.

Маккаликларчи, улар ҳам шунча пешона тер билан қўлга киритган молларини «Олинглар, сизларники бўлақолсин», деб осонликча ташлаб кетадиганлардан эмасдилар. Ҳаммани қўйиб шу қочоқ маккаликлардан кўрқадиларми? «Ўттиз кишидан қўрқиб, карвонни ташлаб қочиш уятку! Ўлимку!»

Икки тараф қилич яланғочлашга шай турган бир пайтда югуриб келаётган бир одам кўринди. «Тўхтанглар, шошманглар!» деб бақирар эди. Тўхташди. У Жуҳайна қабиласидан Маждий ибн Амр эди. Унинг ҳар икки тараф билан шартномаси бор эди.

— Нима гап, нима демоқчисан?

У ўртага кириб, гоҳ уларнинг олдига, гоҳ буларнинг олдига чопди. Ахийри ҳаммани тинчлантириб, чиқиши аниқ бўлиб турган жанжалнинг олдини олди. Ҳамза ибн Абдулмутталибнинг дўстлари Мадинага қайтишди, Абу Жаҳл карвонидагилар бир оз муддат дам олганларидан сўнг Маккага қараб жилди.

Маждий мусулмон эмасди, бироқ сулҳни ва тинчликни севадиган, жанжални ёқтиримайдиган бир фитрат эгаси эди. Расулуллоҳ (с.а.в.) бўлган воқеани эшитиб, холис инсонийлик қилган Маждийни тақдирладилар.

Маккаликларнинг кайфияти бузилган эди. Улар ўз бошларига ўzlари бало сотиб олганларини англаб қолдилар.

—Қўлимизда имкон бўлатуриб, таъзирларини бериб қўймадик. Энди бошимизга бало

бўлишлари табиийдир!

— Бугунгача қон қустирганинг одамларнинг энди келиб сизларга ҳимоячи бўлишларини кутганмидингизлар? — деганлар бўлди.

— Муҳаммад ва дўстларининг кетганига икки йил бўляпти. Ишқилиб улар бир иш чиқармасинлар деб дуо қиласилик, — дейишди бошқалари.

Хийла вақт касал бўлган Валид ибн Муғийра зиёратига Абу Жаҳл келганини эшишиб, севинди.

— Демак, сафардан қайтибдида? — деб пичирлади.

Чиндан хурсанд қиласиган хабар эди бу. Чунки ҳаф

талаб юриб бориладиган Шомдек бир мамлакатга карвонни олиб бориш, қароқчиларнинг босқинидан эсономон қайтиш осон иш эмасди.

— Касалинг бошингдан ариб, тезроқ шифо топ, амакижон.

— Соғ бўл, эй Абул Ҳакам.

— Қалайсан?

— Ёмон эмас, кунданқунга тузалиб боряпман. Ўзинг яхши қайтдингми?

Абу Жаҳл Шомдаги савдосотиғи яхши бўлганидан гапириб, қайтишдаги кўнгилни хира қилган воқеадан сўз очди:

— Нима бўлди, тинчликми?

— Абдулмутталибнинг ўғли Ҳамза ўттиз киши билан йўлимизни тўсиб чикди.

Валид титраб кетди:

— Абдулмутталибнинг ўғлия?

— Ҳа, аммо тезда даф этдик. Кетмаса, ҳаммасини у дунёга жўнатиб, каллаларини олиб келган бўлардик.

— Ҳамза мард одам...

— Мардликка мард, аммо биз биттага ўнта эдик. Лот ҳаққи, ҳаммасини сихдан ўтказардик.

— Аммо бу воқеа яхшилик белгиси эмас. Шом йўли энди таҳликали бўлиб қолибди. Бу гал ўттиз киши билан чиқкан бўлса, эндиғи сафар юз ўттиз киши билан чиқмайди деб ким айтади?

— Қўрқма, амакижоним, уларга осонликча таслим бўладиган одам йўқ!

Валид хўрсинди.

— Мен дунёдан айрилишимга эмас, Ибн Абу Кабшанинг таъзирини беролмаганимга ачинаман. Ишқилиб, дунёдан кўзим очиқ кетмаса эди.

— Ҳафа бўлма, амакижоним, — деди Абу Жаҳл, — бу ишни ўзим охирига етказаман. Амин бўлавер!

Бир куни Расулуллоҳ (с.а.в.) саййидимиз: «Менинг масжидимда ўқилган бир намоз, бошқа масжидларда ўқилган минг намоздан афзалдир. Фақат Масжиди Ҳарам бу ҳукмдан мустаснодир», деб марҳамат қилдилар. Буни эшигтан Салама ўғиллари уйларини тарқ этиб, масжидга жойлашиш тараддудига тушиб қолиши. Шундай қилсалар, масжидга яқин бўлиб, намозларини bemalol ўқишар, ҳаммасидан ҳам Набийи акрамга (с.а.в.) қўшни бўлиб қолишар эди.

Султони анбиё ҳазратлари саккизён оилалик бир гуруҳнинг бундай бир орзуга берилганини эшишиб, уларни чақирдилар:

— Эй Салама ўғиллари, сиз масжидга келишда ташлаган кадамларингизни ҳисобга олмабсизку!

Салама ўғилларига шу танбеҳнинг ўзи кифоя қилди. Зотан, улар буни холис Оллоҳ ризоси учун қилиб, гўшаларини тарқ этишмоқчи эди. Масжиди Набавийнинг ёнида ва улуғ саййидимизга яқин бўлишни исташган эди.

Аммо пайғамбаримиз улар жойларида қолишлирини истадилар. Истадиларки, маънавий бирдамлик масофанинг узокяқинлигига эмас, балки сидқидил яқин бўлишдадир.

Салама ўғиллари ўз юртларида қолиши. Аммо баҳонада Расулуллоҳнинг (с.а.в.) маънавий қўшниларига айланиб ва масжидга қараб ташлаган қадамларининг ҳар бири учун биттадан кусурлари афв этилиши ва ҳар бир қадам учун бир даража савоб олишларини билиб олишган эди. Бу одимлар ўзларини Оллоҳ розилигига яна бир одим яқинлаштиришини билиб олишди.

* * *

Расулуллоҳ (с.а.в.) кечалари фақат ўзларигагина фарз бўлган таҳажҷуд намозига уйғонар, Парвардигорлари девонида тураг, узунузун суралар ўқиб, Мавло ҳузурида туришнинг қувончи ва лаззатини ҳис этар эдилар. Бир пайтлар меъроj ила шарафлантирган Зот билан ёлғиз қолиш саодатини, севинчини турар эдилар. Намозларининг ҳар они айрича бир қийматга эга эди, аммо Жаноби Пайғамбаримиз энг буюк завқни бошларини саждага қўйганда туюрдилар. «Инсоннинг Парвардигорига энг яқин ҳолати», деб тушунтирас эдилар бу онни. Баъзан саждада узоқ колиб, «Оллоҳим, гуноҳларимни ўзинг кечир... Каттаю кичигини, аввалгисию кейингисини, ошкорасию махфийини... хаммасини кечир, Раббим», деб дуо қиласардилар.

Ҳазрати Ойиша (р.а.) ётган бўлсалар, Расулуллоҳ

саждада қилаётганларида қўллари билан енгил туртиб қўярдилар, Ойиша онамиз оёқларини иифиб, пайғамбаримиз бошларини саждадан кўтарганларида яна такрор узатардилар. Уйни ёритадиган чироқ ёхуд шам ҳам йўқ эди.

Аммо бу уйлар Оллоҳ расулининг нафаслари билан хушбўйланар, ибодатларининг, дуоларининг, ниёзларининг нури ила ойдинланар эди.

Пайғамбаримиз нега бошқа бир хонада ўқимайдилар намозларини? Ёки Ҳазрати Ойиша нега бошқа хонада ухламайдилар? Чунки уйнинг ошхонаси ётоқхонасию меҳмонхонаси... бари биргина шу хонадан иборат эди.

* * *

Макка...

Расулуллоҳ (с.а.в.) Маккани тарқ этганларига бир яrim йилча бўлиб қолган, аммо ҳали у ерда ҳижрат қила олмаган, мушриклар тазиикидан қутула олмаганлар бор эди.

Утба ибн Ғазвон бир кеча уйида ёлғиз ўзи хуфтон намозини ўқиди. Ташқарига эшитилмайдиган даражада паст овоз билан Қуръон тиловат қила бошлади. Ичидан бошқача бир ғариблиқ босиб келарди. Унга ҳидоят йўлини кўрсатган, абадий саодат калитини берган пайғамбаримиз (с.а.в.) аллақачон Маккани тарқ этиб кетганлар, биродарлари ҳам секинаста кўчиб, у ёқни ватан тутишди. Ким билади, у ерда қандай ҳузур ичидан зканлар? Ҳозиргacha Қуръондан яна бир неча оят ва суралар келган бўлиши керак, ҳолбуки, Утбанинг улардан хеч хабари йўқ. Боз устига, қачон келиши номаълум ўлим ёқасига ёпишса, «Тўхтаб тур, мен ҳали Расулуллоҳ олдиларга бормоқчиман», дея олмайдику?

Кўзларидан оққан ёш ила шу ўйларга бориб, Утба ахийри қўлини дуога очди:

— Эй Раббим, ўз юртимда ғарib бўлиб қолдимку. Севикли пайғамбарингга лойик кўрган Ясирибингда менга ҳам бир қаричгина еринг йўқми? Мен қулингни бу куфр юртига ташлаб кўйма, Оллоҳим.

Эртакеч азиз кўрган инсонига етишиш умидини узмади, лекин ҳозирча йўли ҳам очилмади.

Кўлларини самога, кўнглини Мавлога очган Утба дуода қанча қолганини ўзи билмасди. Фақат кўзқовоқлари оғирлашганини ҳис этгач, турди, ётоғига узанди.

Бир пайт эшиги тақиллагандай бўлди.

Утба буни уйқу аралаш эшитаётган эди. Балки тушидадир? Йўқ, кейин яна аниқроқ эшитилди. Утба туш кўрмаётганини англаb, сакраб турди. Эшикка яқин бориб сўради:

—Ким у?

—Мен, Миқдод ибн Амр... Куттирмасдан очди.

— Тинчликми, Миқдод, мунча яrim кечада келмасанг?

— Жимм, — деб пичирлади келган одам.

Ичкари киришди. Микдод вақтни ўтказмай, мақсадга кўчди:

— Бир қарорга келдим: уч кундан сўнг йўлга чиқаман.

— Нима ҳақида гапирияпсан, эй Микдод, тушунмадим?

— Кўриқчи бўлиб ёзилдим. Шомга карvon кетаётир. Уч кундан кейин жўнаймиз. Улар билан боратуриб, бир фурсат топаману «Қайдасан, Яслиб», деб қочаман. Бошқачасига бу ердан кетиб бўлмайди, тушундинг?

Утбанинг севинчи ичига сифмай, ғалати бўлиб кетди.

— Гапларинг жиддийми, Микдод?

— Жиддий бўлмаса, шунаقا вақтда келармидим.

— Мен ҳам сен билан биргаман, Микдод. Бу сафарда бирга бўламиз.

— Олдингга шунинг учун келдимда.

Микдодни ким йўллади бу ёққа? Ё дуолари ижобат бўлаётирми?..

* * *

Расулуллоҳ (с.а.в.) карvon Шом сафарига чиққанини эшитишлари биланоқ катта амакилари Ҳориснинг ўғли Убайдага оқ байроқ бериб, амрига олтмиш кишилик бир муҳожир гуруҳ ажратдиларда, қарши олишга жўнатдилар.

Ахъя сувига етганда, у ерда турган карвонга рўпара келиб, тўхташди. Карвон ахли уларга бегона эмасди. Улар ҳам Мадинадан келганларни танишди. Дархол асаблари таранглашиб, важоҳатлари ўзгарди.

Лекин тарафларнинг бир-бирига ҳужум қиласиган нияти йўқ эди. Зотан, Расулуллоҳ (с.а.в.) ҳам уларга жанг қилишни буормаган эдилар.

Шу пайт карвондан икки киши ажраб чиқиб, учиб кела бошлади. Бор кучи билан мусулмонлар томон югурап эдилар.

— Қаранглар, қочиши... — деди кимдир.

— Тутинг, ушланг уларни, — деб бақиришди. Аммо қувлаш энди фойдасиз эди. Икки ўртада тўқна

шув чиқишига сабаб бўлса бўлардики, уларни тутиб бўлмасди.

Микдод билан дўсти Утба ниҳоят мусулмонларга қовушиб, кўзларида севинч ёшлари йилтиради. Неча ойдан буён Маккадан хабар ололмаган муҳожирлар эса, дўстларини қайтақайта бағриларига босишарди. Гўё карвон бу икки дўстни қардошларига топшириш учун йўлга чиққан ва бу маросим Ахъя суви бўйида адо этилаётгандай эди.

— Кўрасан, эй Микдод, сен билан ҳисоблашамиз ҳали! — деб бақиришарди у ёқдан.

Аммо Микдод энди хур эди.

— Ҳисоб-китоб бўлиши муҳаққақ, қилган ишларингизнинг жазосини оласизлар, ўшанда пушаймон бўласизлар! — деб жавоб қидди.

Микдод билан Утба Расулуллоҳга (с.а.в.) кўзёшлар ичидаги қовушишди. Шунча вақт кейин бўлса ҳам яна топишишган, яна у зотнинг рухларга хаёт бахш этгувчи сұхбатларига мушарраф бўлишган эди.

Микдод ва дўстлари масжид ёнидаги факир мусулмонлар турадиган супада меҳмон қилиндилар.

* * *

Бу орада мушриклардан Курз ибн Жобир исмли бир киши Мадинадан уч мил масофадаги ўтлоқларга яширинча келиб, у ерда ўтлаб юрган туйлар ва сигирларни олдига солганича, Маккага ҳайдаб кета бошлади. Бу ҳодиса мадиналикларни очикданочиқ майдонга чорлаш эди. «Сизлар уйқудасизлар, ўз молларингизга ҳам эгалик қила олмайсизлар», дейиш билан баробар эди.

Пайғамбаримиз оқ байроқларини Ҳазрати Алига бердилар. Асранди фарзандлари Зайдни

Мадинада волий этиб қолдирдиларда, Курзни таъқиб этиб, йўлга чиқдилар.

Курз ҳам шундай бир натижа чиқишини, мусулмонлар: «Бир нечта туями? Кетса кетибдида», демасликларини, таъқиб этмай қўймасликларини жуда яхши биларди. Шу сабабли хабар Мадинага этиб боргунча, кечакундуз йўл юриб, анча масофага этиб олган эди.

Бадр мавзеига келгунча қилинган таъқиб натижасиз чиққач, Курз билан ҳисоб-китоб кейинга қолдирилиб, орқага қайтилди.

* * *

Қурайшликлар тирикчиликларини таъминлаш учун кетмакет карвон жўнатишга мажбур эди. Мусулмонлар эса, бу карвон йўлларини назоратларига олиб, қурайшликларни қийин аҳволга солишга ва мағлуб этишга ғайрат қилишар эди. Бу ҳавфдан осонликча кутула олмасликларини англасалар, бас эди. Расулуллоҳ (с.а.в.) гоҳо шахсан ўзлари бу гурухлар билан бирга йўлга чиқар эдилар. Шундай вактлари баъзан Саъд ибн Убодани, баъзан Саъд ибн Муозни Мадинага вакил қилиб қолдирадилар. Амр ибн Умму Мактумни ҳам вакил қилган пайтлари бўлди.

Бу вакил тайинлашда баъзан Ҳазраж қабиласидан, баъзан Авс қабиласи катталаридан танлашлари, баъзан эса, бу ишни муҳожирлардан бирига юклашлари бежиз эмасди. Бу билан у зот Мадина мусулмонларининг ҳар бирига алоҳида эътибор бераётганларини ва ҳар бирининг кўнглини олиш йўлини тутаётганларини кўрсатарди.

Набийи акрам (с.а.в.) Мадинадан Қурайш карвонларини таъқиб этиб чиқкан кезларида бирор марта ҳам уларга дуч келмадилар. Шунга қарамай, бу сафарларда баъзи қабилалар билан бир-бирларига зарар бермаслик ҳақида ёхуд тажовуз пайтида хужум қилганларга ёрдам кўрсатмасликка доир шартномалар тузилди. Шундай қилиб, аввал Мадина атрофидаги қабилалардан келиши мумкин бўлган заарнинг олди олинди. Чунки қурайшликлар Мадинага хужум қилганлари тақдирда ҳам энди бу атрофидаги мушриклардан ёрдам олишолмайди.

* * *

Ҳижратга ҳам ўн етти ой бўлаётган эди. Бир куни Расулуллоҳ (с.а.в.) жаноблари Абдуллоҳ ибн Жаҳш қўмондонлиги остида саккизён кишилик бир гуруҳ ҳозирладиларда, қаерга боришлири ва нима қилишларини айтмадилар. Абдуллоҳни чақириб, қўлига бир мактуб тутқаздилар:

— Дўстларинг билан икки кун йўл юргач, бу мактубни очасан, буйруғимга кўра ҳаракат қиласан. Дўстларингдан ҳеч бирини бу амримнинг ижросига мажбуrlама, — дедилар.

Абдуллоҳ биродарларини олиб, йўлга чиқди. Нима мақсадда кетишаётганини ҳеч ким билмасди. Бироқ кўнгилларида Расулуллоҳ (с.а.в.) амрлари билан кетилаётганини

билишар, шу ҳолнинг ҳузурини туйиб боришар эди. Модомики у зотнинг амрлари билан кетилаётган экан, кўнгилларда ҳам у кишининг хотиралари бўлиши лозим. Сафарда гўё у зот ҳам бордай сафар бўлиши, борликлари ҳис этилиши, юрганда ҳам, тўхтаганда ҳам бирга юришлари, бирга тўхташлари лозим эди. Худди шундай қилинди ҳам. Ортда қолган хотиралар ёдга олинди, бутга топинадиган мушрик ҳолидан ҳар бир қадамини Оллоҳ ризолиги учун ташлайдиган, ҳар одимида Имомул анбиё (с.а.в.) билан бирга бўлиш орзуила яшайдиган кишилар ҳолатига олиб келган Азиз Дўстнинг гўзал сўзлари зикр қилинди. У зот Оллоҳ таолодан олган ва инсонларга етказган Қуръон оятлари суҳбатларга васила бўлди.

Икки кунлик сафар ана шундай ўтди. Йўл давомида хуржундан биттаиккита хурмо еб қоринлар тўйдирилди, мешлардаги илиб қолган сувлар ичилди. Вужудлар чарчади, аммо кўнгиллар Кўнгил Султонини эслашлар билан тин олдирилди. Худди ташлаган ҳар одимларила Расулуллоҳга (с.а.в.) янада бир оз яқинлашишар, борликларини ичларида янада кучли бир туйғу билан ҳис қилишар эди.

Бир гал дам берилганида Абдуллоҳ мактубни чиқарди. Олдин ўзи ўқиди. «Амрингиз бош устига, ё Расулуллоҳ!» дедида, биродарлари эшитадиган тарзда такрорлади:

«Бу мактубни ўқигач, Макка биланトイф орасида жойлашган Нахла мавқеига бор. У ерда Қурайшни кузат, маълумот олда, бизга хабар келтириш».

Кейин пайғамбарнинг сафар олдидан айтгандарини маълум қилди:

— Ҳеч бирингизни бу буйруқни бажаришга зўрламаслигим ҳақида пайғамбаримиздан амр олганман. Ким Мадинага қайтмоқчи бўлса, қайтсан. Бу қайтиш асло айбланмайди, маъзур кўрилади.

Аммо ҳеч кимдан садо чиқмади.

— Сен нима дейсан, эй Абу Ҳузайфа?!

Абу Ҳузайфа «Бу саволинг қанақаси...» дегандек қаради. Бирикки сония шундай қараб турди. Сўнг кўзлари айтиб турган маъноларни тилига қўчирди:

— Биз нима дейишимизни илгари айтиб қўйғанмиз, эй Абдуллоҳ. Юртимизни, оилаўчоғимизни, оталаримиз тўплаган мўл сарватни ҳаммасини Расулуллоҳга боғла нишга қилган аҳд ила тарқ этғанмиз. Энди биз учун бу йўлдан қайтиш йўқ, — деди у.

Абу Ҳузайфа машхур Утба ибн Робианинг ўғли эди, мусулмон бўлгач, катта бир сарватдан айрилганига ҳеч шубҳа йўқ.

Абдуллоҳ кетмакет бошқа биродарлари — Уккоша ибн Михсанга, Саъд ибн Абу Вакқосга, Утба ибн Фазвонга, Воҳид ибн Абдуллоҳга, Холид ибн Букайрга, Сухайл ибн Байзога, Амр ибн Робиага қараб чиқди.

Улар бош силкиб, енгил ишоратлар бериши: «Абу Ҳузайфа айтган қарорда қатъиймиз, қайтиш йўқ». Тез бир қарорга келишди: энди бу ерда туришнинг фойдаси йўқ. «Кайдасан, Нахла?» деб йўлга чиқиши.

Йўлда Саъд билан Утба навбатманавбат миниб бораётган тужа қочиб, иш ўзгарди. Икки ошна тужни қувалаб кетди. Анча кутиши, ҳеч дарак бўлавермагач, Абдуллоҳ юришга изн берди.

Нахлага етиб келишди. Кўп ўтмайトイф тарафдан кичик бир карвон келиб, у ҳам тўхтади.

Тарих ҳижратнинг иккинчи йили, жумадул охир ойининг сўнгги куни эди.

Мўминлардан Уккоша ибн Михсаннинг сочи олинган эди. Карвондагилар буни қўриб, «Бу одамлар умрага келаётган бўлишса керак», деб унча ташвишга тушишмади. Оқшом бўлай деб қолган. Эртага ражаб ойи бошланиб, ҳар турли жанжал, ҳужумлар тўхтатиладиган — «ҳаром қилинган ойлар» ҳукми кучга киради. Аммо бугун жумадул охирнинг сўнгти куними, ражаб ойининг бошими эканини мусулмонлар аниқ билишолмади. Шу боис карвонга ҳужум қилишқилмаслик хусусида бир қарорга келолмадилар. Аммо Воҳид ибн Абдуллоҳ: «Ортиқча тараддуд яхши эмас», дедио бир ўқ узиб қўйди. Қарши тарафдан бир одам ерга йиқилди.

Ўлган Амр ибн Ҳадрамий экан.

Энди ўқ ёйдан чиққан, қайтиш иложсиз эди. Ўлганни ҳам тирилтириб бўлмас.

Киличлар қинидан чиқарилди, ҳужумга ташланиши. Карвон аҳли қочишдан бўлак чоралари йўқлигини кўриб, ҳамма нарсаларини ташлаб, Макка тарафга суриб юбордилар. Аммо бунгача ораларидан Усмон ибн Абдуллоҳ ва Ҳакам ибн Кайсон тутилиб асир олинди.

Бу воқеа Маккада катта шовшувга сабаб бўлди, чиндан ҳам юракларига бир қўрқув тушди. Энди Шом йўли улар учун бир хаёлга айланиб қолган, Қурайшнинг икки жон томиридан бири кесилган эди.

Айниқса, ўлган Амрнинг укаси Амир ниҳоятда ғазаб

ланди, мусулмонлардан бирини ўлдириб, бош чаноғида шароб ичишга қасамлар ичди. Ҳар ёқда гап мавзуи Амрнинг қон ҳақиқи ҳақида, интиқом ҳақида эди. Бу қоннинг ҳисоби албатта сўралади, унинг алами ерда қолмайди.

— Ҳаром ойда ҳужум изнини Муҳаммад кимдан олди? Даъват қилаётган йўлининг тўғри эмаслигига бундан ортиқ далил борми? — деди баъзилар.

—Хабар жўнатиб, асирларимизни сўрайлик. Ҳаром ойда қилган ҳужумларининг ҳисобини

сўрайлик, — дерди бошқалари.

Карвон мусулмонларнинг қўлига ўтган эди.

Куёш ботди ҳамки, уфқда ингичка бўлиб янги ой юз кўрсатди. Демак, шу оқшомдан Ражаб ойи кираётган эди. Абдуллоҳ ибн Жаҳш:

— Эй биродарлар, — деди, — кўриб турибсизлар, карвон бизницидир. Лекин бунинг бешдан бирини Расулуллоҳ учун айириб, қолган қисмини бўлишамиз.

Хеч ким эътиroz қилмади. Тақсим тугади. Абдуллоҳ асиirlардан Ҳакам ибн Кайсонни ўлдирмоқчи эди, биродарлари унашмади. «Расулуллоҳга олиб борамиз, ул зот ҳал қилсинлар», дейишиди.

Аммо Мадинада Расулуллоҳ (с.а.в.) воқеа тафсилотини эшитиб, хафа бўлдилар: «Мен сизларга ҳаром ойда жанжал чиқаринглар демаган эдим», дедилар. Айирилган улушни қабул қилмаганларида булар буткул саросимага тушиб қолишли. Бунинг устига, Мадинада қолган биродарлари ҳам бу ишдан ранжишган, «Сизларга буюрилмаган ишни қилибсизлар», деб маломат қилишар эди.

Лекин бу нохуш воқеалардан энг кўп яхудийлар қувониши. «Ана, бошларига ўzlари бало сотиб олиши, энди жанг бўлиши аниқ», дейишарди. Курайш бу ишни шундай ташлаб қўймаслиги, қон даъвоси қилиб чиқиши ҳақида вайсашар эди. Уларнинг фикрича, мусулмонлар энди оғир бир мағлубиятга учрашлари аниқ. Қолгани осон, уларни ўртадан кўтариш яхудийларга қийин эмас.

Расулуллоҳ (с.а.в.) асиirlарни Исломни қабул этишга даъват қилиб кўрдилар. Ҳакам Расулуллоҳнинг (с.а.в.) бу таклифларини бехаё сўзлар билан қарши олди. У умри поёнига етганини сезиб тили ечилган бир инсонга ўхшарди.

Оғзидан чиқаётган бехаё сўзлар Ҳазрати Умарни қиздирди:

— Рухсат этинг, эй Оллоҳнинг расули, бунинг бўйинни узуб ташлай! — деди у.

Аммо Жанобимиз изн бермадилар. Усмон ҳам таклифни қабул этмади, мусулмон бўлмади.

Маккаликлар келиши. Киши бошига бир минг олти юз дирҳамдан фидя тўлаб, асиirlарни олиб кетмоқчи бўлиши. Лекин Расулуллоҳ (с.а.в.) бу таклифни қабул этмадилар:

— Маккада колган икки биродаримиз бор. Қаерда эканларини билмаймиз. Ўшалар саломат қайтишса, фидяларингизни олиб, дўстларингизни озод қиласиз. Агар бизнинг у икки одамимизни қўлга тушириб, ўлдирган бўлсаларинг, биз ҳам асиirlарни ўлдирамиз, — дедилар.

— Хўп, майли, аммо ҳаром қилинган ойда одам ўлди рилганига нима дейсан, эй Мухаммад?!. Сен бу ҳаракатинг билан ҳаромни ҳалол ҳисобламадингми? Шуми инсонларни яхшиликка чақираётганинг? — дейишиди улар.

Шунда Абдуллоҳ ибн Жаҳш ва унинг дўстлари ўша оқшом Ражабнинг ҳилолини кўрганларини айтиб, тўқнашув ҳаром ойда кечмаганига шохидлик бериши. Худди шу аснода Набиийи акрам (с.а.в.) ваҳий ҳолатига тушиб, жим қолдилар ва орадан бир муддат ўтиб Раббул Оламиндан келган оятлар донадона қилиб ўқилди:

«Сиздан ҳаром ой (уруш ҳаром бўлган ойда жанг қилиш) ҳақида сўрадилар. Айтинг: «У ойда жанг қилиш катта гуноҳdir. Оллоҳнинг йўлидан тўсиш, Унга ишонмаслик ва Масжидул Ҳарамдан (яъни, Маккадан) тўсиш ва ундан аҳлларини қувиб чиқариш Оллоҳ наздида улуғроқ гуноҳdir. Фитна (алдаш) ўлдиришданда каттароқ гуноҳdir. Улар (коғирлар) қўлларидан келса, то динингиздан қайтаргунларича сизлар билан урушаверадилар. Сизлардан ким ўз динидан қайтиб, динсиз ҳолда ўлса, ундан кимсаларнинг қилган амаллари дунёю охиратда бехуда кетур. Улар дўзах эгаларидир ва унда абадий қолажаклар». (Бакара, 217.)

Уларга ана шундай жавоб берилди. Ўзларини доимо айбиз, истаган нарсаларини қилишда

хур, қилган ҳар ишларини тўғри ва хайрли санаб юрган, айни доимо бошқалардан қидирадиган Курайшга: «Тўхтанг, олдин ўзингизнинг қилганларингиз тўғрими, нотўғрими билиб олинг!» дейилгандек бўлди гўё.

«Раббим Оллоҳдир», дейишдан бошқа «гуноҳи» бўлмаган кишиларни турлитуман қийноқларга соглан қурайшийлар бу ишни гўё энг табиий ҳақлари деб билар эди. Йиллаб мусулмонларни исканжа остида кийнар эканлар, энди ҳеч кутилмаганда ҳаром ойлар масаласи бирдан аҳамият касб этиб қопти. Сумаййанинг қони тўкилар экан, Ёсирининг қони оқизилар экан, Билолнинг устига оғир тошлар қўйиб, азобланар экан, Ҳаббонинг бадани қизиган темирлар билан куйдирилар экан, қўлоёклари боғлиқ инсонлар очнаҳор қолдирилиб, тутунлар ичидаги бўғилишга маҳкум этилар экан, бўғилгунча боши сувга тиқиб турилганлар изтироб чекар эканлар, ҳеч сўз юритилмаган, ҳеч эсга келмаган ҳаром ойлар энди эсларига келиб қолибди?! Ўлдирилганлар ичидаги қони қизил бўлган фақатгина Амр ибн

Хадрамий эканми?!

Бу оятлар келгач, Расулуллоҳ (с.а.в.) ўzlари учун ажратилган бешдан бир улушни олдилар. Лозим бўлган жойларга улашиб, тарқатдилар ва шу билан Абдуллоҳ ибн Жаҳш ҳамда дўстлари «Хато қилибмизда» деб ичини кемираётган ғашлигу хавотирлар барҳам топди.

Бир неча кундан сўнгра қочган түянинг орқасидан кетган Саъд ибн Абу Ваққос билан дўсти Утба Мадинага етиб келишди. Буни кўриб Расулуллоҳнинг (с.а.в.) юзларига табассум ёйилди.

Энди асирларни қайтариб беришга монеъ бўладиган нарса қолмаган эди. Улар озод қилингач, пайғамбаримиз яна бир бор Ислом динини таклиф этдилар. Бу сафар ҳам Усмон рад этди, бироқ Ҳакам:

— Нима у Ислом деяётганинг?.. — деб сўради.

Пайғамбаримиз унга тушунтирган эдилар, ўша заҳоти калима келтириб, мусулмон бўлди. Шундай қилиб, иккинчи марта ёқасини қиличдан қутқариб, ниҳоят Ислом динини танлаш билан саодат тожини кийди.

Миқдод ибн Асвад дўсти Утба билан бирга масжиднинг ёнидаги Супа номи берилган жойда тунаб қоларди. Расулуллоҳ (с.а.в.) уларга учта эчкини қўрсатиб, «Буларни соғиб, биргабирга ичамиз», деган эдилар.

Миқдод биродари билан сутни соғиб ичишардида, Расулуллоҳга (с.а.в.) тегишлисини олиб қўйишишар эди. Пайғамбаримиз (с.а.в.) кечалари келиб, уйгоқларнинг ўзигина эшитадиган қилиб салом берар ва сутларини ичиб кетар эдилар.

Бир оқшом Миқдод анчагина оч қолди. Ўзининг улушкига қониқмай, яна ичгиси келди. Аммо пайғамбаримизга ажратилган сутни ичиб қўйса, айб бўлмасмикин? Кейин нима дейди? «Сизни эмас, ўзимни ўйладим, эй Оллоҳнинг расули», дейдими?

Лекин очлик уни ҳар кўйларга солиб, яна ўйлар эди: «Пайғамбаримиз ансор дўстларининг олдига кетдилар, қоринларини тўйғазиб келсалар, эҳтимол бу кеча сут ичмаслар?»

Шу хаёл билан пайғамбаримиз учун ажратилган сутни олдида, охирги томчисигача ичиб қўйди. Ичдию, кўнглини яна ғашлик ўраб келиб, ташвиш босди. Ичичидан қалбини ёқибёндирадиган бир овоз эшитиларди гўё:

«Нима қилиб қўйдинг, эй Миқдод? Пайғамбарга тегишли нарсани ичиб қўйдинга?! Келиб сутни топа олмасалар, нима деган одам бўлдинг?! Маккадан бу ерга ул зотнинг ҳаққини емоқ учун келган экансанда?»

Шунга ўхшаш ҳайқириклар ичини куйдириб, ўтда қовурди. Устида бир ёпинчиғи бор эди. Ётганида бошига тортса, оёқлари, оёқларини беркитса, боши очилиб қоладиган. Шунга ўраниб олди.

Аммо қани энди ухлай олса! Дўстлари хуррак ота бошлаганлари ҳолда, у хали ҳам уйғоқ эди. Ухлаб қолишига умиди ҳам йўқ эди. Бу орада Расулуллоҳ (с.а.в.) келдилар. Паст овозда салом бердилар. Саломни фақат Миқдоднинг ўзи эшитди. У миқ этмай ётибди.

Сарвари олам масжидга кириб, икки ракат намоз ўқидилар. Бу намоз ичини ит тирмалаётган Миқдоднинг назарида жуда ҳам узоқ давом этди. Ана, турдилар, ана, масжиддан чиқяптилар... Миқдод виждони қийналиб, пешонасини тер босди.

Расулуллоҳ (с.а.в.) сут идишни бўш кўрганлари замон Миқдоднинг ичидаги қўпган бўрон сиртига чикди. Бу орада Мұхтарам Саййидимиз бошларини самога кўтардилар:

— Оллоҳим, менинг тўйғазганни сен тўйдир, менинг чанқофимни кетказганнинг чанқофини сен қондир, — дедилар.

Бирдан Миқдод хотиржам торта бошлади... «Бир ичишлиқ сут учун Расулуллоҳ дуоибад қиласидилар деб ўйлаб катта хато қилиб қўйганингни биласанми?» дея ўзини ўзи маломат қила бошлади. Дарҳол пичокни қўлга олиб, эчкиларнинг олдига борди. Бирини сўйиб, Расулуллоҳга инъом этмоқчи бўлди. Бироқ учаласининг ҳам бўғоз эканини эслаб, бу фикридан қайтди. Эчкиларни яна бир соғиб кўрмоқчи бўлди. Учаласидан бир ичишлиқ сут чиқди. Қайтиб Расулуллоҳ ҳазратларининг олдиларига келди.

— Ўзларинг ичдиларингми? — деб сўрадилар ул зот.

— Ха, эй Оллоҳнинг расули, фақат сиз қолдингиз. Марҳамат, сиз ҳам ичинг!.. — деди Миқдод.

Пайғамбаримиз сутни ичдилар. «Оллоҳим, бу ичган сутимизни янада баракали қил, бизга бу неъматингни орттири!», деб дуо қиласидиларда, қолганини Миқдодга бердилар.

— Яна бир оз ичсангиз бўларди, ё Расулуллоҳ! Расули акрам (с.а.в.) яна бир оз ичдилар, сўнг унга узатдилар. Миқдод қолганини ичди, анча хотиржам тортиб, аввалги ҳолатини кўз ўнгига келтирди ва бирдан уни кулги тутди. Ўзини боса олмай кула бошлади.

— Миқдод, сенинг бир айёргинг бор!.. — дедилар Расулуллоҳ.

Миқдод бўлган воқеани гапириб берди. Пайғамбаримиз кулимсирадилар.

— Бу Оллоҳнинг бир раҳмати ва икромидан бўлак нарса эмас, эй Миқдод, — дедилар ул зот. — Олдинроқ айтганингда, биродарларимизни ҳам уйғотар эдим, улар ҳам ичишарди...

— Эй Оллоҳнинг пайғамбари, сиз ичдингиз, мен ичдим, энди ким ичса ичсин, ишим бўлмайди, — деди Миқдод.

* * *

Макка...

Бошларига бало бўлган бу мадиналикларга қарши бир чора излашар, уларнинг таъЗирини бериб қўйишининг зўр бир йўлини топиш ҳақида бош қотиришар эди. Ишни шундай ташлаб қўйиб бўлмайди, чунки кечётган ҳар кун уларнинг фойдасига кечётган, улар тобора куч тўплаб олишаётган эди. Нима қилиш керак? Курайшийларнинг асосий мавзуи шу бўлиб қолди.

Ўртага катта бир сармоя қўйишини, ундан тушадиган фойда ҳисобидан қўшин тўплаш ва мадиналикларнинг устига қўққисдан ҳужум қилишини ҳам режалаштиришди. Аммо оқибати нима бўлади, буни ўйлаб кўришмасди.

Ахийри ана шундай шерикчилик билан бир карvon ҳозирланди. Унга катта улуш қўшганлардан биттаси Абу Ухайҳа эди.

Карvon раислигига устамонликда шуҳрат топган Абу Суфён тайинланиб, Амр ибн Ос ва жасур бир паҳлавон бўлган Маҳрама ибн Навфал унга ёрдамчи бўлиб йўлга чиқишиди. Кўриқчиликка ва бошқа хизматларга яна жуда кўпгина одамлар жалб этилди. Минг туюдан иборат ва сармояси эллик минг динор келадиган бу карvon тонгда Маккадан чиқиб, Шомга қараб йўл олди.

ИККИ ҚИБЛАЛИ МАСЖИД

Мадина...

Барзо ибн Маъурнинг хотини ҳеч кутилмаганда уйига Расулуллоҳ (с.а.в.) келишларини эшишиб қолдию ғалати бўлиб кетди. Эри ўлганидан бери дилини тошдек эзиб турган ғамташвишлар ҳам аллақаёққа тарқаб, юраги тезтез ура бошлади. Сўнг қулоқлари қизиб, уни бир ҳаяжон босди. Аллақандай ширин бир ҳаяжон... Кўзларига ёш қалқиб, маржонмаржон севинч ёшларини тўкаркан, бева аёл, само мовийликларига қараб пицирларди:

— Оллоҳим, сенга қандай шукр қилишимни билолмаяпман...

Кўп ўтмай интизор кутилган овоз эшитилди:

— Ассалому алайкум!

— Сизга ҳам салом бўлсин, эй Оллоҳнинг расули. Марҳамат, келинг. — Отаси ўлганидан бери бу уйнинг каттаси бўлиб қолган Бишр Пайғамбарлар саййидини қувончи ичига сифмай кутиб олди. Сўнгра кекса онаси келди:

— Уйимизга хуш келдингиз, шарафлар келтирдингиз, эй Оллоҳнинг раҳмат пайғамбари...

— деди у.

Расули акрам (с.а.в.) ҳазратлари улар билан бир оз сухбатлашиб ўтиргач, овқат келтирилиб, ейилди. Шу орада яқиндаги масжидда аzon айтилиб, улар пешин намозини ўқиш учун чиқишиди. Сайиди коинот жанобимиз меҳробга ўтдилар. Орқаларида саф тортиб турган мўминлар билан бирга намозга туришиди. Икки ракат ўқилиб, учинчи ракатга турилган эди. Жамоат ҳузур ичиди эди. Жаноби Ҳаққа тақдим этишлари лозим бўлган ибодат шахсан Оллоҳнинг Расули иштирокларида ўталмоқда эди. Нубуват йўлининг султони ул зот эдилар. Оллоҳга қуллик йўлининг энг улуғ раҳбари ҳам у киши эдилар. Раббул Оламийнга қандай қулиқ қилинишини энг яхши биладиган ҳам, уни бizzot Жаноби Мавлодан ўрганган ва инсонларга ўргатган ҳам у зот эдилар.

Ҳамма ҳузурли ва хотиржам. Лекин шу онда Набийи мухтарам жаноблари қандай ҳолатда эканларини билиб бўлмасди. Чунки Жаброили амин пайғамбаримизга Жаноби Мавлодан навбатдаги ваҳийни келтирган эди. Пайғамбаримиз ҳам намозларини давом эттирас, ҳам Жаброили амин ўқиётган Қуръон оятларини эшитар эдилар:

«Гоҳо юзингиз самода кезганини кўрамиз. Бас, албатта, биз сизни ўзингиз рози бўлган қиблага бурамиз. Юзингизни Масжидул Ҳарам (Макка) томонга буринг! (Эй мўминлар, сизлар ҳам) қаерда бўлсангизлар, юзларингизни унинг тарафига бурингиз! Китоб берилган зотлар, албатта, бунинг Парвардигорлари томонидан (келган ҳақ ҳукм) эканини биладилар, Оллоҳ улар килаётган амаллардан ғофил эмасдир». (Бақара, 144.)

Ваҳий ҳолати ўтгач, Сайидул аввалин вал охирин жанобимиз вақтни ўтказмасдан, турган жойларида бурила бошладилар. Қалбларида «аниқ Каъба томонга йўналганлик» илҳоми келгач, тўхтадилар. Намозларини бузмадилар.

Жамоат ҳеч кутилмаганда Расулуллоҳнинг турган жойларида юзларини улар томонга буриб, намозини давом эттираётганларини кўриб, бунинг илохий бир амр эканини пайқашди, дарҳол улар ҳам сафларини бузмай Расулуллоҳнинг (с.а.в.) орқаларидан жой олишиди. Энди бир неча сония олдинги қибла орқада қолган эди. Илк икки ракат Байтул Мақдисга қараб ўқилган бўлса, охирги икки ракат Каъбаи Муаззамага қараб ўқилди.

Намоз тугаши билан Расулуллоҳ (с.а.в.) юзларига мамнунлик балқиб чиқди. Кўпдан бери Улуғ Мавлодан сўралган нарса ҳосил бўлган, истаклари бажо келтирилган эди. Асҳобларнинг: «Нега бу томонга ўгирилдик, ё Набийаллоҳ?» дейишларига ҳожат қолмади. Чунки бир оз аввал Жаброили амин қалбларига жо қилган ваҳий уларга донадона қилиб ўқиб берилди.

Бир неча йил мусулмонларнинг қибласи бўлиб турган Байтул Мавдис бу ваҳий билан энди бнр хотираға айланиб, юзлар билан бирга кўнгиллар ҳам Масжидул Ҳарам томонга ўгирилди. Масжидул Ҳарамга қараб илк намоз ўқилган бу масжид кейинчалик «Масжида қиблатайн»,

яъни, «Икки қиблали масжид» номи билан машхур бўлди.

* * *

Расулуллоҳ (с.а.в.) илк юмушни ўз масжидларидаги меҳроб ўрнини ўзгартиришдан бошладилар. Аср вақти масжидга келганлар бу ердагилар бошқа бир тарафга қараб намоз ўқишига ҳозирланишаётганини кўриши. Бирон янгилишлик борми ёки терс кўриняптими — ажратса олишмади.

Лекин Расулуллоҳ (с.а.в.) энг олдинда туриб имомликка ўтишга тайёрланар эдилар. Намоздан кейин масжид аҳли бир-бирларидан «Нимаганега?» деб сўровчиларга Расули акрам (с.а.в.) пешин пайти ваҳий келганини билдириди.

Кубо масжида бомдод намозини ўқиётгандар бир овозни эшлиши. Овоз эгаси жаноби Расулуллоҳнинг Каъбага қараб намоз ўқиганларини, шунинг учун энди ҳамма Каъбага ўтирилиши лозим эканини айтарди. Намозни бузмасдан саф ҳолида ўтирилиши ва шу ҳолда туталлашди.

Эҳтимол бу хабарни келтирган одам кечаси Мадинага бориб, у ердан кечқурун Кубога қайтган ва бомдод намозига масжидга чиқкан бир кишидир. Бу ердагилар ҳам кўпдан бери Расулуллоҳ (с.а.в.) қибланинг Каъба тарафга йўналишини орзу этиб, Мавлои Зулжалолга дуо қилиб юрганларини билишарди ва эртамикечми рўёбга чиқишига ишонишарди. Ўша орзу рўёбга чиқиби. Бир инсоннинг хабари билан намозда қиблани ўзгартириб, Каъбага ўтирилишларининг сабаби шу эди.

Қибланинг ўзгартирилиши яҳудийларга оғир бир зарба бўлди. Чунки бу бурилиш Расулуллоҳ (с.а.в.) жанобларининг ҳақиқатан ҳам пайғамбар эканларини уларга яна бир исбот қилди. Охирги пайғамбар ҳақида Тавротда берилган маълумотлар ичida ул зотнинг қибласи ўзгартирилиши ва у Маккадаги Каъбага қараб йўналиши аниқ айтилган эди. Ва ўз сўзида тургувчи Оллоҳ буни рўёбга чиқариб, кимларни қувонтириди, кимларни забун этди.

Ўзаро уюштирилган йифинда шу масалани ҳам тилга олиши, энди нима қилишлари, қандай йўл тутишлари ҳақида тортишишди. Дин пешволари ҳам инкори мумкин бўлмаган бир ҳақиқат рўпарасида туришганини билишарди. Энг тўғри йўл — катта отабоболари тарафидан Ҳазрати Мусога (а.с.) берилган аҳдга эргашиб, Расулуллоҳга (с.а.в.) имон келтириш эди.

Аммо не кўргуликки, иchlарини ёндирибқўйдираётган ҳасад ва бошқа миллатдан чиқкан пайғамбарга бўйинсунишга рози эмасликлари уларга тўсқинлик қилар, имон келтириш у ёвда турсин, имон келтирсанларни имонларидан қайтариш чораларини излашар эди.

Оғизларини пичоқ ҳам очолмасди. Башараларидан қалбларидаги изтиробалам чидаб бўлмас ҳолга келганини аниқ кўриш мумкин. Ниҳоят жимликни Ибн Сурийя бузди:

—Нима қиламиз, дўстлар, бу иш жимлик билан ҳал бўлмайди? — деди у. Сиқилганидан ёрилар ҳолга келган бошқа биттаси жавоб берди:

—Майли, жим турмадик дейлик, аммо бу ишни ҳал эта олишимизга ишонасанми?

Бу луқманинг маъноси «Масалан, мен ишонмайман», демак эди.

— Нима демоқчисан, эй Хуйай?

— Шуни демоқчиманки, биз жим турсактурмасак, юриш амри берилган бу карвон юраверади. Жим турмагандан, нима қила олардик? Ёки ҳозиргача жим турмай ниманинг олдини олабилдик? Менга шундай туюляптики, бу даъво охиригача муваффақият билан давом этади ва биз давом этишини билиб турганимиз бу даъвонинг қурбонлари бўлиб кетамиз.

— Хўш, — деди Каъб ибн Ашраф, — шундай, қўлоёғимизни боғлаб ўтираверамизми? Ёхуд Авс ва Ҳазраж махаллалари орасида айланиб, «Пайғамбарингизнинг Ясирибга кўчганидан кейин қибласини пайғамбар Иброҳимнинг қибласига буришини биз билардик. Мана, ҳақ пайғамбар эканининг бир аломати будир!» деймизми?..

—Бундай демоқчи эмасман. Аммо ўртада бир ҳақиқат бор ва биз бу ҳақиқатни билатуриб

инкор этиш билан ўзимизни оловга ташлаяпмиз! Олдинданоқ бу даъвони қозонишини билардик... ва унга қарши чиқсанлар паришон бўлиб қолишлини ҳам... Энди яна худди шу нарсаларни билиб, мағлуб бўлишимизни англаб туриб, унга қарши чиқяпмиз. Бу биз учун аянчли оқибат.

— Бас, беҳуда сўзлар билан ўтказадиган вақтимиз йўқ, деди Ибн Сурийя ўрнидан кескин туриб. Бирон нарса қилиш керак. Ўйланг, ўйланг...

Келишилган қарорни том татбиқ этиш нияти билан йигин охирига етди.

* * *

Ҳеч қанча ўтмай мусулмонлар орасига тарқаб кетишиди. Устакорлик билан «самими» фикрларини билдира бошлашди.

Натижада баъзилар орасида: «Қибла ўзгармасдан олдин ўлган биродарларимизнинг ҳоли нима бўлади энди?» деган саволлар туғилиб қолди.

Бошқа тарафда яна бир яхудий мўминларнинг ғашига тегиб:

— Энди анча гангид қолдиларинг, қаерга бурилишни ҳам билмайсизлар. Кўрайликчи, эртага қиблаларингиз қаёқда бўларкан? — дер эди.

— Хўш, кечаги қибланинг нимасини ёқтирамай қолдиларинг? Унинг Каъбадан фарқи нима? Модомики Каъба тарафга ўгирилар экансизлар, шу пайтгача нега жим туриб эдиларинг? — дерди бошқаси.

Дуч келган мўминга шунга ўхшаш саволлар берилар эди.

Каъб ибн Ашраф бошлиқ бир гурух яхудий Расулуллоҳни (с.а.в.) зиёрат этгани келди.

— Ассому алайка, ё Муҳаммад, — дейишиди кўриша ётиб.

Ҳазрати Ойиша бирдан сергак тортилар ва:

— Лаънатлар ҳам, мусибатлар ҳам сизларнинг устингизга ёғилсин. Бошингиздан бало аримасин, — деб қарғаб бердилар.

— Ўзингни бос, эй Ойиша, Оллоҳ таоло ҳар ишда юмшоқ муомалада бўла олганни севади.

— Лекин, Расулуллоҳ, нима деганларини эшитдингизми? Улар сизга «ассалому алайка» демади, «ассому алайка» деди ахир.

— Биламан. Мен ҳам шунинг учун уларга «Ва алайкум» (ўзингизга ҳам шундай бўлсин) деяпманку. Уларнинг менга дуоибадлари ҳеч ўтмайди. Аммо менинг дуоларим уларнинг бошига келгай.

Расулуллоҳ (с.а.в.) уларга нега «ва алайкум салом» демай «ва алайкум» деб қўяқолганлари яққол англашқилиб, улар талвасага тушиб қолишиди. Бечора яхудийлар ҳар келишларида «Ассому алайка, ё Муҳаммад!» дейқшар ва ҳар дафъа айрича бир завқ олиб, мийикларида қулишар эди. Демак, ул зот уларнинг барча беодобликларини билиб турар эканларда?!

Нима бўлганда ҳам, бўлар иш бўлди; келиш сабабларини англатишиди:

— Агар эски қиблангга қайтсанг, биз ҳам сенинг динингни қабул этишимиз мумкин бўларди, — дейишиди улар.

Расулуллоҳ (с.а.в.) жанобимиз яхудийларнинг имои келтиришларини жудажуда орзу этардилар. Буни яхудийлар ҳам яхши билишарди. Шу йўл билан «хўп, бўпти», дедирмоқчи бўлишиди. Аввал рози қилдириб олиб, кейинроқ, .«Одамларнинг хоҳишига қараб ўзгарибтусланадиган бир дин билан бизнинг нима алоқамиз бор?» деб юз ўгириб кетишмоқчи эди.

Аммо Расулуллоҳ (с.а.в.) қисқа ва лўнда қилиб, улар кутмаган жавобни бердилар:

— Мен фақат Оллоҳнинг амрини етказадиган бир пайғамбарман, холос.

Бу деганлари, илгари Байтул Мақдисга Раббимнинг амри билан ўгирилган эдим, энди ҳам Масжидул Ҳарам тарафга яна Раббимнинг амри билан ўгирилдим. У кайси тарафга буюрса, ўша тарафга буриламан, сизнинг хоҳишингиз билан эмас, деганлари эди!..

* * *

Фитнакор ташвиқот таъсирини ўтказиб, бир неча киши Расулуллоҳ (с.а.в.) ҳузурларига савол билан келди:

— Қибланинг ўзгаришидан олдин вафот этган қардошларимизнинг ҳоли нима кечади? — дейишди улар.

Бу саволни баъзи соғдил мўминларнинг зеҳнларига жойлаштириш учун чиқкан яхудийлар Ҳазрати Умар каби зотларга дуч келсаларку, дарҳол овозлари ўчиб қолардия. «Биз ҳозиргача Байтул Мақдисга ўз истагимиз билан йўналибмизми?» деган жавоб олишлари тайин эдида. Бироқ яхудийлар кимнинг ёнида қандай ташвиқот қилишни билишарди.

Аммо Оллоҳ ҳар нарсани кўргувчи ва билгувчи зот эди. Бу масалага ҳам ўзи ваҳий юбориб ойдинлик киритди. Жаброил келтирган оятлар худди шу ҳакда эди:

«Одамлардан ақлсизлари: «Улар (мусулмонлар)ни илгари қараган қиблаларидан қандай нарса юз ўғиртириди?» дейдилар. Айтинг: «Машриқ ҳам, мағриб ҳам Оллоҳникидир. У ўзи хоҳлаган кишиларини ҳақ йўлга хидоят қиласди». (Бакара, 142.)

Кейинроқ қибланинг ўзгартирилишидан хикмат нима экани англатилди:

«Сиз илгари қараган қиблани Биз фақатгина ким Пайғамбарга эргашиб, ким орқасига қайтиб кетишини билиш учун қилганмиз, холос. Шубҳасиз, бу оғир иш. Магар Оллоҳ хидоят қилган зотларгагина (оғир эмасдир). Оллоҳ имонларингизни (яъни, имон билан ўқиган намозларингизни) зое қилгувчи эмас. Албатта, Оллоҳ одамларга меҳрибон ва раҳмлидир». (Бакара, 143.)

Бунинг кетидан эса, яхудийларнинг бебурд ва мунофиқ эканликлари, уларга ишонмаслик эслатилди:

«Китоб берилган зотлар албатта бунинг Парвардигорлари томонидан (келган ҳақ хукм) эканини биладилар. Оллоҳ улар қилаётган амалларидан ғофил эмасдир». (Бакара, 144.)

Ниҳоят уларнинг қанчалик ўжар ва ўзи билармон эканликлари очиқравшан таърифлаб берилди:

«Қасамки, агар сиз китоб берилган кимсаларга бор мўъжизаларни келтирсангиз ҳам, улар қиблангизга боқмайдилар. Сиз ҳам уларнинг қибласига боққувчи эмассиз. Улар (яхудийлар ва насронийлар)нинг бировлари бировларининг қибласига боққувчи эмас. Агар фаразан Сизга келган билим (ваҳий)дан кейин ҳам уларнинг ҳавои нафсларига эргашсангиз, у ҳолда, шубҳасиз, золимлардан бўлиб қоласиз». (Бакара, 145.)

Бу оятларнинг сўнгидаги Улуғ Мавло мўминларга хитобан яна шундай марҳамат қиласди:

«Биз китоб ато этган кимсалар (яхудий ва насронийлар) Уни (Мухаммад пайғамбарни) ўз фарзандларини таниган каби танийдилар. (Яъни, ўзларининг илоҳий китобларида у ҳакда ўқиганлар.) Ва, албатта, улардан бир гуруҳи билганлари ҳолда ҳақиқатни беркитадилар». (Бакара, 146.)

Мана шу оятлар тушган кезларда Ҳазрати Умар Абдуллоҳ ибн Саломни қидириб топди ва:
— Ростини айт, ҳақиқатни биласизларми? — деб сўради.

— Эй Умар, мен ўғлимнинг ҳақиқатан ҳам менга оид эканидан шубҳаланишим мумкин, аммо Расулуллоҳ (с.а.в.) ҳақида ҳеч шубҳалана олмайман, — деди у. — Чунки китобларимизда берилган маълумотлар тўлиғича у зотда мужассамдир. Бугун Расулуллоҳни (с.а.в.) инкор этаётганлар жоҳилликларидан ёки у зотнинг пайғамбар эканлигига қарор беролмаганлариданмас, яхудий бўлмаган бир инсон пайғамбар этиб тайинланганини ҳазм қила олмаганларидан шундай қилмоқдалар. Йўқса, биз у зотнинг бу ерга ҳижратидан кейин қибланинг Иброҳим (а.с.) қибласига чеврилишини ўз исмимиздек биламиз.

Кучли жаладан кейин кўчаларда тўпланиб қолган ахлату хасчўпларни сув қандай оқизиб, сидириб ташласа, нозил бўлган оятлар ҳам яхудийларнинг фитналаридан юзага келган ҳузурсизликларни ана шундай улоқтириб ташлади. Расулуллоҳ (с.а.в.) ҳам, барча мўминлар ҳам бу ҳолдан мамнун бўлишди.

Расули акрам (с.а.в.) эса, энди самога ҳамд ва шукр туйғулари билан тўлиб боқар, ҳар намозда буюк боболари курган ва Парвардигорлари буюрган муқаддас қиблага юзланар эканлар, ўзгача бир ҳузур туяр эдилар.

* * *

Кунлардан бирида заргар яхудий билан унга тақинчоқ ясаттиришга келган чўри ўртасида келишмовчилик чиқди. Яқинорада ҳеч ким йўқ эди. «Энди фурсат келди», дея яхудий қўлига илинган оғир бир тош билан чўрининг бошига туширди. Дўконини ёпиб, жуфтакни ростлаётганида аёлнинг сўнгги нафасини чиқарганига амин эди.

Сал вақтдан кейин у ердан ўтиб кетаётган мусулмонлар қулоқларига инграш овози чалиниб, чопиб келишди. Бечора аёлни замбилга солиб, Расулуллоҳ (с.а.в.) хузурларига олиб боришидди. Расули акрам саййидимиз атай мусулмонларнинг номини атаб, ундан сўрай бошладилар:

— Сени фалончи шу ҳолга солдими?

Аёл гапира оладиган вазиятда эмасди. Кўз ишорати билан «йўқ» деди.

— Фалон кишими сен ўлдирмоқчи бўлган? — дедилар яна.

«Йўқ» деди у бош чайқаб.

— Фалон яхудийми? — дедилар ахийри заргарнинг номини атаб.

— Ҳа, — деди аёл зўрға бош силкиб.

Одамлар мўъжизадан ҳайратда қолдилар. Расулуллоҳ (с.а.в.) жаноблари қалбларига илҳом йўли билан билдирилган жиноятчини ўз номи билан атаган эдилар. Аммо у зот бу масалада илҳом ила билдирилган нарсага таяниб эмас, гувоҳларга ишониб иш кўришни лозим топдилар. Бунинг учун чўри гапириши ёки «Мени фалончи ўлдирмоқчи бўлди», деб икрор бўлиши керак эди. Ҳолбуки, чўри гапира оладиган ҳолда эмасди. Сўнгги нафасини олаётган эди.

Пайғамбаримиз шу боисдан унга икки марта «Сени фалончи ўлдирмоқчи бўлдими?» деб бирорларнинг номини атай сўраган ва унинг «йўқ» жавобини олган эдилар. Бу эса, ёnlаридағи инсонларга чўрининг «нима деяётганини ^биладиган даражада ақли жойидалигини» кўрсатиш учун эди. Учинчи гал эса, тасодифан эмас, илҳом йўли билан билдирилган исмни айтдилар ва «ҳа» жавобини олдилар.

Ёnlаридағи одамларга: «Бу чўрининг қотили фалон яхудий экани менга илҳом йўли билан билдирилди», десалар, улар шубҳаланмасликлари ҳам мумкин эди. Аммо мусулмон бўлмаганларчи? Улар яна фитна чиқармайди деб ким айта олади? Шунинг учун ҳам Расулуллоҳ (с.а.в.) энг мақбул йўлни — гувоҳларга таяниб иш кўришни маъқул кўрдилар.

Ислом шариатида энг тўғри йўл шу эди.

* * *

Чўрини нариги дунёга жўнатганига ва буни ҳеч ким кўрмаганига амин бўлган яхудий маълум вақтдан кейин яна дўконига қайтди. Бу масала энди ҳеч очилмайди, бостиности бўлиб кетади, деб ўйларди у. Ўзи аҳмоқ эмаски, бирорга «Мен фалон чўрини ўлдирдим», деб гуллаб кўйса.

Биттагина эҳтимол бор. У ҳам бўлса, тошнинг тилга кириши, «Фалон яхудий мени бу чўрининг бошига тушириб уни ўлдирди», дейиши керак. Ҳеч қачон бундай бўлмаслигига қўра, ёпиқлиқ қозон ёпиқлигича қолган эди.

Аммо ичида негадир хотиржамлик йўқ эди. Тош пачоқлаб беўхшов ҳолга келган у юз кўз ўнгига келар, баъзан кўзларининг ичига суқилиб кирмоқчидай бўлар эди. Шунда қотил бошини эгнига суқиб, чўрининг суратидан узоқ бўлишга уринарди. Орасира силкиниб қўяди, кўзларини уқалайди, қархисида қўрқинчли ҳеч нарса йўқлигини кўради, аммолекин сал ўтмай хорғин кўзлардан истифода этган хаёл такрор қархисидан жой олади.

Нихоят, ўзини қўлга олиб, энди ишга киришган ҳам эди, қархисида тикилиб турган мусулмонларнинг кўз қарашларидан эсанкиради.

—Нима истайсанлар?
—Сени Расулуллоҳ сўраяптилар, — дейишиди улар.
—Ғалатику? Нима қиласмиш мени?
—Олдин борайлик, ўша ерда маълум бўлади.
—Хозир вақтим йўқ, ишдан кутулай, — деди атай.
—Хозир бормасанг, бўлмайди.

У истар-истамас, ҳатто исёнкор бир ҳолда ўрнидан турди. Тихирлик қилса, олдиларига солиб, ҳайдаб кетишлари ҳам тайин. Бир ўзи уларга бас кела олмас эди.

—Менинг Муҳаммад билан бирон муносабатим йўқку. Савдосотиқ ҳам қилган эмасман, — деди у.

— Бир чўри масаласида чақиряптилар.

Яхудийнинг тили танглайига ёпишиб, оёқлари қалтиради.

— Нима бўлиби унга? Қанақа чўри?.. — деди ҳаяжондан тили зўрга айланиб.

— Борсанг, биласан.

Яхудийнинг аъзойи баданида титроқ турди. Ҳеч ким кўрмаган эдику, тош ҳам гапирмагандир, аммо Муҳаммад қайдан билиби экан, деб пи chirлади у. Учинчи эҳтимол унинг хаёлига ҳам келмасди.

Уша пайтда оқибатини ўйламагани учун ўзига лаънатлар ўқиди. Қочиб кутулсамикан ёки ёлвориб жонини кутқарса бўлармикан? У бораборгунча ҳар турли баҳоналар излаб борди.

Расулуллоҳ (с.а.в.) хузурларида унга жонсиз бир жасад кўрсатилди, нега ўлдиргани сўралди. Яхудий жасадни кўрган заҳоти таниди, лекин ҳеч тараддуздиз:

— Мен ўлдирмадим, танимайман уни, — деб туриб олди.

Буни айтишга айтдику, аммо ранги қув ўчиб, оқариб кетганини яшиrolмади.

Унга чўридан қандай жавоб олингани айтилди. Ниҳоят, олдида ягона йўл қолганини англаб, жиноятни эътироф этди.

Айни жазо унга ҳам ҳукм этилди. У ердан ҳукм ижро этиладиган жойга олиб кетишар экан, охирги марта чўрига нафрат назари билан бокди. Кейин пушаймонлиги қўрқув билан қоришиб кетди. Ранги кум ўчган бир аҳволда, бутун вужуди титрабқалтираб, оёқларини зўрга судраб бораракан, майитдан фарқи қолмаган эди.

Охирги сўз берилди. У чўрини эслаб, «Кошкни сени ҳеч танимасайдим», дея одди.

Абу Офак асли яхудий эди. Юз йигирма ёшга етган, бели букилиб, зўрга юради. Қариган сайин кучи тилига кўчиб, эзма бўлиб қолди. Бўларбўлмас ишларга аралашаверади.

Расулуллоҳ (с.а.в.) Мадинани шарафлантирганларидан бери ўзига янги бир «эрмак» топди, ҳамма ерда мусулмонларга, айниқса, пайғамбаримизга тил теккизмаса туролмайдиган бўлиб қолди. Мадинанинг туб аҳолиси бўлган Авс ва Ҳазраж қабилалари кечагина ораларига келиб қўшилган бир одамнинг атрофида парвонадек айланиб, ҳар сўзини бир амрдек қабул этаётганларини Абу Офак масхаралаб кулар эди.

Бу ҳолат мусулмонларга оғир ботар, қўлидан ҳеч иш келмайдиган вайсақи чолдан кутулишни, ҳеч бўлмаса, овозини ўчиришни исташар эди.

Кўпдан бери Ҳазрати Усмоннинг (р.а.) таъби хира эди. Хотини Руқаййанинг касали кунданкунга оғирлашиб, сўлиб бораради.

Бу ҳолат Расулуллоҳни (с.а.в.) ҳам анчагина маҳзун этди. Неча йиллар давомида у кўрмаган жафо қолмаган, Мадинага кўчиб икки кунгина тинчосуда ҳаёт кечирган суюкли қизларини тузалмас бир касалликнинг чангалида кўрган эдилар.

Оллоҳнинг тақдирида нима ёзилган бўлса, ўша бўлиши аниқ эди. Суюкли қизларини кўргани ҳар келганларида олдидан қайғуга ботиб чиқар эдилар.

Шаъбон ойи тугар экан, мўминларга саодатга элтгувчи яна бир ибодатга чорлаб, янги амр келди: «Эй мўминлар, сизларга рўза сизлардан олдингиларга фарз қилингани каби фарз қилинди. Уни адо этсаларингиз, тақводор бўласизлар» (Бақара, 183), дейилар эди оятда.

Кейинги ояларда бу рўзанинг Рамазон ойида тутилиши, касал ёки мусоғир бўлганларгина бошқа кунларда тутиб беришлари англатилди. Ўша кеча ҳамма бундан буён ҳар йили бир ой муддат билан Рамазон ойи рўзаси фарз қилингани хабарини уйларига олиб қайтди.

Нихоят Шаъбон ойининг охирги қуни келди. Расулуллоҳ (с.а.в.) ўринларидан турдилар. Масжиднинг олд қисмидаги хурмо дараҳтидан бўлган устунга суюнганча, асҳобга мурожаат этдилар:

— Эй инсонлар, улуғ ва муборак бир ойнинг сояси устингизга тушиб турибди. Бу ойнинг ичиди минг ойдан ҳам хайрли бир кеча бордир. Шундай ойки, Оллоҳ таоло унинг кундузларини рўза билан ўтказиб, кечаларини ибодат билан зийнатлашингизни муносиб кўргандир. Бу ойда ўзига фарз бўлмаган бирон хайрли ишни қилиб, Оллоҳга яқинлик қилишга уринган киши бошқа ойларда фарзни адо этган кабидир. Бу ойда бир фарзни бажарган эса, бошқа ойларда етмиш фарзни қилган кабидир. Бу ой сабр ойидир, сабрнинг савоби ва натижаси жаннатдир. Бу ой кўмаклашув ойидир, мўминнинг ризки орттириладиган ойдир. Ким бу ойда бир рўздорни меҳмон қилиб, иззатикром қилса, бу яхшилиги унга гуноҳлари учун мағфират, жаҳаннамдан кутулиш бўлади. Унинг ажр ва мукофотидан камайтирмаслик шарти билан наригисига ҳам айни савоб етади.

Шу ерда Расулуллоҳнинг (с.а.в.) сўzlари кесилди:

— Эй Оллоҳнинг пайғамбари, битта рўздорни ифтор қилдирадиган овқатни ҳаммамиз ҳам топа олмаймизку, — дейишди баъзилар.

Жаноби Расулуллоҳ (с.а.в.) марҳамат қилдилар:

— Оллоҳ таоло бу савобни биттагина хурмо ёки бирқултум сув билан ёхуд бир пиёла сут билан рўзасини очтирганга ҳам бергай, — деб жавоб бериб, яна сўzlарида давом этдилар:— Хизматкорининг юкини енгиллатган кишини Оллоҳ таоло кечиради ва жаҳаннамдан озод қиласи. Бу ойда тўрт нарсани маҳкам таъқиб этинг. Бу тўрттадан иккиси билан Раббингизни рози қиласиз, иккисига эса, жуда муҳтоҗсиз. Раббингизни рози қиласиганингизикки хусус: калимаи шаҳодатга ёпишиб, уни кўпкўп такрорлаш ва Оллоҳ таолодан мағфиратини сўрашдир. Жуда муҳтоҷ бўлганингиз икки нарса эса: Оллоҳ таолодан жаннатни исташ, дўзах азобидан Оллоҳнинг паноҳига сигиниш. Ким бир рўздорга сув берса, Оллоҳ таоло ҳам унга ўз ҳовузидан сув ичиради, уни ичгач, жаннатга киргунга қадар ҳеч чанқамайди.

Расулуллоҳ (с.а.в.) саййидимиз сўzlарини битиргач, кўнгиллар бир кун кейинги рўзани ва рўза ойи бўлган Рамазонни орзиқиб кутадиган ҳолатга келди.

Рўза араблар билмайдиган нарса эмасди. Ислом дини келмасидан аввал ҳам рўза тутадиганлар бўларди. Факат пайғамбаримиз таблиғ этган Рамазон рўзасини ҳеч қачон ундаи рўзалар билан таққослаб бўлмасди.

Парвардигорига кўнгил берганлар учун бу ойда тутиладиган рўза тенги йўқ бир ибодатга айланди.

Ўша йили Рамазоннинг ilk қуни ёз ойининг охирги чоршансасига тўғри келган, бомдод намозига чиққанларнинг барчаси рўзага ниятланган эди. Сайиди коинот ҳазратларининг юзлари барқ уриб турарди. Ҳар доимгидан хурсанд эканларига шубҳа йўқ. Файзини, баракотини кечаги сухбатда англатганлари ушбу муборак ойга етишиш ва бир ой муддат билан Раббилиарига ибодат низоми ичига кириш ул зотни албатта хурсанд этиб, саодатманд қиласи! Бунинг устига, тунда Жаброили амин яна янги хушхабар келтирди: бундан буён Рамазон ойларида

Қуръони каримнинг ўша кунигача нозил бўлган қисмини биргалиқда ўқиб, яна бир бор хатм қиласидиган бўлдилар.

Ваҳий фариштаси Жаброил ўқийди, Сарвари анбиё жим тинглаб ўтиришлари керак. Лекин бу тинглаш қулоқ билан эмас, қалб билан, рух билан, кўнгил билан бўлар, моҳиятини Оллоҳдан ва расулидан бошқа ҳеч ким билмайдиган бир тиловат ва тинглаш билан тунлар безалар эди. Ўқилган ҳар оятда пайғамбаримизнинг айри бир хотиралари бўларди. Ҳар бир оятнинг қаерда, қачон, қайси сабаб билан нозил қилинганини яхши биладиган ҳам ул зот эдилар.

Жаброили аминни тинглар эканлар, баъзан Ҳиро тоғининг қияликлари орасида берилган «Ўқи» амрини эслар, баъзан уйларида ваҳийнинг таъсиридан қутулиш учун ётоқка киргандарида нозил бўлган «Эй (либосларига) бурканиб олган зот, туингда, (инсонларни охирад азобидан) огоҳлантиринг» (Муддассир, 1 — 2) оятлари билан титрар, баъзан Сафо тепалигида инсонларга илк бор даъват қилган кунларининг хотиралари билан яшар эдилар.

Рўза тутаётганлар оғир шартлар остида кун бўйи давом этадиган бир ибодатни адо этиш севинчини Оллоҳнинг неъматларига эришиш севинчи билан қовуштирилар.

Расулulloҳ (с.а.в.) жаноблари озгина сув билан рўзларини очиб, бириккита хурмо едилар.

—Ташналиқ кетди, томирлар ҳўлланди, инشاоллоҳ, мукофотимиз тасбит этилди. Оллоҳим, сенинг розилигинг учун рўза тутдим, сенинг ризқинг билан рўзамни очдим,— дедилар. Кейин жамоатнинг олдига ўтиб, шом намозини ўқидилар.

Ёзнинг охирги кунлари эмасми, ҳаво иссиқ ва ҷарчатадиган эди. Даласида ишлайдиганлар бор, уларнинг бардош бериши яна ҳам қийинроқ. Шу билан бирга, чекилган ҳар бир мashaққатга яраша қиймати ҳам борлигига ҳеч шубҳа йўқ эди.

Арабларда оқшом рўза очилганидан кейин ухлагунга қадар бўлган вақт ифтор муддати ҳисобланар, ухлаб қолган киши қайта рўза тутган бўлар ва рўзадорга ҳаром қилинган барча нарсалар ўша ондан эътиборан унга ҳам тааллуқли бўлиб қолар эди.

Қайс ибн Сирма оқшом бўлгач, даласидан ҳорибчарчаб уйига қайтди. Хотинига:

— Ейдиган бирон нарсанг борми? — деб сўради.

— Уйда ейдиган ҳеч нарса йўқ, қўшнилардан бир сўрайчи, — деб аёл чиқиб кетди. Бироқ аёл қайтиб келмасидан қаттиқ уйқу босиб, ухлаб қолди.

Кўшнилардан бир миқдор емак кўтариб келган аёл уни уйку ҳолида кўриб, ачиниб кетди: «Вой шўрим, энди тамом?..» деди пицирлаб.

Чунки бўлар иш бўлган эди, энди уйғонса ҳам ея олмас эди. Шундай қилиб, Қайс эртанги куннинг рўзасини дармонсиз вужуд ва оч қорин билан бошлади.

Ҳазрати Умар ўша тонг Расулulloҳнинг (с.а.в.) ҳузурларига келди. «Бошимга бир иш тушди», деб кеча ухлагандан кейин хотини билак алоқа қилиб қўйганини айтди.

Расулulloҳ (с.а.в.) жанобимиз бу мавзуда ҳеч нарса демадилар. Эҳтимол ваҳий келишини кутаётгандирлар. Ёхуд Улуғ Мавло масалани Қуръон ояти билан ҳал этажаги учун расулига жавоб беришига изн бермадими?

Қайсни ҳам ўша куни борган сари кучайиб бораётган қаттиқ ҳолсизлик ушлади. Нихоят, оқшом тушиб, рўзасини очишга имкон топа олмай ҳушидан кетди. Унинг аҳволи ҳам Расулulloҳга билдирилди.

Расули акрамнинг (с.а.в.) юзларида ваҳий алломатлари кўриниб, маълум вақт ўтгач, Сайидимиз Оллоҳ таолонинг ушбу амрини ўқиб эшигтирилар:

«Сизларга рўза кечасида хотинларингизга қўшилиш ҳалол қилинди. Улар сизларнинг либосингиз, сизлар улар учун либоссиз (яъни, эрхотин бир-бирига киши либосга муҳтож бўлгани каби муҳтождирлар). Оллоҳ сизлар ўзларингга хиёнат қилаётгандарингни билиб, тавбаларингни қабул қилди ва сизларни афв этди. Энди улар билан (рўза кечаларида ҳам

бемалол) қовушингиз ва Оллоҳ сизлар учун ёзган нарсани (фарзандни) талаб қилингиз. Ва то тонгда оқ ип қора ипдан ажраладиган пайтгача ебичаверинглар. Сўнгра кечгача рўзани бенуқсон қилиб тутинглар. Масжидларда эътикофда бўлган чоғингизда (кечалари ҳам) улар (хотинларингиз) билан қўшилманг! Булар (юқорида мазкур бўлган хукмлар) Оллоҳнинг чегараларидир. Бас, уларга яқинлашмангиз! Одамлар ҳаром ишлардан сақланишлари учун Оллоҳ ўз оятларини мана шундай очиқравшан баён қилади (Бақара, 187).

Бу оятлар габлиғ этилганидан кейин келган енгиллик асҳоби киромнинг юзларида мамнунлик аломати ўлароқ ифода топди.

Кейинроқ Набийлар сарвари (с.а.в.) асҳобни кечаси туриб овқатланишга ташвиқ этдилар:

— Саҳарлик қилинг. Чунки сахарликда барака бор. Кундуз тутадиган рўзага сахарда овқатланиб қувват тўпланг. Кеча ибодатига бардош бера олиш учун қайлула уйқусидан фойдаланинг, — дедилар.

Ўша оқшом мўминлар уййларига севинч ила қайтишди. Улар бундан буён сахарликдан фойдаланиб, кунлик ибодатга тўқ қорин билан боришар эди. Рўза амрини билдириш учун келган оятдаги «Оллоҳ сизларга енгилликни истайди, сизларга оғир бўлишини истамайди» (Бақара, 185) буйруғи ана шундай имконлар очди.

Кечалари сахарликка турганлар кунлари бехуда ўтказиладиган кун эмаслигини билиб рўза ибодатига киришишар, Оллоҳ розилигига эришиш орзу билан калимаи тавҳид ўқишишар, Қуръон ўқишишар, мағфират сўраб, дуо қилишар эди. Пайғамбаримиз (с.а.в.) англатган барака ана шу томондан тажалли этарди.

Бироқ бу нима?

Билолнинг таниш овози ила юксалган аzon сахарлик қилаётган одамларга ебичиши тўхтатишлари лозимлигини билдираётгандек эди. Уйларидан чиқкан кишилар шарқ тарафга қараб, уфқда биронбир ёришганлик аломатини кўра олмади. Ҳали тонг отмаган эди. Бу ҳолатга кўра, ҳали ебичиш вақти тугамаган эди.

— Бунда бир хайр бўлса керак, — дейишибди аzon айтилишидан бир хикмат излаб. Чунки янгилишиб, Оллоҳнинг чегараларини поймол қилиб қўйилса, нима бўлади? Кечагина тушган оятда бекорга «Булар Оллоҳнинг чегараларидир. Бас, уларга яқинлашмангиз!» (Бақара, 187) дейилмагандир? Лекин...

Орадан сал фурсат ўтиб, яна аzon овози янгради. Бу гал Амр ибн Умму Мактум аzon айтар эди.

Бу пайтда кунчиқар тарафда ғирашира ёришганлик аломатини кўришибди.

Бу азондан сўнг бомдод намози учун Расулуллоҳни (с.а.в.) кута бошлишди. Орадан бир оз вақт ўтиб Сарвари олам чиқдилар. Бирга намоз ўқишибди. Сўнг жанобимиз асҳобларига қараб:

— Сизни Билолнинг азони чалғитиб, сахарлик қилишдан тўхтатиб қўймасин. У ибодат учун турадиганларга тонгнинг яқин эканини билдириш ва ухлаб ётганларни уйғотиш учун айтилди. Яна сизни уфқда тикка кўринган ёруғлик ҳам чалғитмасин. Уфққа ясси бўлган тонг ёришишини кутинглар. Амр ибн Умму Мактум ўқийдиганазонгача ебичаверинглар, — деб марҳамат қилдилар.

Шундай қилиб, масала равшанлашди. Кейинги кечаларда Билолнинг азоини эшитганлар: «Оллоҳ сендан рози бўлсин, эй Билол», деб ташаккур билдирадиган, Амр айтадиган азонга қадар bemalol ебичадиган бўлишибди.

* * *

Расулуллоҳга (с.а.в.) бир хабар етди, уни аниқлаш мақсадида икки кишини вазифалантиридилар. Жимгина Мадинани тарқ этиб, Шом йўлига чиқишибни, Маккадан Шомга кетган карvonнинг қайтиши ҳақида маълумот олишни ва вақт ўтказмасдан қайтиб келишни тайинладилар.

Зиммаларига вазифа юкланган Басбас билан Одий бир куни эрта тонгда хеч кимга

билдирмасдан Мадинадан чиқиб кетишиди.

Рамазон ойининг ilk кунларидан бирида Расулуллоҳи (с.а.в.) бундай бир савол билан қаршилашди:

— Нима дейсиз, ё Расулуллоҳ, фарз намозларини ўқисам, Рамазон рўзасини тутсам, Оллоҳ ҳаром қилган нарсаларни ҳаром билиб, уларга тегмасам, ҳалол қилганини ҳалол билиб, улардан фойдалансам ва буларга хеч нарсани қўшимча қилмасам, жаннатга кира оламанми?

Пайғамбаримизнинг жавоблари биргина сўздан иборат бўлди:

— Ҳа.

— Валлоҳи, мен ҳам буларга бирон нарсани қўшимча қилмайман. (Муслим, 1/44.)

Абу Суфён Шом сафаридан кутганидан ҳам кўпроқ фойда топган ҳолда қайтар эди. Бу фойданинг ҳаммаси Муҳаммад ва асҳобини, қолаверса, бутларнинг қийматини бир пулга чиқарган янги динни ўртадан қўтариш учун сарфлашга мўлжалланган эди. Шундай қилиб, Лот ва Уззонинг обрўйини тақрор юксалтироқчи бўлишди. Бу карvon орқали қўлга киритилган пул билан Маккада бузилган эски тартиб тақрор тикланиб, баҳтли кунларни бошлишмоқчи эди.

Кетаётгандаридан бирон машмаша чиқмади. Қайтишда ҳам хеч гап бўлмаслиги учун ниҳоят даражада хушёрлик лозим эди. Шу сабабли Абу Суфён карвондан айрилмай, ўнгу сўлни назорат қиласи, Мадинага яқин жойда бирон ишқал чиқишидан ташвишланиб, қўзлари тўрт бўлиб келар эди. Ҳижозга яқинлашган сайин негадир хавотири ҳам ортди.

Шом карвони Ҳижоз тупроқларига кириб боргани ҳақида хабар етиб келган бўлсада, жўнатилган икки одамдан ҳануз дарак йўқ эди. Айни пайтда Жаброили амин Раббул Оламиндан шундай хушхабар етказди: икки (Эслатма: Ўша кунларда хали закот билан ҳаж фарз килинмаган эди.) натижадан бирига мутлақо эришилажак — ё тижорат карвони қўлга киритилажак, ёхуд карвонни қўриқлаш учун келадиган қўшин устидан қатъий бир зафар қозонилажак эди.

Дарҳол тўпланиш амри берилди. Пайғамбаримиз (а.с.) асҳобга қаратада бундай дедилар:

— Курайшнинг катта карвони келай деб қолди. Қани, дарҳол йўлга чиқинглар. Умид қиласизки, Оллоҳ таоло уни сизларга насиб этгай.

Тайёргарлик учун ажратилган муддат ниҳоят даражада қисқа бўлсада, сўраладиган нарсалар кўп экан.

— Ё Расулуллоҳ, синглим бетоб. Унга мен қарашим керакми ёки ўғли Абу Умома қолишини муносиб кўрасизми?

Пайғамбар (а.с.) Абу Умомага ўғирилдилар:

— Сен онангнинг ёнида қол, хизматини қил, — дедилар.

Бу билан тоғажиян орасидаги келишмовчилик бартараф этилиб, тоға — Абу Бурда сафарга чиқиш имконига эга бўлди.

Бошқа бир келишмовчилик ота билан ўғил ўртасида чиқди. Мадиналиқ Ҳайсама исмли ёши ўтиб қолган қария, бу юришда шаҳидлик мартабасига эр^ишиб қолиш учун қулай фурсат келди, деб ҳисоблади. Ўғлим Саъд уй ишларини бемалол идора эта оладиган ёшда, деб қистаб қўймади. Лекин ўғли хеч кўнмасди.

— Отажон, бу ишнинг охирида шаҳидлик бор, жаннат бор. Бошқа масала бўлганида, амрингизни жоним билан бажаардим, — дер эди у.

Бу ишни қуръа билан хал этишга қарор берилди ва қуръа ўғилга чиқиб, Ҳайсама бу орзуини кейинчалик амалга ошириш умиди билан уйда қолди.

Умму Варақа Набийи акрам жанобимизга хитоб қилди:

— Ё Расулуллоҳ, бу шарафга мен ҳам эришишни истайман. Ярадорларга қараб юраман. Оллоҳ таоло балки менга ҳам шаҳидликни насиб этар.

Пайғамбаримиз бу аёлга мамнуният ила боқдилар:

— Сен уйингда ўтири, Қуръон ўқи, эй Умму Варақа! Оллоҳ таоло шунда ҳам сенга шаҳидликни насиб этади.

Умму Варақа ёши бир ерга бориб қолган аёл эди. Айни чоқда, шу кунгача туширилган Қуръон сураларини ёд олган хотинлардан бири эди. Жанобимизнинг тавсияларига эътиroz билдирамди.

— Буйруғингиз бош устига, ё Расулуллоҳ! — деди ва уйига йўл олди.

Усмон ибн Аффоннинг ҳам кўзлари жовдиради. Гўё «Мен нима қилай, эй Расулуллоҳ?!» дея сўраётгандай эди. Расули акрам (с.а.в.) унинг ҳам Мадинада қолишини лозим кўрдилар.

— Сен Мадинада қол, Руқайяга қараб тур, — дедилар.

Руқайянинг касалланиб қолгани ҳазрати Усмонни бу ғазотга чиқищдан тўсди. Руқайя шошилинч сафарга отланган отасини «Бу кўриб турганим балки охирги кўришимдир», деган хаёлда ва ғоят қисқа бир вақт ичида кўра олди, холос...

Бу сафарда Мадинанинг ерли халқи бўлмиш ансор ҳам иштирок этаётган эди. Улар бу кунгача қилинган ва баъзан Пайғамбар (а.с.в.) ҳам қатнашган сафарларнинг ҳеч бирига иштирок этишмаган эди. Уруш бўладимиийўқми, қатъий маълум бўлмагани учун ортиқча аслаҳа олишмади. Бунинг устига, мадиналик мусулмонлардан бир қисми ҳам қатнашмаяпти.

Хуллас, сони уч юздан сал ортиқ бир лашкар Мадинадан йўлга чикди.

Бутун сафар давомида қулоқлари динг келаётган Абу Суфён Расулуллоҳ жанобимизнинг (с.а.в.) Мадинадан чиққанлари хабарини оларолмас, Фифор қабиласидан Замзам ибн Амр исмли бир одамни йигирма динор эвазига ёллади.

— Оёғингни қўлга олиб Маккага борасан. «Карвонингизни Мухаммад ва унинг асҳоби қўлга киритмасидан бурун Бадр мавқеига етиб келинглар, акс ҳолда, карвондан умидларингни узинглар», дейсан, — деган топшириқ ила кузатиб қолди.

Кейин эй воҳ демаслик учун кўриладиган бошқа бир тадбир йўқ эди.

Маккада бошқа хил ҳодисалар кечарди. Расулуллоҳнинг (с.а.в.) аммаларидан Отика бир тонгда акаси Аббосни ёнига чорлади. Юзида қўрқув аломатлари зуҳур этар эди. Аббос хавотирланиб:

— Сенга нима қилди, сингилжон, ғамгин кўринасан? — деб сўради.

— Бир қўрқинчли, туш кўрдим, эй Аббос, — деб жавоб қилди Отика.

— Қанака туш экан у?

— Туяга мингандан бир одам келди. Абтоҳга келиб тўхтади. Баланд овоз ила: «Эй вафосизлар, шошилинг, учкун давомида қиличларимиз зарбидан ўлим топадиганингиз жанггоҳга етиб келинг!» деб бақирди. Сўнгра яна такрорлади: «Эй вафосизлар, етиб келинг!» Кейин яна такрорлади: «Эй вафосизлар, етиб келинг уч кун давомида ўладиганингиз жанггоҳга. Нимага қараб турибсизлар?!» Халойиқ бу бақириқка жавобан унинг атрофига тўпланди. Лекин у туясини ҳайдаб қолди. Масжиди Ҳарамга кирди. Каъбанинг орқасига ўтиб тўхтади. Орқасидан келган одамлар атрофини ўраб олган эди. У яна баланд овозда: «Эй вафосизлар!..» дея ҳалиги гапларни яна уч марта такрорлади. Туясини ҳайдади. Абу Қубайс тепалигига чикди. Маккага рўбарў бўлди. Баланд овозда уч дафъа айни шаклда бақирди. Сўнгра бир қоя парчасини кўчириб, тепадан пастга думалатди. Катта тезлик ила тушган қоя парчаланиб кетди, ҳар бир

парчаси Макка уйларидан бирига тенг келарди.

Отика тушини айтиб тугатар экан, Аббос ниҳоятда ҳаяжонланган эди.

— Аммо бу тушни ҳеч кимга айтмагин, эй Аббос,—деб тайинлади Отика. — Орамизда қолиши лозим.

— Сен бундан ташвиш чекма, — деди Аббос.

Бир оздан кейин Аббос ижозат сўраб ўрнидан турди. Йўлда бораркан, бояги тушнинг таъсиридан ҳеч қутуломас, ўзига келолмас эди.

— Кўзларимга нима бўлди, сени бундай ахволда кўряпман, эй Аббос?

Бошини кўтарди. Утба ибн Робианинг ўғли Валид экан. Жавоб бергунича бўлмай, яна қайтариб сўради:

— Бошингга нима ташвиш тушақолди?..

— Юр бундай, — деб Аббос уни бир четга тортди ва ҳаммасини айтиб берди. — Аммо шу гап шу ерда қолсин. Зинҳор бирор эшитмасин, хўпми? — деб сўзини олди.

— Менга ишонавер, ичимга тушди — хумга тушди,— деди Валид.

Отика Аббосга қай даражада ишонган бўлса, Аббос ҳам унга шу даражада ишонди. Аммо эртаси куни Аббос Каъбани тавоғ қиласуриб, у ерда тўпланганларни кўрдию ғалати бўлиб кетди. Улар бир нарса ҳақида қизғин гаплашишаётган эди. Тавоғни тугатйб, ёнларига борди. Абу Жаҳл уни қўриши биланоқ иржайиб:

— Отиканинг туши ҳақида гаплашаётган эдик, —деди.

Аббос талмовсиради:

— Қанақа туш?..

Абу Жаҳл яна мазах қилгандай кулди.

— Қачон пайдо бўлақолди бу хотин пайғамбар?

— Нима демоқчисан сен ўзи?

— Айтмоқчиманки, эркакларингизнинг пайғамбарлиги етмагандек, аёлларингиз ҳам чиқяптими энди? Синглинг Отика башоратчи бўпқоптими, уч кун ичида урушиб мағлуб бўладиганимиз жойжойларга чорлаётган биттасини қўрган эмиш... Хўп, биз уч кун кутамиз. Айтгани тўғри чиқса, ҳай, тўғри чиқмаса, кўрадиганларингни қўрасанлар: хотинларингизнинг ёлғончи эканини ҳар тарафга ёямиз.

Аббос бу айтилган гаплар асосиз эканини, Отика бундай туш кўрмаганини айтиб тонишдан нарига ўта олмади. Аммо ўзи Валидга гуллаб қўйганидан пушаймон эди. Энди уни қидириб топганидан, сўкканидан нима фойда? «Ўзинг синглингнинг сирини сақлай олмадингку, мен сенинг сирингни қандай сақлай?» дейиши аниқ.

Ўқ ёйдан чиқсан эди. Нима қилса ҳам, энди бу гапнинг ёйилишининг олдини ололмайди. Айниқса, Абу Жаҳлдек одамнинг оғзига қулф солиб бўлмайди. Аббос, ичи пушаймонлик ўтида ёниб, уйига қайтди.

Хабар уйга ундан олдда етиб келибди. Аёллар Аббосни ўртага олиб, оғзи бўшлиги учун ҳар чеккадан койий кетишиди.

— Абу Жаҳл обрўйимизни бир пул қилсину, сен оғзингни очолмай ўтиравердингми?..

— Сенга ишониш керак эканку, эй Аббос.

— Абдулмутталибнинг қизларини ҳақорат этсалар ҳам, сен индамай турдингми? Бўлмаса, бориб Абу Жаҳл билан ўзимиз ҳисоб-китоб қилиб қўяйлик унда!

Улар шундай гаплар билан Аббосни бурчакка тикиб қўйишиди. У икки ўт орасида ёнарди. Валидни топай деса, айб ўзида: сирни яширолмади. Абу Жаҳлга эса, тенг келиб бўлмайди.

— Сен Абдулмутталибнинг ўғли эканингни кўрсата олмаган бўлсанг, биз унинг қизи эканимизни исботлаймиз. Бундан кейин у билан ҳисоб-китоб қилиш бизнинг ишимиз, орамиздан четга чиқиб туришинг мумкин.

Аббос чидай олмади:

— Сизлар... сизлар эртага кўрасизлар... — деб отилиб чиқиб кетди.

Эртасига ўрнидан турганида ҳам шу қарори қатъий эди. Шу аҳд билан уйидан чиқиб, Масжиди Ҳарамга келди. Абу Жаҳлни излади. Сал олдинроқда экан. Дарҳол ўша томонга қараб:

— Ё Абул Ҳакам! Ё Абул Ҳакам! — деб бақирди.

Абу Жаҳл унга қарамай, дабдурустдан Сафо тепалиги томонга югуриб кета бошлади. Аббос уни олдинига қўрққанидан қочяпти, деб ўйлади. Бироқ, эътибор берса, яна анчагина киши ўша тарафга қараб чопиб бораёттир. Нима бўпти экан дея Аббос ҳам уларнинг кетидан биргаллашиб Сафо тепалигига чопди.

* * *

Абу Суфён йигирма динорга ёллаб жўнатган Замзам кечакундуз йўл юриб, нихоят Макка водийига кириб келди. У уч кундан бери тусини тўхтатмай югуртириб келар эди. Туядан тушибоқ кўйлагини йиртиб, парчалади. Юганни терс ўғирдида, таянинг бурнини кесди ва яна унга миндида, Батни Водий деган жойга келиб айюҳаннос солиб бақира бошлади:

— Эй Қурайш қавми, фалокат!.. Эй Қурайш қавми, фалокат!.. Абу Суфён билан жўнатган молларингнинг йўлини Муҳаммад ва асҳоби тўсишди! Ёрдам, ёрдам!

Югуриб келганлар бурнидан қон оқиб пишқираётган таянинг устида ёқапойчаси вайрон, сочи тўзғиган бир одамнинг бор кучи ила қичқираётганини кўрдилар.

— Нима гап? Нима бўлди?

Аммо у одам буларнинг саволларига парво қилмас, ўз гапидан қолмай, «Етишинг, молларингизни кутқаринг», деб чакирап эди.

Майдонга етарлича оломон тўплангач, у баттар жазавага тушиб ҳайқирди ва:

— Молу жон керак бўлса, эй Қурайш, Бадрга етишинг! — деб қисташга тушди.

* * *

Энди Абу Жаҳлнинг ёқасидан олишга ҳожат қолмаган эди. Отиканинг туши ўнгидан келаётганга ўхшар эди. Ўша хабарчи келиб, инсоннинг энг қийматли борлифи, баъзан жон томиридан ҳам ортиқ кўргувчи моли қўлдан кетаётганини хабар қилас, қонлар қайнаб мияга урган, асаблар таранглашиб, одамлар ўнгу сўлга югура бошлаган эди.

— Бу Хадрамийнинг карвони эмас! Муҳаммад бу гал яхшигина таъзирини ейди! — деб бақирибчақиришарди.

— Отланинг! Қани, кетдик! Қани, Муҳаммад билан хисоб-китоб қиладиган борми?!

Халқ қисқа вақтда қуролланди. Ҳеч қандай қўмондон бу қадар қисқа вақтда бу қадар осонликла қўшин тўплай олмасди.

Аммо Абу Жаҳл бунга эришган, йиллар бўйи йигиб юрган аламини биратўла олмоқ фурсати етган эди. Йўлда ейиш учун озуқа олишса, бас. Уни ҳам бойлар ўз зиммаларига оляптилар. Фақат тезроқ отланмок керак! Тезроқ!..

Икки соат ичидаги барча ҳозирликлар кўрилиб, улар дабдаба билан йўлга чикишди.

* * *

Каъбанинг бир бурчагида ўтирган Умайя ибн Халафнинг халибери қўзғалиш нияти йўқ эди. Бироқ яқинлашиб келаётган Үқба ибн Абу Муйтни кўрган заҳоти ичига бир хавотир тушди.

У фасодчи бир машмаша ёки фитна чиқармоқчи экани турқидан маълум эди. Үқба келиб, бурқситиб чекканча Умайянинг атрофида айлана бошлади ва бу ҳам етмагандек атай Умайянинг юзига бирикки тутун пуфлади. Хотинларга қилинадиган бу одатдан Умайянинг ғазаби қўзғади.

— Бу нима қилиқ, эй Үқба! — деб ўшқирди у. Овозида таҳдид ҳам бор эди.

Үқба индамай қилиғида давом этаверди. Ана шунда Умайянинг жони ҳалкумига келди.

— Ҳой, мен сенга айтаётиман! Бас қиласанмийўқми?

Үқба бу гал қилигини қўйиб, мазахли овозда деди:

— Ўзи аёллар ўртасида ўтиранг ҳам, ярашадиган бўпқопти.

У очикданочик ҳақорат қилмоқда эди.

— Оғзингга қара! Нима деяётганингни биласанми?

— Билгандачи! Қавминг жангга кетаётган бир пайтда сен хотинларга ўхшаб нима қилиб ялпайиб ўтирибсан?

Умайя секин турди. Нафратла Уқбага қараб туриб, бир оғиз «Пасткаш!» дедио нари кетди.

Ёмон бўлди. Обрўли одамлар олдида ҳақоратга учради. Шошмай турсин! Лекин ёшини баҳона қилиб урушга чиқмоқчи эмасди. Қолаверса, ичига қўркув солиб, нафратини тоширган ёлғиз Уқба эмас. Бир неча ой аввал мадиналик биродари Саъд ибн Муоздан хунук хабар эшитган эди. Расулуллоҳ уни ўлдирап эмиш! Шундан бери Умайя умрининг охиригача Макка ташқарисига чиқмасликка қарор берган эди.

У ўзини мазах қилиб, аёллар тоифасига қўшган Уқбага: «Бу жангга чиқиш мен учун ўлим билан баробар, сен нимани ҳам билардинг?» дёёлмасди. У ҳолда яна қўрқоқликда айбланар, яна мазахларга учрап эди. Нима бўлса ҳам пешонамдагини кўрдим, деб кетавериш ҳам осон эмас.

Уйга келганида бошидан тутуни чиқар эди.

— Бу нима ҳол, эй Умайя? — деган хотинига ҳамзарда қидди:

— Сўрама!

Кейин ўтирибўтириб, ахийри, бўлган воқеани очишга мажбур бўлди. Аммо шу орада ичкарига хизматкор кирди. Умайя баттар асабийлашиб:

— Нима керак сенга? — деб урушиб берди.

— Абул Ҳакам сиз билан кўришмоқчи, — деди у.

Умайянинг ранги оқариб кетди. «Балога йўлиқибманку», дегандек бош тебратдида:

— Буниси анавинисидан ҳам ўтади, — деб тўнғиллаганча ўрнидан турди.

Энди қутула олмаслигини аниқ биларди Умайя. Шундай бўлсада, минг бир баҳоналар рўкач қилиб, талай узрларини айтиб кўрди. Аммо Абу Жаҳл ҳеч бирисига кўнмай, ўз сўзида туриб олди.

— Макканинг улуғи бўлган сендеқ бир одам бу сафарда иштирок этмасанг, ҳолимиз ҳароб. Сенинг қолганингни эшитганлар ҳам кетишни хоҳламайдилар. Энг яххиси, биз ишнинг ўрта ўйлини тутайлик, — деди у.

— Қанақасига?

— Биз билан бирга йўлга чиқиб, бир неча кун юрасан. Кейин яширинча Маккага кайтиб келасан. Розимисан?

Умайяга хўп демақдан бошқа чора қолмади. Абу Жаҳлнинг келганини эшитган ондаёқ ҳаммасини англаган, тепасида «ўлим қўнғироғи»нинг чалина бошлаганини қулоқлари билан эшитгандек бўлган эди. Истар-истамас, «Майли», деди.

Дарҳол хизматкорини жўнатиб, Макканинг энг чопқир туясини сотиб олдириди. Тахлика яқинлашган заҳоти унга миниб Маккага қочиши мўлжаллади. Зотан, бундан бўлак чораси ҳам қолмаган эди унинг.

* * *

Абу Лаҳаб бетоб ётар эди. Шу ҳолда сафарга қўшилиши имконсиз. Шунга қарамай, Осий ибн Ҳишомни чақирди.

— Эй Осий. Ўзинг биласан, мендан тўрт минг дирҳам қарздорсан!

— Биламан, эй Абу Лаҳаб. Аммо буни тўлашим учун менга бир оз вақт керак. Ўзингга маълум, хозир қийин аҳволдаман. Пул берадиган вазиятда эмасман.

— Қарзингни тўлашнинг осон бир йўлини айтсан, нима дейсан?

«Осон йўл билан қандай тўлаш мумкин?» Осий хайрон бокди.

— Нима демоқчи эканингни тушунолмадим.

Абу Лаҳаб бошини ёстиқдан кўтаришга ҳаракат қилди, катта бир эҳсон қилмоқчи эканини англатадиган бир оҳангда деди:

—Бу сафарга менинг номимдан иштирок этасан. Мен ҳам сендан тўрт минг дирҳамни олган ҳисобланаман.

—Розимисан?

Осий унинг таклифини чорасиз қабул этди.

Мушрикларнинг зодагонлари қавмни бу жангга ташвиқ этишда бир-бирларидан қолишмас эди.

— Эй қурайшликлар, молу мулкингиз қўлингиздан кетяпти. Эртага Муҳаммад дўстлари билан бирга Маккагача келади, бунга шубҳангиз қолмасин. Сизлардан ҳеч ким бу жангдан четда қолмаслиги керак. Улов истаганга мана туя, емак истаганга мана озуқа, қуролим йўқ деганга мана қурол!..

Сухайл ибн Амр, Замъя ибн Асвад, Туайма ибн Одийй каби зодагонлар бир-бирлари билан мусобақа қилаётгандек тарғиботташвиқот юритишарди.

Натижада тўққиз юз эллик кишилик бир лашкар тўпланди. Суворийларнинг сони олтмиштага етди. ШундгМ олти юз киши зирҳли эди. Бир неча соат ичидаги амалга ошган бу ишлардан сўнг Абу Жаҳл юриш ҳақида амр берди.

* * *

Расулуллоҳ (с.а.в.) Мадинадан чикқанларида Рамазоннинг саккиз ёки ўн икки куни ўтган эди. Уч юздан зиёд кишидан иборат қўшин билан борарадилар. Ичларида от минган борйўғи икки киши эди, борйўғи олтмиш кишигина зирҳли эди.

Етмиш туюлари бор эди ёнларида. Қўшин учтўрт кишидан иборат гурӯхгуруҳ бўлиб бораради. Туюларга навбатманавбат минишарди. Расулуллоҳнинг (с.а.в.) ҳамроҳлари Али ибн Абу Толиб билан мадиналик мусулмонлардан Абу Лубоба эди. Кимнинг навбати келса, туюга минар, қолганлари яёв кетар эди.

Пайғамбар (с.а.в.) жанобимиз тую устида борақканлар, навбатни ҳамроҳларига бериш вақти келиши билан туюни чўқтира бошлиган эдилар, икки ҳамроҳ монеълик қилиб туриб олди:

— Е Расулуллоҳ, сиз тушманг, сизнинг ўрнингизга биз юрамиз.

Ул зот унамадилар:

— Сизлар юришга мендан чидамлироқ эмассизлар.

— Аммо биз бу билан Оллоҳ берадиган ажру мукофотга умидвормиз.

— Менинг Оллоҳ раҳматига бўлган эҳтиёжим сизникидан оз эмас. — Шундай деб Расулуллоҳ (с.а.в.) туюдан тушдилар ва ҳамроҳлари юрганча муддат пиёда юрдилар.

Илк қўноқ «Равҳа» деган жойда берилди. Расули акрам (с.а.в.) қўшинни кўздан кечирдилар. Бола ёшида бўлганлар ҳам бор эди. Уларни бир тарафга айирдилар. Ўшалар орасида Зайд ўғли Усома, Ҳазрати Умарнинг ўғли Абдуллоҳ ва Зайд ибн Собит ҳам бор эди. Кейин пайғамбаримиз (с.а.в.) ҳамроҳларига қараб:

— Сен ҳам бир четга ўт, эй Абу Лубоба, — дедилар.

Абу Лубоба кўзлари ғилтиллаб Расулуллоҳга (с.а.в.)

қаради. «Мен ёш бола эмасманку, ё Набийаллоҳ!» демоқчи бўлар эди у. Бироқ унга Мадина волийи этиб вазифалантирилгани айтилди. Расулуллоҳ (с.а.в.) қайтиб келгунларича бу вазифани юритиши керак эди у.

Осим ибн Одийй билан Хорис ибн Хотиб Абу Лубобага ёрдамчи қилиб берилди. Абу Лубоба пайғамбаримиз (с.а.в.) бир тарафга айирган болаларга қараб:

— Қани, юринглар, қоракўз ошиналарим, — деди кўзи ёшланиб. Ҳануз болалигим пошшолигим давридан чиқмаган, бироқ Султони анбиёнинг ёнларида ул зот билан елкамаелка туриб курашаман деб ҳавас қилган ўсмиirlар кўзларида ўш билан қайтиб кетишиди.

Бир оз истироҳат этиб чарчоги ёзилган қўшин яна пайғамбаримиз (с.а.в.) раҳбарликларида

йўлга тушди.

* * *

Мардлиги ва жасорати билан танилган Ҳубайб Мадинанинг маҳаллий аҳолисидан эди. Расулуллоҳ (с.а.в.) Қурайш карвонини қаршилаш учун йўлга чиққанларини эшлиши билан, анчамунча мол-дунё қўлга киритарман, деб отига миндида, қўшин кетидан тушди.

Вабара деган жойга етиб келганида, қўшиндагилар уни кўриб юзларига мамнунлик қалқиб чиқди. Жасур ва баҳодир бир одамнинг қўшилгани кимни хурсанд этмайди! Расулуллоҳ (с.а.в.) жанобимиз ундан нега келганини сўрадилар. Ҳубайб мақсадини икки оғиз сўз билан айтиқолди:

— Сизга ёрдам бериш ва бир миқдор мол-дунёга эга бўлиш учун. Хўп, Оллоҳ ва расулига имон келтирдингми?

— Йўқ!

— Қайт у ҳолда! Биз бир мушрикка қарши бошқа мушриқдан ёрдам олмаймиз.

Бу сўз Ҳубайбнинг қайтиб кетишига кифоя қилди. Мадина йўлидан маълум вақт юргач, оний бир қарор билан яна қайтди. Шажара дейилган жойда мусулмонларга етиб олди. Бироқ Расулуллоҳ (с.а.в.) ундан олган жавобларига қараб, уни яна қайтариб юбордилар. Истар-истамас қайтиб кетдию, лекин жон бозори дейилмиш бундай сафардан унингдек бир баҳодирни қайтариб юборишдаги сабабни ўйлаб қолди. «Нима бўлса бўлсин, кел, ёрдам бер», дейиш ўрнига: «Бир мушрикка қарши бошқа мушриқдан ёрдам олмаймиз», дейилгани одамни чуқур ўйга толдирдиган бир нарса эди.

Тавба, бир мушрикни бошқа мушрикка қирдиришнинг нимаси ёмон экан? Икки мушриқдан қайси бири ўлса ҳам, бир душман камайган бўлмайдими, деб ўйлар эди у. Ҳамонки шундай экан, икки марта кетмакет қайтарилиши «Ўлсак ҳам, қолсак ҳам бу бизнинг ишимиз, ҳақ йўлда бўлганларнинг иши» маъносини ифодалар эди. Энди бу диннинг ҳақ дин эканига бошқа далил излаб ўтирамади. Учинчи бор қайтди! Отининг бошини қўшин кетаётган тарафга бурди. Байбо дейилган жойда яна уларга етиб олди.

— Мана, яна келдим, — деди у.

Яна ўша савол сўралди.

— Ҳа, — деди Ҳубайб бу гал. — Мен Оллоҳнинг бирлигига ва сизнинг пайғамбар эканингизга имон келтирдим.

— Унда юр биз билан, — дедилар Расули акрам (с.а.в.).

* * *

Абу Суфён карвонни тинч, балоқазосиз олиб келаётган эди. Лекин мусулмонлар Мадинадан йўлга чиққанларини эшлиши билан тинчлиги бузилди. Бирдан ҳужум уюштириб қолишилари унга уйқу бермас, қўзи олазарак эди. Баъзан олдинга ўтиб кетиб, баъзан ўнгу сўлни айланиб, хавфхатардан хабардор бўлишга ҳаракат қиласарди.

Бир куни шу тарз карвондан олдинга ўтиб, Бадр деган жойга етиб келди. Маждий ибн Амрни учратди. Улар илгаридан таниш эдилар.

— Муҳаммаднинг одамларидан биронтасига дуч келмадингми, эй Маждий? — деди у.

— Менинг улар билан нима ишим бор, учратмадим.

— Менга қара, эй Маждий, ортимдан бир карвон келяпти. Бу карвонда бутун Макка халқининг моли бор. Агар бирон нарсани билиб туриб, биздан яшираётган бўлсанг, яхши иш бўлмайди. Бу карвон Муҳаммаднинг дўстлари қўлига ўтса, Қурайш билан сенинг орангга аба дий душманчилик тушиб, жонингни қутқаролмайсан. Кейин денгизларда бир қилни хўл қиласиганча сув қолгунга қадар бунинг ҳисобини сендан сўрайдилар.

Маждий сал олдинроқдаги бир қудукни кўрсатди.

— Шу ерга икки нотаниш одам келиб, туяларини чўқтириди, маълум вақтдан кейин идишларини сувга тўлдириб кетди. Улар билан гаплашганим йўқ. Шунинг учун ким эканларини билолмадим, — деди у.

Абу Суфён у кўрсатган ерга бориб, тя гўнгини титиб кўрди. Юзи бужмайиб, шумшайган бир суратда қайтди. Лаблари орасидан шу сўзлар тўкилди:

— Қасамки, булар Яслиб емларини еган туялардир.

Кейин тез туясига миндида, жадаллаб юриб кетди.

Энди тўхтамоқчи бўлиб турган карвонга етиб, йўлни ўзгартириш амрини берди. Улар Бадр водийини чап томонда қолдириб, соҳил томон йўналдилар. Кўноқлаб дам олиш сафар режасидан чиқариб ташланди.

Карвон кечакундуз демай жадаллаб, Маккага етиб олишга уринар эди.

* * *

Рўза мусофиirlарни ҳолсизлантириб қўйиши шубҳасиз эди. Шу сабабли Расулуллоҳ (с.а.в.) уларга рўзаларини бузишларини амр этдилар. Лекин бу амр тараддуд билан қарши олинди. Ажабо, пайғамбаримиз нима қилар эканлар? Асҳобларига рўзани буздиргач, ўзлари рўзада давом этадиларми? Эҳтимол, ул зотнинг нима қилишларини кутиб, шунга яраша ҳаракат лозимдир?

Буни қўрган пайғамбаримиз қўлларидағи сув идишни ҳамма кўра оладиган қилиб кўтардиларда, сув ичдилар ва:

— Мана, мен рўзамни буздим, сизлар ҳам бузинглар, — дедилар.

Ул зотнинг бу ҳаракатларини қўргандан кейин тараддувланишга ўрин қолмади. Ҳамма рўзасини (кейин қазо қилиш нияти билан) очди.

Шу орада хабарчилар етиб келишди. Абу Суфён идора этиб келаётган карвон Бадр мавқеидан соҳил томонга бурилиб кетибди. Буни эшишиб мўминларнинг ҳафсаласи тушиб кетди.

Аммо келган хабар фақат шундангина иборат эмасди: Маккадан йўлга чиққан катта бир қўшин Бадр мавқеига етиб келмоқда экан!..

Набийи акрам (с.а.в.) асҳобларини бир жойга тўпладилар. Вазиятни яна бир бор биргаликда кўздан кечириш лозим эди. Энди карвонни қўлга тушириш имкони йўқлигини билдириб, душман билан тўқнашиб жанг қилиш лозиммийўқми ҳақида сўрадилар. Юзлар буриши, кўзлар орзу этилмаган бир ҳолатга дуч келинганидан хаёлга толди.

— Биз уруш учун чиқмадик. Мақсадимиз карвонни қўлга киритиш эдику, — деганлар бўлди.

Уларнинг бу ҳолатини кейинчалик Қуръон англатиб: «(Ўшанда) улар, гўё қўриб турган ҳолларида ўлимга ҳайдаб кетилаётгандек» (Анфол, 6.) бир холат олганларини ифода этди. Пайғамбаримиз саволларини яна бир бор такрорладилар. Берилган жавоб яна мамнун қиладиган эмасди.

— Бизнинг улар билан урушадиган кучқувватимиз йўқ. Биз карвонни ўлжа қилиб, қўлга киритиш умидида чиққан эдик, — дейишиди.

Рости, бу жавоблар Расулуллоҳ (с.а.в.) ҳазратларига ёқмади. Карвонни қўлга киритишларини ёхуд келаётган қўшинга қарши курашиб ғалаба қозонишларини Оллоҳ таоло ваъда қилди, шу ваъдага мувофиқ, энди карвон ўтиб кетганига кўра, қўшин билан жанг қилишлари лозим эди. Ижобий бир жавоб кутиб:

— Сизлар нима деб ўйлайсизлар, эй инсонлар? — деб сўрадилар.

Ахийри, Ҳазрати Абу Бакр сўз сўради. Ўрнидан туриб, чиройли сўзлар айтди. Унинг орқасидан Ҳазрати Умар турди. У ҳам Расулуллоҳни мамнун қиладиган сўзлар айтди. Ниҳоят Микдод ибн Асвад турди:

— Эй Оллоҳнинг расули, Оллоҳ таоло қаерга хохласа, ўша ерга бошланг. Биз ҳамиша сиз биланмиз. Қасам ичаманки, биз Бани Исроилнинг Ҳазрати Мусога: «Сен бор, Парвардигоринг билан бирга жанг қил. Биз мана шу ерда кутиб турамиз», дегани каби демаймиз. Биз деймизки: «Сиз, марҳамат, Раббингиз билан бирга жанг қилинг, биз ҳам сиз билан бирга жанг қилгаймиз»,

деб айтамиз.

Миқдод дўстларига бир қараб олиб, сўзида давом этди:

— Сизни ҳак дин билан юборган Оллоҳга қасам ичаманки, бизни Барки Гамодгача оборсангиз ҳам, чекинмаймиз, жасорат билан борамиз, сиз мақсадингизга етишгунча жанг қиласиз.

Бу сўзлардан Расулуллоҳнинг (с.а.в.) юзларига нур, қалбларига ҳузур югарди. Миқдодга хайрли дуолар қилиб, яна:

— Эй инсонлар, фикрларингни айтинглар, — деб сўрадилар.

Шундан кейин Саъд ибн Муознинг:

— Ё Расулуллоҳ, бизни назарда тутаётган кўринасиз, шундайми? — деган овози эшитилди.

— Ҳа, сизларни назарда тутяпман, эй Муознинг ўғли,— дедилар ул зот.

Саъд ўрнидан турди:

— Ё Набијаллоҳ, биз сизга имон келтириб, сизни тасдиқ этганимиз. Сиз келтирган Ислом динининг ҳақ дин эканига гувоҳлик берганимиз. Сизга қулоқ солишга, сизга итоат қилишга сўз бердик, қасам ичдик. Шу боис, эй Оллоҳнинг расули, истаган томонингизга бошланг. Сизни ҳақ пайғамбар қилиб юборган Оллоҳга қасамки, бизга денгизни кўрсатсангиз ва шўнғисангиз, ичимииздан ҳеч бир кимса ортда қолмай сиз билан бирга шўнғиймиз. Бизни душманларимиз билан учраштирангиз, уни ҳам чин кўнгилдан қабул этгаймиз. Биз жангга қарши сабрли, душман қархисида садоқатли кишилармиз. Умид қиласманки, Оллоҳ таоло биздан сизни мамнун қилувчи ҳаракатлар кўрсатажак. Қани, бизни Оллоҳнинг баракатларига томон бошланг, эй Расулуллоҳ! Саъд ибн Муознинг бу нутқи Расули акрамнинг кўнгилларини хушнуд қилиб, мўминларнинг қалбига жасорат баҳш этди.

Хозирга қадар гапирганлар фақат муҳожирлар эди. Ансорийлар номидан ёлғиз Саъд сўзлади. Улар Расулуллоҳ (с.а.в.) жанобларини фақат Мадинанинг ичидаги ҳимоя қилишга сўз бергандар. Хозир эса, Мадина ташқарисида эдилар. «Бизнинг аҳдимиз Мадинага тегишли эди», десалар, уларга ҳеч ким ҳеч нарса дея олмасди. Бадр Мадинадан бир юз эллик чақирим узоқда.

Саъд ибн Муознинг жасорат ва имон тўла гапларидан кейин Расулуллоҳ (с.а.в.) жаноблари:

— Юринглар, мен сизларга хушхабар етказаман: Оллоҳ таоло менга икки нарсадан бирини ваъда бергандир. Қасам ичаманки, мен душманларнинг урушиб мағлуб тушадиган жойларини кўраётгандекман, — деб башорат бердилар.

Энди мақсад бир эди, қўшин жангга отланди. Улар «Бадр» деб аталгувчи ва ўша кунга қадар бозор жой сифатида танилган ерга йўл олишди.

Курайш қўшини қўнибқўчиб олга келарди. Бойлар навбати билан қўшинни тўйдириш вазифасини зиммаларига олган эди. Бир кун ўнта, бошқа куни тўққизта тия сўйиларди. Абу Жаҳл, Утба, Шайба, Умайя, Ҳаким ибн Ҳизом, Аббос, Назр ибн Ҳорис, Нубайҳ ва Мунаббих кабилар бу харажатларни қўтаришаётган эди.

Йўлда Абу Суфённинг элчиси етиб келди. Карвон соғомон Маккага йўналгани хабарини бериб, хожасига Маккага қайтаверинглар, деди.

Бу хабар Абу Жаҳлга ёқмади:

— Биз Бадрга бормасдан қайтмаймиз. У ерда уч кун ебичамиз, чўрилар қўшиқ айтадилар. Араблар кўнгил хушликларимизни кўришсин. Шундан кейингина қайтсак ярашади, — деди.

Абу Суфён карвонни Маккага олиб боргач, ҳамма нарсани бир жойга жойлади. Ҳеч кимга ҳеч нарса бермади. Бадр ниҳоясини кутишга қарор қиласан, эртаиндин керак бўлиб қолади, дер эди. Бу карвондан келган фойда Мухаммад ва унинг асҳобига қарши жангга сарфланиши

маълум эди.

Абу Суфённинг хабарчиси туриб, йўлга тушди.

* * *

Элчи келтирган хабарни Умайя ибн Халаф бошлиқ бир неча киши буюк бир мужда сифатида баҳолашди.

Карвон соғомон Маккага ўтиб олган, шунча мол қутқариб қолинган, бошқача айтганда, жангга ҳожат қолмаган эди, ростда, энди бекорданбекорга ўзни ўлим кучоfiga отишдан нима фойда? Қолаверса, энди Умайя Абу Жаҳлни осонгина кўндиради. Ахир, ваъдаси бор ушгаг...

Аммо малъун Абу Жаҳл ҳозиргача нима қилиб бўлса ҳам, уни етаклаб юрган, сур зулукдек ёпишганча қўйиб юбормаган, уни нақд ўлимга олиб борар эди.

Машхур Утба ибн Робиа билан укаси Шайба ҳам келган хабардан севинишиди.

Умайя улардан аввалроқ отни қамчилагиси келиб, Абу Жаҳлни қидириб кетди ва:

— Мен қайтаяман, эй Абул Ҳакам, — деди уни топиб.

— Қаерга қайтасан? — деди у тушунгиси келмай.

— Маккагада, ахир, ваъданг эсингдан чиқдими?

У кулди:

— Сен ёш болага ўхшаб қолибсан, эй Умайя. Маккадан чиққанимиздан бери рухсат сўрайсан...

— Аммо сен ҳам ярим йўлданоқ қайтариб юборишга сўз бергансан.

— Сўз берганман, тўғри. Ҳали ҳам сўзимда турибман. Аммо олдин ҳеч бўлмаса Бадрга борайлик, бирикки кун айшишрат қилайлик, кейин қайтаверасанда.

— Бадргача бориш шартми?

Абу Жаҳл боласидан аразлаган ота каби оҳангда сўзланди:

— Жонингкўзишташиринқўринибкетяптия, Умайя... Худди Муҳаммад келиб шунча одам ичидан битта сени ўлдирадигандек. Кўрқоқлик ҳам эви биланда...

Умайя энди тақдирга тан беришдан бошқа чора қолмаганини англади. Ўзи ўзига лаънатлар ўқий бошлади, ҳар нима қилиб бўлса ҳам Маккада қолмагани учун ўзини айбларди.

* * *

Абу Суфённинг элчиси келиши билан юрагига сув сепилганлардан яна бири Ахнас ибн Шарик эди. Мол қутқарилгач, жон йўқотишдан нима маъно бор, деди у. Ахнаснинг ёнига яна бир неча киши қўшилди. Яширинча бир қарорга келишиди: тез орада Маккага қайтиш керак.

— Лекин, дўстлар, — деди Ахнас пичирлаб, — бу қайтишни қўшиндан қочиш деб ўйлашмасин тағин. Ёмон отлиққа чиқиб қолмайлик. Шундай қилайликки, ҳамма бизнинг қайтишимизни тўғри деб топсин. Вадирвудур қилиб юрмасин. Акс ҳолда, Абул Ҳакамнинг тилига тушиб қолсак борми, ҳолимизгавой.

Келишув узоққа чўзилмади. Ўзаро бир режа тузишдида, тарқалишиди.

Куёш тик бўлиб, кун қизигач, дам олишга изн берилди. Бир муддат истироҳат қиддилар. Аср вақтида бир оз салқин тушиб, яна йўлга тушилди. Бироқ қўшин жудаям шошмас эди. Дарвоқе, нимага ҳам шошсин? Карвон аллақачон етадиган жойига етиб бўлган. Ўзлари эса, Бадрга айшишрат учун кетишаёттир. Ҳали уч кун ебичишади, ўйнабкулишади. Бу орада кун ботиб, туяларни ғайратга келтириш учун шеърлар ўқила бошлади. Қўшиқ айтаётгандар ҳам бор эди.

Шу вақт қўқисдан Ахнас ибн Шарик тусидан йиқилиб тушди. Атрофидагилар югуриб келишиди. Бақирча

қир бўлиб қолди. Бирпасда ерга чўзилиб ётган Ахнаснинг қовурға суюги синганлиги аниқланди. Устигаустак, бечорани илон ҳам чақиб олибди. Қийналиб тўлгонаётган Ахнас:

— Мен сизларга юк бўлдим. Агар жанг бўлиб қолса, менга барибир қараёлмайсизлар.

Ташлаб кетинглар. Уруш чиқмаса ҳам, айшишратингизни бузмай. Яхшиси...

Унинг ҳолини кўрганлар нарибери замбил тайёрлаб, туюнинг устига ортиб боғлашди. Сўраганларга эса:

— Бечора туя устида мудраб қолибди, — деб тушунтиришар эди.

Ахнаснинг ўзи ихраб, жавраганижавраган эди:

— Биродарлар, маъзур кўринглар, ташвиш бўлдим сизларга, — деб гўё хижолат ҳам бўлди.

Нихоят барча тайёргарликлар тугаб, дўстлари Ахнасни олиб, Макка томон йўлга чиқишиди.

Ҳеч қанча юрмай Ахнас бошини кўтарди:

— Энди мени ечишларинг мумкин, — деди у.

Режа кўзланганидан ҳам муваффақиятлироқ чиққан эди.

* * *

Курайш қўшини ҳамон Бадр йўлида, лекин мусулмонлар томонидан бирон таҳдид йўқлиги учун ҳеч кимнинг жангга ҳам, қўлини қонга бўяшга ҳам иштиёқи йўқ эди.

Фақат Абу Жаҳл бундай ўйда эмас. У нима қилиб бўлса ҳам, бир имкон топиб, икки томонни уруштириб қўйишни мўлжалларди. Шундай қилибгина ичини ёқибқовураётган оташни сўндириши мумкин. Кейин Мадина масаласини ҳал этса бўлади. Бусиз Шом йўлига кафолат бор эканми? Қолаверса, ҳар доим бундай катта қўшин тўплаб бўлмайди. Нима қилса экан? Акаси уч ой олдин ўлдирилган Амр ибн Хадрамийни гижгижласинмикан? Уруш чиқиши учун интиқом даъвосидан зўрроқ нима бор?..

Қўшинга қўшилиб келган Мутталиб ўғилларидан Жухайм бир куни титрабқақшаб уйғонди:

— Нима бўлди, эй Жухайм, хотиржам ухлаёлмаган кўринасан? — деди шериклари.

— Ёмон туш кўрдим, — деди у ҳамон ўзига келолмай.

— Раббинг асрасин, нима кўрақолдинг?

Жухайм зўрға тилга кирди:

— Отга минган бир одамни кўрдим. У баланд овозда Утба ибн Робиа, Шайба ибн Робиа, Умайя ибн Халаф сингари Қурайш улуғларини чақиради. Кейин қўлидаги пичноқни ёнидаги туяга ғарчча санчдида, ҳайдаб юборди. Туя жон аччиғида ўзини қўшин ичига урди. Ҳаммадан даҳшатлиси — тудан тизиллаб отилаётган қон эди. Қўшинда ўша қон билан булғанмаган ҳеч ким қолмади... Ҳали ҳам титраётган Жухайм ўзини қўлга ололмасди:

— Мени қўрқувга солган мана шу туш... — деди.

Бу туш уни эшитганларга ҳам таъсир қилди. Зотан, жангга бораётган қўшинда бундай бир туш яхши таъсир қолдирмасди. Юраклар бир эзгинликни ҳис этди, кўнгилларга қўрқув тушди.

Озгина вақтдан кейин қўшинда пичирпичир бошланди. Ҳамманинг оғзида Жуҳаймнинг туши. Ҳамма Маккада Отика кўрган гуш билан бу тушни солиштиради, улар ўртасида бир боғлиқлик топар эди. Илгариданоқ қайтиш фикрида юрганлар бу тушни баҳона қилиб, дархол қимирлаб қолишиди. Бу ахволда Бадрга қадар бориш била туриб ўлимга бориш демак эди.

— Бекорданбекорга бошга бало орттириб олишдан нима маъно бор?

— Мен бу ишнинг охирини хайрли қўрмаяпман.

Бу тарздаги гапларни ҳар тарафдан эшитиш мумкин эди.

Айниқса, Умайя ибн Халаф бу воқеани эшитган заҳотиёқ ранги оқариб кетди. Туяга пичноқ санчган одам шахсан унинг исмини атаб чақиранмиш!.. Эшитиб, пешонасини муздек тер босди. Сарғайган чехра титроқ лаблар ила беихтиёр:

— Бу одам бизни тўғри ўлимга олиб кетяпти! — деб юборди.

Абул Ҳакам бу тушни эшитгани ҳамон жаҳли бошига тепди:

— Яна нима деб валдирайди булар?! — дея бақирди ғазабланиб. — Мана сизларга яна битта пайғамбар!.. Нимага бирдан пайғамбарлар кўпайиб кетди, тушунолмадик. Хотинларгача ҳамма ўзича ҳукм чиқардия! Ҳали кўрасизлар, эртага биз уларнинг бошига нималар

солишимизни!..

Абу Жаҳлнинг бу сўзлари эшитганларни хушёр торттирди. Чунки бу сўзлари билан у мутлақо бир уруш чиқариш ниятида эканини ошкор этиб қўйган эди. Пичоқдек кескир тили, ўқдек ботувчи кўзлари билан Абу

Жаҳл ҳеч кимни оғиз очишига қўймас, овоз чиқарганни кутурган итдек талар эди. Энди кўшинга ўлим сафарига чиқсанларнинг жимжитлигига ўхшаш ўйчанлик чўкди.

* * *

Бадрга келган Ислом лашкари Расулуллоҳ (с.а.в.) буйруқлари билан тўхтади. Кўшин бу ерда жабха олиши керак эди.

— Ё Расулуллоҳ, ўз истагингиз билан тўхтадингизми ёки Оллоҳ таолодан ваҳий келдими?
— деб сўради Ҳубоб.

— Ўз истагим билан тўхтадим, — дедилар ул зот.

— У ҳолда, эй Оллоҳнинг расули, жанг учун бу ер қулай эмас. Изн берсангиз, Бадр қудуғининг ёнига ўрна шайлик. Атрофдаги бошқа қудуқларни эса, кўмиб ташлайлик. Шундай қиласақ, мушрикларнинг сув йўлларини кесган бўламиз.

Таклиф қабул этилди. Дарҳол қудуқ ёнига қўчилиди. Бу тадбир факат мушрикларни сувсиз қолдириш учунгина эмас эди. Пайғамбаримиз (с.а.в.) Қурайш лашкаридан сув олишига ё ичишига келганларга тегмасликни аввалроқ тайинлаб қўйдилар.

Мусулмонлар тепанинг шундоққина орқасига мушриклар жойлашганидан бехабар шу ерга қўнишди. Гўё бир-бирлари билан келишиб олгандек, айни вактда бир-бирларига жуда яқин ерга тушишган эди. Орада фақат битта тепалик...

Шу вақт Қурайш лашкаридан сув топиш билан вазифаланган бир неча киши қудуқ излаб юриб, кутилмагандан уч юз кишилик қўшинга дуч келиб қолди. Уларни тутиб, Расулуллоҳ (с.а.в.) хузурларига келтиришди. Бу пайтда пайғамбаримиз намоз ўқиётган эдилар.

— Сизлар ким бўласизлар? — деб сўрашди улардан.

— Биз Қурайш қўшини сувчиларимиз.

— Ёлғон тўқимаяпсизларми?

— Йўқ. Биз қўшинга сув топиш учун чиқсанмиз.

— Сизлар Абу Суфённинг одамлари эканингизни инкор этяпсизларми?

— Йўқ. Биз Абу Суфёнга тегишли эмасмиз! Йўлда келаётганимизда улар Маккага етиб олганини эшитдик.

Шунда мусулмонлардан бири қизишиб:

— Бу одамларни калтаклаш керак. Унгача тўғрисини яшираверишади, — деди.

Бирпасда ғавғо қўпиб, уларни ўртага олиб ура кетишиди. Улар «Абу Суфённинг одамлари эканингизни, карвон қаердалигини айтмагунингизча дўппосланаверасизлар», дебҳар чеккадан пийпалашар эди.

Бу кетишида тамом бўлишларини анлаган мушриклар ягона қутулиш йўлини излаб қолишиди ва:

— Ҳа, эътироф этамиз, биз Абу Суфённинг одамларимиз, — дейишиди ахийри.

— Ҳа, ақлингиз бор эканку! — дейишиди тутиб келтирғанлар. Бу билан «Уркалтак яхши нарсада, бирпасда ақлни киргизиб қўяди», дегандай бўлишиди. Юзларга табассум ёйилди. Таёқ фасли битди.

— Энди айтингларчи, Абу Суфён қаерда?

— Эҳтимол, Маккададир.

— ўғрисини айтинглар, бўлмаса, яна ейсизлар...

— Тўғрисини айтяпмиз. Абу Суфён етадиган жойига етиб олган.

Бу орада пайғамбаримиз намозларини битирдилар ва дарҳол ўртага тушдилар:

— Хой мўминлар, сизларга нима бўлдики, булар рост сўзласа, уриб, ёлғон гапирса,

ишоняпсизлар?!

Кейин бояги одамлардан Қурайш қүшини қаерда эканини сўрадилар.

— Анави кўриниб турган тепанинг орқасидамиз, — деб жавоб қилишди.

— Кўшинда қанча киши бор?

— Аниқ айттолмаймиз.

— Кунда нечта түя сўясизлар?

— Бир куни тўққизта, бошқа куни ўнта.

Пайғамбаримиз (с.а.в.) асхобга қарадилар.

— Уларнинг сони тўққиз юз эллик билан минг орасида. Булар алдамаяпти, — дедилар.

Ушланган одамлар қўйиб юборилди. Сўнг пайғамбаримиз асхоблари билан Бадр сахросини айланиб, кўздан кечира бошладилар. Орасира тўхтаб:

— Бу ерда фалончи ўлади, бу ерда фалончи ўлади, — деб башорат қилар эдилар.

Расулуллоҳнинг (с.а.в.) ёнларида бораётган Абу Хузайфа отаси Утба ўладиган жойни кўрганида ичидан зил кетиб, инграб юборди.

Шу вақт Набийи акрам (с.а.в.) тўхтаб, бундай дуо қилдилар:

«Оллоҳим, Қурайш кибр билан, ғурур билан келиб, қаршимизда турибди. Сенга қарши курашмоқчи, расулингни ёлғончига чиқармоқчи. Оллоҳим, ваъдангда туриб ўзинг қўлла, ёрдамингга муҳтожман. Ўзинг уларни расво қил».

* * *

Хаёти давомида кўп тажриба орттирган Саъд ибн Муоз бу жанг «жиддий бир жон бозори» бўлишини билар эди. Бозорга келган ҳар инсон кучи етганича энг яхшисини, энг қийматлисини олишни истайди. Мушриклар ҳам энг кўп Расулуллоҳга (с.а.в.) қасд қилишлари муҳаққақ эди. Шў боисдан ҳам кўпроқ у зотни асраш, муҳофаза этиш лозим, деб ўйлаб, Саъд пайғамбаримиз олдиларига келди:

— Е Расулуллоҳ, ижозат беринг, сиз учун бир капа қурайлик. У ерда уловингиз доим ҳозир турсин. Кейин биз душман билан тўқнашайлик. Агар Оллоҳ таоло бизга зафар насиб этса, қандай яхши! Бу, зотан, биз жуда орзу қилган нарсадир. Агар, Худо кўрсатмасин, жангни қўлдан берсак, уловингизга минасизда, орқада қолган дўстларимизга етиб оласиз. Орқамизда шундай дўстларимиз борки, биз сизни улар севганидан ортиқроқ севолган эмасмиз! Улар бу сафаримизда жанг бўлишини билишганида, асло орқада қолмай сиз билан йўлга чиқсан бўлишар эди. Умид қиласман, Оллоҳ таоло уларни сабабчи қилиб сизни асрайди ва улар ҳам сиз билан бирга ҳаракат қилиб, Ислом даъвосини юксалтажаклар.

Расулуллоҳ (с.а.в.) ҳазратлари Саъд ибн Муознинг бу сўзларидан мамнун бўлиб, бу самимий туйғуларини ташаккурла, дуо ила кутиб олдилар. Асхоб билан бирга дарров бир чодир куришга киришдилар.

Бу орада ёмғир ёға бошлади. У бир текис шитиршитир ёғар, ёқкан сари баданлардан ҳам кўра кўпроқ руҳларни тозалаётгандек бўлар эди. Ҳар томчиси гўё баданларга эмас, руҳларга сингиб қувват берар, жасорат баҳш этар эди. Ҳеч ким умрида бунақа ҳодисага дуч келганини эслаёлмасди. Бу ёмғир томчилари худди қувват томизғисига ўхшарди. Бир оз аввал «Биз карvonни мўлжаллаб йўлга тушган эдик, жанг учун чиқмаган эдик», деб турганлар ҳам бошқача бўлиб қолди.

Ёмғир тинганида кўнгилларда қўрқув деган нарсадан асар ҳам қолмади, ҳамма қаршисидан чиқсанларни бемалол майдондан ҳайдаб чиқара оладиган одамларга айланди. Келажакда бу раҳмат ёмғири ҳақида Қуръонда ҳам сўз келишини ҳозирча улар билишмас эди.

* * *

Эртасига Қурайш қўшини келиб, мўминларнинг қаршисида тўхтади.

У кечани улар аллақандай хузурсизликда ўтказишиди. Ҳдр онда мўминлар ҳужум қилиб

қолиши мумкин деган хавотирда базўр тонг оттиришди. Ҳолбуки, мусулмонлар бундай туйқус хужум қилишга, ҳатто ўзлари учун навбатчилар қўйишга ҳам имконсиз эдилар. Уларни чидаб бўлмас бир уйқу элитди, қовоқлари бир-бирига ёпишиб қолаётгандай эди. Душман қаршиларида турганини, улар қоронғулиқда ҳам хужум қилиб қолиши мумкинлигини ҳеч ким ўйламас эди. Маккаликлар тонгни аллақандай уйкусизликла қаршилаган бўлса, мўминлар тиниқиб уйғонишиди. Зўрлаб ухлатилган каби эди улар. Лекин бу уйку руҳларига истироҳат бериш учун Оллоҳ таоло туширган бир сокинлик уйқуси бўлгани ҳозирча ҳеч кимнинг хаёлига келмасди. Эрталаб туриб жангга ҳозирлик қўришар экан, уйқу қучоғидан ҳали тўла кутулмаётганлар ҳам бўлди. Ҳатто Абу Талха қўлидаги қилични икки марта ерга тушириб юборди.

Тонг отгач, икки томон бир-бирини яқиндан аниқ кўрди.

Абу Жаҳл билан Мунаббих ибн Ҳажжож ва яна бир қанчаларининг юзларига шайтоний бир кулимсираш балқиб чиқди. Қаршиларида душман нийҳояти бир ҳовуч, мижиғлаб ташлашга ҳам арзимайдиган даражада озчилик эди. Булар билан жанг қилиб ўтиришнинг ҳожати йўқдек. Устиларига бир бора юриш билан янчиб ташлаш мумкин эди. Ҳа, албатта, битта қўймай янчиб ташлаш керак. Акс ҳолда, кўпайиб, бошга битган бало бўладилар.

—Бир ҳовучгина одам биз билан урушишга чиққанларига нима дейсан, эй Абул Ҳакам?

—Нима ҳам дердим, зотан, улар нима қилишаётганини аввал ҳам билишмас эди!..

—Менимча, ўз қонларига ўзлари ташна бўлишган, ажал буларни Бадрга етаклаб келган!..

—Бир оздан кейин кўрадилар Қурайш карвони йўлини тўсиш қанақа бўлишини!..

—Менга қолса, бундай фурсат яна қайтиб келмайди, умримиз бўйи ҳам топа олмаймиз, эй Абул Ҳакам, — деди Мунаббих.

— Бу кун уларнинг ҳолига вой бўладиган кундир, эй Мунаббих! — деди Абу Жаҳл душмани кўзига бармоқ билан санарли даражада оз кўриниб.

* * *

Эрта тонгда мўминлар ҳам қаршиларида унчалик катта қўшинни қўришмади. Тўққиз юз эллик ёки минг кишига борарда, деб тахмин қилишган эди, ҳолбуки, булар борйўғи икки юз эллик ёки, нари борса, уч юз атрофида эди. Ҳеч ким Қурайш лашкари мўсулмонларнидан кўпроқ дея олмасди.

Буюк Мавлонинг ҳар нарсани қамраган қудрати яна пинҳона қолди. Бирорта одам: «Улар аслида кўпчилик, лекин Оллоҳ уларни бизга оз кўрсатяпти», деган хаёлга келмади.

Мушриклар рақиблари оз кўрингани учун ҳам жангга ошиқаётган эдилар. Мусулмонлар ҳам қаршиларида ўзлариникичалик микдордаги бир оломонни қўриб, жасоратлари ортди. Рақиблари кўп кўринганида, эҳтимол, кўзлари қўрқар ва жасоратлари синармиди...

Абу Жаҳл ҳали уруш бошланмай туриб бу зафарни қандай қутлашни ўйлар, Маккага музaffer бир кўмондондек кириб бориш хаёли билан гўё ҳавода учиб юрар эди.

Утба ибн Робиа ҳали ҳам ичидаги ғулғуладан кутулмади. Бу ергача кўнгилсиз келганлардан бири у эди. Йўлда қайтишга чоралар қидирди, лекин ҳар гал Абу Жаҳл бир баҳона топиб, ёқасидан қўйиб юбормади.

Яна бир ҳаракат қилиб кўрсамикан?

Бу орада мусулмонлар ражаб ойи кирадиган куни ўлдириб қўйган Амр ибн Ҳадрамийнинг укаси Амир пайдо бўлди. У ёқасини йиртиб, ўртага тушиб келди ва ўзиниўзи уриб, айюҳаннос сола бошлади. «Акамнинг қони қолсинми, унинг қасоси олинмасинми?!» деб бақиради у. Бу ҳол одамларнинг қонини қизитиб, уруш чиқаришга ундашдан бўлак нарса эмасди.

Ўтаётган ҳар бир вақт жанг сари отилган одимлардан иборат эди. Утба нима қилишни ўйлаб турар экан, олдига Ҳазрати Ҳадичанинг жияни Ҳаким ибн Ҳизом келиб қолди. Кейин ораларида бундай сухбат кечди:

— Абадий бир шарафга эришишни хоҳлайсанми, эй Утба?

— Албатта, хоҳлайман! — деди у сал гарангсиб.

— Бу урушнинг олдини ол! — деди Ҳаким.

— Қандай? Чораси бўлса, айт.

— Амр ибн Хадрамийнинг ҳақҳуқукини зимманга ол. Шунда урушга ҳам барҳам берилади.

Утбанинг юзига севинч қалқиб чиқди:

— Нега олмай, оламан, эй Ҳаким, — деди у.

Утбадек бир одам учун бу иш ҳеч ҳам қийин эмас

эди. Фижор жангидаги ўлдирилганларнинг ҳаммасининг хун ҳақларини зиммасига олган одам учун бу нима бўпти? Хамирдан қил суғуришдек гапку!

У вактни ўтказмай ўрнидан турди, атрофидагилар эшига оладиган баланд овозла, турганларга мурожаат этди:

— Эй қурайшликлар, қаршингизда Мухаммад ва унинг дўстларидан иборат бир оломон бор. Улар билан тўқнаш сангиз, ё тоғангизнинг, ёки амакингизнинг ўғлини, ёхуд қавмингиздан биронта одамнинг ёстигини қуритасиз. Бир бирингизга нафрат сотиб оласиз. Яхиси, қайтиб кетингда, уни арабларга қўйиб беринг. Агар араблар уни енгишса, иш ўзўзидан битган бўлади. Агар Мухаммад ғолиб келса, шуни билингки, у эришадиган зафар сизнинг зафарингиз бўлади. Ўшанда у ҳам сиз билан яхши муомала қиласи, раҳмдиллик кўрсатади. Мен эсам, улар ўлдириб қўйган Амр ибн Хадрамийнинг хун ҳаққини ўз зиммамга оламан. Шуларни айтмоқчи эдим...

Ҳаким ибн Ҳизом Утбанинг таклифини Абу Жаҳлга етказгани бориб, уни зирҳини мойлаётган ҳолда топди.

— Сенга бир таклиф билан келдим, эй Абул Ҳакам, — деди.

Абу Жаҳл ўтирган жойидан «Яхши таклиф билан келганга ҳеч ўхшамайсан», дегандек кўз кирини ташлар экан:

— Нима таклиф экан, айт, — деди.

— Утба ибн Робиа бу жангнинг олдини олиш учун Амр ибн Хадрамийнинг хун ҳаққини бўйнига олишга ваъда беряпти. Буни халқ олдида ошкора айтиб, у ердагиларни гувоҳ тутди.

Абу Жаҳл ўтирган жойидан саичиб кетди. Қони қайнаб:

— Демак, Мухаммад ва дўстларини қўриши билаи Утбанинг ўтакаси ёрилибдида, — деб бақирди. — Йўқ, бугун Мухаммад билан орани очди қиласиз. Унгача Бадрдан бир қарич жилиш йўқ. Шуни яхшилаб қулогинга қуйиб ол, эй Ҳаким! Ундан кўра, сен ҳозир борда, Утбага шароб ичириб овозини ўчир!

— Охирги сўзинг шуми, эй Абул Ҳакам?

— Ҳа, охирги сўзим шу! Бугун уларга ўлим фармонини ўз қўлларим билан имзолайман.

Суҳбат шу ерда узилди. Абу Жаҳл «Энди мени холи қўй» дегандек ёмон қараб қўйди. Ҳаким у ердан умидини узиб қайтди. Бунинг устига, Амир ибн Хадрамий ҳам ўзини ҳар тарафга уриб: «Утбага шароб ичиринглар, қўрқувдан ёрилган юрагига малҳам бўлади», деб бақирар эди.

Макка ҳудудида Амир ибн Хадрамийга ўхшаганлардан неча баробар устун обрўга эга бўлган тинчликсевар Утба ҳозир қўрқоқликда айблаиаётган эди... Яна ким томонидан — Амир ибн Хадрамий тарафидан... Утбанинг унга ўхшаган қанча қуллари бор эди. Шу боис ҳам бу даражада ҳакрратга чидай олмаган Утба қизиқ устида биринчи бўлиб ўртага чиқишга қарор берди.

* * *

Рамазон ойининг ўн еттинчи кунига тўғри келган жума тонгидаги мўминлар ҳали ҳам уйқу элтган кўзлари билан масурурланиб туришар эди. Бир кун олдин ёқсан ёмғир ерни роса юмшатган бўлсада, оёқ ботмас, бемалол юрса бўладиган ҳолатда эди.

Малакут оламида вазият ундан ҳам бошқачароқ эди. Бир гурух фаришталар Бадр жангидаги

қатнашиш вазифасини олиб, шай турагар эдилар. Улуғ Мавло уларга: «Албатта, мен сизлар билан биргаман, бас, сизлар имон келтирган зотларнинг (ғалаба қозонишларига ишончларини) маҳкамланглар. Мен коғир кимсаларнинг дилларига қўрқув солажакман. Бас, уларнинг бўйинларини узинглар, бутун — ҳамма бармоқларини чопинглар», деб амр қилган эди. (Анфол, 12.)

Бундан ташқари, Жаброил фаришта Пайғамбарлар имоми саййидимизнинг ёнларига тушиб, Жаноби Мавлодан салом келтириди, кетмакет юборилгувчи уч минг фаришта билан ёрдам беражагини етказиб суюнтириди.

Расули акрам (с.а.в.) шундан кейин капа остидан чикдилар, эҳтимол, бу келган ваҳий натижаси ўлароқ қўлларидаги бир ҳовуч шағал тошни мушриклар томонга отарканлар: «Яқинда ўша жамоат енгилиб, ортларига қараб қочиб қолурлар» (Қамар, 45.) оятини ўқидилар.

Ўша дамда Ҳазрати Умар бошланай деб турган жанг ҳаяжонини унуди. Неча йиллардан бери ўқиган, аммо баъзи сирини ақли ололмаган оятнинг маъносини шу онда тушуниб етганидан севинди. Неча марта ўқиган бўлса, ўшанча марта: «Ким экан у енгилиб, ортларига қочадиган жамоат?» деган савоннинг жавобини зеҳнида излади. Ҳозиргидай ҳаяжонли бир онда қаноат бергувчи бир жавоб топажаги ҳаёлига ҳам келмаган эди.

Расулulloҳ (с.а.в.) отган шағал тошчалар хар ёнга тартибсиз сочилган, ҳар биттаси бир мушрикка тегиб, уларни довдиратиб қўйган эди. Кейинроқ Қуръони каримда бу нарсага ойдинлик киритилиб, Оллоҳ: «Эй Мухаммад, уларнинг юзига қўлингиздаги бир сиким тошчаларни отган пайтингизда сиз отмадингиз, балки Оллоҳ отди», (Анфол, 17.) дея бу неъматни хотирлатди.

Расулulloҳ (с.а.в.) шундан кейин асҳоб ёнига келиб, уларни гайратлантирадиган, Аллоҳ айт деб буюрган сўзларни айтдилар: «Парвардигорингиз сизларга уч минг кўқдан туширилган фаришта билан мадад бериши кифоя қилмайдими?.. Агар сабр қилсангиз, сизларга ҳужум қилсалар, Парвардигоригиз сизларга беш минг белгили фаришта билан мадад берур». (Оли-Имрон 124-125.)

Сўнг Оллоҳ таолоннинг мана бу амрини таблиғ этдилар:

«Эй мўминлар, коғирларнинг ҳужумига дуч келганингизда уларга орқа ўғирманглар (яъни, қочманглар). Ким ўша (уруш кунида жанг йўсинини ўзгартириш ёки бошқа бир гуруҳ (мусулмонлар)га қўшилишдан ташқари ҳолатда уларга (коғирларга) орқа ўгириб қочса, бас, у Оллоҳ тарафидан ғазаб билан кетибди ва унинг жойи жаҳаннамдир. Нақадар ёмон оқибата!». (Анфол, 15-16.)

Шундан кейингина қўшинни тартибга келтира бошладилар. Қўлларидаги таёқча билан баъзиларни олдинга, баъзиларни орқага ишорат қиласр эдилар. Шу асно таёқлари или Савод ибн Фозийанинг олдинга сурилишини ишора этган эдилар, у жиддий тарзда:

— Сиз менинг баданимни оғритдингиз, эй Оллоҳнинг пайғамбари. Оллоҳ сизни адолат ва ҳақ дин илиа юборгандир. Мен ҳам бунинг ҳаққини сўрайман, — деб туриб олди.

Ғалатику! Шу арзимаган нарсадан одамнинг жони оғрир эканми? Пайғамбаримизнинг ҳам бундай ниятлари йўқ эди. Бўлиши ҳам мумкин эмас. Асҳоб ҳар чеккадан Саводга хўмрайиб қарадилар. Гўё: «Эсини еганми бу? Беш дақиқадан кейин бошланадиган жангда ўқлар санчилиб, қиличлар инсофисизларча чопиши мумкин бўлган бир баданга енгилгина тегиб ўтган бир таёқчанинг оғритиши қаёққа боради?» демоқчи эдилар.

Шундай бўлсада, Расулulloҳ (с.а.в.) қоринларини очдилар:

— Кел, эй Савод, ҳаққингни ол, — дедилар ул зот.

Савод яқинлашиб келдию қаттиқ қучоқлаб олди. Ра

сулуллоҳнинг қоринларига юзларини суртиб, хурматла ўпиб қўйди ва:

— Ҳаққимни олдим, ё Расулulloҳ, — деди.

— Нега ундей қилдинг, эй Савод? — деб сўрадилар Расули акрам.

— Ё Расулуллоҳ, вазиятни ўзингиз кўриб турибсиз. Ҳозир бормиз, Худо билади, бирпас туриб нима бўламиз. Шунинг учун мен истадимки, бу дунёдан айрила туриб, охирги марта сизнинг муборак баданингизга теккан ҳолда кетай, Раббимнинг ҳузурига шундай борай, дедим.

Расулуллоҳ (с.а.в.) ҳазратлари Саводни дуо қилдиларда, сафни тартибга келтириб, капаларига қайтдилар. Қўлларини кўтариб яна дуо қила бошладилар: «Оллоҳим, бу қўшин маҳв бўлса, сенга ибодат қилинмай қўяди. Оллоҳим, ваъданг бор эди, биздан аяма. Ёлғиз ўзингдан ёрдам сўрайман. Бошқадан талаб қилмайман. Ўзинг бизни унумта».

Пайғамбар жанобимиз дуо қилардилар, ҳазрати Абу Бакр орқаларида «Омин» деб турарди. Қўлларини самога кўтарган кезда Расулуллоҳнинг ридолари елкаларидан тушиб кета бошлар, ҳазрати Абу Бакр уни кўтариб қўяр эди.

Султони анбиё саййидимизнинг бунчалик ёлворишларини кўрган Ҳазрати Абу Бакр: «Дуоларингиз кифоядир, ё Набийаллоҳ. Раббингиз сизга ёрдам беражак», деб таскин бермоқчи ҳам бўлди. Шу аснода Сарвари олам жанобимизнинг қўзларини енгил бир уйқу босиб кела бошлади. Жанг арафасида бундай уйқу босиб келиши ғалати эди. Пайғамбаримиз (с.а.в.) уйқунинг узўзидан келмаслигини, Жаноби Ҳақнинг ҳусусий бир муомаласи эканини англаб, бошларини қўйдиларда, ётдилар. Жуда ҳам қисқа давом этган бу уйқудан уйғонганларида лаблари табассум қиласи эди.

— Хушхабар, эй Абу Бакр. Оллоҳ таолонинг ёрдами етишди. Ана, Жаброили Амин чангтўзон ичра келди, отининг юганини ушлаб турибди, — деб маълум этдиларда, асҳоб томон юрдилар.

* * *

Бу вақт қарши тарафдагиларни ҳаяжонлантириш ташвишини чекаётган Абу Жаҳл: «Эй Худо, агар мана шу (Куръон) сенинг даргохингдан келган ҳақиқат бўлса, устимизга самодан тош ёғдиргин ёки бизларга аламли азоб келтиргинчи», (Анфол, 32.) дер эди.

Худди шу пайт икки кишини олиб келишди. Булар Хузайфатул Йаман билан унинг отаси эди. Абу Жаҳл уларни бошданоёқ кузатар экан:

— Қаерга кетяпсизлар? — деб сўради.

— Ясирига, қаёққа бўларди, — дейишиди улар.

— Ёлғон гапирманглар, сизлар Мухаммадга ёрдамга боряпсизлар.

— Нега энди, биз Ясирига кетяпмизку.

— Менга қаранглар, — деди Абу Жаҳл, — ҳозир сизлар билан пачакилашиб ўтиришга вақтим йўқ. Мухаммадга ёрдам бермасликка ва тўғри Ясирига қараб кетишларингизга қасам ичинглар, қўйиб юбораман, акс ҳолда, шу ердаёқ ўлдирамиз.

— Қасам ичамиз: Мухаммадга ёрдам бермай, тўғри Ясирига кетамиз.

— Борйнглар, озодсизлар. Фақат, шуни билингларки, агар аҳдни бузсаларинг, оқибати ёмон бўлади.

Абу Жаҳлнинг кўзлари чакнаб туришидан бу сўзлар мутлақо жиддий эканини билса бўлар эди. Кейин эса, уларни тутиб турганларга қараб:

— Қўйиб юборинглар, кетаверсин, — деб буюрди.

Хузайфа билан отаси оёқларии кўлга олиб Расулуллоҳ (с.а.в.) ҳузурларига чопишиди ва етиб келишгачгина нафас ростлашди. Қурайшликлар тутиб олиб, Абу Жаҳл билан юзлагдтиришганини айтиб:

— Аммо Оллоҳ билади, биз сизга ёрдамга келаётган эдик. Мана, муродимизга етдик, — дейишиди.

Набийлар сарвари (с.а.в.) жанобимиз уларнинг ишини маъқулламадилар:

— Тезда Мадинага қайтинглар. Уларга берган сўзла рингизни адо этинглар, — деб буюрдилар. — Биз эса, мушрикларга қарши Оллоҳдан ёрдам сўраймиз.

Хузайфа билан отаси Расулуллоҳнинг (с.а.в.) амрлари билан Бадрдан чиқишиди.

Нихоят иккала қўшин бир-бирига анча яқинлашди. М}^шриклар қўшинидан баъзилар мусулмонлар қуршаб олган қудуқдан сув ичгани кела бошлишди. Шунда мўминлар уларнинг йўлини тўсишди. Буни эшитиб пайғамбаримиз (с.а.в) орага тушдилар:

— Кўйинглар, ичишсин, — деб розилик бердилар.

Хатто машҳур Ҳаким ибн Ҳизом ҳам шериклари билан бирга келиб сув ичиб қайтди.

Шу орада ансордан Ҳориса ибн Суроқа кудук олдига келди. Лекин у сув ичиб улгурмади. Душман томонидан отилган ўқ Ҳорисанинг бўғзига санчилди. Ҳориса ансорнинг илк шаҳиди ўлароқ шу ерда жон берди.

Бадр жанги бошланди ҳисоб...

* * *

Мушриклардан биринчи бўлиб Амир ибн Хадрамий ўртага отилди. Унга қарши Ҳазрати Умарнинг озод қилинган хизматкори Михжак чиқди.

Бироқ Амир отган ўқ уни ўша заҳоти шаҳид этди. Шундай қилиб Амир акасининг интиқомини олган бўлди.

Бу орада Қурайш қўшинидан Асвад ибн Абдул Асад мусулмонларнинг қудуғига қараб йўналди. Албатта, сув ичаман деб ёки қудуқни барбод этаман дея қатъий бел боғлаб келарди. Қаерга борса, фитнафасод чиқариб юрадиган, оловга мой сепадиган бир одам экани унинг келишидан шундоқ билиниб туради.

Сал олдин келганларга ҳеч ким ҳеч нима демаган, еувларини ичиб кетишган эди. Аммо бу одамнинг «Биронтаси менинг мушугимни пишт деёлмайди, осадиганимни осаман, сўядиганимни сўяман!» деяётгандек бир алпозда хўроздек кеккайиб келиши хамиятларига тегди. Ҳазрати Ҳамза қархисига чиқди, бир қилич солиб оёғини кесиб юборди. Асвад Бадрни бошига кўтарадиган бир фарёд ила ўзини ерга отди. Ўлса ҳам қасамини бажо келтиришга азм этгандай, тезлик ила ўрмалаб келиб, ўзини қудуқка ташлади. Ортидан шошган Ҳамзанинг иккинчи зарбаси ичиш учун ҳозирлангани қудуқни унга мозор қилди. Оёғидан ва иккинчи зарба еган жойидан отилаётган қонлар қудук сувини ичиб бўлмас ҳолга келтирди, фитнафасод уруғи бўлган Асваднинг ўлими ҳам инсонлар учун бошқача бир (бузғунчилик билан) якун топган эди.

Кейинроқ унинг жасади қудуқдан чиқариб ташланди.

Шу аснода Қурайш лашкаридан уч киши ўртага чиқди.

— Ё Муҳаммад, мардинг бўлса, бизга қарши майдонга чиқар! — дейишиди.

Улардан бири Утба ибн Робиа эди. Ёнидагилар: бири ўғли Валид, иккинчиси акаси Шайба. Уларга қарши ансордан уч киши чиқди. Утба улардан кимликларини сўради. Мадина халқидан эканларини билгач:

— Бизнинг сизлар билан ишимиз йўқ. Орқангизга қайтиб, маккаликлардан юборинглар, — дейишиди. Кейин баланд овоз билан: — Ё Муҳаммад, ўзимизнинг қавмдан тенгимизни чиқар! — деб бақиришиди.

Абу Ҳузайфа ўрнидан турди. Тўғри ҳарб майдонига қараб юра бошлади. Ҳолбуки, қархисида отаси, биродари ва амакиларидан бири туришар эди. Расулуллоҳ (с.а.в.) жанобимиз дарҳол вазиятга аралашдилар:

— Ўтирижайга, эй Абу Ҳузайфа! — дедилар.

Бу амр Абу Ҳузайфани ортига қайтарди ва жойига ўтиришга мажбур этди.

Жаноби Сарвари коинотнинг нигоҳлари асхобини бир-бир оралаб чиқа бошлади. Майдондагилардан истагига лойиқ инсонларни ахтарди.

— Тур, эй Ҳамза! Тур, эй Убайдада! Тур, эй Али! — дедилар.

Учалалари дарҳол оёқка қалқишиди. Булар лашкар орасида Жаноби Расулуллоҳга (с.а.в.) энг яқин акрабо эдилар.

Ҳамза амакилари эди.

Убайдада катта амакилари Ҳорисанинг ўғли.

Али бошқа амакилари Абу Толибнинг ўғли.

Бу уч киши баробар юриб, майдонда кутаётганларнинг қаршисидан жой олишиди. Кўзларига мағфар тутилгани учун келганларнинг кимлигини яхши билиб бўлмасди. Ҳар бирлари рақибларининг ким эканини сўраб олдилар:

Утбанинг қаршисида Убайда,

Валиднинг қаршисида Али,

Шайбанинг қаршисида эса Ҳамза туришарди. Ҳатто ёш жихатидан ҳам бир-бирларига тенг келиб қолишган эди.

Ўзаро танишиб олишгандан сўнг жанг бошланди. Ҳамза билан Али рақибларини бир кўлдаёқ жонсиз ҳолга келтириб қўйишиди. Утба билан Убайда эса, бир-бирларини яралашган, ўлдиришмаган эди. Ердамга етиб келган Ҳамза билан Алининг қиличлари Утбанинг бошида бир ялтирадио лаҳза ўтарўтмас Утба ҳам Бадр тупроқларига жонсиз думалаб тушди.

Мўминлар баланд овозла такбир келтиришиди:

—Оллоҳу акбар!

—Оллоҳу акбар!

Бадр саҳроси бу такбир садолари қучогида тебранди.

Курайш раҳбарларидан бўлмиш Утба мулоҳазали, сулҳпарвар, яхшиликсевар бир одам сифатида танилган эди. Шундай одам қайсарлик ва ҳасадга ботиб, сўнгги нафасини Оллоҳнинг расулига қарши майдон ўқиш, унга қарши қилич кўтариш билан берди. Абадий саодатни қозона олиши учун ғоят кўп хусусиятлари бўлганига қарамай, у буларга қиймат беришни билмади. Бевосита Жаноби Расулуллоҳнинг (с.а.в.) оғизларидан эшитгани ва эшитиб титрагани Қуръоннинг азамати қаршисида имон келтириши лозим эди, у эса, Абу Жаҳлнинг ёнини олди, ҳакка қарши йўлни устун қўйди. Энди унинг ҳаёт дафтари ёпилди, устига: «Расулуллоҳга қарши қилич кўтартгани учун ўлдирилди», тарзида илова ёзилган ҳолда ҳисоб-китоб манзилига олиб кетилди. Абадий фалокатнинг йўловчиси бўлганидан бошқа бир далил излашнинг ҳожати йўқ эди.

Унинг қўшинни орқага қайтариш ёки, ҳеч бўлмаганда, ўзи айрилиб кетиш хусусида кўрсатган ҳаракати, ажабо, унинг тинчликсевар эканидан эдими, йўқса, яқинлашиб келаётган ажал ўқининг унда пайдо қилган қўркувидан эдими? Бу саволга жавоб беришнинг энди ҳеч қандай аҳамияти қолмади.

* * *

Утбанинг қиличи Убайданинг оёғини кесган, кесилган жойидан қон билан бирга илик оқарди. Унинг ранги қув ўчиб кетган эди. Пайғамбаримиз олдиларига келтирилганида:

— Ё Расулуллоҳ, мен шаҳидманми? — деб сўрай олди.

— Ҳа, шаҳидсан... — дедилар Расули акрам.

Энди Убайда учун оқаётган қони ҳам, чиқадиган жони ҳам алоҳида аҳамият қозонганди. «Оллоҳ йўлида ҳалок бўлган шаҳидлар хақида: «Булар ўликлар» демангиз! Йўқ, улар тириклардир, лекин сизлар сезмайсизлар». (Бақара, 154.) оятида берилган хушхабарни ўйлар, олган ҳар нафасида абадий саодат сари яна бир одим яқинлашаётганини ҳис этиб турар эди.

Жанг қизиш арафасида эди. Икки тараф бир-бирига яна ҳам яқинлашиб келаверди. Расулуллоҳ (с.а.в.) лашкарга қараб, қисқа бир хитоб қилдилар:

— Жоним қўлида бўлган Оллоҳга қасам ичаманки, бугун улар билан урушган, олға юрган, қочмай сабр қилган кишини ҳамда ўлдирилганларни Оллоҳ мутлақо ўз жаннатига киргизгай! — дедилар.

Расулуллоҳ (с.а.в.) жанобимиз бу сўзларни айтар эканлар, қўлидаги хурмони ейиш билан машғул бўлиб турган Умар ибн Хумом:

— Қандай яхши! Демак, мен билан жаннат орасида анавиларнинг мени ўлдиришидан бошқа ҳеч нарса йўқ эканда? — деди. Хурмони отиб юбордида, қиличига ёпишиб жанг

майдонига шўнғиди.

* * *

Бу асно Абу Жаҳл Қурайш қўшинини ғайратга келтиришга уриниб, баланд овозда ваъз айта бошлади:

— Сизлар Утбанинг, Валиднинг, Шайбанинг ўлдирилганига парво қилманглар. Улар шошилишди. Асл жанг қиласиган пайтда бекорданбекорга жон беришди. Кўрасизлар ҳали, Мухаммадни тутиб арқонлар билан боғлаймиз. Ҳар бирингиз улардан бирини ўлдира ола сиз. Аммо сизлар ҳозир ўлдириманглар тириклий тутинглар. Уларга динларидан юз ўгириб, Лот ва Уззони инкор этишнинг нима эканини кўрсатиб қўяйлик!

Расулуллоҳ (с.а.в.) орачира капаларига кирав, саждага бош қўйиб Мавлоларига илтижо этар эдилар.

Жанг энди қизиётган бир пайтда бирор Абдураҳмон ибн Авфни секин туртгандай бўлди. Қараса, бир ўспирин.

— Амакиҷон, сиз Абу Жаҳлни танийсизми? — деди у.

— Танийман. Нима эди?

— Менга уни кўрсатинг?

— Нима қиласан уни?

— Ўлдираман. Унинг Расулуллоҳ шаънларига ёмон сўзлар айтганини, ҳақорат қилганини эшигдим. Жазосини берсам.

— У ҳолда мендан айрилма.

Орадан икки дақиқа ҳам ўтмаган эди, бошқа тарафидан яна бир ўспирин Абу Жаҳлни сўради. У билан ҳам ораларида худди боягидай саволжавоб ўтди.

Сўнг икки тараф умумий хужум билан бир-бирига киришиб кетди. Ҳамма ўз қархисидаги одамга хужум қилар, урушар, яралар ёки ўлдирап эди.

Шу пайт аскарлар орасида гоҳ ўнгга, гоҳ чапга қайрилиб, лашкарини жангта ташвиқ этаётган Абу Жаҳлни кўрган Абдураҳмон ёнидаги ўспиринларга имлади:

— Ана, сизлар сўраётган Абу Жаҳл шу одам бўлади, — деди уни кўрсатиб.

Икки ўсмир гўё бир-бирлари билан мусобақалашаётгандек ўша ёққа отилдилар ва Абу Жаҳл ила уруша кетдилар. Бироқ Абу Жаҳл икки ҳамладаёқ иккаласини кетмакет шаҳид этди. Булардан бирининг исми Муаззиз, иккинчисиники Авф эди.

Шу орада Амр ибн Жамухнинг ўғли Муоз жанг асноси Абу Жаҳлга дуч келиб қолди ва бир зарба билан Абу Жаҳлнинг оёгини чопиб ташлади. Абу Жаҳл жон ҳолатда фарёд этиб, ерга йиқилар экан, унинг ўғли Икрима ёрдамга этиб келди ва Муознинг қўлига қилич солди. Унинг қўли бир парча терида осилиб қолди. Аммо Муоз оқаётган қонига ҳам, чекаётган оғрифига ҳам қарамай, жанг қилишда давом этди. Бир пайт келдики, осилиб турган қўли унга халақит бераётганини кўрди. Эгилдида, лиқиллаб турган қўлини оёғи остига олиб туриб, елкасини куч билан силтади, қўли узилиб тушди. Қиличини иккинчи қўлига олиб, яна душман сарфларига оралаб кетди.

Абу Жаҳл эса, энди ўрнидан туриб, жангни давом эттира оладиган ҳолда эмасди. Шу асно мадиналиқ йигитлардан Муоз ибн Афро унга дуч кедди. Абу Жаҳл ётган^ерида чирнирак бўлиб айланар ва фарёд қилар эди. Йигит қиличини кўтардида:

— Оллоҳнинг душманига мана шунақаси ярашади! — деб бутун кучи ила туширди. Абу Жаҳл энди фақат типирчилар эди, холос. Муоз унга яна учтўрт қилич урди. Ниҳоят Абу Жаҳл қимирламай ҳам, овоз чиқармай ҳам қолди. Йигит «бунинг иши битди» дея у ердан айрилди.

Шундай қилиб, Муозлардан бири унинг оёгини чопган, жанг қилолмайдиган ҳолга келтирган бўлса, иккинчиси уни нак дўзахнинг эшигигача обориб қўйди. Оламларга раҳмат ўлароқ юборилган улуғ пайғамбарни ҳақорат этган кимсанинг жазоси ана шундай берилган, у

дунёга келганига пушаймонлар қилиб, ярим ўлик, ярим тирик ҳолда ётар эди.

Энди бу ёғига Муозларнинг иккиси ҳам ўлишга тайёр эди. Расулуллоҳга (с.а.в.) етказган хўрликларнинг, мўминларга қилинган исканжаларнинг интиқомини бир йўла куфрнинг энг катта вакили бўлмиш Абу Жаҳлдан олган эдилар.

Бошқа тарафда Расулуллоҳнинг амрлари билан ўликлар ва ярадорлар ичидан Абу Жаҳлни қидиришарди.

Абдуллоҳ ибн Масъуд уни топган пайтда Абу Жаҳл сўнгги нафасини олаётган экан. Дархол бўйини босиб, соқолидан ушлаб тортди. Абу Жаҳл кўзларини очиб, қаршисида бир пайтлар ўзи менсимайдиган, ҳатто одам ўрнида кўрмайдиган қўйчўпонни кўрди. Ибн Масъуд:

— Эй Оллоҳнинг душмани, ниҳоят Оллоҳ сени мана шундай расво этибдику! деди.

Абу Жаҳл зўрга оғзини очди:

— Эй қўй чўпони... чиқиш жуда қийин... жуда қия... бир ерга чиқибсан. Менга айтчи, ғалаба қайси тарафда?.. — деб сўради.

— Оллоҳга ва расулига имон келтирганларнинг тарафи ғолиб келяпти, — деди чўпон.

Гап бундай давом этиши мумкин эмасди. Ҳали атрофда бир-бирига найза санчаётган, ийқилганларни чопиб ташлаётганлар бор эди. Қисқаси, сухбат пайти эмасди. Ибн Масъуд унинг бошидан совутини чиқаришга уринаркан, Абу Жаҳл қимирашгада ҳоли келмасди. Қилич зарбаларидан бадани тилимтилим бўлиб кетган эди. Ниҳоят, ибн Масъуд совутни чиқардида, Абу Жаҳлнинг қиличини олиб, бор кучи билан бўйнига солди. Абу Жаҳл бир типирчилаб жон бераколди.

Шу оннинг ўзида ёнбошида кутиб турган азоб фаришталари азобнинг энг даҳшатлисини тоттириш учун унинг юзига, орқасига уриб, руҳини олиб кетдилар.

Энди бу дунёда Абу Жаҳл йўқ. Дунёларга фармон ўқиши васвасаси билан Оллоҳнинг расулига қарши чиқиб, хаёлига келган ярамасликлардан қайтмаган Абу Жаҳл, шундай қилиб, Бадр майдонида мағлуб ўлароқ ҷўзилиб ётар эди.

Бу хабар Расулуллоҳга (с.а.в.) улкан бир мужда бўлди. Оллоҳ таолога ҳамду шукрлар айтиб, ёнларида турганларга, «Бу миллатнинг энг катта фиръавни мана шу эди», дедилар.

Мусулмонлар катта бир душмандан халос бўлдилар. Макка ҳудудларида Расулуллоҳга ва мусулмонларга қарши ундан каттароқ душман йўқ эди. Умрини Оллоҳнинг расулига ва динига душман ўлароқ ўтказган, билмаганидан эмас, ҳасади туфайли мусулмон бўлмаган, Ислом динини у туғилган кунлардаёқ бўғиб ташлашга интилган одамнинг ўзи Бадр майдонида мана шу тарз йўқ бўлди.

* * *

Жанг борган сари қизиб борар экан, Расулуллоҳ (с.а.в.) дуолар ва ниёзлар билан Парвардигорга қўл очиб ёлворар, мўминларга нусрат ато этиб, кофирларнинг қалбларига қўркув солишини сўрап эдилар. Қолаверса, мушриклар маънавий тарафдан анча чўкиб қолишиди. Кўқдан туширилган фаришталар ҳам уларни қисиб, Оллоҳнинг «бўйинларига уринглар, бармоқларини чопинглар», деган амрини адо этишар эди. Мушриклар руҳий жиҳатдан тушкунликка тушиб, моддий тарафдан ҳолсизликка йўлиқиб борарди.

Мушрикларни ўзларининг ададларича кўриб жасоратланган мўминлар эса, бу жасоратнинг ортиб бораётганини сезиб туришар, қўркув нималигини билишмас эди. Гўё қаршиларига факат ўлдирилиш, кувланиш ва асир олиниш учун бир қўшни юборилгандек.

Расулуллоҳ (с.а.в.) асҳобга қаратади:

— Маълумки, ҳошимийлардан баъзилари ва яна бошқа бир неча киши бу жангга ўз истаклари билан келишмаган. Шу сабабли, ҳошимий ўғилларидан бирига, Абул Бахтарийга, Аббосга дуч келганлар, уларни ўлдирмасин, — дедилар.

Бу сўзлар Абу Ҳузайфага оғир ботди. Чунки бир оз аввал ўлдирилган ва балки жасадлари ҳали совиб улгурмаган Утба унинг отаси, Валид, акаси, Шайба амакиси

эди.

— Қандай яхши, — деб пичирлади у, — оталаримизни, акаларимизни, қабила аъзоларимизни ўлдирайликда, Аббосга келганда унга тегмайлик! Худо ҳаққи, агар учратсан, бўйнига қилич солганим бўлсин.

Абу Ҳузайфанинг бу сўзлари оғизданоғизга ўтиб, Расулуллоҳгача етиб борди. Ёnlаридан ҳеч айрилмаган Ҳазрати Умарга:

— Нима дейсан, эй Абу Ҳафс, Оллоҳ расулининг амакиси қилич билан ўлдириладими? — дедилар. Ҳазрати Умарнинг ғазаби қайнади.

— Рухсат беринг, шу мунофиқнинг бўйини узиб ташлайн, эй Оллоҳнинг расули, ~ деди.

Бироқ Набийи акрам (с.а.в.) Абу Ҳузайфанинг мунофиқ эмаслигини, самимий бир мусулмон эканини яхши билардилар. Лекин ўртада янгиш бир тушунча бор эди, Энг яқинларидан биратўла уч кишининг жанг бошидаёқ кўзи олдида ўлдирилиши осонликча ҳазм қилинадиган воқеа эмасди, албатта. Бундай ҳаяжонли дамда, устига уларнинг имонсиз кетганларининг изтироби қўшилиб, Абу Ҳузайфа туйғуларини жиловлай олмай қолди ва:[^] «Ажабо, Ҳазрати Пайғамбар бу дамда яқинларига қайғурянтими?» деган янгиш тушунчага борди.

Оддий шароитда пайғамбаримизнинг «қариндош қайғусида ҳақсизлик қилиш» ҳолатига тушмасликларини у яхши биларди. Чунки унинг инюнчи шу эди. Ул зотнинг Оллоҳ номидан ҳақ ва адолатни ёядиган пайғамбар эканларига кўнгил қўйгани учун ҳам ҳамма нарсасини ташлаб, у зотнинг даъватларини қабул этган эди.

Шу боисдан ҳам Расулуллоҳ (с.а.в.), у мунофиқ эмас, деб айтдилар.

* * *

Умайя ибн Ҳалаф энди тушовдан бўшалди. Уни зўрлаб Бадрга олиб келган ва ҳеч қўйиб юбормаган Абу Жаҳл жангда ўлди. Энди бу ёғига Маккага қайтиб кетишига ҳеч ким қаршилик қила олмайди. Зотан, ҳамма ўзи билан ўзи овора. Лекин кетишига мусулмонлар изн берармиканлар? Шу алпозда жанг майдонидан бошини қутқариб олиб чиқиб кета олармикан?

Очиғи, у бир жон бозорининг ўртасида эди. Чор тарафда инграб ётган, жон бераётган инсонлар чўзилиб ётар, қочаётганлар, қувлаётганлар бор эди. Кимдир асир ушлаганни боғлаш билан, кимдир ётқизганини чопиш билан ва қуролини олиш билан машғул. Яралангандарнинг, боши ёрилганларнинг фарёдлари осмоига ўрлар, қонлар ичида чўзилиб қолган туяларнинг, отларнинг ўқиришлари инсонга ғалати бир сесканиш солар эди. Оққан қонлар Бадр майдонини қизилга бўяди.

Ҳеч ким танимайдиган инсон эмасда Умайя. Уни кўрганларида. «Кўяверинглар, кетаверсин у бечора», деб ташлаб қўймасдилар уни. Бир пайлар мусулмонларни қон қустириш савдосига берилганини билмайдиган одам йўқ.

Колаверса, бу кун Бадр майдонида юриб бўлмасди, хоҳлаган тарафга кетиб бўлмасди. Ҳар қадамда бир жасад, бир яраланганинг ёки ҳайвон ётар эди. Бундай шароитда қочиши ҳам, қувлаши ҳам қийин. Қочаётгандарнинг оёғи бир жасадга қоқилса, қонли тупроқда сирғаниб юзтубан йиқилиши аниқ. Қувлаган одам унга етиб олиши, тепасига келиб ўлдириши ҳам тайин. Ёки бунинг акси бўлишиям мумкин...

Иккиуч одим нарида бақиртирабақиртира сўйилган бир каллага дуч келиб, Умайянинг тиззалари қалтираб кетди. Атрофни тутган қон ҳиди унинг ваҳимасига ваҳима қўшар эди. Бундай бир қассобхонадан жонини соғомон қутқариш учун Умайя бутун дунёсини беришга тайёр эди.

Ахийри у ўғли Алининг қўлидан тутди. Бирон қутулиш йўлини топиш илинжида кета бошлишди. Бирдан Абу Жаҳлнинг жасадига дуч келишди. Бутун ҳаётининг кинини, нафратини қўшиб жасадга тупурди. Ўзи билган энг болохонадор сўқишилардан бир қанчасини йўллаб ва у билан шу тарз видолашганидан сўнгра яна илгари кета бошлади. Отабола жанг майдонининг

чеккасига чиқиб олишга ҳаракат қилишар эди. Лекин ҳарб майдони тугамас, унинг чекичегараси йўқдек эди. Агар бир чеккага чиқа олса ва қўлига биронта туями ёки отми илинса, ўзи биларди, дарҳол: «Қайдасан, Макка?» дея суриб юборган, ундан кейин бир эмас, мингта Абу Жаҳл келса ҳам, Макка ташқарисига қадам босмаган бўлар эди. Аммо ҳозир...

Кўлидан тутган ўғли билан жасадларни айланиб, ёрдам сўраган ярадорларга зарра парво қилмай кетиб боришаркан, бир неча совутни кўтариб олган одамга рўпара келиб қолишиди. Уни кўрган заҳоти Умайя севинчдан ақлдан озаёзди. Умрида бунчалик севинган эмасди.

— Эй Абду Амр! — деб чақиришдан ўзини тия олмади.

Одам ўзини эшитмаганга олди. Умайя ақлини йиғиб олиб, яна қайта чақирди:

— Эй Абдул Илоҳ! Эй Абдул Илоҳ!

Одам бу сафар ўгирилиб қаради. Бу, шубҳасиз, Абдураҳмон ибн Авф эди.

— Ия, сенмисан, эй Умайя? — деди у. Умайя танилганидан севиниб кетди.

— Қўй у совутларингни, менинг қўлимдан ушла... Мен сенга ундан ҳам кўпроғини бераман.

Ҳазрати Абдураҳмон ўйлаб ўтирумай совутларни ташлади. Узи ўлдириган одамларнинг совут ва қуроллари эди булар. Бир чеккага қўйиб, кейин яна жангга кирмоқчи бўлиб турган эди.

Умайя нафасини анча ростлади. Неча йиллардан бери бунчалик қўрқанини ва унинг кетидан бу даражада севинганини эсламайди. Бу даражада даҳшатли манзарани қўрмаганига қасам ича олади. Ҳеч қачон ҳаётидан бу қадар умидини ҳам узмаган эди. Бутун умр ҳис этмаган пушаймонликни бугун ҳис килди. Ўзи доим мақтаб келган Абу Жаҳлга нисбатан ҳатто Муҳаммадга нисбатан туйганидан ҳам ортиқ нафрат ва алам туйган эди. Унинг жасадига тупурган пайтда ҳис қилган нафратни мабодо мусулмонни қўрса ё унга тупурса ҳам ҳис этмасди.

Ўлим панжасида турган ёқасини энди қутқарди ҳисоб. Асирик унинг учун ҳаётга янгидан туғилишдек бўларди. Эртага истаганча фидя бериб жонини қутқара олади. У дунё қадар мол соҳиби эди, бу мол ўзини ва ўғлини қутқариш йўлида сарфланмаса, нимага ярайди, ахир? Ҳатто бундай бир кунда уни қутқариб қолгани учун «Абдул Илоҳ» дегани Абдураҳмонга истаганидан ҳам ортиқча пул бера оларди.

Аммо ясириблик ошнаси Саъд ибн Муоз етказган хабарга нима дейиш керак? Илгаридан бери ёлғон гапирмаслигини аниқ билгани Муҳаммад уни ўлдиришини айтган бўлса ва шу онда унинг бир одами томонидан асири олинган бўлса, бу гал ўлимдан қандай кутулиб қолиши мумкин? Ўни асири қилган Абдураҳмон мабодо бир мажбурият остида қолса, ўзи пайғамбар деб ишонган ва унинг йўлида ҳамма нарсасини тарқ этган зотга қарши чиқиб: «Умайянинг тукига ҳам теккизмайман! У менинг асиримдир!» дея олармикан?

Аммо... Ҳа, бир пайтлар ўзи ниҳоясиз азияту исканжалар билан қийнаган Билол ҳам бор. Шу дамда агар у кўриб қолса, бошига ёғдирадиган балолардан кутулиши амри маҳол. Билол бориб Ҳазрати Муҳаммадга (с.а.в.): «Бу одам мени роса қийнаган, азиятлар берган, булардан сизнинг ҳам хабарингиз бор, энди уни менга қўйиб беринг», деб қолсачи...

Такрор аросатда қолди Умайя. Дурустроқ фикр юритишга ҳам қодир эмасди. Бир онгина олдин дунёниг энг катта севинчини ҳис этган бўлса, унинг орқасидан ҳаётдан умидини узган одам ҳолига тушиб қолди. У ўзи сезмаган тарзда Абдураҳмоннинг қўлини бор кучи ила сиқиб, унга ёлвориб қаради:

— Қўйиб юборма... зинҳор қўйиб юборма менинг қўлимни, эй Абдул Илоҳ, менинг серсут тяляларим кўп...

* * *

Расулуллоҳнинг (с.а.в.) муаззинлари Билол ибн Абу Рабоҳ жанг майдонида қўлида қиличи билан бир ўнгга, бир сўлга отилар, дуч келгани бтан олишиб кетаверар эди. Яхши бир муаззин эди, аммо яхши бир жангчи ҳисобланмасди. Лекин шунга қарамай, қаршисида Оллоҳнинг

душманлари, расулнинг душманлари турибди. Мусулмонларга инсондек ҳаёт кечиришларига йўл қўймай келаётган, Оллоҳнинг нурини сўндириш мусобақасига киришган бир гурух. Уларга қарши туширган ҳар қилич зарбаси руҳида йиғилиб қолган ва ҳеч суғуриб ташлаёлмайдиган изтиробларига, аламларига бир дармондек келар, кўнглига бир енгиллик берар эди. Бу йўлда ўлдирилса, парчапарча қилинса ҳам, ғам чекмасди. Лекин охирги бир орзуи бор эди. У ҳам бўлса, Маккадалигига минг хил азият ва жафоларни раво кўрган ва фақат Оллоҳнинг бирлигига ишонгани учунгина чидаб бўлмас исканжаларга солган Умайя ибн Халаф билан яккамаякка уруша олиш. Унинг дўзах ўтинини эслатадиган катта вужудига қилич уришнинг завқини тотиш, уни бақирирабақирила ўлдириш.

Мана шуни ҳам қила олса, у учун иш тамом, сўнгра Бадр шахидларига қўшилиб, улап каби жон берса, ғами, қайғуси йўқ.

Нима бўлганда ҳам, ғалабанинг юзи мусулмонларга кула бошлади. Билол севинасевина, бундай бир ғалабанинг қурбони бўлишга рози эди, фақат бир шарт билан: Умайядан олиши керак бўлган қасосини шу майдонда, шу Бадр сахросида олса бўлгани!

Аммо бу оломон, бу талотўп орасида инсон излаганини топа олиши жуда мушкул, бир тасодиф илиа учрашиб қолиш имкони бор эди, холос.

Билол орачира:

— Оллоҳим, кўрсат менга Умайяни, кўрсат менга дин душманини!.. — дея ниёз қилиб, Улуг Даргоҳга мурожаат этарди.

Бирдан қаршисида қўл ушлашиб келаётган уч кишини кўрдию «Оллоҳу Акбар» дея бақириб юборишдан ўзини тиёлмади. Олдин кўзларини ишқалади, кейин яна бир оз қаради. Онасидан туғилганидан бери бу даражада ҳаяжонланмаган бўлса керак. Ҳатто ўзи озод қилиб юборилган кун ҳам бунчалик севинмагандир.

Каршисидаги уч кишидан бири Умайя ибн Халаф эди!

У ортиқ бошқаларга қарамасди, улар ким эканининг аҳамияти йўқ эди унга.

Билолнинг зехни йиллар аввалги воқеаларни яшин тезлигига хаёлидан ўтказар экан, Умайянинг юzlари уни кўриб буришиб кетди. Шу онда Билолнинг севинчи қучлимиди ёки Умайянинг қайғуси қучлимиди — ёлғиз Оллоҳга аён. Умайя бор кучи илиа Абдураҳмоннинг қўлини яна қаттиқрок сикди, беихтиёр равища:

— Сизнинг сутга эҳтиёжингиз йўқми, эй Абдул Илоҳ?.. — деди.

«Сизга мўлкўл сут берадиган бир пода тую беришим мумкин, фақат ҳаётимни қутқарсангиз, бас», демоқчи эди у. Бироқ кетмакет «Оллоҳу Акбар», «Оллоҳу Акбар» дея бақириб такбир айтиб келаётган Билолни ҳозир ким ҳам тўхтата ё жим қила олади. Қўлидаги қонга беланганд қиличи билан ҳавода ёйлар чизаётган Билол:

— Мана, Оллоҳнинг душмани, куфрнинг кўрбошиси Умайя ибн Халаф... У энди мендан кутулмайди! — дея бақиради.

Умайя гўдақдек соф бир шафқат истагандек оҳангда Абдураҳмонга: «Ёлвораман, бизни қўйиб юборма», дер экан, кўзини Билолдан узолмас эди. Билол учун ўлдирилиши жуда зарур бўлган Умайя Абдураҳмон учун яхшигина манфаат манбаи эди. Шу сабабли у: «Ё Умайянинг жасади шу ерда қолади, ёхуд мен ўламан», деб қичқираётган Билолга қараб бақириди:

— Эй Билол, булар менинг асиirlарим. Уларга теголмайсан!

Тегмоқ нима дегани? Билол унга тегмас эканми? Тўғрамчилаб ташлайди, этини парчапарча қилади, жаҳаннамга улоқтиради!

Кўрган у зулмларининг интиқомини олмасдан, дунёга келганига минг пушаймонлар едирмасдан Умайяни ўз ҳолига ташлаб: «Узр, сенинг асилинг эканини билмабман», деб ўтиб кетиши Билолнинг луғатида йўқ. Бундай бир ишга тушида ҳам рози бўлмайди. Абдураҳмоннинг нима дегани ёки нима дейишининг аҳамияти йўқ унга. Бор овози билан бўғзидаги томирлар ёрилиб кетар ҳолатда:

— Бу ёққа келинглар, Оллоҳнинг душмани Умайя ибн Халаф бу ерда... У қутулса, мен қутулмайман! деб бақира бошлади.

Атрофда юзларча хар хил овозларнинг баланд говури бўлмаганида Билолнинг товушини Бадр саҳросининг нариги чеккасида турганлар ҳам эшитишлари мумкин эди. Шунга қарамай, ўнгу сўлдан келганлар Умайянинг атрофини ўраб олишди.

Абдураҳмон ибн Авф бир нарсалар демоқчи бўлар эдию, аммо унга ҳеч ким қулоқ солмасди. У фақат ҳужум қилаётганларга қарши Умайянинг олдига ўтиб кўксини кера олар эди. Ниҳоят шундай ҳам қилди. Аммо орқадан, ўнгдан сўлдан келаётганларга қарши нима ҳам қила оларди? Буларнинг ҳаммасини тўхтатиб қолишга имкони йўқ. Бу орада бир қилич зарбаси Умайянинг ўғли Алининг бир оёгини узиб ташлади. Бу ачинарли ҳолатни кўрган, жигарпорасининг қонлар ичида ерга чўзилганига шоҳид бўлган Умайя ниҳоят даражада нола билан қичқириб юборди. Абдураҳмон бундай нолали бир фарёдни умри мобайнида эшитмаган эди. Бу вазиятда ҳужум қилаётганларга сўз уқтириш имкони қолмади.

— Сен энди ўзингнинг бошингни ўзинг асра, эй Умайя, бу ёгини энди мен эплай олмайман — деди Абдураҳмон.

Умайя учун ўнгу сўлдан таҳдид қилаётган қиличларга нишон бўлишдан бошқа бир иш қолмади. Дунё остинустин бўлса ҳам, фойдасиз эди. Сал вақт ўтмай катта бир дараҳтдек, вужуди қонларга беланиб ерга чўзилди.

— Мана сенга!.. Бунисиниям ол мендан, Рабоҳ ўғли Билолдан!.. — дея ҳайқирган бир овоздан кейин туширилган охирги зарба Умайянинг ишини тугатди.

Умайани Билол қўриб қолган пайт билан нимталанган жасаднинг оёқ ослариға думалаган вақт орасида ҳеч қанча фурсат ўтмади. Лекин шу озгина фурсат ичида Умайя билан Билолнинг зеҳнларидан бутун бир умр хотираси кечган эди.

* * *

Саъд ибн Муоз ёнида бир неча киши билан бирга Султони анбиё жанобларига қўриқчилик киларди. Расулуллоҳ (с.а.в.) қаерга борсалар, соядек эргашиб борар, эҳтимоли бўлган ҳужумга қарши ҳушёр турар эди. Мўминларнинг қўшинидан илк ўлдирилиши мўлжалланган одам ҳам Расулуллоҳ эдилар. Мушриклардан бирон кимса «Бу Оллоҳнинг расули, унга тегиш мумкин эмас», дейишни хаёлига ҳам келтирмасди, Кападан жангнинг қандай кетаётганини кузатиб турган пайғамбаримиз Оллоҳнинг ваъдаси рўёбга чиққанини ўз қўзлари билан кўрдилар. Энди мўминлар қочаётганларнинг орқасидан тушишган эди. Етиб олингани тутилиб, асирга олинарди. Айни манзарани Саъд ибн Муоз ҳам қўриб турар, аммо юзидан хурсанд эмасга ўхшар эди.

— Эй Саъд, сен бу ишлардан шод қўринмаётгандексан?..

— Ҳа, эй Оллоҳнинг расули, негадир кўнглим ғаш. Бўлаётган бу ишлар Оллоҳнинг ёрдами билан мушриклар устидан қозонилган илк ғалабамиздир. Уларни асир олиб ўтирмаслик керакмиди... — деди у.

Албатта, бир томондан, йиллар давомида мушрикларнинг мўминларга етказган ақл олмас қийноқларининг хотираси, иккинчи томондан, имоннинг куфр устидан тўла ғолиб келишининг соғинчи Саъд ибн Муозни шундай хулосага олиб келган эди. Аммо ишнинг учинчи бир томони ҳам бор эди: у Расулуллоҳдаги буюк шафқат ҳисси, улкан сабр ва бемисл тадбирдир. Саъд умри давомида бу жиҳатларга ҳали кўп бор гувоҳ бўлажак.

* * *

Расулуллоҳ (с.а.в) «ўлдирманглар» деган кишиларидан бири Абул Баҳтарий эди. Мусулмонларга қарши ҳаддан ташқари бир ҳаракат қилмаган инсон эди, хатто қурайшилкларнинг пайғамбаримизга қарши уюштирган қатағоннинг кеч бўлсада бузилишида Абул Баҳтарийнинг ҳиссаси бор. Унинг бу яхшилигини унумаган пайғамбаримиз ана шундай бир афв чиқардилар.

Мадиналик мўминлардан Мужаззар уруш ниҳоясида бир тую устида жанг майдонини тарк этаётган икки кишига дуч келди. Булардан бири Абул Бахтарий эди. Олдиларини тўсди. Энди кутулав деганда тутилишган эди улар.

— Сен Абул Бахтарий эмасмисан? — деб сўради Мужаззар.

— Ҳа, тўғри топдинг.

— Расулуллоҳ «Абул Бахтарийни кўрсаларингиз, ўлдирманглар», дедилар. Шунинг учун озодсан, кетавер! — деди.

— Хўш, ўртоғимчи, нима бўлади у?

Худо ҳаққи, пайғамбаримиз бу имтиёзни фақат сенга бердилар, бошқага эмас.

Абул Бахтарийнинг юзи буриши.

— Мен дўстимдан айриломмайман: ё бирга кетаман, ёки бирга ўлишга розиман. Макка аёлларининг «Ўзининг ҳаётини деб дўстини ташлаб кетибди», деган таъналарини эшишишга тоқатим йўқ, — деди.

Мужаззар Абул Бахтарийнинг бу вафодорона ҳаракатига жавобан, «Майли, сизларни кўрмадим ҳисоб, йўлларингиз очиқ, кетаверинглар», дея олмади. Абул Бахтарий ҳам дўстини ташлаб кетишни ўзига эп кўрмади.

Ҳазрати Пайғамбарнинг (а.с.в.) амрларини бажариш ва Абул Бахтарий билан урушмаслик йўлида Мужаззарнинг қилган ғайрати фойда бермади. Натижада қиличлар яланғочланди. Абул Бахтарий «Номуслик киши дўстини ташлаб кетмайди: ё ўлади, ёхуд бошқа бирон йўлини топади», маъносида бир байт ўқиб, туюдан тушди. Жанг бошланди. Қиличлар ишга тушди. Бу кичиккина жанг Абул Бахтарий билан дўсти Жунода қонларига беланиб ерга қулашлари билан натижаланди.

* * *

Уруш ниҳоялаб қолган эди. Қурайшликлар «Қўлингни тут, Макка!» дея жон ҳалпида қочишаарди. Уруш бошланмасидан аввал бир ҳовучгина бўлиб кўринган мусулмонлардан қандай қилиб енгилишганини ўйлаб тагига ета олишмас эди.

Орқаларидан қувлаб келган мусулмонлар ушлаганларини асир олиб қайтишар эди. Бошқа қисм мусулмонлар эса, улар ташлаб қочган ғаниматларни тўплаш ила машғул. Аввал ҳам ишорат этилганидек, Саъд ибн Муоз бошчилигидаги гурӯҳ жанг битганига қарамай, ҳар эҳтимолга қарши Расулуллоҳ жанобимизнинг қўриқчилиги вазифасини бажармоқда эди. Ҳазрати Абу Бақр билан Умар бутун жанг давомида жанобимизнинг (с.а.в.) ёnlаридан ҳеч айрилмадилар.

Шу ерда бир муаммо чиқди — ўлжаларнинг қандай тақсимланиши масаласи кўтарилиди. Ўлжа тўплаганлар, бизга кўпроқ тегиши керак, деган ғояни илгари суришса, мушрикларни қувлаганлар, биз бўлмаганимизда ғанимат тўплашга имкон топармидингизлар, дейишар, Расулуллоҳни (с.а.в.) қўриқлаб турганлар эса, бизнинг ҳам ҳаққимиз оз эмас, деб баҳслашишар эди.

Жаноби Сарвари олам (с.а.в.) масала катталашмасидан бурун ёпилиши учун келгусида тушиши эҳтимоли бўлган бир ваҳий ила бу ишни ҳал этишни муносиб кўрганларини сўйлашлари билан овозлар кесилди. Яъни, ҳозирча ўлжалар бир жойда туради, кейинроқ, Жаноби Ҳақ қандай бир йўл кўрсатса, унга кўра ҳаракат қилинади.

— Ё Расулуллоҳ, сиздан бир илтимосим бор, — деб қолди Саъд ибн Абу Вақкос.

— Нима экан у истагинг?

— Мана шу қилични менга берсангиз...

У ўлжалар орасида қараган кўзларни ўйнатиб турган бир қилични кўрсатаётган эди. Аммо Жаноби Расулуллоҳ бу таклифни ўринли кўрмадилар.

— Бу қилич на сенингдир ва на менимдир, эй Саъд. Ўлжа таксимида чекингга тушса, оларсан, — дедилар.

Саъд у ердан кетди. Иш у истагандек бўлмади. Зотан бир қилич эди истагани. Бу жангда у бир эмас, ўн қиличга лойик қаҳрамонликлар кўрсатди. Бундай қиличга эга бўлганидан кейин ҳам уни уйига безак қилмоқчи эмасди, яна Оллоҳ йўлида ишлатишни, яна душманга қарши у билан солишишни ўйларди. Қисқаси, Саъд бу қиличининг ҳаққини муносиб тарзда қайтарадиган, «Бу қилич эгасини топмабди», дегизмайдиган бир йигит эди.

Ўзи илк мусулмонлардан. Бугунга қадар бу йўдда ғоят кўп машаққатлар чеккан, девонадек севгани онасини ҳам «Ислом динидан қайтасан» дегани учун рад этган, ҳатто бу масалада унга алоқадор оятлар ҳам тушган. Бу оятларда келган амрни ҳужжат тутиб Саъд онасига яна барча оналарга кўрсатиладиган ҳурматни, икромни кўрсатган, лекин динининг амрларини ҳам энг самимий тушунчалар остида адо этган. Ҳолбуки, истагани ёлғиз бир қилич эди. Ҳеч бўлмаса, ўлжадан чекига тушадиган улуш ўрнига шу қилич берилса бўларди.

Бу каби ўй-хаёллар Саъд ибн Абу Ваққосни такрор Жаноби Расулуллоҳнинг ҳузурларига келтирди.

— Ё Расулуллоҳ, шу қилични сиздан ўтиниб сўрайман, — деди такрор.

— Эй Саъд, бу қилич на сенингдир, на менимдир. Ўлжа тарқатишда ҳиссангга тушса, оларсан, — деган жавобни эшилди яна.

Бу дафъя Саъд пушаймон бўлди. Адо этилмайдиган нарсани таклиф этганига энди ишонди. Бўлмаса, Жаноби Расулуллоҳ уни тугул, бошка ҳар қандай инсонни ҳам рад этмасликларини биларди.

Кўнглидан: «Ишқилиб Оллоҳ бу ҳаракатимга бир жазо тайин этмасайди», деган ҳадикхавотир кечди...

* * *

Мусулмонлар шаҳидларини биттабиттадан топдилар. Жами ўн уч шаҳид берган эдилар. Саъд ибн Абу Ваққоснинг укаси Умайр ҳамда Бадр жангига қатнашиш учун отаси билан қуръа ташлашган Саъд ибн Ҳайсама ҳам шаҳидлар орасида эди. Утба ибн Робиадан жароҳат олган Убайда ибн Ҳориснинг аҳволи ҳам борган сари оғирлашмоқда. «Мен ҳам шаҳидманми, ё Расулуллоҳ?» деган саволига «Ҳа» жавобини олганига қараганда бу фоний дунёга қайтиш имкони йўқ эди хисоб. Аммо ўлишни ҳам истайдиган ҳолда эмасди.

Шаҳидлар Жаноби Расулуллоҳнинг (с.а.в.) амрларига мувофиқ Бадрга дафн этилди.

Мушрикларнинг ўлиги олтмишдан ортарди. Куфрнинг бошлиғи Абу Жаҳлдан тортиб, Курайшнинг раҳбарларидан аллақанчаси энди ҳаётда эмасди. Кўлга туширилган асирларнинг ҳисоби ҳам етмишдан кўп эди. Жаноби Расулуллоҳнинг амакилари Аббос, куёвлари Абул Ос, Ҳазрати Алининг акаси Оқил, Курайшнинг машҳур хатиби ва донгдор одами бўлган Суҳайл ибн Амр, яна Расулуллоҳга душманликлари или ном қозонган Уқба ибн Абу Муйт или Надр ибн Ҳорис... каби кишилар қўллари боғлиқ ҳолда тақдирларини кутиб туришарди.

Бадр майдонида сочилиб ётган бунча жасад шундай очикда ташлаб қўйилмасди, албатта. Бу ишлардан кейин Курайшдан бир кимса келиб уларни кўмиши ҳам даргумон. Шу сабабдан эртаси куни ўша атрофдаги катта бир чуқурликка жасадларни кўмиш амр қилинди.

Илк келтирилган жасад Утба ибн Робианини эди.

Абу Хузайфа отасининг кўмилиш жараёнини юраги узилиб, маҳзун бир қиёфада, паришон бир кўнгил или кўриб турди.

— Хафамисан, эй Абу Хузайфа? — деб сўрадилар. Расулуллоҳ (с.а.в.).

Абу Хузайфа бошини кўтарди.

— Отам эслихушли, ҳодисаларнинг тадбирини олишни биладиган, яхшиликсевар бир одам эди. Мана шу хусусиятлари уни астасекин Ислом динига олиб келади, деб умид қилардим. Бунинг акси ўлароқ, кофир ҳолида ўлим топиб кетгани мени эзяпти.

Расулуллоҳ (с.а.в.) Абу Хузайфани дуо қилиб, йўлларига кетдилар.

Абу Хузайфа отаси ўлдирилган жойга яна бир бор бокди. Бир кун бурун: «Утба ибн Робиа

жон берадиган жой мана шу ердир», деб Расулуллоҳ (с.а.в.) кўрсатганлари жой эди. Ундан нари ҳам, бери ҳам эмас.

Бошқа мушриклар ҳам бир-бир келтирилди; чуқурга ташланди. Шу тариқа йигирма тўртинчи жасад қўйилгач, устига тупроқ тортиш амри берилди.

Умайя ибн Ҳалафшиш жасади шишиб кетган эди. Аслида ҳам бесёнақай бўлган вужуди шишганидан кейин янада ғалати бир ҳолга тушибди. Зирхини ҳам ечмасдан, ўлган жойида қолдиришди, устига тупроқ тортишди. Бошқа жасадлар биттадан, иккитадан қилиб, атрофларида чуқурларга кўмилди.

У кеча ўша ерда қолинди. Учинчи қун тонгда йўлга отлана бошлишди. Жаноби Расулуллоҳ (с.а.в.) уловларини ҳозирлашни буюрдилар. Сўнг қаёққадир кета бошладилар. Бир неча одам ортларидан эргашди. «Ўзларининг бир ишлари билан кетаётган бўлсалар керак», деб ўйлашди бошқалари. Жанобимиз [^]жасадлар ила тўлдирилган чуқур бошига келдилар. Ўша ерда тўхтадилар. Гўрдагиларга қаратат:

— Эй аҳли қолиб!¹ — дея хитоб қилдилар.

Сўнгра чуқурга кўмилганларни бирмабир отини айтиб, чақира бошладилар. Орқаларида турганлар ҳайратла қотишган эди.

— Эй Утба ибн Робиа, эй Шайба ибн Робиа, эй Умайя ибн Ҳалаф, эй Абу Жаҳл ибн Ҳишом... сизлар Раббининг қилган таҳдиднинг ҳақ эканини энди билдиларингизми?! Мен Раббимнинг менга қилган ваъдасини ҳақ топдим. Сизлар пайғамбарингизга қарши жуда ёмон ишлар қилдингиз. Мени сизлар ёлғончи ҳисобладингиз, бироқ одамлар мени тасдиқ этдилар. Сизлар мени юртимдан зўрлаб чиқардингиз, одамлар бағриларига босдилар. Сизлар менга қарши урушга чиқдингиз, одамлар менга ёрдам қилдилар. Шу онда Оллоҳга ва расулига имон келтирган кишилар сифатида ўлишни истармидингиз? Ҳа, энди сизлар Раббининг тақдирини ҳақиқий маъносила топдингизми?.. Мен Раббимнинг менга оид ваъдасини ҳақ топдим...

Жаноби Расулуллоҳ (с.а.в.) сўзларини шу ерда тўхтатдилар. Бу хитобни орқада ҳайрат ва ҳаяжон ичра тинглаб турганлардан Ҳазрати Умар (р.а.) ўзини тутолмади:

— Эй Оллоҳнинг пайғамбари, бу сасиган лсасадларга гапиряпсизми? Улар ўлиб кетмаганмилар?! — деди.

Набийи акрам (с.а.в.) унга «ҳолат сен ўйлагандек эмасдир» деган маънода қараб:

— Сизлар менинг овозимни улардан яхшироқ эшитяпмиз деб ўйламангалар. Аммо менга жавоб беришга уларнинг қурблари етмайди, — дея марҳамат этдилар.

Сўнгра ортларига қайтдилар, уловларининг ёнига келдилар ва юриш амрини бердилар.

* * *

Бадрда тирик қолган мушриклар кечакундуз Маккага қараб йўл юрдилар. Энг аввал Ҳайсуман деган киши етди.

Лашкар кетганидан бери улардан бир хабар ололмаган, аммо юз фоиз ишонч ила зафар мұждасини кутиб яшаганлар Ҳайсуманнынг паришон бир ҳолда шаҳарга кириб келганини кўриб, кўнгилларига ваҳим оралади.

— Қандай хабарлар келтирдинг, эй Ҳайсуман? — дейиши. — Бизга тушунтир.

Ҳайсуман атрофини ўраб олганларга шундай бир кўзқарашиб қилди, гўё бу билан: «Мен сизларга нимани ҳам тушунтираман, ҳолимдан ўзларинг англаш олмаяпсизларми?» дейяётгандек бўлди. Аммо мушриклар барибир ўzlари орзулаган жавобни кутишар, «Мухаммаднинг ҳолини паришон қилиб қайтдик. Ўзимиз қай ахволда келган бўлсақда, биз ғалаба қилдик», дейишини исташар эди. Нихоят Ҳайсуман тилга кирди:

— Утба ибн Робиа ўлдирилди. Шайба ўлдирилди. Абул Ҳакам (яъни, Абу Жаҳл) ўлдирилди... — дея бир-бир санашга тушиб кетди.

— Нималар дейяётганингни ўзинг биласанми?

— Сенга бир бало бўлмаганми, ишқилиб?

Ҳайсуман уларнинг саволларига парво қилмас, ҳамон

«Фалончи ўлдирилди. Писмадончи ўлдирилди...» дея санар эди.

—Хуп, Умайяа ибн Халафчи?

—Ўлдирилди.

—Абул Бахтарийчи?

—Ўлдирилди...

Ҳар ким эсига келиб қолган одамни сўрар, у эса, биргина сўз ила: «Ўлдирилди», дея жавоб қиласи эди. Бу даража ваҳимали оқибатни ҳеч ким кутмаган эди. Кунлар ўтган сайин қатъий бир ғалабани кутиб яшаганларга бундай бир мағлубиятни англатиш чиндан ҳам оғир эди.²

Илк ҳушини йиғиб олган киши Умайяа ибн Халафнинг ўғли Сафвон бўлди. У сал илгарида, Хижр деган жойда ўтирган эди. Ёнидагиларга паст овозда шивирлади:

— Бу одам эсини еб қўйган кўринади. Мени сўрангларчи, нима деркин, кўрамиз.

Хозирги вазиятда бундан маъқул йўл йўқ эди ҳам. Ичларидан бири келиб сўради:

— Хўп, Сафвон ибн Ўмайядан хабар борми? У ҳам ўлдирилган бўлмасин тағин?

Ҳайсуман ўгирилди, Хижр тарафга боқди ва:

— Анави ерда девор тепасида ўтирибди, — деди.

Энди уни бирор телба дея олмасди. Ёлғон сўйламаёт

ган бўлса, унда қатъийян мағлуб бўлганларига ишонишга тўғри келарди.

— Менга қара, — деди бирори, — агар бизни алдаётган бўлсанг, ҳолингга вой! — Сўнгра Каъба атрофини ўраган бутларга ишорат қилди: — Ҳамма бутларнинг лаънати бошингга ёғилсин!.. Ҳайсуман сўзини қисқа қилди:

— Буларнинг ва яна мен билмаган илоҳларнинг ҳолига қасам ичаманки, айтганларим тўғридир! Менинг бу сўзларимга яқин орада ўзларингиз ҳам ишонч ҳосил қиласизлар.

* * *

Маккага биринчилардан бўлиб қайтиб келганлар орасида Жаноби Расулуллоҳнинг (с.а.в.) амакиларидан Ҳориснинг ўғли Абу Суфён ҳам бор эди.¹ Ҳар эҳтимолга қарши ундан ҳам сўраб кўрилса, зарар қилмайди. Чунки ҳеч ким Ҳайсуман келтирган хабарга ишонишни истамас, ҳамма зафардан сўз очилишини орзу қиласи эди. Улар сўрамаган тақдирларида ҳам, Абу Суфён жим ўтирмас эди.

— Нима янгиликлар бор, эй Абу Суфён?

Абу Суфён сўзни чўзиб ўтирмади. Зотан, араблар эзмаликни ёқтиришмас эди.

— Валлоҳи, биз Муҳаммаднинг лашкарига рўбару келганда, улар билан урушолмадик. Буткул ўзгариб қолгандек эдик. Улар эса, жон олгувчилардек, кимимизни ўлдиридилар, кимимизни асир қилдилар. Ҳеч кимдан айб ё қабоҳат топмоқчи эмасман. Аммо шуниси ҳақиқатки, биз ер билан кўк орасида, кулранг отларга минган порлоқ юзли, турлитуман нотаниш суворийлар билан қаршилашдик. Валлоҳи, ҳеч ким уларнинг ҳамласига дош беролмас, бир нарса ҳам қила олмас эди.

— Майли. Утба, Шайба, Абул Ҳакам... каби улуғларимизни ўлди деб эшитдик, шу тўғрими?

Абу Суфён: «Сизлар нималарни сўраётурсиз?» деган каби қаради ва:

— Ҳар бири кўзимиз ўнгига ўлдирилди, — деди. Абу Суфённинг ортидан келганлар ҳам айни воқеани ҳикоя қилишди. Улар англамаган, калаванинг учини топмаган жойи шу эдикни, муҳорабадан олдин бир ҳовучгина бўлиб кўринган, тайёргарлиги ҳаминқадар бир аскарий қисм қаршисида ҳарбий тайёргарлиги пухта катта бир лашкар қандай қилиб бу қадар паришон

¹ Ахли қолиб — «чукурга кўмилганлар» маъносида келади. Кейинчалик «ахли қолиб» сўзи фойт кенг қўллана бошлагани учун бир таъбир сифатида ўрин олди.

бўлди?! Ҳодисани бу жиҳатдан ўрганганлар: «Биз энг камида улардан беш баробар кўп эдик», дейишарди.

Макка энди жиддий бир мотам ҳавоси ила чулғанди.

Жаноби Расулуллоҳнинг (с.а.в.) лашкарлари Бадр жангидан сўнг тўғри Мадинага қараб йўл олди. Кечани Усайл водийида ўтказишиди. Ўша тун Жаноби Пайғамбарнинг уйқулари келмади.

Саҳобийлари сўрашди:

— Нимага ухламаяпсиз, ё Расулуллоҳ?

— Қулоғимнинг тагида Аббос амаким инграгандай бўляпти, — деб жавоб қилдилар Расули акрам.

Сўраган киши индамай у ердан туриб кетди. Орадан ҳеч қанча ўтмай Султони анбиёга бу ингроқ эшитилмай қолди. Сабабини сўрадилар. Аббоснинг қўлбоғлари ечилганини айтишди.

³ — Унда бошқа асиirlарнинг ҳам боғлари бўшатилсин, — деб амр қилдилар.

Эртаси тонгда асиirlар Жаноби Расулуллоҳнинг (с.а.в.) хузурларига келтирилди. Исломнинг бош душманларидан Надр ибн Ҳорис Жаноби Пайғамбарнинг илтифотларига арзимас эди. Ичига ўлим кўркуви тушди. Анчадан бери яхши танийдиган Мусъаб ибн Умайрга ёлборишга тушди:

— Менга ҳам шерикларимга кўрсатилганидек илтифот кўрсатишини дўстингдан рижо қилиб бер.

Надр бир замонлар Ҳабашистондан қайтган ва ўзларини ҳимоя қила оладиган бир одам ахтарган Мусъаб ибн Умайрни ҳимоясига олган ва шаҳарга бемалол кириб келишини таъминлаган эди. Энди ўша кунларни эслатиб, Мусъабнинг ёрдамчи бўлишини хоҳларди. Аммо Надрнинг яхшилигидан ёмонлиги ортиқ, у етказган азоб-уқубатларни ҳеч нарса ила ўлчаб бўлмасди. Мусъаб унга шуларни эслатди, кирдикорларини санади. Лекин Надр мазлум бир одам каби, илгариги замонларда обрўэтибор илия яшаган яхши бир инсон каби, ҳар ким ўтган кўприкдан мен ҳам ўтсам нима қилибди, дегандай ялинарди. Ниҳоят, Жаноби Расулуллоҳ (с.а.в.)

— Тур, эй Али, Надр ибн Ҳориснинг бўйнига ур! — дея буюрдилар.

Хазрати Али турди. Бу орада Микдод ибн Асвад ҳам отилиб турди:

— Расулуллоҳ! Надр менинг асиirimdir. Биласиз, камбағалман. Унинг эвазига унчамунча дунёлик бўлар мikanман, деб ўйлаган эдим, — деди.

Аммо Жаноби Пайғамбар буйруқларини такрорладилар. Шу заҳоти бир қилич қинидан шиддатла суғурилиб, ҳавода шув этди...

Надрнинг вужуди ҳали тупроққа тушмасидан азоб фаришталари атрофини ўраб олишди, энди ҳеч бир нарса унинг истагига ташлаб қўйилмайдиган бир оламнинг хукми ижро этилаётгани маълум бўлди.

Жаноби Расулуллоҳ (с.а.в.) асранди фарзандлари Зайдни туяларига миндиридилар, Абдуллоҳ ибн Равоҳани унга ҳамроҳ қилиб, Мадинага хушхабарни етказишига юбордилар. Бу икки бирордар Мадинага тобора яқинлашар эканлар, юраклари олиб бораётган хушхабарларининг севинчи ила тўла эди.

* * *

Музаффар Ислом лашкари Ирқуз Зубия деган жойга етганида Жаноби Расулуллоҳ тўхташ амрини бердилар. Бир муддат ҳордиқ чиқарилганидан сўнг яна йўлга отланишаркан, Жаноби Пайғамбар Осим ибн Собитга мурожаат қилдилар.

— Буюринг, эй Оллоҳнинг расули! — деди Осим.

³ Бу одам умавийлардан бўлган ва Шом тижорат карвонини Маккага олиб келган Абу Суфён эмасдир. Жаноби Расулуллоҳнинг катта амакиларининг ўғлидир. Утба билан урушда яраланган Убайданинг акаси.

—Боргинда, Уқба ибн Абу Муйтнинг бўйини уз! Бу сўзни эшитган заҳоти Уқбанинг юзи оқарди, тиззаларидан дармон қочди:

—Эй Мұхаммад, менга ҳам ҳар кимга қилганингни қил. Уларни ўлдирсанг, мени ҳам ўлдир. Улардан товон пули олсанг, мендан ҳам ол. Мени ўлдирсанг, сағирларимга ким қарайди?

—Сен уларни Оллоҳга кўйда, ўзинг жаҳаннамга киришингни томоша қил, — деган жавоб олди.

Сал ўтмай, Осим иккинчи бир амр олиб, қиличини Уқбанинг бўйнига солди. Уқбанинг танаси бир томонга, боши иккинчи томонга юмалади. Шу тахлит Сарвари анбиёнинг (с.а.в.) ашаддий яна бир душмани дунё ила видолашди, қилмишларининг жазосини олиб, охират оламига жўнатилди.

Ҳар кимга қилингани ўзига ҳам қилинишини орзулаган Уқба бу орзуида ҳақлимиди? Бу кунга қадар ўзи бошқалар каби бўла олдими? Шу кунгача ишламаган виждони нимага энди бугунга келиб ҳақ талаб қилиб қолди?..

Бир замонлар Каъбада намоз ўқиб ўтирган Пайғамбарнинг (а.с.в.) устларига туюнинг ичакчавоғини ташлаган бу виждон ҳеч ишлаш ҳавасида эмасдику.

Бу орада Утба билан яккамаякка олишувда яраланган ва йўлда тобора оғирлашиб қолган Убайдада ҳам сўнг нафасини олди. Жаноби Мавлонинг хузурига «Бадр шаҳиди» сифатида кетди.

Усмон ибн Аффон Расулуллоҳнинг (с.а.в.) амрларига биноан Мадинада қолиб, Бадр жангидаги қатнаша олмаган эди. Кейинги кунларда касаллиги зўрайиб кетган хотини Руқайянинг ёнида ва хизматида бўлиш вазифаси юклangan эди унга.

Рамазон ойининг охирги ўн кунлигига кирилди. Расулуллоҳ (с.а.в.) кетганларига ўн беш кун бўлган, аммо ҳануз бир хабар олинмаган эди. Руқайя энди бу касалликдан соғайиб туриб кетишига, такрор саломатли кунларга етишига умиди тобора сўниб борарди. Ёлғиз орзуи — севимли отажонини бир марта кўриб қолиш, охирги нафасини у зотнинг гул юзларига боқабоқа бериш бўлиб қолди.

Бу пайтда у йигирма икки ёшларда эди. Умрининг кейинги ўн йилини азоб устига азоб ичра кечирди. Ниҳоят Мадинага келибгина эркин нафас олиш имконига энди эришганида шундай бир дардинг панжасига тушдики, ёқасига ёпишганча, то жонини олмагунича қўйиб юбормайдигандек эди.

Ҳазрати Усмон ҳар гал уйига қайтганида «Дадамдан бирор хабар борми?..» деган илтижоли боқишлигарга дуч келар, бир хушхабар етказиш орзуила ёнар, аммо кетганлардан ҳеч бир дарак ололмас эди.

Бир куни уйига ҳовлиқиб кирди.

— Жаноби Расулуллоҳдан хабар бор! — дея қичқирди.

Сўник кўзларда бир нур порлади. Сўлғин ёноқларга бир ранг юргургандай бўлди. Ҳазрати Усмон воқеани англатди:

— Жаноби Расулуллоҳ Ислом лашкари ила бирга Бадр маконигача борибдилар. Карвон олдинроқ ўтиб кетган экан. Карвонни қўришга чиққан Курайш қўшини Бадрга келгани учун жангдан қочиб қтулиб бўлмайдиган бир вазият юзага келибди. Жаноби Пайғамбаримиз га ёрдам бериш ниятида келаётган Ҳузайфа билан отасини мушриклар тутиб олишибди. Мусулмонларга ёрдам бермасликлари хусусида қасамларини олибгина қўйиб юборишибди... — дея воқеани бир-бир гапириб берди. Сўнгра сўзларини бундай якунлади: — Расулуллоҳнинг амрлари ила улар Мадинага қайтишибди ва саломлар келтиришибди.

—Ахвол қандай экан? — деб сўради Руқайя bemажол.

—Хали уруш бошланмасидан улар бу ёққа йўл олишган экан.

Булар Руқайя хонимнинг дардига шифо бўладиган даражадаги хабарлар эмасди. Айни чокда, отасидан бир салом олиш ҳам унга кўп нарсалар берди.

Бу жангда ҳар қандай ҳолда ҳам мусулмонлар зафар қозонажагига доир бир туйғу бор эди

ицида! Орасира: «Улар Оллоҳнинг нурини (яъни, Исломни) оғизлари (яъни, бехуда гаплари) билан ўчирмоқчи бўладилар Оллоҳ эса, гарчи (кофиirlар) хоҳламасаларда, фақат ўз нурини тўла (яъни, ҳар тарафга) ёйишни истайди» (Тавба, 32.) ояти зеҳнига келар, ҳар гал бу оятни ўйлаганида отасининг вазифаси ҳали тамом бўлмаганини, Оллоҳнинг ёрдами билан зафар мўминларга насиб бўлажагини ҳис қилар эди.

Умридан энди ҳафталар эмас, кунлар ҳам қолмаганини ички бир сезги ила сеза бошлади. Орқасидан Абдуллоҳ исмли бир етимидан бўлак қолдирадигани йўқ эди. Уни сўнг дафъа ўпиб, ҳидини искалади. Шундан кейин очмоққа ҳам қурб тополмаётган кўзларини юмди. Энди отасининг хаёлила яккамаякка қолган эди. Сўнгра бир дафъа: «Оллоҳдан бошқа ҳеч бир илоҳ йўқдир, отам Мухаммад Мустафо Оллоҳнинг расулидир», сўzlари эшитилди оғзидан.

Кейин унда кўрилган борийўқ ҳаракат кўксининг билинарбилинмас кўтарилиб тушиши бўлди. Бир шифо умидида ҳолидан хабар олгани чиққан кўшни хотинлар уни дудоқлари қуриган, чехраси сўлғин, аммо нурли бир ҳолатда кўрдилар. Бу ҳолатила Руқайя йўқлаб чиққанлар билан сассиз видолашаётгандек эди. Опасингиллари Умму Гулсум, Фотима ҳам унинг боши тепасида эдилар.

Руқайя хоним кўп соғингани, бир мартағина кўра олиш учун ёнибкуйгани табассумли бар юз эгаси билан кўнгил ва маъно оламида рўбарў келди. Дунёдан ўтаркан, охирги орзуи у Зотнинг қўлларида жон бериш эмасмиди, ахир?! Мана, Пайғамбарлар имоми бўлган отаси унинг қаршисида қўлларини очган кўйи кутиб турадилар. Бир он бўлсада аввалроқ қучоқларига кирмак учун интилди. Шу онда ёнида ҳозир турган малаклар бир момикини суғургандек жонини олдилар ва Расулуллоҳнинг руҳониятлари билан қучоқлаштирилар. Севгили Руқайя фоний оламдан кўчганини ва абадий оламга ўтганини фарқлаганми эди?.. Эҳтимол бу ўлим унинг учун ётоғидан туриб Султони анбиё жанобимизнинг бағирларига кетишдан иборат бўлгандир...

Усмон ибн Аффон ўзини «Зин нур» (Нур эгаси) номи ила шарафлантирган гулини йўқотган, изтироби ва қайғуси ҳам шунга яраша эди. Лекин қанчалик ғам чекмасин, қилиниши лозим бўлган ишлар бор. Вақт ўтказилмасдан маййт ювилди, кафанланди, сўнгра Бақиъ қабристонига элтилди. Мўминлар Руқайяни елкаларига олишнинг аччик саодатини туйиб, дилга келтира олмаганлари таассуф туйғуларила, кўзёшларила йўл босдилар. Султони анбиё (с.а.в.) жанобимиз қайтиб келсалар, қолдириб кетган гулларини тополмайдилар энди. Буни ўйлаган кўнгилларнинг кўзёш тўкиши табиий эди.

Асьад ибн Зурора вафоти муносабати ила очилган ва очилиб бир мўминни бағрига олган Бақиъ тупроқлари бу гал Расулуллоҳнинг (с.а.в.) кўз нурларини — Руқайяларини ҳам қучоғига олаётган эди. Мўминлар қазган, малаклар эса бир жаннат боғчасига чевирган қабрга ғамгин қўллар у азиз омонатни таслим этди. Сўнгра биринкетин ташланаётган тупроқлар қабрнинг оғзини қайтадан ёпди.

Шу аснода узоқдан такбир садолари эшитила бошлади. Мўминларни айрича бир ҳаяжон чулғади. Нимадир содир бўлгани муҳаққақ эди. Кулокларини динг қилдилар.

—Оллоҳу Акбар!.. Оллоҳу Акбар!.. Усома ҳаяжон ичра:

—Бу дадамнинг овози! — деди.

* * *

Мадиналик яҳудийлар, мушриклар ва бир гуруҳ муноғиқлар ҳам ҳаяжон ицида, улар ҳам неча кундан бери бир хабар кутаёттир. Факат, улар кутаётган хабар...

Учтўрт кун аввал Ҳузайфа билан отаси Мадинага келишган, уч юз кишилик тайёргарликсиз мусулмонлар қўшинининг қаршисида пухта ҳозирлик кўрган тўққиз юз эллик кишилик лашкар турганини айтишган. Бу ахволда Қурайшнинг ғалаба қозониши тайин, шубҳага ўрин йўқ эди. Шояд бу ғалаба ила Мадинадаги эски тотли кунлари қайтиб келса...

Мадинада жангга бормай қолган мўминлар ҳам бор эди, аммо улар жуда озчилик. Уларни

йўлга солиш ва ёки қиличдан ўтказиш унча оғир иш эмас.

Энг камида иккиёклама зуғум орасида қолган ва жон қўрқуви билан мўминлар орасига кирган мунофиқларнинг энди куни туғажак, ҳеч бўлмаса, мўминлар билан бирга масжидда «ётибтуриш» заҳматидан кутулажаклар. Ҳам мусулмон бўлиб кўриниш, ҳам куфр ҳаётини давом эттириш, куфрнинг соғинчи или яшаш осон эмас ахир.

Хузайфа билан отасининг келганига ҳам бир неча кун бўлди, аммо ҳануз бир хабар йўқ. Мусулмон бўлганлар ҳам, бўлмаганлар ҳам хушхабар кутишади, лекин бу икки гуруҳ кутаётган мужда бир-биридан бошқача. Кунлар ўтаркан, кўзлар йўлларни янада кучли истак билан қаради. Кимлар чангини ортида қолдириб, «Муждалар бўлсин, суюнчи, суюнчи: куфрнинг боши кесилди!!!» дегувчи бир хабарчини кутса, кимлар чангтупроққа беланганд, ёқавайрон, яралижароҳатли бир алпозда орқаолдига қарамай қочиб келувчи одамларни кўрармиқанмиз, деган соғинч тўла нигоҳларини йўлларга қадаган эди.

Нихоят, кутилган он келди. Жаноби Расулуллоҳнинг (с.а.в.) туяларига миниб келган Зайдни кўрган душманларнинг кўзлари порлади. Демак, у жонини зўрға қутқариб қолган, севган отажонини ҳам ташлаб қочган, деган хаёлга бордилар.

Аммо Зайднинг кўзларида ғамқайғудан асар йўқ, аксинча, севинч бор эди. Зафар қозонган инсонлардагина бўладиган севинч...

Жонини сақлаб қолган инсон севинмайдими? Зеҳнларга шундай бир фикр ҳам келди. Чунки одам жангда жонини қутқарса, ўтириб олиб йигламайдику.

Шошапиша пешвоз чиқиб, атрофини ўраб олдилар. Тўпланганларнинг кўпи мушриклар ва яхудийлар эди. Зайд одамларга бир-бир боқиб чиқди, ўзи танийдиган мўминларни учратмади. Ҳа, пешвоз чиққанларнинг аксариси мўмин эмасди. Ҳолбуки, Бадрга Мадина мусулмонларининг ҳаммаси ҳам бормаган эди.

Бу ишда бир ишқал борга ўхшайди! Яхудийлар билан мушриклар Жаноби Расулуллоҳнинг (с.а.в.) Бадрга кетганларини ғанимат билиб, шаҳарда қолган мусулмонларнинг бошига бир бало солган бўлишмасин тағин?! Қани Абу Лубоба? Ҳолбуки, Расулуллоҳ (с.а.в.) уни Равҳадан орқага қайтариб юборган ва Мадина волиий қилиб вазифалантирган эдилар!.. Ҳеч бўлмагандан, ўғли Усома қани? Ахир, биринчи навбатда у чопиб келиши, «Дадажоним!» деб бағрига отилиши лозим эмасмиди?!

Аммо Масжиди Набавий ўз ўрнида турибди. Бузилмаган. Айни чоқда, хушхабар кутган одамларга хос бир севинч билан чопиб келиб: «Хуш келдинг, қардошим!» деган бир инсон топилмагани ҳам рост.

Бир сония ичидаги кечган бу ва шу каби тушунчалар Зайднинг қалбидан зеҳнига, зеҳнидан қалбига кўчиб турди. Энг камида, кўнгилга ёқмайдиган бир ҳолат борлигига шубҳа йўқ эди. Шу билан бирга, Жаноби Расулуллоҳ (с.а.в.) уни бу зафарнинг муждачиси сифатида йўллаган эдилар, энди шу вазифасини бажо келтириши лозим. Юзига аҳмоқона кўз тиккан ва унинг: «Адо бўлдик! Қурайш кўшини бизларни қиличдан ўтказди», дейишини кутганларга шундай бир нигоҳ солди ва сўнгра:

— Оллоҳу акбар! Оллоҳу акбар! — дея ҳайқирди.

Одамлар бу ҳайқириқ нимани англатишини дабдурустдан билолмадилар. Зайд энди очикроқ сўйлади:

— Абу Жаҳл ўлдирилди! Утба ибн Робиа ўлдирилди!.. Буюк бир зафар қозондик. Оллоҳу акбар!.. Оллоҳу акбар!..

— Ҳазил қилма бизга, эй Зайд, тўғрисини хабар бер! — деб кўришди. Жавобига яна: «Оллоҳу акбар!.. Оллоҳу акбар!..» такбирини эшитишиди.

— Зайд, гапларинг жиддийми? Устимиздан кулма сен!

Зайднинг нигоҳларидан: «Нега устларингиздан кулайин?» деган маънони уқса бўларди.

Унинг баланд овозда такбир айтиши эшикларнинг очилишига, девор ортидан бошларнинг

узанишига сабаб бўлди. Бу орада Умму Сулайм чиқиб келди. Кулгисини йўқотган кўзларла, ғамларга ботган юзларла чопиб келди.

—Бизга хушхабарми келтирдинг, эй Зайд, — дея сўради ҳаяжон ичра.

—Ха, эй Умму Сулайм, биз зафар қозондик, Қурайшга оғир бир зарба бердик. Анчасини асир олдик. Лашкар орқамдан келяпти. Аммо менга нима бўляптики, сени ғамгин ҳолда кўряпман?

Умму Сулайм кўзларидан оққан ёшларни артишни ҳам лозим кўрмасдан, жавоб берди:

— Биз бугун Расулуллоҳнинг кўз нурларини, Руқайяларини тупроққа қўйдик. Жанобимиз келиб эндиуни кўрмайдилар...

Зайднинг ичидан бир оташ ташига отилиб чиққандай бўлди. Қулоқларининг учигача вужуди ловлов ёнаётганини ҳис этди. Туядан тушди, жиловини Умму Сулаймга тутқазди ва ўзи тўғри Бақиъ қабристонига қараб чопа кетди. Йўлда қўлларида кетмону кураклар ила келаётган мўминларни учратди. Бир-бирларига отилишиди. Кўзлардан тинмай ёшлар оқарди. Бу ёшлар қайғу билан севинч бир-бирига йўғрилиб тўлдирган қалблардан кўзларга кўтарилиб келган самимий туйғуларни ифодалар эди.

Зайд ғалаба муждасини қисқа жумлалар ила англаатди. Кейин Усмон ибн Аффонга ва бошқа мўминларга таъзия изҳор этди. Унинг кўзлари ҳам туғилганидан бери кўз ўнгидага ўсган синглиси Руқайя учун ёш оқизмоқда эди.

Бу хабарнинг тўғрилигига айниқса яхудийлар ишонишни исташмасди, мадиналикларга тўсатдан аччиқ хабарни рўбарў қиласлик учун ҳозирча билдиришмаяпти, астасекин мағлубиятлари айтилади, деган фикрни атрофга ёйишга ҳаракат қилишарди.

—Мана кўрасизлар, яқинда ахвол ўзгаради. Мухаммаднинг уч юз кишилик палапартиш кўшини қаерда, Қурайшнинг лашкари қаерда!.. Мана, Зайд ҳам Мухаммаднинг туясида қочиб жонини кутқариб қолган, — дейишарди.

Иложи борича таъсирчан шаклда ҳар тарафда шундай ташвиқот қилинарди. Шу қадарки, ҳатто Усома ҳам отасининг қошига келиб:

— Дадажон, ҳақиқатан биз зафар қозондикми? — деб сўрашга мажбур бўлди.

Зайд унинг бошини силади:

— Ўғлим, отангнинг гапи ёлғон эмас, ёлғон гапирмайди ҳам! — деди.

Набийи акрам (с.а.в.) Уқба ибн Абу Муйтни ҳам бошини танасидан жудо қилдирмак суратида жаҳаннамга йўллаганларидан кейин Қурайш улуғларининг кўзларини ўлим қўркуви чулғаб олди. Энди орқамакетин ҳаммаларининг ҳам бу кўприкдаи ўтажаклари, Мадинага боргунга қадар кўзига сал бундай кўринганлар биттабитталаб ўлдирилажаги қаноати зехнларига ўрнашди...

Бу ўлар бир одамни ҳаракатга келтирди. Ёнида уни қўриқлаб келаётган кишига:

— Рухсат берсанг, пешоб қилиб олсам, зўрга турибман, — деди.

Изн берилди. У одам хийла нарига борди, чўқди, эҳтиёжини чиқарадиган бир вазият олди.

Қўриқчи уни, bemalol ўтирсин, дея орқасини ўгириди. Фурсат келди дея йирик дудоқли одам оёгини қўлига олиб қоча бошлади. Бир муддат ўтиб қўриқчи ўгирилди ва асирини жойида топмай бақириб юборди:

— Эвоҳ! Суҳайл ибн Амрни қочирдик!..

Бу хабар бир онда ёйилди. Жаноби Пайғамбаримиз (с.а.в.) дарҳол Суҳайлни ушлашни, ҳатто қаршилик қилса, ўлдиришни буюрдилар. Бир неча киши атрофга ёйилишиди. Измаиз куваётганлар орасида Жаноби Расули акрам ҳам бор эдилар. Ҳеч қанча ўтмасдан Суҳайл Пайғамбарлар имоми саййидимизни кўриб, ортиқ қочмасдан таслим бўлди. Қочганининг жазоси ўлароқ қўллари бўйнига боғланди. Энди то Мадинага етгунга қадар шу ахволда кетишга

мажбур эди.

Сұхайл ва унинг шерикларининг кунлари ўзларига қачон навбат келишини кутиб ва кутувдан туғилған қўркув ила кеча бошлади.

* * *

Жангда қўлга киритилган ўлжалар ҳали ҳам тақсимланмаган эди. Оллоҳ таоло бу масалада нимани буюриши кутиларди. Зеро, ўлжа масаласи ғоят нозик иш бўлиб, уни қўнгил амри билан ҳал этиб бўлмасди.

Ниҳоят, Жаноби Расулуллоҳнинг муборак юзларида ваҳий келаётганидан дарак бергувчи бир ажиб ҳол кўринди. Энди Жанобимиз бу дунё ила алоқалари узилган, бир бошқа оламга кечган каби эдилар. Вужудларидан дувдув терлар оқар, лекин у Зоти шариф балки терлар оқаётганини ҳам сезмас эдилар.

Бу ҳолатларини кўриб, атрофдагилар жим қолиши. Бошлар эгилди. «Раббимиз нимани буюrsa, амри бошимиз устига!» деган маънони англатувчи кутиш бошланди.

Анча вақтдан кейин Набийи акрам (с.а.в.) атрофга табассумли нигоҳ ташладилар. Яна бир оздан сўнг ваҳийни дона дона қилиб ўқий бошладилар:

«(Эй расулим!) Сиздан ўлжалар ҳакида сўрайдилар. Айтинг: «Ўлжалар Оллоҳ ва пайғамбарницидир. Бас, Оллоҳдан қўрқингиз ва ораларингизни ўнглангиз. Агар мўмин бўлсангизлар, Оллоҳга ва унинг пайғамбарига итоат қилинглар». Албатта, Оллоҳ (номи) зикр қилинганида, қалбларига қўрқинч тушадиган, оятлари тиловат этилганида имонлари зиёда бўладиган ва Раббилирагагина суннадиган кишилар (ҳақиқий) мўминлардир. Ўлар намозни тўқис адо этадилар ва биз уларни баҳраманд қилган нарсалардан инфоқ қиласидилар. Ана ўшалар ҳақиқий мўминлардир. Уларга Раббилиари хузурида (яъни, жаннатда) даражалар, мағфират ва улуғ ризқ бордир. (Бу ўлжа тақсимотида чиққан можаро) худди мўминлардан бир гурухи (урушни) аниқ ёмон кўриб турган ҳолларида, Парвардигорингиз ҳақ ҳукм билан сизни уйингиздан (жангтоҳга) чиқарганга ўхшайди. (Ўшанда) улар кўриб турган ҳолларида ўлимга ҳайдаб кетилаётгандек, сиз билан аниқравшан бўлган ҳақиқат (яъни, урушга чиқиш) тўғрисида баҳслашган эдилар. Ўшанда (эй мўминлар) Оллоҳ икки тоифадан (яъни, карvon ё қўшиндан) бирини сизлар учун (ўлжа) қилишга ваъда берган эди. Сизлар қуроляроғсиз тоифа (яъни, карvon) ўзингиз учун бўлишини истаган эдингиз. Оллоҳ эса, ўз сўzlари билан ҳақиқатни муқаррар этишни ва кофиirlарнинг думини қирқиши ирода қилган эди. У гарчи жиноятчиосийлар ёмон кўрсаларда, ҳақни ҳақ, ботилни ботил қилиш учун (шундай ирода қилган эди). Ўшанда Раббингиздан мадад тилаганингизда, у сизларга ижобат қилиб: «Албатта, Мен сизларга кетмакет келадиган минглаб фаришта билан мадад бераман», деди. Оллоҳ фақат хушхабар бўлсин деб ва қўнгилларингиз хотиржам бўлиши учун шундай қилди. Ғалаба фақат Оллоҳнинг даргоҳидан ^бўлур. Ҳақиқатан, Оллоҳ голиб ва ҳикматли зотдир. Ўшанда хотиржам бўлишингиз учун сизларни Ўз тарафидан уйқуга чўмдирган ва поклаб, сизлардан шайтоннинг васвасасини кетказиш учун ҳамда қалбларингизни бир ва қадамларингизни собит қилиш учун устингизга осмондан сув (ёмғир) туширган эди. (Эй Мухаммад,) ўшанда Раббингиз фаришталарга: «Мен, албатта, сиз билан биргаман, бас, сизлар имон келтирган зотларнинг ғалаба қозонишиларига бўлган ишончларини) маҳкамланглар! Мен коғир кимсаларнинг қалбларига қўркув соламан. Бас, уларнинг бўйинларини узинглар ва ҳамма бармоқларини чопинглар», деб ваҳий қилган эди. Бунга сабаб уларнинг Оллоҳга ва унинг расулига қарши турганларидир. Ким Оллоҳга ва унинг расулига қарши турса, бас, албатта, Оллоҳнинг жазоси каттиқдир. (Эй коғирлар,) мана шу сизнинг (жазоингиз)дир, бас, тортаверинглар! Албатта, коғирларга яна дўзах азоби ҳам бордир. Эй мўминлар, коғирлар(нинг ҳужумлари)га дуч келганингизда, уларга орқа ўғирманглар (яъни, қочманглар). Ким ўша (уруш) кунида жанг йўсунини ўзгартириш ёки бошқа бир гуруҳ (мусулмонларга) қўшилишдан ташқари ҳолатда уларга (коғирларга) орқа ўгириб қочса, бас, у Оллоҳ тарафидан ғазаб билан кетибди ва унинг

жойи жаҳаннамдир. Нақадар ёмон оқибата! Бас, (эй мусулмонлар,) уларни сиз ўлдирмадингиз, балки Оллоҳ ўлдирди. (Эй Мұхаммад, уларнинг юзига қўлингиздаги бир сиким тупрокни) отган пайтингизда, сиз отмадингиз, балки Оллоҳ отди. Ва (бу ғалабани Оллоҳ) ўз томонидан мўминларга чиройли инъом бўлсин деб қилди. Албатта, Оллоҳ эшитгувчи ва билгувчидир. (Эй мўминлар,) мана шу (сизларнинг мукофотингиздир). Албатта, Оллоҳ кофириларнинг хийласини заиф қилгувчи зотдир». (Анфол 1-18.)

Бу суранинг давомидаги оятлар ҳам ўлжалардан ва Бадр жангидан баҳс этарди:

«Агар Оллоҳга ва (ҳақ билан ноҳақнинг) ажралиш кунида — икки жамоа тўқнашган кунда бандамиз (Мұхаммад)га туширганимиз (оятлар ва фаришталардан иборат) нарсага имон келтиргувчи бўлсангизлар, билингларки, ўлжа қилиб олган нарсаларингизнинг бешдан бири Оллоҳ учун, пайғамбар учун ва у зотнинг қариндош-уруғи, етимлар, мискинлар ва мусофирилар учундир. Оллоҳ ҳамма нарсага қодирдир. Ўшанда сизлар (Мадинага) яқинроқ тарафда, отликлар (яъни, сизлар ўлжа қилиб олмоқчи бўлган карвон) эса сизлардан қўйироқда (денгиз соҳили бўйлаб кетмоқда) эди. Агар мушриклар билан жанг қилиш учун (аввалдан) ваддалашганларингизда, бирон муайян вақтга келиша олмаган бўлар эдингизлар. Лекин Оллоҳ ҳалок бўлгувчилар (яъни, кофирилар йўлини тутгувчилар) очиқ хужжат билан (яъни, Оллоҳнинг мўъжизасига гувоҳ бўлган ҳолларида) ҳалок бўлсинлар, тирик қолгувчилар (яъни, имонга келгувчилар) ҳам очиқ хужжат билан тирик қолсинлар, деб қилинадиган ишни (яъни, мусулмонларнинг ғалаба қозонишларини, кофириларнинг мағлуб бўлишларини) амалга ошириш учун (сизларни тасодифан тўқнаштириб қўйди). Шакшубҳасиз, Оллоҳ эшитгувчи, билгувчидир. (Эй Мұхаммад,) сизга туширгизда Оллоҳ уларни оз кўрсатганини эсланг! Агар сизга уларни кўп кўрсатганида эди, албатта сизлар сустлашиб қолган ва бу иш (яъни, кофириларга қарши жангга киришиш) хусусида тортишиб қолган бўлар эдингизлар. Лекин Оллоҳ сизларни бундан сақлади. Албатта, у дилларни эгаллаб олган сирларни билгувчидир. (Эй мўминлар,) Оллоҳ қилинадиган ишни амалга ошириш учун тўқнашган пайтларингизда сизларнинг кўзингизга уларни кам қилиб кўрсатганини, уларнинг кўзларига эса сизларни оз қилиб қўйганини эсланглар! Барча ишлар Оллоҳга қайтариш». (Анфол, 41-44.)

Бу оятларни етказгандаридан сўнг Жаноби Расулуллоҳ (с.а.в.) ўлжанинг бешдан бир қисмини бир томонга айириб қўйдилар, қолганларини суворийларга икки, яёвларга бир ҳиссадан қилиб, тенгматенг тақсимладилар. Зотан, қўшин ичидан борйўғи икки кишигина отлик эди.

Ғазотда иштирок этолмаган, аммо Расулуллоҳ (с.а.в.) тарафларидан бир вазифа юкланиб қолдирилган ва ё қатнашишни хоҳлагани ҳолда бора олмаганлар ҳам бор эди, Жанобимиз уларга ҳам бир ҳиссадан ажратиб бердилар. Руқаййанинг эри Усмон ибн Аффон, Мадинага волий этиб тайинланган Абу Лулоба, Бадр ғазоти деб йўлга чиққан, лекин туюдан йиқилиб жароҳатлангани учун мажбуран ортига қайтариб юборилган икки киши шулар жумласидандир.

Шаҳидларнинг оиласирига ҳам бир ҳиссадан ажратилди.

Шундан кейин Жаноби Фахри коинот Саъд ибн Абу Ваққосга ўғирилдилар.

— Кел, эй Саъд, — деб ёнларига чорладилар.

Саъд Расулуллоҳни кузатди. Ичини бир қўрқув ва ҳаяжон қоплади. «Ажабо?» дер, бироқ у ерга яқинлаша олмас эди.

Дархақиқат, Бадрдан бери қўз тикиб қелгани қилич Жаноби Набийи акрам (с.а.в.) ҳиссаларига тушгач, юраги кўксига сиғмас даражада ура бошлади. Битта қилич учун шунча ялинганимнинг жазоси ўлароқ мен ҳакимда бир ваҳий инадиёв, энди жазо олишим муҳаққақ, ҳали кўрасан, эй Саъд, деб мулоҳаза юритарди у.

—Бу қилични сенга беришимни хоҳлаган эдинга?

—Ҳа, эй Оллоҳнинг расули.

— Ўшанда, бу қилич на сеникидир ва на меникидир, деб жавоб қилган эдим. Аммо энди бу

қилич менинг ҳиссамга тушди. Мен эсам, уни сенга ҳадя қиласман, — дедилар Расулуллоҳ юзда табассум ила.

Саъд кўксини сиқиб турган ғашлиқдан севгили пайғамбари сўзларини тугатишлари билангина қутула олди. Мамнуниятла жилмайди. Оллоҳнинг расулига ташаккурларини биядирди. Устмауст икки дафъа мурожаат этадиган даражада қиймат берган эди бу қиличга. Аммо энди унинг Яйада бошқача, янада устун қиймати бўлажак, умрининг борича уни ҳақ йўлида қўллаяжак, уни Расулуллоҳнинг (с.а.в.) бир ҳадяси, Бадрдек унтилмас бир зафарнинг бир хотираси ўлароқ билажак.

— Сен ҳам кел, эй Али!

Ҳазрати Али (р.а.) «Лаббай!» дея чопиб келди. Жаноби Пайғамбаримиз қўлларида яна бир қилич тутиб турадилар. У аслида Ҳажжож ўғли Мунаббихга тегишли бўлиб, Курайш орасида хос ўлароқ «Зулфиқор» оти билан машхур эди. Шуни Алига узатдилар:

— Менинг ҳадям бўлсин, — деб марҳамат қилдилар. Булар ўлжадан илк дафъа ажратилгай бешдан бир ҳисса ҳисобидан берилаётган эди. Али билан Саъд Жаноби Расулуллоҳдан айрича бир икром қўрганларининг севинчи ила жойжойларига қайтдилар.

Мадинада қолган мусулмонлар Бадрдан қайтаётган биродарларини буюк ғалаба билан кутлаш учун шахардан ташқари чиқишиди ва уларни «Равҳо» деган жойда кутиб олишди. Бадр сари борилаётганида ҳам Жаноби Пайғамбаримиз (с.а.в.) илк қўноқ қилиб шу жойни танлаган эдилар. Ёшларни шу ердан орқага қайтариб юборган эдилар...

Усайд ибн Хубайр одоб, хурмат безаган бир овоз ила:

— Эй Оллоҳнинг расули, зафарингизни Оллоҳ муборак қилсин! — дея табриклиди, сўнгра бир оз ўқинчаралаш туйгулар билан давом этди: — Аммо, қасам ичаманки, сизни жангга эмас, карvonни қаршилашга чиққансиз деб ўйлаган эдим. Акс ҳолда, асло бу ёқда қолмаган, мутлақо сиз билан бирга борган бўлар эдим.

Бу сўзларнинг самимий эканини Расулуллоҳ (с.а.в.) жанобимиз шахсан ўzlари тасдиқладилар:

— Тўғри айтяпсан, эй Усайд, — дедилар.

Тобора Мадинага яқинлашиларкан саййидимиз (с.а.в.) Раббилирига шукрларини бундай ифода этардилар:

— «Оллоҳдан бошқа ҳеч бир илоҳ йўқдир. Ягонадир, ҳеч бир шериги йўқдир. Мулк Унга оиддир. Ҳамд Унга маҳсусдир. У ҳар нарсага қодирдир. Унга қайтамиз, хатоларимиз учун Унга тавба қиласмиз. Қуллигимизда доиммиз. Раббимизга ҳамд айтамиз. Улуг Оллоҳ ваъдасини ўринлатди, қулига ёрдам берди ва бизга қарши тўпланган душман гурухларини Ўзи тормор этди».

Нихоят, Жаноби Расулуллоҳ (с.а.в.) лашкар билан бирга шаҳарга кириб келдилар. Мадинадан чиқаётганларида Оллоҳнинг ваъдасига ишониб ва суюниб йўлга отланган эдилар, энди бу ваъданинг том ва муқаммал шаклда рӯёбга чиққанини кўриб қайтдилар. Мавлоларига сўнгсиз ҳамд ва шукрлар арз этиб келдилар.

Бу пайтда Рамазон ойи охирлаб қолган эди. Шу сабабдан шаҳарга киракирмас такрор рӯза тута бошлашди. Рамазон ойи чиққанидан кейин Бадр кунларида тутилмаган рўзалар миқдорича рӯза тутиб берилади энди.

Асиirlар уймаий тақсимланди. Қочишига уринган Сухайл ибн Амр қўллари бўйнига боғлиқ ҳолда Расули акрамнинг (с.а.в.) уйларига келтирилди. Пайғамбаримизнинг хотинлари Савда таъзия билдириш учун қўшниникига чиқиб кетган эди. Уйга қайтиб, қабиласининг кўзга кўринган кишиларидан бўлмиш Сухайлни қўли бўйнига боғли ҳолда кўрдию ҳаяжонини боса олмади:

— Эй Абу Иазид! Ўзингизни бундай арқонлатгандан кўра, шарафингизла ўлишни эплай олмадингизми?! —дея ҳайқирди.

Савданинг бу иши Жаноби Расулуллоҳга (с.а.в.) оғир ботди. Пайғамбар завжаси бўлишдек бир саодат тожини бошига кийган Савда қозонилган зафар билан аввало Сарвари анбиё жанобимизни қутлаши лозим бўлгани ҳолда, бир мушрикка бундай дейиши узрли эмасди. Бу жангни мушриклар бой берганидан қайғу чекаётган каби бир туйғу ичига кирган эди. Шу сабабдан ўзи лойик бўлган озорни бizzot Султони анбиё жанобимиздан эшилди:

— Эй Савда, — дедилар Пайғамбари Зишон, — сен бу сўзларни Оллоҳга ва расулига қарши айтяпсанми?

Жанобимизнинг овозларидағи ранж ва жиддиййатдан Савда эсини бошига йиғди.

— Ё Расулуллоҳ, сизга пайғамбарликни берган Оллоҳ номига қасам ичаманки, Абу Йазидни қўллари бўйнига боғли ҳолда қўриб, ўзимни тия олмай қолдим, — деб жавоб қилди.

Сухайл бахил кишилардан эмасди. Сарвати кўп, ўзи жўмард эди. Булардан ташқари нотик бир хатиб эди. Усома ҳам уни таниб:

— Ё Расулуллоҳ, бу одам Маккада ҳалққа тирит¹ тарқатган киши эмасми? — деб сўради.

Шунда Жанобимиз:

— Ҳа, ўша. Лекин бу ишининг орқасида Оллоҳнинг нурини сўндиришга ҳам ҳаракат қиласди, — деб жавоб бердилар.

Бошқа асиrlар ҳам уййларга тақсимланиб, ҳар бирига инсондай муомала этиш буюрилди. Бу буйруқ асиrlарни уялтирадиган даражада ўрнига қўйиб адо этилди. Қўлга қандай емак тушса, энг яххиси уларга берилди. Аввал уларнинг қорни тўйғазиларди.

Савда эса, ножӯя ҳаракатининг жазосини кута бошлади. Энг қўрқадигани — талоқ олиш ва «Мўминларнинг онаси» деган шарафни йўқотиш эди. Ўзининг навбатини Ҳазрати Ойишага (р.а.) бериш эвазига талоқ қилинmasлики сўраб, ўртага рижочи одам қўйди ва афв этилди.

* * *

Жаноби Расулуллоҳнинг (с.а.в.): «Саҳарлик қилинглар ва енглар. Чунки саҳарликда барака бор», деган тавсияларига мувофиқ яна саҳарликлар бошланди, яна рўза ибодати давом эттирилди. Оллоҳ фарқ қилган ғоят қийматли бу ибодатни уйғоқ кўзлар билан, уйғоқ қалблар билан бошлашнинг ҳузури туйилди. «Бисмиллоҳ...» билан, Буюк Мавло мададкор бўлсии деган тилаклар билан емаклар ейилди, кейин «Оллоҳим, Сенинг хушнудлигинга эришиш ниятила рўза тутяпман», деган тушунча остида кунбўйи давом этадиган ибодатлар бошланди.

Расулуллоҳ (с.а.в.) саҳобалари билан бир сухбат чоғида бундай тавсиялар қилдилар:

— Рўза тутган одам ёмон сўзлар сўзламасин, жоҳиллик қилиб қўпол ишлар қилмасин. Агар бирорта одам унга ёмон сўз айтса ёки ғавғо чиқармоқчи бўлса, жавоб бермасин, «мен рўза тутганман... мен рўза тутганман...» деб ўзини қўлга олишга ҳаракат қилсин.

Қисқа ва сермаъно ифодалар эди бу гаплари. Рўза тутган кишининг тилига, қўлига ва том маъносила нафсиға ҳоким бўлиши лозимлигини англатарди. Мўмин бир томондан Оллоҳга ибодат ҳолида турсаю, иккинчи томондан бошқалар билан ғавғолашиб юриши, ноxуш ишлар қилиши ҳеч ярашмас эди, бирорнинг ноxуш ишларига ҳам жавоб бермаслиги,⁴ ибодат ҳолида эканини доимо ёдда тутиши тавсия этидди.

Жанобимиз (с.а.в.) бу мавзууни қўйидаги сўзлари билан янада ойдинлаштириб бердилар:

— Рўза тутганлардан қанчасининг эришгани фақат очликдир. Кечалари ибодатга турадиган яна қанча одамнинг қўлга киритган фойдалари фақат уйкусизликдир. Оллоҳ таоло бундай марҳамат қилади: «Инсоннинг ҳар бир амалига қатқат кўпайтириб жавоб берилади. Бир яхшиликка ўн мислидан етти юз мислигача савоб ва мукофот берилади. Аммо рўза менга оиддир. Унга қиймат бериш ҳам Ўзим биладиган ишдир. Чунки рўза тутган одам хоҳишлирини,

¹ Тирит — арабларнинг энг севикли овқатларидандир. Нон тўғралади, устидан гўшт қайнатилган сув қуйиб аралаштирилади. Ҳали бола ёшида бўлган Ўсоманинг ҳам диккатини торгадиган даражада ҳалққа таом едиргани англашилади бу воқеадан.

овқат ейишга бўлган истакларини Менинг розилигимни қозониш мақсадида тарқ этади».

Жанобимиз (с.а.в.) билдирган бу мукофотлар у Зот англатганлари каби рўза тутган кишиларга эканида шубҳа йўқ. Бирорни ранжитмасдан, бирорларнинг жоҳилликларига жавоб бермасдан, ибодат ҳолида эканини ёдда сақлаб, бу вақтларининг қадрини ўрнига қўя олган инсонларга насиб этарди бу мукофотлар.

Ҳазрати Расулуллоҳ (с.а.в.) сўзларини бундай давом эттиридилар:

— Рўза тутган одам түядиган икки фароғат бор: бири оғзини очиб Оллоҳнинг неъматини тотган вақтда, иккинчи Раббига қовушган ва рўзасининг мукофотини олган вақтда... Оллоҳ наздида рўза тутган одамнинг оғзининг ҳиди сизлар мушкка берган қийматдан ҳам устундир. Жаннатда «Район» деб аталган бир эшик бор. Рўза тутганлар Қиёмат куни шу эшиқдан киражаклар. У кун фаришталар томонидан: «Рўза тутганлар қани?!» деб чорланишади. Келишади ва у эшиқдан киришади. Энг охиргилари кириб бўлганларидан кейин у эшик ёпилади ва бошқа ҳеч ким бу бу эшиқдан ичкари олинмайди.

— Ё Расулуллоҳ, жаннатнинг ҳамма эшикларидан чақириладиган ва кирадиганлар бўладими? — деб сўради Абу Бакр.

— Ҳа. Умид қиласанки, сен жаннатнинг ҳамма эшикларидан чақириладиган баҳтли инсон бўласан, — деб муждаладилар Жанобимиз (с.а.в.).

Нигоҳлар ҳавас билан боқди Ҳазрати Абу Бакрға... Қулоғидан кирган бу жумланинг кувончини руҳининг энг теран бурчакларида хис этган, борлигининг бутун зарралариға сингдирган бир инсондай, кўзларидан оқаётган ёшларга ҳам парво қилмай йиғларди Абу Бакр...

Бундай мақомга унинг ҳар жиҳатдан лойиқ эканини ким инкор эта оларди!

Бу орада масжидга бир хотин кириб, Расулуллоҳга (с.а.в.) мурожаат қилиб қолди:

— Эй Оллоҳнинг пайғамбари! Ўғлим Ҳорисани қандай яхши кўришимни биласиз. Яна биласизки, сиз билан бирга кетди, лекин қайтмади. Агар у жаннатда бўлса, сабр қиласан. Бордию ундан бўлмаса, мен тўқадиган кўзёшларимни бир кўринг, — деди.

Онанинг нолаи зорини эшитиб турганларнинг хаёлида сув ичаман деб қудук бошига етиб, бир дайди ўққа учраган Ҳориса жонланди. Жанобимиз жавоб қилдилар:

— Нималар деяпсан, эй она, сен фақат битта жаннат бор деб ўйлайсанми? Кўп жаннатлар бор. Сенинг ўғлинг Фирдавс жаннатидадир.

Юраги ёниқ она:

— Э воҳ, энди сабр қилсам бўлади, — дея хотиржам уйига кетди.

* * *

Жаноби Расулуллоҳ (с.а.в.) асиirlарга кўрсатилиши керак бўлган муомала хусусида асҳоблари илиа маслаҳатлашдилар. Ҳазрати Абу Бакр (р.а.) уларнинг ҳаётларини сақлаб қолиш, товоонпули олиб озод этиб юбориш фикрида эди.

— Эй Оллоҳнинг пайғамбари! Булар сизнинг қабиладошларингиз ва акраболарингиздир. Мен улардан фидя олишни ва ҳаётларини сақлаб қолишни мақсадга мувоғик кўраман. Улардан оладиганимиз маблағ биз учун кофирларга қарши курашимизда қувват бўлади. Яна, умид қилинадики, Оллоҳ таоло ҳам шояд уларга ҳидоят берса, ҳатто бизга мададкор бўлсалар ҳам ажаб эмас.

Расули акрам Ҳазрати Умарнинг (р.а.) фикрини сўрадилар:

— Сен нима дейсан, эй Хаттобнинг ўғли?

— Валлоҳи, мен Абу Бакрдан бошқача фикрдаман. Менингча, биз бундай қилишимиз керак: менга буюринг, акрабомдан фалон шахсни ўлдирайин, Алига амр қилинг, оғабейи (акаси) Оқилни ўлдирисин. Ҳамзага буюринг, биродари Аббоснинг бошини олсин. Токи Оллоҳ таоло қалбларимизда мушрикларга нисбатан бир марҳамат туйғуси бўлмаслигини душманларимизга билдирисин. Булар мушрикларнинг бошликлари, заарли, тиштироқли раисларидир.

Ҳазрати Умарнинг бу қараши Бадр жангининг руҳига ҳам жуда мос эди. Ҳар икки тарафни

кўшса, бир минг юз кишидан кўп ҳам ошмайдиган рақибларнинг таркиби, дарҳақиқат, одамни ажаблантирали даражада ғалати эди: бир тарафда Ҳазрати Али, бошқа тарафда акаси Оқил; бир тарафда Ҳамза, у тарафда акаси Аббос... туришарди. Яна, шунингдек, бир-бирига жуда яқин қариндош инсонлар бир-бирларига қарши қурол кўтарган ҳолатда эдилар. Масалан, Ҳазрати Пайғамбарнинг (с.а.в.) сафларидан жой олган Абу Ҳузайфанинг отаси, акаси ва амакиси мушрикларнинг олди қаторларини ишғол этишар эди.

Бу жанг қандай бошланган бўлса, шундай тугаши, бошланишига уйғун шаклда давом этиши лозим эди. Ҳам, шу кунга қадар қилинган ҳисобсиз разилликларнинг яхшигина бир жазоси берилган бўлар, «Раббим Оллоҳдир» дейишдан бошқа «айби» бўлмаган инсонларга етказилган мусибатларнинг интиқоми ҳам шу тахлит олинар эди.

Асхоб орасидан Ҳазрати Умарнинг фикрига бир Саъд ибн Муоз қўшилди. У ҳам, то Бадр уруши давом этар экан, қочганларнинг асир қилинишларини хуш кўрмаганини, тутилган жойларида ўлдирилишларини тўғри деб Жанобимизга арз этган эди.

Бошқа кўпчилик Ҳазрати Абу Бакрнинг фикрини қабул этди. Чунки асирлардан олинадиган ҳақ ҳисобига озмиқўпми фаровонликка эришишардида. Курайшдан интиқом олиш мавзуига келинса, зотан Бадрда етарлича интиқом олинди ҳам. Қозонилган зафарни камситишига ҳеч кимнинг ҳаққи йўқ.

Натижа шу бўлдики, Жаноби Расулуллоҳ кўпчиликнинг фикрига қўшилдилар. Асирлардан товонпули олиниб, эвазига озод қўйиб юборишга қарор берилди.

Бу хабар асирлар орасида севинчла қаршиланди. Йўлда Надр ибн Ҳориснинг ва Уқба ибн Абу Муйтнинг ўлдирилиши жуда кўпларининг кўзларини қўрқитган, ўзларини келгусида бўғизлашга ҳозирлаб қўйилган қўйлар каби тасаввур эта бошлашган эди. Йўлда Сухайл ибн Амрнинг қочишига уриниши ҳам шундан эди.

Маккага одам юбориладиган ва, «Асирларнинг эгалари келсин», дейиладиган бўлди. Олинажак товонпулининг энг кўп микдори тўрт юз дирҳам эди. Камбағалроқ оилалардан уч юз, икки юз, ҳатто юз дирҳам олинган ҳол ҳам бўлди.

* * *

Жаноби Пайғамбаримизнинг амакилари Аббос келтирилди. Расулуллоқ (с.а.в.) унга:

— Ўзинг билан бирликда жиянларинг Оқил билан Навфалнинг ҳамда иттифоқчинг Утбанинг ҳам товон пулларини сен тўлайсан, — дедилар.

Аббос бунча одамнинг товонпулини тўлаш бир ёқда турсин, ҳатто ўзи учун ҳам бир тийин бергиси йўқ эди. Умр бўйи тижоратга ва фоизга ишлаган закоси бу ерда ўзини кўрсатажак эди:

— Мен мусулмон эдим, — деди. — Жангга келмоқчи эмасдим, Курайш мени зўрлаб келтирди.

Жаноби Пайғамбаримиз бу узрни қабул этмадилар:

— Сенинг мусулмонлигинги ё мусулмон эмаслигингни Оллоҳ билади. Айтганинг тўғри бўлса, мукофотини ҳам Оллоҳ беради. Аммо ҳолат шуки, жангда асир олдик. Сен ҳам бизнинг қаршимизда бизга қарши урушганлар билан бирга эдинг. Шу онда товонпулини тўлашга маж бурсан.

Аббос яна айёрлик қилмокчи бўлди:

— Мени тутганларингизда ёнимда фалонча микдорда олтиним бор эди, олдиларинг. Ўшани товонпули ҳисоблашларинг мумкин, — деди.

— Бўлмайди, — деб жавоб қилдилар Жаноби Расулуллоҳ. — Биз уларни уруш ўлжаси ўлароқ қўлга киритганмиз.

— Аммо менинг улардан бошқа молим йўқ. Мени Макка кўчаларида тиланчилик қилиб юришга мажбур этасанми, эй Муҳаммад?

— Хўп, аммо у олтинлар қани? Уларга нима бўлди?

— Қайси олтинларни айтяпсан.

— Уммул Фазлга омонат қўйиб келганинг олтинлар... Эсингдами, у билан видолашаётib: «Бу сафарда бошимизга нелар келишини билмаймиз. Мабодо қайтмасам, булар сенга бўлади, мана бу қисмини эса, Фазл, Абдуллоҳ, Убайдуллоҳ ва Қусамга бўлиб берасан», демаганмидинг?..

Аббос ҳайратини яшира олмади:

—Ажабо, буларни сенга ким хабар берди?.. Қасам ичаман, олтинларимни унга бераётганимда ва бу сўзларни сўзлаётганимда ўртамиизда бошқа ҳеч ким йўқ эди!..

—Оллоҳ хабар берди, — деб жавоб қилдилар Расули акрам (с.а.в.).

—Мен шоҳидлик билдираманки, сен Оллоҳнинг расулисан, — деб юборди Аббос.

Бу сухбат асҳоби киром иштирокида бўлаётган эди. Аббоснинг мусулмон бўлиши ҳаммани севинтириди. Шу билан бирга, у барибир истанилган товонпулини тўлаш мажбуриятида қолдирилди. Ҳам энг баланд қиймат бўлган тўрт юз дирҳам ҳисобида...

Кимдир таклиф киритди:

— Ё Расулуллоҳ, изн берсангиз, амакингиз Аббосдан товонпули олинмасин.

Жанобимиз бу таклифни кескин рад этдилар.

— Валлоҳи, бошкалардан қандай тўлиқ олинган бўлса, бу кишига ҳам бирдай муносабатда бўлинглар!— дедилар.

Иккинчи китоб битди